





UN



GENT



~~XII, 4~~
9308

~~4022~~

ROMANI
PONTIFICIS
PRIVILEGIA.



1. 11. 11

1. 11. 11

1. 11. 11



ROMANI PONTIFICIS

PRIVILEGIA

Adversus novissimos Osores
Vindicata.

DUPLEX DISSERTATIO

CUM

DUPLICI APPENDICE.

AUCTORE

F. ALOYSIO M. LUCINO

*Ord. Præd. S. Tb. Magistro, & in
Urbe Commissario Generali
sancti Officii.*

EDITIO SECUNDA AUCTIONIOR,

*In qua Anonymi dissertatio apologetica, seu infal-
libilitatis Pontificæ justis terminis circum-
scriptæ explicatio atque defensio ex-
pendiur, & refutatur.*



VENETIIS MDCCXXXV.

Apud Bartholomæum Javarina.

SUPERIORUM PERMISSU.



P R Æ F A T I O .

C Oncuti possumus , constantia vacillare nec possumus nec debemus: Quemadmodum enim contra stimulum calcitrando , ipsi nos compungimur , perinde est manifestæ veritati reniti , & ad opposita divertere ingenium. Res se prodit , quum de Romani Pontificis privilegiis , divina tantum largitate concessis , fastidioso animo quis agere aggreditur , & quum ea labefactare frustra conatur , omnem machinam admoveat , & per commenta quætere saltem , & exagitare molitur . Anno. 1730. e Typis Luxemburgensibus inopinato erupit bipartitum volumen ,

hoc inscriptum titulo: *Defensio declarationis celeberrimæ, quam de potestate Ecclesiastica sanxit Clerus Gallicanus XIX. Martii MDCLXXXII. ab Illustriss. ac Reverendiss. Jacobo Benigno Bossuet, Meldensi Episcopo ex speciali jussu Ludovici Magni Christianissimi Regis scripta, & elaborata; Nunc primum in lucem edita, summoque studio ad fidem autographi Codicis exacta. Opus omnigena arte elaboratum de Ecclesiastica potestate gestit jura sancire, quum ea evellat, & destruat, eradicet, ac dissipet. Et quidem in capite, ut illo avulso cætera corporis mystici membra flaccescant, & pereant. De vetusta traditione prope finem*

cur.

cursum sermo percurrit ; Pa-
tres vel præterit, vel obtrun-
cat. Potissime Scriptores cali-
ginosæ ætatis discutit ; & ut
veritatem cæcutientibus invol-
vat, ex diffidiis, ex schisma-
te argumenta deducit, quæ
mentem obnubilant, prorum-
que flectunt animum ad simi-
lia cienda . Toto conatu in-
cumbit, & urget, ut Sess. i v.
& v. Concilii Constantiensis
decreta evincat, & in obtor-
tum sensum traducat; perin-
de ac si tota Ecclesiæ tradi-
tio, & Conciliorum, & Pa-
trum, maximeque Romano-
rum antiquiorum Pontificum
palantes Sanctiones, decreta,
& testimonia extra traditio-
nem avitam ableganda sint,

ne novitatem delumbent. Ec-
quis sibi animo fingere un-
quam poterit, Jacobum Be-
nignum Bossuet Episcopum
Meldensem hujus operis au-
ctorem fuisse, qui apprime e-
doctus in profligandis hære-
sum monstris, detegendisque
novantium latebris, noverat,
qua incedendum sit, ut veri-
tas inviolati thori sponsa ab
irruentibus hostibus eripatur,
ac vindicetur? Nonne perpe-
tuo ille Episcopus usus est A-
postolica, & Ecclesiastica tra-
ditione ad revincendos fidei
osores, & dogmatum insensif-
simos præstigiatores? Postre-
mo cogitandus erit sui peni-
tus oblitus, ut pessundata per-
vetusta Ecclesiæ doctrina, ad
no-

novitatem obtrudendam calamum admoverit, de Schismate in Schisma argumentum abripiens ? Itaque in male parto opere totum se effundens in damnum, injuriamque Pontificiæ auctoritatis, qua vacillante tota potestas Ecclesiastica perturbata prodigitur, & exhauritur, aliquis male compos animi voluit suum caput obtegere, ascito eximii viri nomine, ne callida ars deesset, qua simplicibus fucum faceret, & virum suum potentius afflaret impunis.

Vix lenitate sapientum, atque proborum contemptu, quo liber exceptus est, beneficii videbatur toxicum conso-

pi-

pitum, quum ecce typis Patavinis alterum opus procusum sequenti titulo adornatum: *De Romano Pontifice inferendo de fide, moribusque iudicio, falli, & fallere nescio: Eodemque Conciliis Oecumenicis auctoritate, potestate, jurisdictione, superiori: Dissertatio duplex. Accedit Appendix de mente Ecclesiae Gallicanae, & Academiae Parisiensis circa duo illa Sedis Apostolicae privilegia. Auctore F. Jacobo Hyacintho Serry Ord. Præd. S. T. M. & in Academia Patavina primario Sacrae Theologiae Professore. Præclari tituli lenocinio, & illustri auctoris fama illectus animus avidius adspexit opus, & mentem adjunxit. Verum in limine spes tota lecto-*

ctorem sefellit. Etenim agens de Pontifice Romano falli, & fallere nescio, quum de fide, moribusque iudicium dicit, totum privilegium ad consensum Ecclesiæ specialis Romanæ devolvit, exuitque potiori gemma Pontificium, qua gestiebat in titulo profiteri insignitum divinitus. Qua vi argumentorum, qua Patrum auctoritate, qua Ecclesiæ traditione hæc commenta obtrudantur, altum silentium: Ut inde compertum fieret male adinventam opinionem suo in ortu occubuisse.

Cogitaveram concisæ tot plagis auctoritati fore tandem parcendum, quum hoc eodem anno 1733. recrudit vul-

RUS

nus per Placitum Parisiensis Senatus , quo repetitis spiculis in Pontificia privilegia favire nedum per summam injuriam visum est , sed una quoque ad labefactandam episcopalem curam erga gregem sibi commissum , ne ab hæreticis deciperetur , efferato animo insurgere . Hujusmodi facinora animum vehementer commovent , dum veretur , ne desidiæ indulgens pacatior cernat innocentes in devia corruiere . (1) Maledictionibus repleti singularis tessera est eorum , qui Christo adhærent . Attamen satis non est cum Apostolo clamare : (2) *Maledicimur* ,

(1) 2 ad Tim. 3. 12.

(1) ad Cor. 4. 12.

mur, & benedicimus, persecutionem patimur, & sustinemus, blasphemamur, & obsecramus. Ingemiscere cogimur, & quidem iuste: (1) quoniam cogitaverunt unanimiter, simul adversum te testamentum disposuerunt, ut devicta Ecclesiastica potestate, exuta imperio Ecclesia coacta sit vivere sub tributo. O miseram temporum, rerumque conditionem! Quo trahit unumquemque voluptas? Vexatur Ecclesia, fides concutitur, hæreses expansis audaciæ viribus supercilium tollunt; & ubi bellum adversus Christi hostes conflagrare opus esset, in Romanum detorquetur Pontificem,
in

(1) Pfalm. 82. 6

in ecclesiasticam potestatem
manus & arma convertuntur,
ut prostrata ejus virtute cun-
cta simulturbentur. Antiqua
Ecclesiæ traditio divinis, &
evangelicis consignata literis
inviolata jugiter voluit Pon-
tificia privilegia, voce Christi
donata, Conciliorum Sanctio-
nibus prædicata, ac Patrum
decretis concelebrata, hæreti-
cis dumtaxat invisa, & infen-
sa. Quo fato, qua innovandi
libidine, vel temporis injuria
factum sit, ut antiquis con-
temptis doctrinis opportune,
vel importune ad fabulas, &
jurgia calamus convertatur, il-
li norunt qui animadvertunt,
quod origo dissidiorum sem-
per divagatio fuit, & inobe-
dien-

dientiae studium . Novella
nunc, & teterrima lues una
secum rapit dogmata, Eccle-
siam, atque fidem , Sublato
quippe capite, & Judice infal-
libili quæstionum de fide , u-
nusquisque propria volubilita-
te abreptus in pugnantes opi-
nationes effunditur : (1) *Sub*
cujus necessitatis tanquam impro-
babili occasione , scribendæ , atque
innovandæ fidei exinde usus inole-
vit ; ut verbis utar Hilarii . Et
postquam cœptum est nova
potius condere , quam accepta
retinere , nec vetera defendi
conspiciuntur , nec innovata
firmari , adeout facta sit fides
temporum , neutiquam Eccle-
siae

(1) ad Constan. l. 2.

fiæ Catholicæ . (1) *Non erubescimus stultitiæ , non nosmetipsos irreligiositatis arguimus , Dei arguimus , Dei arcanis , Dei virtutibus calumniantes ?*

His plane virtutibus , arcanorumque mysteriis institutus a Christo probatur in Petro Pontifex Maximus , qui totius ovilis supremus sit Pastor , universæque Ecclesiæ Pater , Magister , & Judex , ut inde universæ gentes , & populi addiscant , cui in Ecclesia militante debeant animi obsequium , mentisque obedientiam puram . Aliter sapere , nescire est ; & vinculum pacis arumpere , sine qua Ecclesia Christi nequit consistere . Cuncta

cta

(1) Hilar. l. 1. ad Const.

cæta recte disposita ordinem exigunt. (1) Nimirum ut infima a mediis , media a superioribus connexa dependeant , quin Unum desideretur , a quo cætera regantur , ut in ordine contineri suo pro indefectibili sapientiæ modo , compellantur . Qui aliter turbare conati sunt , perturbati ab Ecclesia excesserunt , & in confusionis barathrum irruerunt . Omnibus perspectum est , quanta in conversione rerum , ac perturbatione versentur Ecclesiæ negotia , quanta sit ubique trepidatio , qui tumultus , quæ turbæ , quæ tempestas , quantæ procellæ . Nunquid tamen unicuique deest malo

††

re-

(1) Pius II. in Bull. retract.

remedium? Convertamur ad
Dominum , ipseque pro sua
infinita Clementia vicissim ad
nos convertetur . Suo quisque
muneri respondeat , neque or-
dinem divino nutu decretum
pervertat . Pontifex summus
sua gaudeat potestatis plenitu-
dine in ovile , & oves , cujus-
cumque conditionis sint , ne
extorres ab ovili Christi judi-
centur , qui subesse Pastori de-
rectant . Cæteri subalterni
Pastores præsent , & pascant
populum sibi commissum ,
forma facti gregis ex animo ,
ut fidem augeant , & mores
in melius reformat , salva de-
bita obedientia tum in Syno-
dis , tum extra , ei , qui sum-
mus præest . Principes suum
gla.

gladium portent ; (1) Ministri quidem sunt Dei , vindices in iram illis , qui malum agunt , ut Apostolus monet ; strictius tamen reddituri Deo rationem , quo magis a timore hominum distant . Magistratus suo sint contenti jure administrandi Rempubicam , justī , & æqui defensores , dimissis Sacerdotibus Dei spiritualibus curis , quemadmodum providecavit Rex Christianissimus (2) Ludovicus XIV. lato edicto anno 1695. Tandem qui laici sunt , sciant reverenter obtemperare debere Sacerdotibus , non præesse . Qui Sacerdotali eminentia præstant ,

† † 2

no.

(1) ad Rom. 13. 4.

(2) Cap. 11. cap. 34. & 35.

noverint in ædificationem ,
non in destructionem Domus
Dei se præordinatos fuisse .
Nemo sibi blandiatur , fas
esse statutum ordinem : va-
riare , aut miscere , vel mo-
ris , vel temporis callide ascita
consuetudine . Quæ divina
decernuntur providentia , li-
bertate hominum non permit-
tuntur commoveri , sed Ulte-
rem ipsum Deum transgressor
experietur . Faxit Deus , ut in
bonum monstra convertantur ;
omnia componantur ad unum ;
penitus novitates obsolescant ,
& quæ majorum auctoritate
tradita sunt , altius infixæ ani-
mis postliminio revocentur .
Recedat quidquid humana a-
dulatione invec̃tum est , & e-
li-

liminata præpostera politia ,
quæ causam Religionis cor-
rumpit, conemur desciscere ab
iis, quæ pacem, atque con-
cordiam Sacerdotium inter, &
imperium nedum intercipiunt,
sed funditus abrumpunt, &
dissipant.

Ad hæc farcienda, violata
in primis Romani Pontificis
privilegia pro viribus vindica-
re annitar, quem ut indefe-
ctibilem in fidei, morumque
definitione Judicem, Ecclesia
Universa etiam in Concilium
coacta Superiorem auctorita-
te, potestate, ac jurisdic-
tione colo, & complector. Sum-
mum mihi decus cessurum ar-
bitror, si quantulacumque por-
tione mea tantæ rei vim adji-

† † 3

ciam;

ciam; non eo fascino illectus
ut vice Atlantis Pigmæus va-
leam Cælum sustinere; sed ea
fiducia fretus, qua etiam puer-
iles manus in perniciem gi-
gantum, in nomine Domini
instructæ, palæstram subeunt.
Traditione innixa evangelicis
constitutis hostes aggrediar,
potiorique loco distribuam eo-
rumdem Romanorum Ponti-
ficum auctoritates, quibus o-
mni ævo privilegia sua, & A-
postolicæ Sedis tutati sunt, &
Univerſo Orbi deprædicare
nusquam destitere, quum ne
muffitaret quidem quispiam
orthodoxus. Tantum procax
hæresis reniſa est, & perva-
ciæ suæ pœnam dedit. Prolī-
xitatē intercidere studebo,

ne

ne veritati se se proderi facere videar; & si quid asperum calamo excidere contingeret, parcant eruditi; non enim ad contumeliam dictum velint, sed ad vim argumenti revocandum esse probabunt. Cæterum si sepositis partium studiis rem cum re conferent, animadvertent ad summam Religionis apprime Romani Pontificis privilegia conducere, imo præire; neque tanquam adiaphora circumspici; vel cogitari posse, quæ vivam regulam fidei certam in universum præstituunt.

I N D E X
DISSERTATIONI.
DE
ROMANI PONTIFICIS

Ex Cathedra loquentis indefectibili
judicio.

- §. I. **S**tatus quæstionis exponitur.
- §. II. Ex oratione a Christo Domino pro Petro fusa desumitur primum fundamentum pro infallibilitate Romani Pontificis.
- §. III. Instauratur argumentum ex altera promissione Christi Petro dicentis: Tu es Petrus, & super hanc petram ædificabo Ecclesiam meam.
- §. IV. Ex oraculo Christi Petro dicentis: Pasce oves meas, infallibilitas Pontificia evincitur.
- §. V. Ratione probatur assumptum.
- §. VI. Effugia adversariorum exsufflantur.
- §. VII. Exploditur opinio asserentium requiri ad infallibilitatem Judicii Pontificis Romani, consensum universalis Ecclesiæ, vel Ecclesiæ specialis Romanæ.

§. VIII.

I N D E X.

- §. VIII. *Quot absurda consequantur semel
admissa necessitate consensus Ecclesiæ ad
infallibilitatem definitionis Pontificiæ ex
Cathedra.*
- §. IX. *Cujusdam Recentioris opinio falsitatis
convincitur.*
- §. X. *Argumenta petita ex monumentis Ec-
clesiasticis diluuntur.*
- §. XI. *Nonnulli Romani Pontifices ab impa-
ctis erroribus vindicantur.*
- §. XII. *Liberii Lapsus expenditur.*
- §. XIII. *De Calumniis ob confictos Errores
Innocentio I. & Zosimo illatis agitur.*
- §. XIV. *Errores ab Hormisda, & Vigilio de-
pelluntur.*
- §. XV. *Honorius I. a nota hæreseos abstergi-
tur.*
- §. XVI. *Errores quibus notantur Gregorius
III. & Stephanus III. futes deteguntur.*
- §. XVII. *Eugenius II. & Nicolaus I. ab er-
rore purgantur.*
- §. XVIII. *Stephanus VII. & Sergius III.
perperam postulantur de corrupta fidei do-
ctrina.*
- §. XIX. *Notæ in rescripta nonnullorum Ro-
manorum Pontificum distantur.*
- §. XX. *Errores adversus Innocentii III. &
Bonifacii VIII. Constituta intentati rejici-
untur.*
- §. XXI. *Objecta Nicolao III. & Joanni
XXII. profligantur.*

§. XXII.

I N D E X.

- §. XXII. *Clementis VI. Urbani V. & Gregorii XI. protestationes minime pugnantes cum Pontificia infallibilitate probantur.*
- §. XXIII. *Alii Romani Pontifices a labe fallibilitatis vindicantur.*
- §. XXIV. *Aliæ notæ nequiter offusæ evacuantur.*
- §. XXV. *Cum infallibilitate pugnat posse errare in facto dogmatico.*
- §. XXVI. *Alia excogitata distinctio inter Pontificem, & Sedem Apostolicam dirimitur.*
- §. XXVII. *Aliud argumentum de infallibilitate Ecclesiæ particularis Romanæ præoccupatur.*
- §. XXVIII. *Idem argumentum, quo ad aliam partem, de requisito Cardinalium consensu producitur, & præfocatur.*
- §. XXIX. *Alia absurda deteguntur, & eliduntur.*
- §. XXX. *Argumentum de retractabili judicio Romani Pontificis per Concilium Generale prosternitur.*
- §. XXXI. *Argumentum ex Can. Si Papa confringitur.*
- §. XXXII. *Argumentum a placitis opinantium Scriptorum petatum, nuper editum, refellitur.*
- §. XXXIII. *Prosequitur præcedentis objectionis eversio.*
- §. XXXIV. *Auctoritas Melchioris Cano, sensus.*

I N D E X.

ſusque omnis excutitur.

§. XXXV. *Quibusdam monitis ad Anonymum
Scriptorem propoſita diſputatio abſolvi-
tur.*

§. XXXVI. *Poſtremum monitum Anonymo
ſcriptori pro veritate ſubjicitur.*

§. XXXVII. *Auctoriſates per Anonymum al-
late penitus ponderantur.*

Diſ-

I N D E X.

DISSERTATIO
SECUNDA

DE

ROMANI PONTIFICIS

Auctoritate supra Concilium etiam
Generale.

§ I. **Q**uæ & qualis sit quæstio de au-
toritate Romani Pontificis
supra Concilium etiam Gene-
rale.

§. II. Ex Evangelico textu : *Pasce oves meas:*
probat^{ur} Pontificem Romanum superiorem
esse Concilio Generali.

§. III. Ex quo Romanus Pontifex est Vica-
rius Jesu Christi, supra Concilium est.

§. IV. Ex auctoritate a Romano Pontifice
exercita supra Concilium Generale, illius
superioritas denuntiatur.

§. V. Idem præcedens argumentum instaura-
tur.

§. VI. Ex appellationibus a Concilio Genera-
li ad Papam comprobatur Papa superior
Conciliis.

§. VII.

I N D E X:

- §. VII. *Objecta diluuntur, & primo de Cānone si Papa.*
- §. VIII. *Occurritur objectioni ex decretis sess. iv. & v. Concilii Constantiensis.*
- §. IX. *Nonnullæ objectioniunculæ ex Concilio Constantiensi educæ, aereæ deteguntur.*
- §. X. *Ex Concilio Basileensi objectio ducta retunditur.*
- §. XI. *Academiæ faventes superioritati Concilii expendantur.*
- §. XII. *Antiquitas opinionis de superioritate Concilii apud Universitatem Parisiensem circumspicitur.*
- §. XIII. *Objectio de prætenso Jure appellandi a Romano Pontifice ad Concilium Generale obteritur.*
- §. XIV. *Nonnulla dubia ab adversariis objecta expediuntur.*
- §. XV. *Testimonia seu dicta Romanorum Pontificum, quibus se teneri asserunt observare Canones, explicantur.*
- §. XVI. *Ad nonnulla exempla responsio.*
- §. XVII. *Potissimum fundamentum adversariorum sententiæ convellitur.*
- §. XVIII. *Consektaria compendiarie deducta ex dictis in utraque dissertatione promuntur in medium.*
- §. XIX. *Alterum Consektarium affertur.*
- §. XX. *Tertium Consektarium accedit.*
- §. XXI. *Præcedens Consektarium ampliatur, & roboratur.*

§. XXII.

I N D E X.

- §. XXII. *Quartum Consecrarium educitur.*
§. XXIII. *Quintum Consecrarium effertur.*
§. XXIV. *Sextum Consecrarium editur.*

A P P E N D I X.

Hallucinatio detecta in Placito Parisensi.

A P P E N D I X A L T E R A

Continens documenta in opere indicata.

NOS FR. THOMAS RIPOLL

*Sacrae Theologiae Professor, ac totius
Ordinis Praedicatorum humilis Ma-
gister Generalis & Servus.*

HArum serie, nostrique auctoritate of-
ficii licentiam concedimus Rev. Pa-
tri Magistro Fr. Aloysio Mariae Luci-
no Provinciae nostrae Utriusque Lombardiae
Commissario Generali Sancti Officii in Ur-
be, imprimendi opus ab ipso compositum,
cui titulus: *Romani Pontificis Privilegia ad-
versus novissimos Osiores Vindicata &c.* serva-
tis tamen aliis de jure servandis. In nomine
Patris, Filii, & Spiritus Sancti Amen. In
quorum fidem &c. Datum Romae in Con-
ventu nostro Sanctae Mariae super Minervam
die 15. Novembris 1734.

Fr. Thomas Ripoll Mag. Ord.

S. L. ✠

Reg. fol. 92.
Fr. Dominicus Ponsi
Mag. Exp. & Socius.

NOI RIFORMATORI dello Studio di Padova.

A Vendo veduto per la Fede di revisione ed approvazione del P. F. *Tommasomaria Gennari* Inquisitore, nel libro intitolato: *Romani Pontificis Privilegia*, non v'esser cosa alcuna contro la santa Fede Cattolica; e parimente, per Attestato del Segretario nostro, niente contro Principi e buoni costumi, concediamo licenza a *Bortolameo Giavarina* Stampatore, che possa essere stampato, osservando gli ordini in materia di stampe, e presentando le solite copie alle pubbliche Librerie di Venezia, e di Padova.

Dat. 25. Gennaro 1734.

(Andrea Soranzo Proc. Rif.

(Z. Pietro Pasqualigo Ref.

(

Agostino Gadaldini Segret.

DISSERTATIO¹ P R I M A

D E

ROMANI PONTIFICIS
EX CATHEDRA LOQUENTIS
INDEFECTIBILI JUDICIO.

§. I.

Status quæstionis exponitur.



Auctor de indefectibili ju-
dicio, seu de infallibilita-
te, ut schola loquitur,
Romani Pontificis, sta-
tum quæstionis præmit-
tam, oportet; ne ambigibus infinitis implicata
ad sensum præposterum
pertrahatur, & suis ipsis principiis hæreat
obvoluta. Itaque quæritur: *An Romanus
Pontifex docens ex Cathedra, seipso, inde-
pendenter & divisim à qualibet conditione,
sive prævia, sive concomitante, sive conse-
quenti, sit infallibilis (ut scholastici dicunt)
quum in causis fidei, vel morum supremum
profert judicium, adeo ut de necessitate sa-
lutis*

A

lutis

lutis ab universa Ecclesia sit ei corde , & ore obediendum . Ex Cathedra quippe tunc intelligitur loquens Romanus Pontifex , quando in causis fidei , & morum sententiam ad universam Ecclesiam dicit , cui proinde refragari summum est piaculum , quum non nisi ad errorem , vel hæresim declinandum remaneat .

Non abnuunt adversarii , quibuscum agitur , profiteri Romanum Pontificem in proferendo iudicium ex Cathedra in causis fidei , vel morum , infallibilem esse , dummodo accedat fidelium consensus ; qua clausula , siue conditione adjecta opinionem obstetricantur , quæ in ipso exordio seipsam interimit ; Abeuntque limine in diversas prorsus opinandi ambages . Alii etenim consensum universalis Ecclesiæ contendunt necessario accedere debere , neque explicare curant , an pro complemento , vel pro effectu , vel pro signo , vel pro conditione illum exigere velint , quum lubenti animo disputantibus investigare permittant , salva tamen necessitate eundem expectandi , ut iudicium ad fidem pertinere infallibiliter censeatur .

Alii Romanum Pontificem infallibilem esse censent , quum ex Cathedra loquitur , si prævio examine , atque Cardinalium consilio , & assensu , quos Ecclesiam Romanam , intra urbis ambitum clausam , re-

præ-

præsentare intelligunt, iudicium ferat in causis fidei, vel morum. Quod perinde est, ad assensum Ecclesiæ Romanæ, quatenus specialis Ecclesia est, Pontificiam coarctare infallibilitatem. Requiritur quoque in ferendo iudicio quasdam formulas, quas explicare dedignantur, quia forte neque ad invenire fuit illis possibile.

Verum quantum a via quæstionis aberrent, compertum fit, animadvertendo, quod adjectæ clausulæ, sive condiciones Pontificiam infallibilitatem prorsus præfocant, & extinguunt. Nonne quilibet Episcopus sententiam dicens in causis fidei vel morum, si accedat consensus universæ Ecclesiæ, vel juxta alteram opinionem, Ecclesiæ Romanæ, infallibilis evadet? Unde igitur extundi poterit Privilegium Romani Pontificis supra cæteros Orbis Antistes, & forte alios Judices Ecclesiasticos inferioris ordinis, si æque infallibilitatem in iudicio ferendo possunt sibi arrogare? Cur tot Episcopi, cur tot concilia provincialia, vel particularium diæceseon, quæ tot hæreses, ante coacta concilia generalia, & ante sententiam Romani Pontificis prædamnarunt, ejusdem vel paris infallibilitatis prærogativa gaudere non poterunt, semel ac accessisset Ecclesiæ consensus, pro coronide hujusmodi iudicii lati?

Quæstionis igitur, de qua agitur, nodus

4 D I S S E R T A T I O

est: An Romanus Pontifex præ cæteris Episcopis toto Orbe dispersis, ex privilegio a Christo Domino Petro concessio, & per Petrum successoribus ejus, sit se ipso ex Spiritus Sancti indeclinabili adstantia infallibilis, quoties ex Cathedra loquitur. Ita esse pro veritate contendo, & negantes suis ipsis principiis jugulari, & secum pugnare ostendam; non neglecta Petri Chrysologi sententia dicentis: *serm. 52. Doctoris officium est lecta differere, & mysticis obscurata sensibus lucido astruere, & demonstrare sermone: ne minor intelligentia inde perniciem generet auditori, unde scientiam conferre debuit, & potuit salutare.*

§. I I.

Ex oratione a Christo Domino pro Petro fusa desumitur primum fundamentum pro infallibilitate Romani Pontificis.

IN supremæ nocte cœnæ Christus Dominus cum discipulis suis recumbens, concionem instituit, qua ardentissimi sui amoris flammam explicans, tum in spem futuræ mercedis, tum in fortissimum remedium pro compescendis mox ingruentibus tentationibus, imparatos eorum animos erexit. Deinde ad Petrum sermonem inflectens,

ctens, sic cum est alloquutus, ut narrat Lucas cap. 22. *Simon, Simon, ecce Satanas expetivit vos, ut cribraret, sicut triticum: ego autem rogavi pro te, ut non deficiat fides tua: & tu aliquando conversus confirma fratres tuos.*

Tria observanda ex se ipsis occurrunt. I. Fufam a Christo orationem pro Petro efficacem fuisse, suumque effectum obrinuisse. II. Christi orationem pro finali Petri indeficientia interpositam fuisse. III. Ut infallibilis suæ doctrinæ accepta prærogativa constantes in fide roborare, nutantes vel debiles confirmare, devios revocare, ignaros instruere Petrus sarageret. Singula Sanctorum Patrum auctoritate commonstrabo.

Divus Augustinus de corrept. & grat. c. 8. ait. *Sed quia preparatur voluntas a Domino, ideo pro illo (Petro) Christi non posset esse inanis oratio. Quando rogavit ergo (Christus) ne fides ejus deficeret, quid aliud rogavit, nisi ut haberet in fide liberrimam, fortissimam, invictissimam, perseverantissimam voluntatem?* Theophylact. in cap. 22. Lucæ. *Quia (inquit) te habeo ut Principem discipulorum, postquam negato me fleveris, & ad pœnitentiam veneris, confirma cæteros: Hoc enim te decet, qui post me Ecclesiæ petra es, & firmamentum.*

Sanctus Leo serm. 3. Relatis verbis Lucæ cap. 22. ita concludit. *Pro fide Petri proprie*

supplicatur, tanquam aliorum status certior sit futurus, si mens Principis victa non fuerit. In Petro omnium fortitudo munitur, & divinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. S. Agatho ep. ad Constantinum Imp. quæ in 6. Syn. acclamationibus excepta fuit, inquit: Hæc est vera fidei regula, quam & in prosperis, & in adversis veraciter tenuit, ac defendit hæc spiritalis mater tranquillissimi Imperii vestri, Apostolica Christi Ecclesia: quæ per Dei omnipotentis gratiam, a tramite Apostolicæ traditionis nunquam errasse probabitur, nec hæreticis novitatibus depravata succubuit: sed ut ab exordio fides Christiana percepit, ab auctoribus suis Apostolorum Principibus illibata finetenus permanet, secundum ipsius Domini divinam pollicitationem, quam suorum discipulorum principi in sacris Evangeliiis fatus est: Petre, Petre, ecce Satan expetivit vos. Ego autem rogavi pro te, ut non deficiat fides tua.

Sanctus Leo IX. ep. ad Petrum Antiochenum scripsit. Solus est ille (Petrus) pro quo ne deficeret: ejus fides, Dominus, & Salvator noster asserit se rogasse. Quæ venerabilis, & efficax oratio obtinuit, quod hætenus fides Petri non defecit, nec defecitura creditur in throno illius usque in sæculum sæculi; sed confirmabit corda fratrum variis

con-

concutienda fidei periculationibus, sicut usque nunc confirmare non cessavit.

S. Bernardus ep. 190. ad Innoc. II. Oportet, ait, ad vestrum referri Apostolatum pericula quæque, & scandala emergentia in regno Dei, ea præcipue, quæ de fide contingunt. Dignum namque arbitror ibi potissimum resarciri damna fidei, ubi non possit fides sentire defectum. Hæc quidem bujus prærogativa sedis. Cui enim alteri aliquando dictum est, ego pro te rogavi, ut non deficiat fides tua? Ergo quod sequitur, a Petri successore exigitur; & tu aliquando conversus confirma fratres tuos... In eo plane Petri impletis vicem, cujus tenetis & sedem, si vestra admonitione corda in fide fluctuantia confirmatis.

Innocentius III. epif. ad Patriarcham Constantinopol. ait. (1) Pro eo (Petro) Dominus se orasse fatetur, inquiens, in articulo passionis: ego pro te rogavi, Petre, ut non deficiat fides tua: & tu aliquando conversus confirma fratres tuos: ex hoc innuens manifeste, quod successores illius nullo unquam tempore deviarent, sed revocarent magis alios, & confirmarent hæsitantes; propter hoc sic ei confirmandi alios potestatem indulgens, ut aliis necessitatem imponeret obsequendi.

Tandem omissis aliis, claudat D. Thomas agmen Patrum tam diserte testifican-

tium Petri, successorumque indeficientiam in fidei iudicio. Ille enim 2. 2. q. 1. art. 10. docet. *Ad illius auctoritatem pertinet editio Symboli, ad cuius auctoritatem pertinet finaliter determinare ea, quæ sunt fidei, ut ab omnibus inconcussa fide teneantur; Hoc autem pertinet ad auctoritatem summi Pontificis, ad quem maiores, & difficiliore Ecclesiæ quæstiones referuntur, ut dicitur in decretal. extra. de Baptismo cap. Majores: Unde & dominus Luc. 22. Petro dixit, quem summum Pontificem constituit: ego pro te rogavi, Petre, ut non deficiat fides tua, & tu aliquando confirma fratres tuos: & ratio hujus est, quia una fides debet esse totius Ecclesiæ secundum illud 1. ad Cor. 1. Idipsum dicatis omnes, & non sint in vobis schismata; quod servari non posset, nisi quæstio fidei de fide exorta determinetur per eum, qui toti Ecclesiæ præest, ut sic ejus sententia a tota Ecclesia firmiter teneatur.*

Res igitur tota in tuto est. Habemus scilicet ex auctoritate Patrum orationem a Christo fusam proprie pro Petro fuisse; suumque eventum, ne deficeret in fide, (1) tunc obtenturam esse, quando conversus ab oris, non cordis, negatione, constitutus Apostolorum Princeps, universæque Ecclesiæ summus Pastor, confirmandi in fide cæteros fratres pro dignitate, & officio

(1) August. 1. contra Mend. c. 6.

ficio curam esset sumpturus. Habemus quoque promissionem Christi pro indeficientia Petri in fide ad successores derivatam fuisse, unaque cum præcepto confirmandi fratres; neque unquam legitur illigandam fore vel consensui universalis, vel assensui particularis Ecclesiæ Romanæ; alias promissa indeficientia ambagibus, & involucribus inextricabilibus implicata ad confirmandum in fide prorsus esset inutilis.

Et sane quo pacto consistet confirmatio in fide, si semel fratres hæsitare poterunt de indeficientia fidei in Petro, de infallibilitate quoque sui iudicii? Hærere necesse foret in limine, neque solidum præbere possent fideles assensum, qualis ab ipsa indeficientia exigitur. Itaque ne Christi oratio penitus evanescat, dicendum est cum Innocentio III. superius relato, nihil aliud requiri ad Petri infallibilitatem, neque hanc aliud exposcere, nisi necessitatem obsequendi: Siquidem *propter hoc sic (Petro) confirmandi alios potestatem (indulset), ut aliis necessitatem imponeret obsequendi.*

Vim argumenti declinare satagunt nonnulli dicendo; Petrum adhuc post Christi fusam orationem defecisse per trinam abnegationem, subduntque; non proinde læsam arbitrari nos posse infallibilitatem Petri, quia conversus valuit confirmare fratres. Cur igitur quilibet alter ejusdem Petri
suc-

successor æque non poterit, etiam docens ex Cathedra, errare, quin error lædat indeficientiam sedis Apostolicæ, in qua vel ipse ab errore conversus, vel alter successor sedens refarcire valeat damna fidei, revocando, & confirmando fideles in veritate doctrinæ?

Hoc effugium est in casses incidere, Christianique orationi, & latæ pollicitationi illudere. Petrus defecit utique per trinam oris abnegationem, ut fuis lacrymis a peccato conversus fieret cæteris in exemplum pœnitentiæ, ut ait Theophylactus Luc. 22. ita permittente, ac disponente divina providentia; sed nondum Pontificiæ dignitatis honore tunc potiebatur, ut superius innui. Quorsum autem hæc, si daretur Petrum vel alium successorem in Pontificem electum posse in sententia pro Tribunali lata deficere, quia vel ipse, vel alius violatam fidem compensabit? Si semel est deficiens in sede unus Pontifex, cur sedes inviolata permanet? Cur alteri, & alteri successor non est commune deficiendi periculum? Cur errante Pontifice, tota Ecclesia in eundem non prolabetur errorem? Quomodo confirmabit Petrus, vel successor in fide fratres, quos jam corruptos videbit in ea fide, quam jam violatam a prædecessore propinabit & ipse? Quomodo stat firma, & inconcussa oratio efficax, & pollicitatio certissima Christi?

Proh

Proh si hæc admittantur! Undenam sana mente concipere est hujusmodi ecclesiam fuisse illam, quam tanta sapientia constituit Christus nunquam in fide defecturam?

§. III.

Instauratur argumentum ex altera promissione Christi Petro dicentis: Tu es Petrus, & super hanc petram ædificabo Ecclesiam meam.

Soluta a Petro Christi Domini interrogatione, qua poscebatur: *Quem dicunt homines esse filium hominis*; ut habetur Matth. 16. per illam altissimam confessionem: *Tu es Christus filius Dei vivi*; statim idem beneficis Magister liberalissime sponndit in hæc verba: *Et ego dico tibi, quia tu es Petrus, & super hanc petram ædificabo Ecclesiam meam*; dico tibi, inquit Hieronymus, non sermone casso: *Tu es Petrus, & super hanc petram ædificabo Ecclesiam meam*. Quod est innuere, substruendum fore totum Ecclesiæ ædificium super ipsum Petrum, qui ut petra immobilis, ut basis inconcussa, ut fundamentum inviolabilis firmitatis universæ Ecclesiæ, fideique ejus, præesse, & gestare debebat. Tam alta promissio uni Petro præ aliis Apostolis contigit. Una Ecclesia ab uno Petro fulcien-

cienda decernitur . Ergo hic Petrus, hæc petra invincibilis fidei , indefectibilis iudicii , & imperterriti roboris pro certo habenda erit , ne cogamur indigna proferre , quasi minus provide fuisset consultum insigni adeo ædificio , quod Christus educturus erat in terris . Cumque Privilegia Petro concessa Ecclesiam tangentia in successores derivanda forent , non est cur cæteris Romanis Pontificibus eadem fidei soliditas , eadem iudicii infallibilitas denegetur .

Singula autoritate Patrum exsolvam . Tertullianus de præscript. c. 22. *Latuit aliquid Petrum ædificandæ Ecclesiæ Petram dictum, claves Regni Cælorum consequutum, & solvendi, & alligandi in cælis, & in terris potestatem?*

Origenes: *& de veritate quidem dicebat (Petrus) : (1) Tu es Christus filius Dei vivi: in quo & beatificatus est, & per promissionem meruit fieri Ecclesiæ fundamentum.* Et alibi (2): *Vide vero, inquit, quantam habebat vim petra supra quam a Christo construitur Ecclesia, & omnis, qui dicit: Tu es Christus filius Dei vivi: ut hujus iudicia firma maneant; tamquam Deo in illo iudicante: ut in hoc ipso, quod iudicat, non prævaleant adversus eum inferorum portæ.* Hoc tamen servato discrimine, ut Petrus
ma-

(1) Tract. 3. in Matth. c. 17.

(2) Tract. 1. in Matth.

magistri munus agens firmissime iudicet : alii ut discipuli edocti firmissime credant :

S. Cyprianus ep. 73. *Nam Petro primum Dominus , super quem ædificavit ecclesiam suam , & unde unitatis originem instituit , & ostendit , potestatem istam dedit , ut id solveretur in cælis , quod solvisset in terris . Et de unit. eccl. Qui Carbediam Petri , super quam fundat est ecclesia , deserit , in ecclesia se esse confidit ? S. Hilar. in Matth. c. 16 O in nuncupatione novi nominis felix ecclesiæ fundamentum ; dignaque ædificatione illius petra , quæ infernas leges , & tartari portas , & omnia mortis claustra dissolveret : cujus terrestre iudicium præjudicata auctoritas sit in cælo , ut quæ in terris aut ligata sint , aut soluta , statuti ejusdem conditionem obtineant , & in cælo .*

Et in Psalm. 131. ait : *Ut Petrum primum filii Dei confessorem , Ecclesiæ fundamentum , cælestis regni janitorem , & in terreno iudicio Judicem cæli nuncuparet .*

S. Epiphanius in Ancorato c. IX. *Omni- bus quippe modis , inquit , in eo (Petro) stabilita fides est , qui cæli claves accepit . . . In eo siquidem subtiliores qualibet fidei quæstiones reperiuntur .*

S. Ambrosius de Virg. *Non confusus est Petrus , . . . vir enim sapiens , & gravis , in quo esset Ecclesiæ firmamentum , & magisterium disciplinæ .*

S. Hic-

S. Hieron. in Matth. cap. 16. *Ita & Simoni, qui credebat in Petram Christum, Petri largitus est nomen; ac secundum metaphoram Petre recte dicitur ei, edificabo Ecclesiam meam super te.*

S. Jo: Chrylost. loquens de Petro ait. *Columna Ecclesie, & fundamentum fidei Princeps Apostolorum Petrus.* super Psalm. 50. hom. 2.

Sexcenta alia Patrum testimonia prætereo, quum allata ad satietatem sint. Postulabit tamen aliquis, quid Petro advenerit per hanc fundamenti dignitatem, & onus? Huic prudenti expectationi respondeat Magnus Leo in hæc verba disserens: (1) *De toto mundo unus Petrus eligitur, qui & universarum gentium vocationi, & omnibus Apostolis, cunctisque Ecclesie patribus præponatur; ut quamvis in populo Dei multi Sacerdotes sint, multique pastores, omnes tamen proprie regat Petrus, quos principaliter regit & Christus.*

Hæc prima, & potior prærogativa Petri qui a Christo constitutus est fundamentum, & basis Ecclesie, contra quam nunquam prævalituræ essent portæ inferi. Hinc si contra Ecclesiam nunquam valere poterunt tartareæ vires, nemo quoque in suspensionem adducetur, posse contra ipsum fundamentum præpollere, quod plane indicat infal-

(1) Serm. 3. in annivers. suæ assumpt.

fallibilitatem iudicii, qua universalis Rectoris munus potissime expletur. *Magnum, & mirabile, dilectissimi*, prosequitur S. Leo, *huic viro (Petro) consortium potentiae suae tribuit divina dignatio: & si quid cum eo commune cæteris voluit esse principibus, nunquam nisi per ipsum dedit, quicquid aliis non negavit.* Unde si qua auctoritas, si qua potestas, si qua soliditas in doctrina, & ministerio cæteris collata legitur, non nisi per Petrum concessa censeretur debeat, quemadmodum ex D. Cypriano, & D. Ambrosio supra relatis discimus. *In his verbis Apostolicæ sedis tam antiqua, atque fundata, certa, & clara est Catholica fides, ut nefas sit de illa dubitare Christiano:* (1) inquit August. referens verba, & sententiam Zoimi PP.

Pergit deinde (2) S. Leo apertissime, & planissime explicando legitimum jus prælibati Privilegii, dicens: *& ego, inquit (Christus) dico tibi, hoc est sicut Pater meus tibi manifestavit divinitatem meam, ita & ego tibi notam facio excellentiam tuam, quia tu es Petrus: idest, cum sim inviolabilis petra, ego lapis angularis, qui facio utraque unum; ego fundamentum, præter quod nemo potest aliud ponere: tamen tu quoque petra es, quia mea virtute solidaris, ut quæ*
mibi

(1) Epist. 157. ad Optatum Episc.

(2) Serm. 3. in Annivers. suæ assumpt.

mibi potestate sunt propria, sint tibi mecum participatione communia. Et super banc petram ædificabo Ecclesiam meam. Super banc inquit fortitudinem æternum extruam templum, & ecclesiæ meæ cælo inferenda sublimitas, in hujus fidei firmitate consurget.

Nemo certe contendet in Petro fuisse successores Romanos Pontifices designatos, nisi audeat in meridie cæcutire. Nonne Innoc. I. scripsit: (1) *Quoties fidei ratio ventilatur... non nisi ad Petrum, idest sui nominis, & honoris auctorem referri debere?* Nonne S. Hieronymus ad Damasum scribens exclamat: *ego interim clamito, si quis Cathedræ Petri jungitur, meus est?* Nonne S. Petrus Chrysologus monens Eutychen rescripsit: (2) *Quæ a Beatissimo Papa Romanæ Civitatis præscripta sunt, obedienter attendas; quoniam B. Petrus, qui in propria sede, & vivit, & præsidet, præstat quærentibus fidei veritatem?* (3) Nonne D. Bernardus ad Innocentium PP. dixit: *In eo plane Petri impletis vicem, cujus tenetis & sedem?* (4) Nonne Patres Concilii Tricassini I I. ad Romanum Pontificem scribentes passi sunt: *Nos famuli, & discipuli Galliarum, & Belgicarum Episcopi,*
ve-

(1) Epist. ad Concil. Milev.

(2) Ep. ad Eutichen.

(3) Ep. 190. ad Innoc. II.

(4) Tom. 3. Concil. Gall. ad An 878.

vestræ auctoritatis ... Judicium, quod privilegio divi Petri, & sedis Apostolicæ ... protulistis, voto, voce, & unanimitate nostra prosequimur? (1) Nonne in Ephesino Concilio Philippus Presbyter S. R. Ecclesiæ, ita Patres est allocutus: *Nulli dubium, immo sæculis omnibus notum est, quod S. Beatissimusque Petrus Apostolorum Princeps, & caput, fideique columna, & Ecclesiæ catholice fundamentum, a domino nostro Jesu Christo Salvatore humani generis, ac redemptore claves cæli accepit ... qui ad hoc usque tempus, & semper in suis successoribus vivit, & judicium exercet?* Nonne toties in Conciliis generalibus a Patribus acclamatum est: *Petrus per os Leonis: Petrus per os Agathonis locutus est?* Nonne quum Romanus Pontifex solemniter templum ingreditur, totus clerus per os canentium festive enunciat, & corde, & ore: *Tu es Petrus?*

Quo hæc tendant, unusquisque expedite percipiet, considerando, hoc unum a Patribus intendi, nempe perpetua successione vigere in Pontifice Romano plenitudinem privilegii a Christo Petro collatam, & in unoquoque vivere Petrum, ac regere per eandem infallibilis judicii auctoritatem, qua ipsum Petrum in terris pollere, declaratum est. Hinc quum (2) Patres vel Cathe-

B dram

(1) Conc. t. 3. in act. Ephæs.

(2) Cypr. & Optat. Mil. de Unit. Eccl.

dram Petri, (1) originem unitatis appellant; vel sedem Apostolicam, vel Ecclesiam (2) Romanam Matrem, (3) & Matricem, potentiorisque principalitatis radicem, ac fontem dicunt, non nisi per Pontificis Romani derivationem, ac si Petrus præsideret, accipiunt.

Et sane cur omnes Patres, & Concilia laudarent, ac cogerent ad Pontificem Romanum omnes causas ad fidem, vel ad mores spectantes referre, nisi certum expectarent iudicium, & infallibilis ponderis sententiam? (4) Quamobrem Carolus Calvus licet exasperatus scripserit ad Hadrianum II. attamen pro veritate compulsus dixit: *Quia quod ex Apostolica sedis nomine secundum sanctarum scripturarum tramitem, prædicationemque majorum, & orthodoxorum decreta scribitur, sequendum, & tenendum non ignoramus, & quod secus a quoquam fuerit compilatum sive confectum, non solum respuendum, sed & redarguendum esse cognoscimus.*

§. IV.

(1) Irenæ. adv. hæz. l. 3. c. 3.

(2) Innoc. I. ad PP. Affric.

(3) S. Leo M. ep. 77. ad Episc. Vienn.

(4) Epist. 41. inter op. Hincmari Remen in fin.

§. IV.

*Ex oraculo Christi Petro dicentis : Pasce
oves meas, infallibilitas Pontificia
evincitur.*

Post resurrectionis triumphum frequen-
ter Christus dignatus est Apostolos suos
convenire, ut præsentia sua eorum a-
nimos demulceret, & sua doctrina cælesti
imbueret. Ad lacum igitur stantibus illis re-
tia ducentibus, astitit Divinus Magister, &
prandio completo cœpit Petrum semel, &
iterum interrogare, dicens; *diligis me plus
his?* & respondente Petro: *Tu scis quia a-
mo te:* reposuit Christus: *Pasce agnos meos;
Pasce oves meas;* ut legitur Jo: 21. Pascere
agnos, pascere oves, non est aliud, quam
omnibus omnino Christiano nomine insi-
gnitis præsidere, docendo, & instruendo,
Magisterio, & doctrina.

Discimus singula a SS. Patribus. Ambro-
sius in hæc verba se explicat: (1) *Quis
enim alius, qui de se hoc facile profiteri possit?
& ideo quia solus (Petrus) profitetur ex o-
mnibus, omnibus antefertur.* Chrysostomus
in c. 21. Jo: (2) *Si quis percontaretur, quo-
modo Jacobus sedem Hierosolymis acceperit?*
B 2 respon-

(1) l. 10. in c. 24. Luc.

(2) Hom. 87.

Responderem hunc (Petrum) totius orbis magistrum præposuisse .

S. Gregorius M. ep. 20. l. 5. (1) *Cunctis enim Evangelium scientibus liquet , quod voce dominica sancto , & omnium Apostolorum Petro Principi Apostolo totius Ecclesiæ cura commissa est . Ipsi quippe dicitur : Petre amas me ? Pasce oves meas . . . Cura ei totius Ecclesiæ & principatus committitur .*

Theophylactus in c. 21. Jo: *Quum prædicationis finem ipse fecisset , totius orbis ovium præfecturam Petro committit , non autem alii , sed huic tradidit . . . Te enim duco , ut præsis orbi , & sequaris me .*

S. Bernardus de consid. l. 2. c. 8. *Cui enim , non dico Episcoporum , sed etiam Apostolorum , sic absolute , & indiscrete totæ commissæ sunt oves ? Si me amas Petre , Pasce oves meas . Quas ? Illius vel illius populos civitatis , aut regionis , aut certi Regni ? Oves meas , inquit . Cui non planum , non designasse aliquas , sed assignasse omnes ? Nihil excipitur , ubi distinguitur nihil .*

S. Eucherius Lugdun. Episcopus , sive Eusebius Gallus Hom. in Vig. S. Petri , (2) *dicit ei (Jesus) Pasce oves meas . Prius agnos , deinde oves commisit ei , quia non solum Pastorem , sed Pastorum Pastorem eum constituit . Pascit igitur Petrus agnos , pascit ,*

(1) Ad Maurit. Imp.

(2) In Bibl. PP. Tom. 6.

scit, & oves; pascit filios, pascit & matres: regit subditos, regit & Prælatos. Omnium igitur Pastor est, quia præter agnos, & oves in Ecclesia nihil est.

Tandem S. Iuo Carnotensis Episcopus ferm. in Cathedra S. Petri ait: *Provida Dei dispensatione ecclesiarum excubiis deputatus est Petrus generali sanctione... Quem ovibus suis Deus pastorem præfecerat generalem... Nec poteris habere proprium, quem sancta Ecclesia in commune suscepit ministerium.*

Mitto alios, quum ex Patribus allatis abunde constet, qualis, & quanta fuerit amplitudo potestatis a Christo collatæ Petro, de quo S. Iohannes Damascenus prædicat: (1) *Qui Ecclesiæ curam suscepturus erat, illud, inquam, columnen Ecclesiarum, ille fidei portus, ille orbis terrarum Magister Petrus.* Porro reliquum est, ut eandem prærogativam ad successores commeasse videamus.

Agmen ducat S. Innoc. I. rescribens ad Patres Concilii Milevitani. (2) *Diligenter ergo, ait, & congrue Apostolici consulitis bonoris arcanis. Honoris, inquam, illius, quem præter illa, quæ sunt extrinsecus, sollicitudo manet omnium Ecclesiarum.*

S. Cælestinus ad Episcopos per Illyricum

B 3 (1)

(1) Hom. in S. Paral. t. 2. tit. 3. de Confess. & pœnit.

(2) Conc. t. 2.

(1) Nosq. præcipue circa omnes cura constringimur, quibus necessitatem de omnibus tractandi Christus in S. Petro Apostolo indulsit. & ad Episc. Concil. Ephesini. (2) Longius quidem sumus positi sed per sollicitudinem totum propius intuemur. Omnes habet Beati Petri Apostoli cura præsentis.

S. Leo M. epist. 5. (3) Et quia per omnes ecclesias cura nostra distenditur, exigente hoc a nobis domino, qui Apostolicæ dignitatis Beatissimo Apostolo Petro Præmum fidei suæ commisit.

S. Felix III. ep. ad Acacium episcopum Constantinopolitanum: (4) In diversas generalis Ecclesiæ curas, quas ubique terrarum cunctis populis Christianis, summi Pastoris vicedelegante, Beatissimus Petrus Apostolus pervigili moderatione dispensat, continuo me sollicitudo maxima, quæ & Prædecessorem meum incessanter urgebat, tam Alexandrinæ Urbis, quam status fidei totius orientalis regionis excepit.

S. Gelasius ad Episc. Dardan. & Illyrici. (5) Quoniam pro sedis Apostolicæ Principatu, cujus sollicitudo delegata divinitus, cunctis debetur Ecclesiis, nos vivimus, si vos

(1) In Col. Holsten.

(2) Concil. t. 2.

(3) Ad Episc. per Illyricum const.

(4) Concil. t. 4.

(5) Concil. t. 4.

statis in domino, magnis gaudiis triumphamus.

S. Symmachus Epist. five Apol. ad Anastasium Imper. (1) *Catholici Principes quidem semper Apostolicos Præsules institutos suis litteris prævenerunt, & illam confessionem, fidemque præcipuam, tamquam boni filii quæ siverunt debitæ pietatis affectu, cui vos ipsius domini Salvatoris ore curam totius Ecclesiæ delegatam.*

S. Gregorius M. epist. 13. l. 5. *Quoniam Fuscus Capuanæ Ecclesiæ Episcopus, in Romana civitate positus, de hac luce migravit, curæ nobis fuit, quæ universis Ecclesiis a nobis impenditur, ad fraternitatem tuam præsentia scripta dirigere.*

Acacius Constantinopol. epist. ad Simplicium PP. (2) *Solicitudinem omnium Ecclesiarum secundum Apostolum circumferentes, vos indefinenter hortamini, quamvis sponte vigilantes, & præcavescentes.*

S. Avitus Viennensis Episcopus. (3) *Dum religionis statui & plenis Catholicæ Fidei regulis perspicitis convenire, ut gregem per tota vobis Universalis Ecclesiæ membra commissum pervigil cura vestræ adhortationis informet.*

B 4

Adeo

(1) Concil. t. 5.

(2) Concil. t. 4.

(3) inter op. Sirm. t. 2. Epist. 37. ad Hormisd.

Adeo jucundum est hæc referre, ut nullo labore pergeret in infinitum calamus, nisi torquere lectorum animum pertimesceret. Satis sit. Ex hucusque dictis tria discimus. I. Pascere, præceptum Petro & successoribus a Christo, omnes, & singulos comprehendere, sive Pastores, sive agnos, nempe quoscumque fideles per totum quate patet orbem dispersos sub suprema cura Romani Pontificis. *Non est parvipendendum quod & Deum habet auctorem, & de Cælo ducit originem:* (1) ait ad rem nostram Bernardus. II. Pascere Universalem Ecclesiam principaliter explicat doctoris & magistri munus ad informandum populos, maxime veritate doctrinæ & morum sanctitate, quod utique præstat, & continuo præstitum est, tum hæreses extirpando, tum prava morum semina eradicando. Egregie idem Bernardus alloquens Eugenium (2) III. *Interest, inquit, proinde tuam dare operam, quam possis, ut increduli convertantur ad fidem, conversi non avertantur, aversi revertantur: porro perversi ordinentur ad rectitudinem, subversi ad veritatem revocentur.*

Tandem tertio discimus, omnes teneri ad obediendum Romano Pontifici, maxime in his, quæ ad fidei, morumque regulam

cx.

(1) l. 3. de confid. c. 4.

(2) l. cit. c. 1.

expediens duxerit sancire, quod auctoritate Patrum statim ostendam.

Tertullianus de præscript. c. 36. *Habes Romam, unde auctoritas nobis quoque præstest. Utique auctoritas Romani Pontificis, cui refragari nemo potest impune, alias auctoritas non esset.*

Hieronymus ep. 57. ad Damasum scribens ait. *Quicumque tecum non colligit, dispergit, hoc est qui Christi non est, Antichristi est.*

S. Nicolaus I. in Romana Synodo. *Si quis dogmata, mandata, interdicta, sanctiones, vel decreta pro Catholica fide, pro ecclesiastica disciplina a sedis Apostolicæ Præsulis salubriter promulgata contempserit, anathema sit.*

S. Ivo Carnotensis ep. 8. (1) *Contra Apostolicam sedem caput erigit, dum quod illa ædificat, vos, in quantum vobis est, destruitis, & quod illa destruxit, vos ædificare contenditis, cujus judiciis, & constitutionibus obviare, est hæreticæ pravitatis notam incurrere, cum scriptura dicat: hæreticum esse constat, qui Romanæ Ecclesiæ non concordat.*

Hugo Etherianus de process. Spiritus S. l. 3. c. 10. (2) *Qui autem primæ Sedis, immo totius orbis Præsuli resistunt, Christi dispositio-*

(1) Ad Richer. Senonen. Archiep.

(2) In Bibl. PP.

sitioni resistunt, & nisi resipiscant, contumaciae judicio plebentur.

Innocentius III. epist. (1) Superius relata: Innuens (Jesus) quod successores illius (nempe Petri) a Fide Catholica nunquam deviant... per hoc sic confirmandi alios potestatem indulgens, ut aliis necessitatem imponeret obsequendi.

B. Thomas apertissime docet. (2) Subesse, & obedire Papæ est de necessitate salutis.

Episcopi Gallicani ad Innocentium X. datis litteris occasione damnatae hæresis Jansenianæ an. 1653. inquirunt: *Perspectum enim habebat (Zosimus P.P.) non solum ex Christi pollicitatione, sed etiam ex actis priorum Pontificum, & ex anathematismis adversus Apollinarem, & Macedonium, nondum ab ulla Oecumenica Synodo damnatos, a Damaso paulo ante jactis, judicia pro sancienda Regula fidei a Summis Pontificibus lata, divina æque, ac summa per universam Ecclesiam auctoritate niti, cui Christiani omnes ex officio, ipsius etiam mentis obsequium præstare teneantur.*

Itaque ex dictis patet, quam absurdum foret dubitare de infallibilitate Papæ ex Cathedra docentis, quando ex divina institutio-

(1) Sup. 2.

(2) Opusc. 1. cont. error. Græc. & de regim. Princip. l. 1. c. 14.

tione illi incumbit pascere omnes, tam Pastores, quam Greges, tam Episcopos, quam Populos totius mundi; istisque omnibus onus, & debitum obediendi impendet. Si falli, & fallere posset Romanus Pontifex, nonne hac lege universa ecclesia, hac obediendi necessitate posita, deficere cogeretur? Nonne bono universalis Ecclesiæ improvide, ut dici solet, consultum fuisset? (1) Si sal infatuatum fuerit, in quo salietur? Inquit Christus. *Qui erunt homines, per quos a vobis error auferatur, cum vos elegerit Deus, per quos errorem auferat cæterorum?* (2) explicat D. Augustinus.

Instaurat hoc palmare argumentum S. Gelasius PP. scribens ad Anastasium Imper. in hæc verba: (3) *Hoc est, quod Sedes Apostolica magnopere cavet, ut quia mundo radix est Apostoli gloriosa confessio nulla rima pravitatis, nulla prorsus contagione macidetur. Nam si (quod Deus avertat, quod fieri non posse confidimus) tale aliquid proveniret, unde cuicumque resistere auderemus errori? Vel unde correctionem errantibus posceremus? Proinde si pietas tua unius civitatis populum negat posse pace componi, quid nos de totius orbis terrarum sumus universitate facturi, si* (quod

(1) Matth.

(2) l. 1. de Serm. c. 6.

(3) Concil. t. 4. epist. 8.

(quod absit) nostra fuerit prævaricatione deceptus?

Prorsus ignarus, vel plane hospes in historia Ecclesiastica esset, quisquis hæc non probaret. Nonne Ecclesia Orientalis tota pene defecit, deficiente Photio? Nonne iterum defecit, quum Schisma luctuosum a Michaelæ Cerulario itidem Patriarcha Constantinopolitano conflatum est, vel instauratum? Quid autem metuendum non esset in Ecclesia Occidentali, si fallibilem admitteremus Pontificem Romanum? Hinc S. Thomas in Matth. c. 16. optime advertit: *Et quamvis aliæ Ecclesiæ vituperari possunt per hæreticos, Ecclesia Romana non fuit hæreticis depravata, quia supra petram erat ædificata. Unde in Constantinopoli fuerunt hæretici, & labor Apostolorum amissus erat, sola Petri ecclesia inviolata permansit. Unde Lucæ 22. Ego rogavi pro te Petre, ut non deficiat fides tua: & hoc non solum refertur ad Ecclesiam Petri, sed ad fidem Petri, & ad totam occidentalem Ecclesiam. Quia scilicet rota occidentalis Ecclesia, & præcipue Romana indefectibili Petri, ejusque successorum regitur magisterio, & infallibili imbuitur doctrina; ut, collata doctrina S. Thomæ cum art. x. q. 1.2.2. liquido fit planum.*

Ex traditione igitur ecclesiastica infallibilitas Romani Pontificis, etiam ex oraculo

lo Christi committentis Petro Pastoris Universalis munus, & ad successores hinc derivatum, in tuto est. Eapropter rectissime illam professus est S. Theodorus Studita, Ecclesiæ orientalis lumen ad Paschalem PP. scribens: (1) *Re ipsa cognovimus manifestum Apostolorum Principis Successorem Romanæ Ecclesiæ præsidere... Vos igitur illimis, ac sincerus ab initio fons orthodoxæ veritatis. Vos adversus omnem hæreticam procellam tranquillus sepositus portus Ecclesiæ Universæ*: S. Nicephorus Patriarcha Constantinopolitanus scriptis suis exorabat Leonem III. (2) *ut precibus, vestraque suffulti doctrina, in hac fide stabiles, simplices, & ab omni defectu immunes persistamus... intraque ecclesiasticæ caulæ septa (nostrum gregem) constitutum, manifesta divinæ illius, & Apostolicæ spiritualis doctrinæ fistulæ ebucinatione, vocibusque divinitus inspiratis in unum congregemus, & ab insidiantium ferarum morsibus conservemus. Pari mentis, & oris obsequio, ac veneratione in ecclesia occidentali Episcopi Hispan. ad Hilarum PP. scribentes contestati sunt. (3) Proinde Deum in vobis penitus adorantes, ad fidem recurrimus Apostolico ore laudatam, inde responsum quærentes, unde nihil erro-*
re,

(1) Baron. ad An. 818.

(2) Concil. tom. 7.

(3) Ex Concil. Tarracon.

re, nihil præsumptione, sed Pontificali totum deliberatione præcipitur. Et hæc testimonia vera sunt, neque interpretatione indigent.

§. V.

Ratione probatur assumptum.

Ecclēsia Catholica est cœtus omnium fidelium in una fide, & uno baptismo, juxta illud *Unus Deus, una fides, unum baptisma*. Hæc autem Ecclesia una quoque debet esse, quum perfectio numeri sit, ad unum cæteros reducere, ut egregie explicat P. Bernardus. (1) *Ubi unitas, ibi perfectio. Reliqui numeri perfectionem non habent, sed divisionem, recedentes ab unitate*. Igitur in Ecclesia ad Unum necesse est ejus Unitatem deducere, quod proinde omnium sit caput. Quemadmodum enim corpus in plura membra distributum naturali ordine sub uno capite vivit, & regitur: Quemadmodum Ecclesia triumphans in Cælis miro ordine sub uno capite Deo degit: Ita quoque Ecclesia militans sub uno capite visibili conveniat, & regatur oportet. Quæ omnia luculenter a S. Cypriano expenduntur in hæc verba: (2) *Quomodo Solis multi radii, sed lumen unum, & rami arboris multi, sed robur unum tenaci radice fundatum: & quum de fonte uno rivi plurimi defluunt, nu-*

mero.

(1) l. de confid. c. 8.

(2) l. de Unit. Eccl.

*merofitas licet diffusa videatur exundantis
copiæ largitate, Unitas tamen servatur in o-
rigine. Avelle radium solis a corpore, divi-
sionem lucis Unitas non capit: ab arbore fran-
geramum, fractus germinare non poterit: a
fonte præcinde rivum, præcisus ardescet. Sic
& Ecclesia domini luce perfusa per orbem to-
tum radios suos porrigit, unum tamen lumen
est, quod ubique diffunditur, nec unitas cor-
poris separatur: ramos suos in universam ter-
ram copia ubertatis extendit; profluentes lar-
giter rivus latius expandit: Unum tamen Ca-
put est, & origo una, & una Mater fecun-
ditatis successibus copiosa. Et alibi in eodem
lib. de unit. Eccl. dum ad veritatis originem
non reditur, nec caput quæritur, nec Ma-
gistri Cælestis doctrina servatur... Loquitur
Dominus ad Petrum: ego dico tibi, inquit,
Tu es Petrus, & super istam petram ædifi-
cabo Ecclesiam meam... & iterum eidem post
Resurrectionem suam dicit: Pasce oves me-
as. Super illum unum ædificat Ecclesiam,
& illi pascendas mandat oves suas... Pri-
matus Petro datur, ut una Christi Ecclesia,
& Cathedra una monstretur.*

*Rursus D. Bernardus ait: (1) Petre pasce
oves meas... & forte præsentis cæteri condi-
scipuli erant, cum committens uni, unitatem
omnibus commendaret in uno grege, & uno*
Pa-

(1) De Confid. l. 2. c. 3.

Pastore, secundum illud: Una est Columba mea, (1) formosa mea, perfecta mea. Ubi unitas, ibi perfectio.

Igitur unus Deus, una Fides, unum Baptisma, una Ecclesia sub uno Pastore, dicente D. Bernardo: (2) *Viderat hoc qui dicebat: Vidi Civitatem Sanctam Jerusalem, novam descendentem de Cælo, a Deo paratam. Ego enim propter similitudinem dictum reor, quod sicut illic Seraphim, & Cherubim, ac cæteri quique usque ad Angelos, & Archangelos, ordinantur sub uno capite Deo, ita hic quoque sub uno summo Pontifice Primates, vel Patriarchæ, Archiepiscopi, Episcopi, Presbyteri, vel Abbates, & reliqui in hunc modum.* Concinit D. Augustinus: (3) *Hoc est vere formari, in unum aliquid redigi.* Porro si ad unum Pastorem, si ad unum Summum Pontificem Unitas Ecclesiæ redigenda est, quomodo hæc Ecclesia, quæ in corrupta est, servabitur ab ingruentibus hostium erroribus, & pernicie, nisi summus Pontifex, juxta promissa Petro data a Christo per specialem assistentiam Spiritus sancti, docens ex Cathedra infallibilitatis potiatur privilegio? Quomodo Pastor omnium, doctor, & Magister Universalis, cui universi subditi obedientiam debent, & fidei obsequium,

(1) Cant. 6.

(2) l. 3. de confid. c. 4.

(3) de Gen. imperf. c. 10.

quium, regere, docere, & pascere poterit, quin decipiat in regula, nisi ipse firmitatem fidei teneat, in docendo, & fallere, aut falli nesciat, in doctrina tradenda? Quomodo ex suo munere confirmabit cæteros in fide, ex divino Christi præcepto, nisi ipse indeviabilis sit iudicii?

Plane concidat, necesse est, tota Unitas, tota firmitas Ecclesiæ, si alia statuuntur principia. Regitur quidem Ecclesia a supremo Pastore Christo, qui perpetuo pollicitus est in sua adesse Ecclesia, & Spiritum Sanctum se daturum, omnia suggerentem, & docentem. Verum disposuit quoque, ut vice sua gereret Petrus munus commissum visibilis capitis, & Pastoris, ut citra miraculum cælestia inter homines tractanda modo humano ducerentur. Ecquis dicet suaviori methodo prævideri potuisse, quam res ita disponendo, ut caput, & Pastor omnium infallibilis servetur, & doctrinæ ejus indefectibilis pabulo tota Ecclesia enutrita, infallibili quoque robore firmata unanimi obedientiæ consensione pascatur?

Quot hæreses fuerunt, scindentes Christi vestem inconsutilem, hoc est ejus Ecclesiam? Nonne primo impii auctores conati sunt Pontificem Romanum spernere, rati quod avulso capite, tota membrorum compago dissolvatur, oporteat? D. Augustinus exprobrans Juliano Pelagiano sui criminis,

C. hære-

hæreseosque vitium, sic illum coarguit. (1)
Puto eam tibi partem orbis sufficere debere, in qua primum Apostolorum suorum voluit dominus gloriosissimo martyrio coronare; Ecclesie præsidentem Beatum Innocentium si audire voluisses, jam tunc periculosam juventutem tuam Pelagianis laqueis exuisses.

Ut Experimento comprobatum est, neque Lutherum, neque Calvinum, ut sileam de antiquioribus hæresiarchis, contumaciæ accersere potuissemus, dum Leoni dum Clementi, ex Cathedra perstreptentibus obsurdescere simularunt, si culpam suam amoliri a se intentassent, exprobrando Pontificibus Romanis fallibilitatem sententiæ contra suos errores latæ. Julianus quoque respondere potuisset Augustino, cur me discipulum Beati Innocentii fuisse exoptas, si de rebus Pelagianis fallibile proferre potuit judicium? Itaque frustra damnarentur hæretici a Romano Pontifice, incassum proscriberentur errores, & dum expectatur adunatio Concilii Generalis semper valde difficilis, vix imago Religionis in populis conspiceretur. E contra admissa infallibilitate Judicii in Romano Pontifice, bono fidei certissime prospicitur, errori statim occurratur, tam vacillantes confirmando, quam incredulos codibendo, & Ecclesiam ipsam validiorem reddendo, ut victrix a tam tru-

cu-

(1) Cont. Jul. l. 1. c. 4.

culenta peste emergat. Hac providentia credimus constitutam Ecclesiam perpetuo contra portas inferi prævalituram.

§. VI.

Effugia adversariorum exsufflantur.

PRimum effugium est, traditionem traditioni opponere. Afferunt siquidem Augustinum docentem: (1) *Gestat Petrus Ecclesiæ plerumque personam*. Itaque quum narrantur Christi domini promissiones Petro factæ, intelligi plane potest juxta Augustinum, aliosque Patres, tunc Petrum in persona Ecclesiæ eas accepisse, nihilque peculiaris privilegii fuisse Petro donatum, præter id quod a tota Ecclesia eadem confertur. Porro quum infallibilitas judicii ab Ecclesia ex divina institutione dependeat, perperam absque illa quis conatur Petro, ejusque successoribus quid aliud adscribere.

Non me latet Augustinum utraque interpretatione usum fuisse, nempe quandoque explicando Petrum in persona propria, quandoque in persona Ecclesiæ. Utramque in sua probabilitate relinquendo; ut ipse declarat lib. 1. Retract. c. 21. dicens: *Harum autem duarum sententiarum, quæ sit*

C 2 pro-

(1) Sermon. 22. de divers. c. 9.

(2)

probabilior, eligat lector. Constans igitur est traditio; quod in Petro proprie ædificata sit Ecclesia, etiam fatente Augustino loc. cit. dicente: (1) dixi in quodam loco de Apostolo Petro, quod in illo, tanquam in petra fundata sit Ecclesia; qui sensus etiam cantatur ore multorum in versibus Beatissimi Ambrosii, ubi de Gallo Gallinaceo ait: Hoc, ipsa petra Ecclesiae, canente, culpam diluit.

Quæ omnia plane indicant, unam interpretationem, aliam non evertere, sed simul optime absque ulla repugnantia cohærere. Exemplo ex eodem Augustino desumpto id confirmo. (2) S. Doctor expendens illud (3) Matth. c. 14. ubi narratur, Petrum iussu a Christo super aquas ambulasse, mox trepidantem mergi cœpisse docet, Petrum gessisse personam Ecclesiae, in qua firmi in fide tuto ambulant, & veniunt ad Jesum; infirmi vero, qui trepidant ad omnem flatum, persæpe merguntur, nisi exoratus dominus accurrat, clamando: *Modicæ fidei quare dubitasti?* Est ne dicendum, quod hæc Augustini interpretatio, figurata, & Moralis, aliam literalem, & historicam pene dejiciat? Si ita est, actum est de toto sensu literali Novi, & Veteris Testamenti, quod est absurdum. Placuit Patri-

(1) Retract. l. 1. c. 21.

(2) De Cataclism. c. 3.

(3) Serm. cit. de divers.

tribus utrumque sensum admittere, & literalem, & Moralem, seu Mysticum, quin, nisi temere arguantur, & pugnancia dixisse cogitentur. Idcirco & si plures Sancti Patres interpretati sint, Petrum, ut gerentem personam Ecclesiae pluribus privilegiis a Christo fuisse donatum; non renuunt tamen primo ad literam ipsum Petrum dicere in propria persona illa accepisse; immo ex his evincitur, non nisi per Petrum, & in Petro eadem Privilegia fuisse a Christo communicata Ecclesiae. Notum quippe esse debet, quod in factis historicis, ad differentiam factorum Prophetarum, prior, & potior sensus est ille, qui literalis dicitur, cui proinde verior interpretatio cohereret. Et hae pro nunc sufficiant ad primam objectionem.

Alteram traditionem superinducunt adversarii, dicendo a pluribus Patribus Pontificium Petri vocari nunc Cathedram, nunc Apostolicam Sedem; nunc Ecclesiam Romanam, nunc totam indiscriminatam Ecclesiam. Hocce modo loquendi usi sunt etiam ipsi Pontifices Romani, parce admodum nominando Petrum, sive se ipsos. Quod argumento est, dicunt adversarii, non fuisse a Christo data illa privilegia, in quibus numeratur infallibilitas, vel ipsi Petro, vel saltem successoribus, in propria persona; sed concessa intelligi debent Ca-

thedræ, Sedi, Ecclesiæ Universalī, vel saltem Ecclesiæ speciali Romanæ.

Hoc adversariorum sophisma, Achilles est pugnantium contra Pontificiam auctoritatem, & infallibilitatem; unde collato pede, dimicandum est. Velim prorsus edoceri, quid ista verba *Cathedra*, *Sedes*, *Ecclesia Romana*, significant? Aut saltem qui sit apud Adversarios illorum sensus? Siquidem illa continuo proferre audio, explicare nunquam adamussim. Dicunt aliqui *Cathedram*, *Sedem*, & *Ecclesiam Universalem* esse verba synonyma, adeoque huic collata immediate fuisse a Christo Privilegia Petro dicta, vel commissa. Alii dicunt esse ipsam Ecclesiam specialem Romapam, quam proinde celebrant, ut matrem, radicem, & originem cæterarum ecclesiarum, neque repugnant huic Ecclesiæ privilegium infallibilitatis concedere. Sed utraque opinio abhorret a vero, in sensu scilicet primario, & literalī, in quo præfata verba sumenda sunt.

Omissa gramaticali Cathedræ, sive Sedis nuncupatione, quæ ad rem nihil attinet, advoco D. Augustinum, & D. Thomam, ut totum negotium perspicue exolvant. D. Augustinus ita loquitur: (1) *Christus docet, Cathedram in Cælo habet, schola ipsius in terra est*. Et D. Thomas super illud

Mat-

(1) De Doctr. Christ. c. 4.

Matth. (1) *super Cathedram Moysi sederunt*, ait: per Cathedram significari auctoritatem, sive dignitatem, vel Magisterium a Moysē per successionem in alios derivatum. (2) Et alibi explicat nomen Cathedræ per eminentiam potestatis Judiciariæ super alios. Cathedra igitur eminentiam potestatis, sive muneris, locum ubi exercetur, nominat. Quapropter sicut Christus sedens in Cælis ad dexteram Patris omnia judicat, & docet in terris: Ita Pontifex Romanus sedens Romæ, sive exercite, sive signate, super omnes orbis populos potestatem sui muneris exerceat.

Hæc eminentia potestatis primo inest Pontificiæ dignitati: II. inhæret persona ad illam rite electæ: III. veluti per Sinecdochen Sedi, vel Ecclesiæ speciali Romanæ conjungitur: VI. ex consequenti extensive, & per effectum, etiam ipsi Ecclesiæ Universalis infidet. Discrimen tamen est, quod quum Ecclesia specialis Romana immediatius sit propria Pontificis Romani, eique propius interserviat in rebus difficilioribus, per studium Theologorum, ac Doctorum in decretis, & per Consilium Prælatorum, ac Cardinalium, hinc est, quod ipsa Ecclesia Romana celebris dicatur privilegio Petri, in Petro insignita, & iisdem commendetur en-

C 4 co-

(1) In Matth. c. 23.

(2) Quodl. 3. art. 9.

comiis, quibus ipsa Cathedra, vel Sedes Apostolica laudatur.

Dicimus igitur: (non est parcendum calamo, quia hoc est totius difficultatis caput) (1) Pontificium, quod explicatur nomine Cathedræ, vel Sedis, primo inhæret Pontifici Romano successori Petri, nam sicut ab exordio sedit Antiochiæ, ibique privilegiis a Christo donatus potiebatur, cum sua Ecclesia, ac sede Antiochena, modo, & ordine superius delibato; ita translata ab ipso Petro sua Sede Romam, ubi credimus in sæcula mansuram, Romæ quoque per Petrum, ejusque successores, eadem privilegia permanent. Quod si dicantur concessa Sedi, vel Ecclesiæ, non aliter intelligendum est, quam in Petro, & per Petrum. Ita expresse docet S. Nicolaus I. (2) *Ecclesiæ, inquit, Romanæ privilegia, Christi ore in Petro firmata, in Ecclesia ipsa disposita; antiquitus observata, & a Sanctis Synodis Universalibus celebrata, atque a cuncta Ecclesia jugiter venerata, nullatenus infringi, nullatenus commutari Privilegia, inquam, hujus Sedis, vel Ecclesiæ perpetua sunt.* Dicuntur quippe Privilegia Sedis, vel a Ecclesiæ Romanæ, quia B. Petro Sedi, & Ecclesiæ Romanæ ita sunt communicata,

(1) Anton. Hotman. de Droit. Eccl. l. 1. int. op. Libert. Eccl. pag. 313.

(2) Ad Michael. Imp. epist. 8.

ta, ut successor Petri in eadem Sede, & Ecclesia iisdem plene fruatur, ac si Petrus ipse frueretur, si adhuc inter vivos esset. Idcirco perpetua dicuntur, quia perpetua successione transferuntur ab uno ad alterum Pontificem ad illam Sedem electum.

Et quod ita res se habeat perspicuum reddam. Demus per hypothesein quod docente Spiritu Sancto, aliquis Romanus Pontifex transferret ad aliam Urbem Episcopatum suum; uti factum est a Petro. Tunc Pontificii privilegia essent ne, vel dici possent privilegia Ecclesiæ Romanæ? Nemo certe affirmabit; alias nunc cogeretur nominare hæc privilegia, ut Ecclesiæ Antiochenæ privilegia, neutiquam Ecclesiæ Romanæ, attenta prima institutione ibi facta a Petro. Ergo si translata Sede, transferuntur privilegia, cogimur inferre, ipsi Pontifici suam Sedem transferenti, tum ipsa privilegia inhærere. Cohæret Joannes Gersonius de potest. Ecclesiæ confid. 7. dicens: *Quod Ecclesia Romana est illa diœcesis, provincia, vel sedes, quæ peculiariter habet regi per auctoritatem Papalem, & eam complectitur; sic veritatem habet vulgaris vox: Ubi Papa, ibi Roma: nec in dubium veriti debet, quin isto modo Romana Sedes, & Ecclesia sit caput, Mater, & Magistra cæterarum, quia supremâ Petri potestatem includit.*

Audio quendam dicere: si hæc privilegia
Papæ

Papæ insiderent, defuncto Papa perirent, & perpetuitate carerent. Sedi ergo vel Ecclesiæ conjungi debent, ut ab illis creatus novus Pontifex mutuetur usum, & ministerium. Sed hoc est in absurda incidere. Petrus transferendo suam Sedem Antiochia Romam, quid transtulit? Forſan Eccleſiam Antiochenam? Non utique; quia fidelēs Antiochiæ ſubſtiterunt. Neque tranſtulit Episcopatum Antiochenum, quia Romæ Petrus novum fundavit Episcopatum, novam Sedem inſtituit. Quid ergo tranſtulit? Tranſtulit perſonam Petri, cui Pontificium inhærebat ex Chriſti inſtitutione, ſimulque cum Pontificio ei inhærebat eminentia, immo ſupereminentia potestatis, & Magiſterii, quæ per Cathedram, & Sedem nominatur. Non igitur a Sede, non a Cathedra, non ab Eccleſia mutuatur in ſucceſſoribus Petrus ſua privilegia, ſed ipſe Petrus, & ipſi Succeſſores non privilegia, ſed honorem ab huiusmodi privilegiis dimanantem, & Cathedræ, & Sedi, & Eccleſiæ Romanæ impertiti ſunt.

Hinc ad objecta in principio excitata reſpondeo: Pontifices Romanos conſueſcere ſuam auctoritatem exprimere, nunc per Sedem, antonomatiſtice Apoſtolicam, in honorem fundatoris Petri Principis Apoſtolorum; nunc per Cathedram Petri, ob eandem rationem, nunc per Eccleſiam Romanam,

nam, tanquam per locum, in quo eadem auctoritas insidet, & exercetur, omnibus prospiciendo, & consulendo. Cæterum nihil prorsus in auctoritate distinguitur per diversa illa nomina, quæ sunt in usu. Ita etiam quum legitur in diplomatibus Pontificiis, *Nostra, & Apostolicæ Sedis auctoritate, & de Plenitudine potestatis*, nihil intelligitur in potestate Pontificia immutatum, auctum, vel imminutum, quia non aliud illa verba important, quam emphasim, & energiam ad ostendendam firmitatem deliberationis, & animi. Legimus in Genesi: (1) *Per me metipsum juravi: dicit Dominus*. Et in libro Judith *Per thronum, & Regnum* juravit Nabuchodonosor. Quæ repetitio licet unum, & idem significet, attamen apposite adhibetur ex emphasi, & energia sermonis, ut urgentius constet de efficacia propositi. Ita quoties legimus repetitam auctoritatem Papæ, vel sub nomine Cathedræ, vel sub nomine Sedis Apostolicæ, vel sub nomine Ecclesiæ Romanæ, cujus Præses in omnibus est Papa, non aliud intelligi debet, quam ipse Pontifex Romanus, ejusque auctoritas, quæ audit, & judicat finali, & indefectibili sententia. Sunt ergo *Privilegia Sedis Apostolicæ* (idest Papæ) *perpetua*, inter quæ procul dubio annumerare debemus infallibilitatem judicii,

(1) Gen. c. 23.

divinitus radicata, atque plantata: impingi possunt, transferri non possunt: trahi possunt; evelli non possunt; inquit Sanctus Nicolaus I. Epist. cit.

§. VII.

Exploditur opinio asserentium requiri ad infallibilitatem judicii Pontificis Romani consensum Universalis Ecclesie, vel Ecclesie specialis Romanæ.

UT mendacio antiquitatis, opinioni suæ adversarii speciem veri affingerent, sanctum Leonem magnum obtrudunt, tanquam assertorem necessitatis consensus ecclesiæ, ut definitio ex Cathedra Romani Pontificis infallibilitatis sortiatur effectum. Mirum sane, quod doctrina tot retro sæculis incognita, & diffidiis inter regnum, & Sacerdotium concepta, inter schismata oborta, inter errores enutrita, toties diffidorum, & schismatum arte ad juventam revocata tandem sentiantur senectam ducere ab auctoritate Sancti Leonis; quam nullus antiquus Pater, vel doctor interpretatus est, vel vindicavit, ut adversariis placet. Audiamus itaque Magnum Leonem rugientem quidem, ut par est, pro auctoritate Petri, & suæ olim sedis, sed non contra illam.

Post

Post celebrationem Concilii Chalcedonensis scripsit Leo Magnus gratulatorias literas ad Marcianum Augustum (1) de Ecclesia benemeritum propter operam navatam in favorem fidei in eadem synodo: Et se explicat in hæc verba. *Nam quum vestro præcipue opere sit effectum, ut per synodale Concilium, damnatis impii dogmatis defensoribus, omnes vires sacrilegi error amitteret, ad ejusdem devotionis pertinet palmam, si malum quod in suis ducibus est oppressum, etiam in quibuscunque reliquiis deleatur. Quod facilius Clementia vestra arbitretur implendum, si per universas ecclesias definitiones sanctæ synodi Chalcedonensis, Apostolicæ sedi placuisse doceantur. De quo quidem ratio non fuit ambigendi, cum ei fidei omnium subscribendo consensus accesserit, quæ ad me, secundum formam Apostolicæ doctrinæ, ac paternæ traditionis emissæ est, & per fratrem meum Lucianum Episcopum talia, & ad gloriam vestram, & ad Constantinopolitanum antistitem scripta direxerim, quæ evidenter ostenderent, me ea, quæ de fide Catholica in prædicta synodo definita fuerant, approbare.*

Rursus idem Leo Magnus (2) scripsit ad Theodorum Cyri Episcopum in idem argumentum hisce verbis. *Unde gloriamur*

in

(1) Epist. 59.

(2) Epist. 65.

in domino . . . qui nullum nos in nostris fratribus detrimentum sustinere permisit : Sed quæ nostro prius ministerio definierat , universæ fraternitatis irretractabili firmavit assensu , ut vere a se prodisse ostenderet , quod prius a prima omnium sede formatum , totius Christiani orbis iudicium recepisset , ut in hoc quoque capiti membra concordent .

Tria discimus ex mente S. Leonis . Primo ipsum Pontificem transmisisse per suos legatos epistolam dogmaticam , in qua regula fidei fuerat exarata , ut Patres Concilii juxta illam exponerent doctrinam fidei contra abortos Eutychetis errores . Secundo discimus Concilium omnia explevisse ad normam Leoninæ definitionis , conclamando : *Sicut credit Leo , ita & nos credimus :* quod est assentire irretractabiliter , alias non fuisset assensus fidei . Tertio discimus , omnia acta Conciliaria remissa fuisse ad ipsum Leonem , secundum formam Apostolicæ doctrinæ , quibus postremam auctoritatis suæ manum apposuit . Ita enim ad Augustum in cit. epistola declarat : *Quæ mihi de confirmatione fidei Catholicæ , & hæreticorum damnatione placuerunt , libens adjeci sententiam meam .*

Quid emungant osiores Pontificiæ infallibilitatis ex verbis Leonis , non percipio : Quia assensus a Concilio præstitus , adhuc subijciebatur finali sententiæ ipsius Leonis :
ergo

ergo ad hanc, non ad illud spectat infallibilitatem præstare. Quod si dictus est assensus irretractabilis: relate ad ipsum Concilium ita se habet, quia se ita credere declaravit; neutiquam relate ad auctoritatem Leonis, qui sua postrema approbatione irretractabilis definitionis fecit dogma decretum.

Si autem quis quærat: Cur Leo suam definitionem submisit Concilio, si plena gaudebat infallibilitate? Plana pro nunc est responsio, quia suaviter trahere cupiebat ecclesiam orientalem in veritatem fidei, & damnationem hæreticorum, adeoque voluit, ut ipsum Concilium tanquam a se prodeuntem emitteret sententiam, cogereturque in agmen validum ad retundendam hæreticæ pravitatis pervicaciam: ut ipse M. Leo in mox cit. epist. diserte se explicat.

§. VIII.

Quot absurda consequantur, semel admissa necessitate consensus Ecclesiæ ad infallibilitatem definitionis Pontificiæ ex Cathedra.

NCESSARIUS est consensus Ecclesiæ, ut decreta Pontificis Romani ad fidem pertineant, inquiunt adversarii. Sed qualis, ac quantus esse debeat, nemo ada-

adamussum explicat. Hæc est res maximi momenti, quum agatur de fide, ideoque palam, & aperte dicendus est sensus questionis. Sit igitur hypothesis. Editur Bulla dogmatica a Papa. Peto an exigatur consensus totius ecclesiæ ut sit de fide habenda? Et quidem explicite, an huiusmodi consensus debeat ab omnibus Christi fidelibus præstari, quorum congregatio ecclesia tota est: An a solis Episcopis, qui Ecclesiam repræsentant: An vero a majori parte Episcoporum: An a solis Episcopis unius Provinciæ?

Respondent aliqui, tunc evadere Constitutionem dogmaticam infallibilis iudicii, quando accedit consensus Ecclesiæ, quin velint clariorem reddere sui dicti explanationem. Hæc indefinita responsio gestit expetere vel omnium fidelium, vel saltem omnium episcoporum consensum. Sed quid absurdius? Quomodo cuiquam innotescere poterit, fideles, vel Episcopos per Indorum, Bactrianorum, Scytharum, aut Sinarum, vel per algentes torridasque regiones dispersos, suum adjicere consensum, si tantum post menses & annos vix contingit ad illos pervenire emanatæ Constitutionis notitiam? Pendulus ne hærebit in sua fide Christianus quilibet, vel Episcopus Europeanus, protrahens in ævum captivare intellectum in obsequium fidei erga articulum,

lum, seu dogma propositum, quia nondum edoctus est de aliorum consensu? Si ita est, injuste, & nequiter habiti sunt Pelagiani, ut hæretici, statim ac ab Innocentio I. condemnati fuere, quia nondum explorato ecclesiæ consensu de infallibilitate periclitabatur sententia. Eodem modo de pluribus hæreticis, & hæresibus loquendum est, quum expedite a sola sede Apostolica damnationem subierunt. Est igitur opinio absurditate plena quam maxime.

Respondent alii; sufficere consensum majoris partis ecclesiæ. Belle quidem. Quis est tantæ auctoritatis in ecclesia, ut suo arbitrio velit ecclesiam numerare, & in partes dividere? Deinde partem unam ad infallibilitatem fidei probare, alteram ex cerebro rejicere? Tanti ne est Academia aliqua, vel Clerus? Vos Fideles, vos Episcopi, qui inter infideles, vel hæreticos usque ad sanguinem dimicatis, placide sustinere, si vobiscum non est communis auctoritas instituendi infallibile judicium Papæ. Non placet uni Academiæ, non placet uni Clero hanc libertatem donare. Demus tamen hoc grande commentum. Quis erit iudex in numeratione hujusmodi majoris partis Fidelium, vel Episcoporum, ut inde compertum existat omnibus Christi Fidelibus, perventum esse ad fidei obligationem? Nemo respondet. Nemo se prodit. In meri-

D die,

die, & in via oculis capti Andabatarum more contendimus. In toto orbe, præter unam Academiam, præter unum Clerum, omnes profitentur, & conclamant suam quidem obedientiam Apostolicis dogmaticis decretis devovere, nunquam tamen intendere consensum ullum præstare, qui ad necessitatem infallibilitatis quaquaversum concurrat. Attamen velint, nolint, cæteri fideles, vel episcopi trahuntur ad causam, & suum præstantes consensum finguntur. Mira res est! Major pars ecclesiæ, immo pene tota infallibilem dicit, & credit esse Pontificem Romanum, nullo accedente consensu ecclesiæ: & nihilominus ex tripode minima pars ecclesiæ pugnat acriter, & sustinet, quod consensum debeat præstare. Solvat nodum, qui hæc pugnantia profert.

Respondent alii; sufficere consensum episcoporum unius Provinciæ, ut fideles adstringantur ex fidei debito infallibili Papæ judicio se subjicere. Juxta hoc placitum infallibilitas Pontificia dependet a consensu unius Provinciæ, sive sit Metropolitanæ, sive sit Nationalis, nihil moror. Bisariam hoc intelligi potest. Vel quod iste consensus reddat ubique infallibile de fide judicium Pontificium, vel quod tantum de fide sit in illa Provincia. Si primum intelligatur, probrosum est cæteris ecclesiis suam fidem

fidem mutuari ab ecclesia æqualis ordinis, & non a Pontifice Romano, qui est caput omnium ecclesiarum. Idcirco commentum hoc ex se ipso concidit. Si vero intendatur constitui tantum infallibilitatem in illa regione, & pro fidelibus illius Provinciæ, dura admodum res est, ut in frustra veluti dividatur fides, quum in una fide omnes necesse sit convenire. Rursus quid dicendum in casu quo episcopi illius Provinciæ, vel nationis inter se discordes fuerint, tum in præstando consensu, tum in explicando Pontificiam Constitutionem? Quid si episcopi præstito prius prætenso consensu, & publicato constituto, mox inconstantes utrumque revocaverint, & fidem prius insitam in populis funditus eradicaverint? Quid dicendum esset? Fortasse me ludere quis sentit. Sed experientia didicimus hæc omnia pessime cessisse in Galliis in mota questione contra dogmaticam Constitutionem Clementis XI. incipien. *Unigenitus Dei Filius*. Res sane luctuosa, ipsis Gallicanis episcopis boni, & æqui cultoribus invisa, & nigro signanda lapillo.

Vel igitur hoc placitum est pura Conclusio ex privato sensu ducta, vel ex fidei principiis derivata. Si primum, non arctabitur subditus, neque illius Provinciæ, vel nationis, obsequium fidei præstare. Si secundum, cur non arctabit totius orbis fideles?

Fortitan liberum est joculari in iis, quæ ad fidem spectant, & ad quemlibet ventorum flatum variare sententiam, in evidentem animarum perniciem?

Respondent alii; neque sufficere qualemcunque consensum episcoporum, ut probeatur, infallibile esse Pontificis Romani judicium; sed insuper opus esse, ut præhabito concilio, & examine, episcopi, vel divisim, vel conjunctim proferant pro sua auctoritate, ex tribunali, sententiam. Ita in pluribus sparsis pagellis per Gallias evulgatis ab osoribus Pontificiæ laudatæ Constitutionis *Unigenitus* legere est, contra monitum Augustini præcipientis: (1) *Nullus affirmare audeat, quod nec divina ratione comprehendit, nec humana auctoritate defendit.*

Arbitrarium omnino videtur hoc placitum, nulla auctoritate suffultum, & plurimis incommodis dissensionis, & schismatis obnoxium, quemadmodum antedicta experientia est comprobatum. Ecclesiam Romanam a primordiis declaratam esse a Patribus Matrem, Magistram, & originem omnium ecclesiarum, ex Pontificis Romani sola auctoritate inspecta, ex qua jugis conservatio Catholicæ traditionis dimanat, novimus. Præclare id explicat (2) S. Irenæus, alii-

(1) de Anim. & ejus orig. l. 1. c. 13.

(2) l. 3. c. 3. adv. hær.

aliique quamplurimi, quos citare piget in te tam clara. Itidem scimus quamplurimas ecclesias defecisse in suo peculiari iudicio, nedum singillatim edito, sed etiam inter se unitas in coactis Pseudosynodis. Quamobrem Ruffino exprobrabat Hieronymus, (1) *Miror quomodo probaverit Italia, quod Roma contempsit: episcopi susceperint quod fides Apostolica condemnavit: & ad Deme- triadem scribebat.* (2) *Quia vereor, immo ru- more cognovi, in quibusdam adhuc vivere, & pullulare venenata plantaria, illud te pio icbaritatis affectu præmonendam puto, ut S. Innocentii, qui Apostolicæ Cathedræ, & su- pradiçti viri successor, & filius est, teneas fidem, nec peregrinam, quamvis tibi pru- dens, callidaque videaris, doctrinam recipias.* Millia hujus sensus testimonia ex antiqua traditione afferri possent. Quomodo ergo in hac pōstrema ætate contra majorum tradi- tionem novum est inducendum tribunal (cui ob deficiendi periculum non est fiden- dum,) ut fideles in fide finaliter sint edo- cendi? Quomodo supra iudicium Petri ex- celliorem Cathedram licet erigere, quæ plu- ries fallere, & falli visa est? (3) *Negare non potes, scire te, in urbe Roma Petro primo Cathedram Episcopalem esse collatam*

D 3

...in

(1) l. 3. c. 5. cont. Ruffin.

(2) Epist. 8. c. 9.

(3) Optatus Mil. l. 2. cont. Parmen.

... in qua una Cathedra unitas ab omnibus servaretur, ne ceteri Apostoli singulas sibi quisque defenderet: ut jam schismaticus, & peccator esset, qui contra singularem Cathedram alteram collocaret. Ergo Cathedra unica, quæ est prima de dotibus, sedit prior Petrus, cui successit Linus, est &c.

Neque dicas erigi Tribunal, ad confirmandam sententiam Papæ: Quia repono. Est ne confirmanda sententia Clementis XI. in sæpe citata Constitutione *Unigenitus*, quando nonnullorum episcoporum iudicium auditum est debacchari; Constitutionem ad internecionem animarum, fidei, & morum collimare, sanctos Patres pessundare, omnia disciplinæ Christianæ principia susdeque confundere, atque delere? Monita, Edicta, Volumina hæc perstreptentia aperta sunt, & recordari pudendum est.

Hæccine quo tendit opinandi libido, & ambitionis prurigo supra Cathedram Petri se extollendi, & supra matris, ac Magistræ auctoritatem, dimissio filii, & discipuli obsequio, condendi Tribunal? *Catholico non adulemur, nec ei, quia Christianus Catholicus est, impunitatem, quam scriptura divina non promittit, promittere audeamus.* (1) docet D. Augustinus.

§. IX.

(1) De Bapt. cont. donat. l. 4. c. 19.

§. IX.

*Cujusdam Recentioris opinio falsitatis
convincitur.*

AD propositum in præcedenti Paragrapho quæsitum, Respondet recens opinator, sibi persuadens Pontificiam infallibilitatem componi per accessum consensus Ecclesiæ particularis Romanæ. Lepide satis. Ecclesia hæc Romana, sive in suo Clero, sive in suis subditis, sive in Episcopis adjacentibus, sive in sacro Cardinalium Collegio spectata, proficitur omnino, Pontificem Romanum ex Cathedra loquentem semper fuisse, & esse per se ipsum, hoc est ex speciali Spiritus Sancti assistentia illum movente, & dirigente, infallibilem, ex privilegio ab Christo Petro, ejusque Successoribus collato; quo inconcussio principio rejicit, damnat, execratur cujusunque consensus accessionem, qui non sit puræ obedientiæ. Attamen vel invitæ imponitur erutum, certe ex orco, privilegium conficiendi suo consensu infallibilitatem Papæ. Quis in suspicionem non veniet, per omnes fraudes, & vias etiam contra ipsam Ecclesiam Romanam intentari ad evertendum castrum avitæ fidei? Verum
im-

immota stat petra , supra quam fundata est , concuti potest , perdi non potest .

Tota hallucinatio in eo sita est , quia laudatur a Patribus Ecclesia Romana , ut Mater , & Magistra veritatis , atque totius traditionis fidelissima custos : unde ab illa promanare debet infallibilitatis complementum , per suum consensum adjectum . Perperam omnia .

In Concilio Florentino edita fuit definitio fidei , in qua hæc legimus declarari : *Diffinimus Sanctam Apostolicam Sedem , & Romanum Pontificem in Universum orbem tenere primatum , & ipsum Pontificem Romanum successorem esse Beati Petri Principis Apostolorum , & verum Christi Vicarium , totiusque Ecclesie caput , & omnium Christianorum Patrem , ac Doctorem existere , & ipsi in Beato Petro pascendi , regendi ac gubernandi Universalem Ecclesiam , a Domino nostro Jesu Christo plenam potestatem traditam esse , quemadmodum & in gestis œcumenicorum Conciliorum , & in sacris Canonibus continetur .* Hæc est fides ecclesie Romanæ . Colere se profitetur Ecclesia Romana Pontificem Romanum , ut omnium & suum caput : ut omnium , & suum Pastorem , Doctorem , atque Magistrum . Profitetur se esse filiam , & discipulam , & membrum : Ut membrum suo capiti subdi , ut discipulam suo Magistro credere , ut filiam

liam suo Patri obedire palam explicat, & declarat.

Omni mentis, & animi asseveratione confitetur Ecclesia hæc Petro, & in Petro ejus successoribus privilegium singulare concessum fuisse a Christo pascendi omnes oves, confirmandique auctoritate sua omnes Fratres indefectibili scientiæ pabulo, & indeviabili sententia; adeout ipse Petrus, & quilibet successor ex speciali assistentia Spiritus Sancti nec fallere, nec falli possit docendo ex Cathedra. Confitetur hujusmodi Privilegium nemini alteri esse communicatum, itaut neque Ecclesiæ dispersæ, neque ipsa Generalia Concilia possint quicquam indeclinabili, & irretractabili judicio definire, vel statuere, quod a Pontifice Romano finali, ac peremptoria sententia ratum non fuerit habitum, & confirmatum: Uti etiam testati sunt Socrates, & Sozomenus, & acta ipsa Conciliorum. (1) Socrates quippe ait, loquendo de Ariano Concilio Antiocheno: *Julius Episcopus Romanus neutiquam aderat, neque quemquam, qui ejus locum suppleret, destinavit; Cum utique regula ecclesiastica jubeat: Non oportere præter sententiam Romani Pontificis Concilia celebrari.* Quæ a Sozomeno confirmantur, narrante: (2) *Legem esse ad Sacer-*
dotis

(1) l. 4. hist. trip. c. 9.

(2) l. 3. hist. c. 9.

dotis dignitatem spectantem, quæ pronuntiat, acta illa irrita esse, quæ præter sententiam Episcopi Romani constituuntur. Et sæpius pronuntiatum id legere est, (1) apud S. Leonem, apud S. Nicolaum I. & alios.

Profitetur Ecclesia Romana nihil posse conferre ad infallibilitatem Pontificis Romani, vel suum, vel totius Ecclesiæ consensum, quum Pastori nil valeant oves ad-jicere, quam audire vocem, & regimini subdi: quum Magistro atque doctore nil possint discipuli, & clientes adjungere, quam discere, & credere: suumque assensum non aliud operari, quam captivare intellectum in obsequium haustæ fidei.

Profitetur Romana Ecclesia omnes, & singulas prærogativas, & splendida nomina sibi a Patribus donata, tum Matris, tum radices, & originis Ecclesiarum cæterarum, quibus insignita legitur, unice a Petro, ejusque Pontificia dignitate in successores derivata procedere; Cujus rei argumentum est, quod si alio transferri contigisset Pontificiam Cathedram (quod numquam eventurum credimus) una quoque cum illa mutarent sedem, & locum encomia, & laudes, quibus nunc celebratur. *Felix Roma* canit Ecclesia: *Felix Ecclesia*, excla-

(1) S. Leo ep. ad Marcian. Imp. S. Nicol. I ep. ad Phot.

exclamat Tertull. de præscript. cap. 36. cui totam doctrinam Apostoli cum sanguine profuderunt, ob sedem Petri præcipue illustrata splendore; cui concinit S. Prosper:

Sedes Roma (1) Petri, quæ Pastoralis honoris

Facta caput mundo, quicquid non possidet armis,

Religione tenet.

Et S. Leo Romam dicit ad hanc laudem provectam, ut (2) Civitas Sacerdotalis, & Regia per sacram Beati Petri sedem caput orbis effecta, latius præfideret religione divina, quam dominatione terrena. (3) Expressius loquitur S. Nicolaus I. dicens: (4) Privilegia enim sua a Christo Romana Ecclesia per Petrum consequuta est, & ipsa sunt statuta Christi... Ecclesiæ, inquam, Romana adeo sunt antiqua, & vetera privilegia, ut Nicæna Synodus (sicut (5) Bonifacius Præsul Apostolicus, Episcopis per Thessaliam constitutis scribens ait) non aliquid super eam ausa sit constituere, cum videret nihil supra meritum suum posse conferri: omnia denique huic noverat domini sermone concessa.

Quem.

(1) In Carm. de ingratis.

(2) Serm. in Nat. Apost. Petri & Pauli.

(3) Epist. 47. ad Galliæ Episc.

(4) Concil. Gall. tom. 3. pag. 259.

(5) Ep. edit. ab Holsten.

Quemadmodum igitur Roma celebris dudum apparuit ex auctoritate, & residentia Principis, cujus imperio orbis fasces subiciebat, esto quicquam auctoritati non conferret; ita ecclesia Romana, ex residentia Petri, & successorum summis laudibus effertur, etsi ad privilegia a Christo Petro collata nihil addere possit, aut præsumat. Ecclesia, Sedes, Cathedra, Thronus nominatur, pro sedente, pro Rectore, pro Principe, qui in se totam fert potestatem, & imperium. Ait enim S. Petrus Chrysologus. (1) *Vere B. Petrus immobile fundamentum salutis... Ipse est ergo custos fidei, petra Ecclesie, janitorque Cælorum. Ipse est Apostolicus piscator electus, qui ad se turbas errorum fluctibus mersas hamos sanctitatis invitat, & doctrinae suæ reti concludit ad fidem hominum multitudinem copiosam.*

Non me latet, moris esse in Apostolicis diplomatibus sæpe inferere Clausulam: (2) *de Consilio; & assensu nostrorum Fratrum Cardinalium decernimus &c.* Sed nunquid id trahendum est ad roborandam Pontificiam infallibilitatem? Minime gentium. Consultationem præambulam ad causas majores, uti sunt illæ, quæ ex Cathedra definiuntur, adhibent Pontifices Romani: Votum suum Cardinales aperiunt, sui que assen-

(1) Serm. 107.

(2) In Brevi Beatificat.

assensus consilium præbent . Sed quid ad infallibilitatem . Judicii confert hic præambulus assensus ? Assensus est consultivus , non decisivus , cui refragari potest , & sæpe refragatur summus Pontifex . Quæ confirmantur a Patribus Concilii Tridentini sess. 25. de refor. cap. 1. ubi commemoratur , Sanctæ Romanæ Ecclesiæ Cardinalium consilio administrationem Universalis Ecclesiæ apud Sanctissimum Romanum Pontificem nisi . Res per se patet , neque enim de assensu prævio est sermo , sed de finali , & postremo , quem tantum dicimus esse puræ obedientiæ erga infallibilem Papæ sententiam .

Ad hæc collimant verba Gerlonis , si sibi constans esse vellet , (1) de statu Papali disserens : *Status Papalis institutus est a Christo supernaturaliter , & immediate , tanquam primatum habens Monarchicum . & Regalem in Ecclesiastica Hierarchia ; secundum quem statum unicum , & supremum ecclesia militans dicitur una sub Christo : quem statum quisquis impugnare , vel diminuerè , vel alicui ecclesiastico statui particulari coæquare præsumit , si hoc pertinaciter faciat , hæreticus est , schismaticus , impius , atque sacrilegus . Cadit enim in hæresim toties expresse damnatam a principio nascentis Ecclesiæ usque bodie ; tam per institutionem Christi*

) 1) De Stat. Eccle. Confid. 1.

Christi de Principatu Petri super alios Apostolos, quam per traditionem totius Ecclesiae in sacris eloquiis suis, & Generalibus Conciliis. Gersoni adhæsit Academia Parisiensis, quæ in articulis contra Lutherum exposuit: Unum esse Jure divino summum in Ecclesia Christi militante Pontificem, cui omnes Christiani parere tenentur. Ergo si omnes parere tenentur, nullus consensus mediare potest, neque requiri, qui infallibilitatem judicii perficiat, ne in incertum obedientia incidat, & in discrimen veniat; ne avulso consensu, vel in longum dilato ipsa obedientia frustretur. Cæterum egregie congruit argumentatio divi Hilarii, quam Constantio exposuit circa pugnam excitatam suo tempore inter dissidentes Arianos, dicentis: (1) dum in verbis pugna est; dum de novitatibus quæstio est; dum de ambiguis occasio est; dum de Auctoribus querela est; dum de studiis certamen est; dum in Consensu difficultas est; dum alter alteri anatHEMA esse cœpit, prope jam nemo Christi est. Incerto enim doctrinarum vento vagamur, & aut dum docemus, perturbamus; aut dum docemur, erramus.

(1) Apol. 2. ad Constant. l. viii. c. 1.

§. X.

Argumenta petita ex Monumentis Ecclesiasticis diluuntur .

ROMANOS Pontifices, quum ex Cathedra docent, infallibiles quidem diximus, & ex traditione vindicavimus. Cæterum suis infirmitatibus obnoxios esse non diffitemur, quemadmodum legimus Petrum a Paulo reprehensum fuisse, quia reprehensibilis erat, ut ipse Paulus ad Galatas scripsit. Quum enim Petrus Antiochiæ substitisset, (1) prius quam venient quidam a Jacobo, cum gentibus edebat: cum autem venissent, subtraherebat, & segregabat se, timens eos, qui ex circumcisione erant. Quod expendens Tertullianus (2) Plane, inquit, reprehendit; non ob aliud tamen, quam ob inconstantiam victus, quam pro personarum qualitate variabat, timens eos, qui erant ex circumcisione; non ob aliquam divinitatis perversitatem, de qua & aliis in faciem restitisset, qui de minora causa conversationis ambiguae, Petro ipsi non pepercit. Si potuit subinde Petrus, gratia adeo eminenti dotatus, conversationis, non doctrinæ defectum admittere; quomodo

(1) Ep. ad Gal. c. 2.

(2) l. 5. cont. Marcion. c. 3.

do cæteros Petri successores ab omni labe purgabimus? Dictis stemus pro infallibilitate Romani Pontificis ex Cathedra docentis.

Ad labefactandam Patrum traditionem, qua de re agitur, afferunt adversarii exempla Ecclesiæ Asiaticæ, & Ecclesiæ Africanæ, quarum Episcopi, etsi sanctitate insignes, & sapientia præclari, refragari non dubitarunt Romanorum Pontificum generalibus constitutis ad fidem spectantibus, nempe Ecclesiæ Asiaticæ auctore Polycrate Ephesiorum Episcopo, pugnarunt adversus decretum S. Victoris PP. I. de celebratione Paschæ in die dominico; & Ecclesiæ Africanæ, duce S. Cypriano Episcopo, & Martyre, impavide steterunt contra decretum S. Stephani PP. I. de non rebaptizandis hæreticis. Utriusque historia recolenda est, & opportune expendenda; ut inde compertum fiat, an jure præfatæ ecclesiæ inficiatæ sint Pontificiam infallibilitatem.

Sæculo primo æræ Christianæ Ecclesia Romana ex traditione divi Petri solemnem diem Paschatis agebat Dominica sequenti Æquinoctium Vernalis post quartamdecimam diem lunæ mensis Martii; E contra Asiaticæ Ecclesiæ juxta invec̃tam consuetudinem Sancti Joannis Apostoli diem Paschalem celebrabant die 14. lunæ Vernalis
more

more Judaico. Studuit Anicetus PP. ab illa consuetudine dimovere Polycarpum Sanctissimum Episcopum Smyrnensem, in colloquio secum habito Romæ, sed frustraneus cessit labor, salva tamen permanente inter ipsos charitatis pace. Sæculo sequenti secundo, utraque pars pro suo pugnabat ritu, quum Asiaticæ Ecclesiæ impotenti æstu fervescerent ad excessus sua studia apportarent. Siquidem undique (1) Romanos criminabantur, tanquam detractores Asiaticæ consuetudinis, & ab eorum communione se subtrahebant. Demum coacto Episcoporum Concilio sub Polycrate Ephesiorum Antistite, Synodicas litteras ad omnes Ecclesias direxerunt, quibus impietatis palam arguebant, qui luna 14. Martii Paschale festum non agerent. Victor PP. curavit audaciam compescere, & errorem; sed frustra. Quamobrem omnibus Asiaticis, nempe Asiæ minoris Ecclesiis comminatus est pœnam excommunicationis; vel ut aliis placet, excommunicationem in eas intorsit, ut a sententia discederent. Ab hac inobedientia, & contumacia in hæresim pluriimi Asiatici prolapsi sunt, dicti proinde Quartadecimani, quos Concilium Nicænum profligavit, edito statuto, quo omnibus fidelibus denunciatus fuit dies Paschæ Dominica immediate sequens lunam 14.

E juxta

(1) Epiphan. hæres. 70.

juxta morem Romanum. Omnia constant (1) ex Eusebii historia , & ex Hieronymo in Catalogo script. Eccles. & ex Vener. Beda l. de Æquinoct. Verno .

Composita hac controversia Asiaticos inter , & Romanos , error idem in partibus Occidentalibus se abscondit , apud Scotos scilicet , & Britones sedem figens , adeo firmam , ut neque monitis , neque prædicatione S. Augustini Angliæ Apostoli potuerint unquam corrigi , vel dedoceri , & a sua pristina consuetudine celebrandi Pascha more Judaico desciscere . Fere per duo Sæcula in avita contumacia permansere , adeo ut Joannes PP. IV. ad illas Ecclesias ex zelo fidei in hæc verba scripserit (2) *Scripta quæ ad sanctæ memoriæ Severinum Papam adduxerunt , & de hac luce migrante , reciproca responsa , ad ea quæ postulata fuerant , siluerunt ; Quibus reseratis , ne diu tantæ quæstionis caligo indiscussa maneret , reperimus quosdam Provinciæ nostræ , contra Orthodoxam fidem , novam ex veteri hæresim renovare conantes , Pascha nostrum , in quo immolatus est Christus , nebulosa caligine refutantes ; & 14. luna cum hebræis nitentes .* (3) Narrat Beda floruisse tunc temporis Sanctum Anatolium , S. Columbanum ,

(1) l. 4. c. 13. & l. 5. c. 22. & seq.

(2) Beda hist. Anglor l. 2. c. 19.

(3) l. 3. c. 14. & 17. & alib.

num, aliosque sanctitate præclaros viros, & Episcopos.

Excurre fas erat integram de hac quaestione historiam, ut integre ora loquentium contra infallibilitatem Papæ obstruerentur. Plura discimus ex narratis. I. Quod Episcopi Asiatici, tum Scoti, & Britones in errorem manifestum prolapsi sunt. II. Quod deinde aucta contumacia hærelis emerfit. III. Quod Scoti, & Britones nedom elata fronte Romanos Pontifices contempserunt, sed etiam ipsum Generale Concilium Nicænum. Hinc si adversarii contendunt evincere ex inobedientia Asiæ Ecclesiarum erga Victorem PP. non fuisse illis probatam infallibilitatem Papæ; ex inobedientia quoque Ecclesiarum Anglicanarum erga Concilium Nicænum, colligere coguntur, tunc temporis minime comperitam fuisse infallibilitatem Concilii Generalis. Quod certissime adversarii non probabunt. Ecce suo ense se jugulant, & incidunt in foveam, quam faciunt.

Cæterum communis responsio est, quid humani passos fuisse utrobique Episcopos, qui traxerunt greges suos simul in errorem splendida illa traditione, quam audierant a S. Joanne Apostolo originem ducere. Credebant proinde quaestionem versari in re disciplinæ duntaxat, in qua liberum esset suos ritus sequi. Abrepti deinde in abun-

dantia sui sensus, quemadmodum minime cogitare de debito obsequendi, & veritati rei, & Victori Romano Pontifici, præcipiente Apostolo: (1) *Obedite præpositis vestris, & subjacete eis*; ita quoque non cogitarunt de infallibilitate Victoris PP. quam nefaserat prætermittere. Si error, si ignorantia, si hæresis valeant infallibilitatis traditionem, & veritatem delere, ipsi adversarii judicent. Semel enim hoc admisso, actum est etiam de ipsa veritate Sacrae Scripturæ.

Non absimili laborat æquivocatione alterum exemplum desumptum ex contentione mota a S. Cypriano adversus decretum S. Stephani I. quo statutum fuit, esse contrarium universæ traditioni rebaptizare hæreticos ad fidem Catholicam conversos. Res ita contigit. Sedente Romæ Stephano Sæculo III. æræ Christianæ, S. Cyprianus coacto Carthagine Concilio errorem ab Agrippino decessore Episcopo invecum de rebaptizandis hæreticis, instauravit, & datis Synodicis Epistolis, immoderato studio etiam S. Firmilianum Episcopum Cæsareæ in Cappadocia, & S. Dionysium Episcopum Alexandrinum in suam traxit sententiam. Stephanus pro muro stetit, vetuitque ne in hac re innovaretur vetus traditio, qua semper probatum fuerat baptis-

ma

(1) ad Hæbr. 13.

ma vel ab hæreticis collatum. Ægre tulit Cyprianus Stephani decretum, & acrius quam par erat, illud perstringens, ad Pompejum scripsit in hæc verba: (1) *Nam inter cætera vel superba, vel ad rem non pertinentia, vel sibi ipsi contraria; quæ imperite, atque improvide (Stephanus) scripsit, etiam illud adjunxit, ut diceret: Si quis ergo a quacumque hæresi venerit ad nos, nihil innovetur, nisi quod traditum est, ut manus illi imponatur in pœnitentiam.* Quis itaque conficiet, Cyprianum (aliosque illius ætatis) credidisse infallibilem in docendo Romanum Pontificem, quem tot laceravit conviciis? Ita arguunt adversarii.

Homines enim sumus, inquit D. Augustinus de S. Cypriani errore: (2) Unde aliquid aliter sapere, quam res se habet, humana tentatio est. Nimis autem amando sententiam suam, vel invidendo melioribus usque ad præcidendam communicationis, & condendi schismatis, vel hæresis sacrilegium pervenire, diabolica præsumptio est. In nullo aut sapere, quam res se habet, Angelica perfectio est. Discant illi, qui contumaciam suam erga Sedem Apostolicam exemplo S. Cypriani tuentur: sed discant se ipsos probare, an fuso sanguine per Martyrii confessionem sequi Cyprianum parati, ac prom-

E 3 pti

(1) Ep. 74.

(2) l. 2. de bapt. cont. donat. c. 5.

pti sint, adeout de ipsis repeti possint; quæ de illo scripsit Augustinus: (1) *Illum navum in candore Sanctæ Animæ, charitatis ubera contegebant.*

Igitur respondeo, S. Cyprianum censuisse quæstionem de consuetudine baptizandi, vel non baptizandi hæreticos ad fidem conversos, esse adiaphoram, adeoque minime exprobrare debuisse Stephanum illam, quæ in Africa erat in usu; ut ipse Cyprianus in epistola Synodica ad Stephanum PP. expresse declaravit scribens: (2) *Ut de hac ipsa re quid singuli sentiamus, proferamus, neminem judicantes, aut a jure communionis aliquem, si diversum senserit, amoventes. Neque enim quisquam nostrum Episcopum se esse Episcoporum constituit. Esto subiratus deinde controversiam ultra disciplinæ limites extulerit. Præclare quoque scripserat Cyprianus de Romana Sede: (3) *Deus unus est, & Christus unus est, & una Ecclesia; & Cathedra una super Petrum Domini voce fundata.* Et alibi Fortunati, & Felicissimi schisma percellens incusat, hæreses, & schismata gigni, quia unum Sacerdotem nequeunt novatores cognoscere, ac venerari. (4) *Neque enim aliunde hæreses**

(1) ib. l. 1. c. ult.

(2) August. l. 4. de bapt. cont. donat. c. 8.

(3) Ep. 40. ad Plebem.

(4) Ep. 55. ad Cornelium.

refes obortæ sunt (inquit) aut nata sunt schismata , quam inde , quod Sacerdoti Dei non obtemperatur , nec unus in Ecclesia ad tempus Sacerdos , & ad tempus iudex vice Christi cogitatur .

Hæc omnia probant , quænam fuerit Cypriani sententia erga Romanum Pontificem : Quam si in æstu disceptationis infecit , parcendum est imbecillitati humanæ , quam neque Cyprianus exuit . Laudatur Stephanus , qui pro veritate pugnavit ; ait enim Vincentius Lirinensis : (1) *Tunc B. memoriæ Stephanus Apostolicæ Sedis Pontifex , cum cæteris collegis suis , sed tamen præ cæteris restitit , dignum , ut opinor , existimares , si reliquos omnes tantum fidei devotione vinceret , quantum loci auctoritate superabat .* Sed non laudatur Cyprianus ob resistantiam factam Stephano , ob quam S. Augustinus scripsit in hæc verba ad Vincentium Donatistam : (2) *Correxisse (Cyprianum) istam sententiam non invenitur : non incongruenter tamen de tali viro existimandum est , quod correxerit , & fortasse suppressum sit ab eis , qui hoc errore nimium delectati sunt , & tanto velut patrocínio cære noluerunt .*

Videant adversarii , an ab huiusmodi exemplis patrocínio quærendum sit . Sed præ-

E 4

stat

(1) Common. adv. hæz. c. 9.

(2) Ep. 58.

stat doctrinam Augustini audire. (1) *Quando*, inquit, *in Scripturis sanctis mala a sanctis viris facta legimus, non etiam facienda credamus, ne violemus præcepta, dum passim sectamur exempla.*

§. XI.

Nonnulli Romani Pontifices ab impæctis erroribus vindicantur.

IN relata controversia, ac disceptatione de non rebaptizandis hæreticis inter S. Stephanum I. & S. Cyprianum exorta, contenditur, sanctum Pontificem datis litteris ad Jubajanum episcopum scripsisse, non esse rebaptizandos hæreticos, dummodo in nomine Christi baptizati fuerint. Edoctus S. Cyprianus ab Jubajano de rescripto S. Stephani, abreptus calore motæ quæstionis intellexit, Stephanum baptismum approbasse in nomine solius Christi collatum, suppressa scilicet invocatione sanctissimæ Trinitatis, contra expressam formam a Christo traditam in Evangelio. Quo factum est, ut Cyprianus inter alias questiones adversus Stephanum exaratas (2) ad Pompejum, etiam hanc intertexuerit objectionem, docuisse Stephanum baptismum

(1) cont. Mend. c. 9.

(2) Epist. 73.

muni in nomine Christi collatum legitimum esse. In hunc errorem incidisse Stephanum adversarii subinferunt.

Non exstat epistola Stephani ad Jubanum data, unde dubium excuti possit. Sed plane constat S. Cyprianum dubiis verbis captum fuisse, & pro baptismo a Christo instituto, intellexisse baptismum in solius Christi nomine collatum. Vindicat ipsum Stephanum Firmilianus in epistola ad Cyprianum data, in qua esto Stephanum perstringat super decreto de non rebaptizandis hæreticis, ostendit tamen mentem Stephani assecutum se fuisse circum formam baptismi, refellendo interim rationem, qua usus fuit Stephanus ad reprobendam baptismi iterationem. Scripsit enim Firmilianus in hæc verba. (1) *Illud quoque absurdum, quod non putant querendum esse, quis sit ille, qui baptizaverit, eo quod qui baptizatus sit, gratiam consequi potuerit, invocata Trinitate nominum, Patris, & Filii, & Spiritus Sancti.* Igitur mens Stephani in decreto explanata non eo tendebat, ut forma baptismi mutaretur in invocationem solius Christi, sed quod salva consueta forma, non iteraretur baptismus vel ab hæretico Ministro semel collatus.

Zephyrino Romano Pontifici commentitia culpa objicitur, quasi faverit Montanista-

(1) inter Ep. Cypr. 75.

starum hæresi, approbando Prophetias Montani, Priscæ, & Maximillæ, nec non donando eorum affeclis: communionis pacem, esto inconstans, ea ipsa, agente Praxeæ, irrita fecerit. In testem producitur Tertullianus, qui refert: (1) *Idem tunc (Praxeas) episcopum Romanum agnoscentem jam prophetias Montani, Priscæ, Maximillæ, & ex ea agnitione pacem ecclesiis Asiæ, & Phrygiæ inferentem, falsa de ipsis Prophetiis, & Ecclesiis eorum adseverando, & præcessorum ejus auctoritates defendendo, coegit, & litteras pacis revocare jam emissas, & a proposito recipiendorum charismatum concessare.*

Verum falsa, & iniqua criminatio se ipsa corrui, si Tertullianum eidem Tertulliano statuamus adversum. Hæresis a Montano propugnata negabat mæchis, etiam pœnitentibus, omnem indulgentiam, tanquam reis irremissibilis culpæ. Zephyrinus palam edixit oppositum, referente eodem Tertulliano, qui scripsit: (2) *Audio etiam edictum esse propositum, & quidem peremptorium. Pontifex scilicet Maximus (nempe Zephyrinus tunc sedens) quod est episcopus episcoporum, edicit: Ego, & Mæchiæ & fornicationis delicta pœnitentia functis dimitto. Utrumque narrat Tertullianus jam Montani*

(1) advers. Praxeam c. 1.

(2) de Pudicitia c. 1.

ni affecla factus, jam Catholicis infensus, & irrisor. Quod argumento est, Zephvrium Montanistis non favisse, adeoque falsum comminisci, ubi de communionis pace, & approbatione Prophetiarum Zephyrinum carpit. Nisi dicamus, ab hypocritis mentita pietate deceptum Zephyrinum (quod speciem boni præsefererat, a nulla specie mala infecti) non reprobasse, salva tamen fidei incolumitate, de qua nemo in monumentis antiquis reliquit suspicionem vel minimam. Sed quid ad infallibilitatem Papæ elevandam hæc profunt? Forſan dicimus Pontificem Romanum immunem esse ab improborum malitia, qui venientes in vestimentis ovium, callide circumvenire possunt, & fallere Romanos Pontifices?

Sanctum Marcellinum Papam Idolisthurificantem producunt adversarii, ut infallibilitatem Pontificiam insolentius appetant, quam feriant. Si verus fuit Marcellini lapsus (de quo valida est pugna in contrarium) aliud evinci nequit, nisi Pontificem Romanum ex defectu humanitatis posse Christum negare, quemadmodum & de Petro legitur. Neuter tamen ex Cathedra definivit licitam esse fidei abnegationem, immo neque posse id ex Cathedra a Papa doceri sustinemus. Quod satis est ad propositi nostri scopum.

Cau-

Causam Donatistarum iterum vocant in jus adversarii, ut Melchiadis deprimant infallibilitatem. Hic Pontifex summus coacta Romæ synodo sententiam protulit contra Donatum a Cælis nigris, in favorem Cæciliani, cui jura omnia favebant. Causabantur Donatistæ, fuisse invalidam Cæciliani consecrationem episcopalem, ut pote factam a Felice Aptungitano Antistite de traditione sacrorum Codicum culpato. Donatus inique ferens sententiam Melchiadis, ad Imperatorem Constantinum provocavit, ut aliud Judicium sibi concederet. Annuit Imperator: *dedit ille*, inquit Augustinus, (1) *aliud Arelatense judicium, aliorum scilicet episcoporum, non quia jam necesse erat; sed eorum perversitatibus cedens, & omni modo cupiens tantam impudentiam cohiberi.*

Hinc intendunt adversarii colligere, judicium a Melchiade latum non fuisse infallibile, adeoque neque irretractabile. Sed levissimi ponderis est objecta argumentatio, & præter rem. Siquidem Judicium Melchiadis non spectabat ad dogma, sed ad forum contentiosum Ecclesiasticum, de quo nullus est hic sermo. Præterquam quod nonne reunio Ecclesiæ Græcæ cum Latina pluries una cum articulis, in quibus dissidemus, retractata est in pluribus Conciliis Generalibus, quin nemo audeat his adimere infalli-

libi-

(1) Ep. 162.

libilitatem iudicii? Cur e contra adimenda est Romano Pontifici? Aliud afferri nequit, nisi Augustini sensus, & causa utrinque communis, nempe *Non quia necesse foret*, sed eorum perversitatibus cedens pia mater ecclesia, tractat, retractat schismaticorum vel rebellium causas, omni modo cupiens illorum impudentiam cohibere, & sanare. Quid? quod ipse Augustinus in eadem epistola scripsit: *Et tamen qualis ipsius Beati Melchiadis Ultima est prolata sententia, quam innocens, quam integra, quam provida, atque pacifica*. Si Ultima, utique omni jure suprema.

§. XII.

Liberii lapsus expenditur.

NON paucis placet plusquam Stentoreos clamores tollere conclamando: Liberius lapsus est apertissime in Arianam hæresim, subscribendo Arianæ formulæ, & Sancti Athanasii condemnationi; Ergo Papa infallibilis esse nequit. Gradatim tamen expendenda res est; quia Liberii lapsum plurimæ offensionis originem fuisse, concedimus; infandæ Arianæ hæresis reatum negamus admisisse. In dicti probationem necesse est historiam recensere.

Postquam Liberius infracta constantia re-

stitit

stitit imperio, precibus, minis, aliisque huius nequitiae artibus, Constantis Imperatoris quum exul apud Beroëam subsisteret, victus fuit ad subscribendum condemnationi Athanasii, & Formulæ Sirmienti, deinde ad ineundam communicationem pacis cum Arianis episcopis, aliisque illius improbæ factionis hominibus, a quibus ex Religione antea abstinuerat.

De lapsu initæ communionis cum hæreticis quæstio esse non debet, quum salva fide communicare quis possit, ex ipsa Pontificia dispensatione; & tantum in casu de quo agitur, ad peccatum perniciosi exempli reducenda res erit.

De lapsu in Athanasii condemnationem ipse Liberius se explicat in hæc verba: (1) *Ego Athanasium non defendi, sed quia susceperat illum bonæ memoriæ Julius episcopus decessor meus, verebar ne forte in aliquo prævaricator judicaret. Et ubi cognovi, quando placuit, iuste vos illum condemnasse, mox consensum commodavi sententiis vestris. Ementita facinora, quæ in Athanasium ferebantur, ad disciplinam, & forum ecclesiasticum spectabant, adeoque omnino aliena sunt a dogmate, quod Pontificiam lædat infallibilitatem. Coarguitur tamen ab ipso Athanasio, quod in his retractaverit illud odium, erga Arianam hæresim præconcep-*

(1) Ep. ad Orient.

ptum, licet potius cogentium, quam Liberii fuisset voluntas. *Liberius*, inquit Athanasius, (1) *deinde post exactum in exilio biennium inflexus est, minisque mortis ad subscriptionem inductus. Verum illud ipsum quoque, & eorum violentiam, & Liberii in hæresim odium, & suum pro Athanasio suffragium satis coarguit. Quæ enim per tormenta, contra priorem ejus sententiam, extorta sunt, eæ jam non metuentium, sed ita cogentium habendæ sunt voluptates. Et simili judicio cum Marcellini thurificatione, si res veritati cohæret, Liberius est arguendus.*

Reliquum est, ut de lapsu in subscriptione formulæ Sirmienfis agamus. Tres formulæ vulgo ferebantur sub nomine Sirmienfis editionis, esto prima duntaxat in Sirmienfi Synodo contra Photinum facta revera fuisset. Prima igitur Photinum tantum execrabatur qui hæreses Sabellii, & Pauli Samosatani instaurabat, contra divinitatem Christi domini. Aliæ duæ a semi-Arianis conceptæ fuere, adeoque plane hæreticæ. Primæ tantum subscripsit Liberius, quæ Catholica est, teste S. Hilario; in ea enim anathemate damnantur qui dicunt Filium Dei (2) *de non extantibus aut ex alia substantia esse, vel fuisse tempus, aut sæculum, quando non erat.*

Sub-

(1) Ep. ad Solit.

(2) l. de Synod.

Subdole tamen Arianorum factio coegit Liberium ad subscribendum huic Formulæ, esto verbis, & sensu Catholicæ; (licet dolo hæretico Arianorum gravidæ) quia quum in eadem non fuerit expressum verbum *Consubstantiale*, quod lydius erat lapis ad agnoscendam fidem, & detegendam Arianam vasritiem, & hoc verbo non erat opus uti contra Photinum; in spem venerunt Ariani, quod devicta constantia Liberii per subscriptionem formulæ non exprimentis verbum *Consubstantiale*, proclive esset eundem adigere ad subscribendum alteri formulæ, cui sine fidei dispendio, huiusmodi verbum desiderari nequibat.

Verumnequidem est, etiam in hac formula callidam Arianorum pervicaciam virus abscondisse suum, quia reticentia verbi *Consubstantiale*, ubique apud illos, a symbolo Nicæno, & fide avertebat, unde eorum studium erat utendi hac indultria, ut fucum facerent incautis, & cæteros in perniciem pertraherent. Quamobrem S. Hilarius hæreticorum fraudes apprimè intelligens, æque damnavit Synodos Sirimienfes, & formulas ab illis exortas. Cui suspitioni prævit Athanasius scribens (1) *Multitudo Conciliorum, & diversitas scriptorum, indicium de se præbet, eos qui in illis Conciliis congregati fuerent, adversus Nicænam quidem Synodum bellum*

(1) l. de Synod.

lum gerere, sed tamen imbecilliores esse, quam ut pares sint veritati. Hoc titulo tam (1) ipse Hilarius, (2) quam Hieronymus lapsum Liberium in hæresim proclamaverunt.

Itaque Liberius hæresim per suam subscriptionem neque docuit, neque confirmavit, dum callida Arianorum perfidia extra formulam per cuniculos vim ageret. Lapsus tamen gravis fuit ob invecum scandalum, ad quod reparandum, quum Romanæ sedi restitutus fuit, fidem Nicænam palam professus est; cum S. Athanasio communionem redintegravit; Semi-Arianos ad Catholicam fidem reducere omni studio adlaboravit; Concilio Ariminensi strenue consensum negavit. Per epistolam ad totius orbis episcopos datam Arianos anathemate perstrinxit: Sanctæque tandem extremum vitæ cursum tenuit, quin Pontificiæ infallibilitati, docendo ex Cathedra, quidquam detraxisset.

Æquum fuit plura super hoc argumento complecti, ne veritas difficultati cedere videretur.

F. J. XIII.

(1) in fragm.

(2) in Chronico.

§. XIII.

De calumniis, ob confictos errores, Innocentio I. & Zosimo illatis agitur.

IN epistolam Innocentii I. (1) ad Episcopos Macedoniæ datam accusatio insurgit, quasi irritas declaraverit ordinationes factas a Bonoso Episcopo Sardicensi prædamnato, ut hæreseos auctore, conceptis sequentibus verbis: *Ad summam certe, qui nihil a Bonoso acceperunt, rei sunt usurpatae dignitatis, qui conficiendorum Sacramentorum sibi vindicaverunt auctoritatem, atque id se putaverunt esse, quod de his nulla fuerat regulari ratione concessum.*

Solutio in promptu est. Innocentius locutus est de honore, & dignitate, quæ consequitur characterem impressum ex impositione manuum, non de ipso characterē, quo accepto ordinatio perficitur. In eadem Epistola satis se explicat Sanctus Pontifex, dum illos reprehendit, qui in *Catholica* novērāt propter vitia sua, non posse suscipere ordinationem; idcirco ad illum perrexisse, qui passim, & sine ulla discussione ordinationes illicitas faciebat. Loco igitur, & honore vult Innocentius privatos eos, quos Bonosus ordinavit, & nihil obfuit effectui ordina-

(1) Epist. 27. ad Episc. Macedon.

nationis, quam dumtaxat illicitam pronuntiavit.

Idem est sensus alterius epistolæ ad Alexandrum Antiochenum ab Innocentio I. (1) datæ, in qua perstringit Arianos, aliosque hæreticos, reprobando eorum ordinationes. *Non videtur*, inquit Innocentius, *Clericos eorum cum Sacerdotii, aut Ministerii cujuspiam suscipi debere dignitate*. Neque fucum faciant sequentia verba: *Quoniam quibus solum baptismum ratum esse permittimus... nec Spiritum Sanctum eos habere ex illo baptismo, illisque Mysteriis, arbitramur... Quomodo fieri potest, ut profanos eorum Sacerdotes, dignos Christi honoribus arbitremur, quorum laicos imperfectos, ut dixi, ad percipiendam Spiritus Sancti gratiam cum poenitentiae imagine recipiamus? Ratum utique admittit baptismum, etiam si ab hæreticis fuerit collatum, permittitque, ut fidelium communione, & privilegiis donentur. Cæterum ordinatorum ab hæreticis ab utroque excludit, quum Charitatis communione sint privati, eo ipso, quod a præcisis membris extra Ecclesiam, ubi non est plenitudo Spiritus Sancti, nec dari potest, ordinati fuerint. Omnia veritati coherent, neque infallibilitati Pontificiæ adversantur.*

Zosimi PP. itidem impugnatur infallibilitas, obijciendo, ipsum approbasse libellum

F 2

Cæ.

(1) Epist 18.

Cælestii Primipili Pelagianæ pravitatis, & eidem hæresi favisse, quod a veritate abhorret omnino. Res ita se habuit. Cælestiuse Palæstina Romam profectus convenit Zosimum fucato vultu pœnitentis indutus; Libellum exposuit, in quo tria declaravit. I. Baptizandos esse infantes in remissionem peccatorum, sed non videri idcirco peccatum ex traduce firmari. II. se paratum, ac promptum dixit subscribere decretis, & literis decessoris Innocentii I. quibus hæresis Pelagiana prædamnata fuerat. III. declarat, ac spondet nihil aliud petere, quam instrui, & corrigi: *Si forte ut hominibus accidit, quispiam ignorantia error obrepserit, vestra sententia corrigatur*; (1) Narrat Augustinus. His auditis a Zosimo, una cum aliis querelis a Cælestio jactis adversus Patres Carthageneses, quos impetebat; quasi temere, & sine examine paratos corrigi immaturo judicio rejecerint, & anathemate exterminaverint, prudentissime Pontifex decrevit Cælestium demulcere, eique blandiri, donec Carthagine Romam advenissent, qui probare possent, an vaferrimo, & mendaci animo, vel liberali, ac docili omnia locutus fuisset: Præhabita tamen, & statuta determinatione ab omni hac causa super sedendi, donec Sancta Sedes integre edocta fuisset.

D. Au-

(1) l. pecc. orig. c. 6.

M. L. G. I. (. . .)

D. Augustinus ea omnia confirmat dicens: (1) *Sed multum misericors memoratæ Sedis Antistes, ubi eum vidit ferri tantæ præsumptione præcipitem, tamquam furem (scilicet per expositam hæresim in libello clare, & aperte negantem Peccatum originale ex traduce:) donec, si posset fieri, resipisceret, maluit eum sensim suis interrogationibus, & illius responsionibus colligare, quam districta feriendo sententia, in illud abruptum, quo jam propendere videbatur, impellere. Pergamus ad verba sequentia Augustini: Ideo autem non dixi: Aperte ceciderat, sed propendere videbatur, quia superius in eodem libello de hujusmodi quæstionibus locuturus, ante prædixerat: Si forte ut hominibus quispiam ignorantie error irrepsit, vestra sententia corrigatur.*

Ulteriore Augustini historiam legamus: Hanc ejus (nempe Cælestii) prælocutionem Venerabilis Papa Zosimus tenens, egit cum bovine.... ut ea, quæ a Diacono Paulino fuerant objecta, damnaret, atque ut Sedis Apostolicæ literis, quæ a S. M. suo Prædecessore manaverant, præberet assensum. At illa (Cælestius) noluit... objecta damnare, sed beati Papæ Innocentii literis non est ausus obistere: imo se omnia, quæ Sedes illa damnaret, damnaturum se esse promisit. Atque ita velut Pbreneticus, ut requiesceret

F 3

tam-

(1) l. 2. ad Bonif.

tamquam leniter fatus, a vinculis tamen excommunicationis non est creditus esse solvendus. Sed interposito duorum mensium tempore, donec rescriberetur ex Africa, resipiscendi ei locus, sub quadam medicinali lenitate, concessus est. Perlegamus & finem narrationis Augustini, ut tota facti series sub oculis sit: Quoniam revera, si deposita pervicacie vanitate, quod promiserat, (Cælestius) vellet attendere, & easdem literas, quibus se consensurum esse responderat, diligenter legeret, sanaretur. Sed postea quam ex Africano Episcoporum Concilio rescripta detecta sunt, quid fuerit consecutum, ut iustissime in eum sententia proferretur, cuncta legite, quia cuncta transmisimus. Nempe post tentatam frustra Cælestii emendationem, iterum damnatus fuit, & repetito anathemate confossus.

Discimus ergo, Zosimum probe novisse hæresim in libello exaratam; Prudentissime tamen dissimulare gestiit, ne spes conceptæ emendationis præfocaretur in limine. Quapropter non dixit libellum esse Catholicum ob dogma in eodem impie expositum, sed ob insertam protestationem, qua Cælestius se pollicebatur paratum instrui, edoceri, & corrigi, quod vere Catholicum sapit. Responsio est divi Augustini apprime de tota re conscii. (1) *Cum hoc*, inquit, (nempe negan-

(1) l. 2. ad Bonif. c. 3.

gando Peccatum originale) *Celestius* in suo libello posuisset , inter illa dumtaxat , a quibus se adhuc dubitare , & instrui velle confessus est , in homine acerrimi ingenii , qui profecto , si corrigeretur , plurimis profuisset , voluntas emendationis , non falsitas dogmatis approbata est . Et propterea libellus ejus *Catholicus* dictus est , quia & hoc *Catholicæ* mentis est : si qua forte aliter sapit , quam veritas exigit , non ea certissime definire , sed detecta , ac demonstrata respuere .

Si autem quis contendat adhuc errasse *Zosimum* fidem præstando vaferrimo hæretico : Dico privilegium , quod vindicamus Romano Pontifici , est illud infallibilitatis in docendo ex Cathedra , neutiquam illud scrutationis cordium , de quo nulla legitur promissio in Evangelio .

§. XIV.

Errores ab Hormisdæ , & Vigilio depelluntur .

Erroris reum *Hormisdæ* dicunt adversarii , quod reprobaverit propositionem : *Unus de Trinitate carne passus est* ; quam deinde probavit , & laudavit *Joannes II.* anathemate itidem feriens Monachos *Acæmetas* (idest insomnes , utpote alternim semper vigiles ad orandum) qui antedictum assertum , ut erroneum carpebant ,

atque omnibus nervis insectabantur. Hinc errantem Hormisdam appellitant.

Attamen ad veritatem historiæ provocandi sunt Monachi Scythæ. Scripta professione fidei per suos Nuntios coram legatis Pontificiis Constantinopoli degentibus, summe urgebant, ut probaretur propositio recensita: *Unus de Trinitate passus est carne*: ea ducti opinione, ut omnino in formulis fidei a Concilio Chalcedonenſi editis, confereretur, tanquam necessaria earundem explicatio, & ad confodiendas hæreses mucro absolutissimus. Legati Apostolici, rejecta instantia adeo absurda, rem totam ad Hormisdam detulerunt, ad quem successive iidem Monachi Scythæ per alios Nuntios de illata sibi injuria appellarunt. Accepit Hormisdas, ut par erat, petitionem Monachorum, tanquam absonam, intempestivam, atque captiosam, utpote Diabolicæ zizanix semina injicere gestientem. Stetit Hormisdas ad instantiam inflexibilis, & Monachi in furorem acti usque ad seditionem populi devenerunt: (1) *eousque tumoris elati*, inquit ipse Pontifex, *ut ad arbitrium suum utriusque orbis putent inclinandum esse judicium*.

Hormisdas hanc Monachorum petulantem insaniam, ac pervicaciam perhorrescens nihil de proposita assertione, vel exami-

(1) Ep. 67. ad Possessorem.

minis , vel censuræ dicere voluit , sed data epistola ad Possessorem Afrum Episcopum præmonere fategit , ne insolenti Monachorum postulationi aures præberet . In hac epistola totus est , ne quidquam novitatem redolens fidei formulæ Chalcedonensis Concilii immisceretur ; absurdum videlicet , inutile , & perniciosum sentiens quidquam addere , & si quandoque bonum in se videatur , fidei formulis ; maxime privati ingenii procaci præsumptione adinventum . Hæc itaque Hormisdas abhorruit , vetavit , & execratus est , quidquid dicat Joannes Maxentius Monachus pariter Scythæ , qui epistolam Hormisdæ ad Possessorem , dissimulato auctore , adeo exagitavit , ut impudentissime etiam Pelagiana labe infectam esse , pronuntiaret ; eo quod scripserit Hormisdas : *Proficimus inter adversantes propriis bonis , si non involvamus erroribus alienis* . Propria namque bona , non desinunt esse dona Dei , quod ad rem non pertinebat apponere , utpote notorium .

Cæterum etsi Hormisdas rejecisset propositionem Scytharum Monachorum , ut consonam Eutychetis hæresi , & contrariam definitioni Concilii Chalcedonensis , contra Eutychianam , aut Nestorianam hæresim ; quid obest infallibilitati Pontificiæ , si Joannes II. alter Pontifex in alio sensu eandem probaverit ad exprobrationem Acæme-
ta-

tarum, qui Nestoriana perfidia imbuti, eandem propositionem exhorrebant? Nonne propositio: *Pater major me est*; ab ore Christi procedit? & tamen in ore Ariani blasphemiam erat, & nota hæreseos denigrata; ubi prolata a Catholico, est repetitio sermonis Domini. & hæc satis.

Controversia diuturna de tribus capitulis aperit viam adversariis, fallibilitatis insinulare Vigilium PP. eo quod pugnantibus inter se decretis de illis iudicium tulerit. Tria autem hæc capitula complectebantur: I. Scripta seu libros Theodori Mopsuestiæ Episcopi, qui Eunomium, & Apollinarem confutando plura miscuit Nestoriana hæresi infecta. II. Scripta Theodoriti Cyri Episcopi impugnancia Anathematismos a S. Cyrillo editos contra Nestorianam hæresim, quos criminabatur, ut Apollinaris erroribus conspersos. III. Epistolam Ibæ Edeffeni Episcopi ad Marim Persam, in qua plurimum Theodorus Mopsuestenus, ejusque doctrina commendabatur. Super his tribus nuncupatis capitulis, tres quoque circumferebantur sententiæ. Etenim alii perurgebant strenue illorum damnationem, evulgantes nunquam extinctum iri Nestorianam hæresim, nisi proscriptis ejusmodi scriptis. Alii tria capitula propugnabant, tum ut erroribus vacua, tum quia auctores ut optime de fide meriti, ac probati sessionem respice-

ſpectiue tenuerint in conciliis Ephefino, & Chalcedonenſi. Alii tandem ab utroque placito abhorrebant, rati non eſſe, juxta primos, opportunum proſcriptionem Capitulorum perſequi, utpote ab Acephalis intentatam, qui ſub ſpecie delendi Neſtorianiſmum in Ephefina ſynodo conſoſſum, patrocinium deinde paraturi erant Eutychianiſmo, concutiendo Chalcedonenſe Concilium, in quo Theodoritus, & Iba federant. Neque, juxta ſecundos, dimittenda eſſe cenſebant omnia ſcripta abſque debita cenſura, ſed tempori indulgendum eſſe, ut propitior affulgeret dies complendi omnia ex debito. Interim ad ſummum proſcribenda eſſe ſcripta Mopſueſteni Epifcopi, ut antiquioris Scriptoris, & gradatim quoque aliorum, ſalva ſemper auctoribus reverentia.

Obſita undequaque ſpinis erat via, qua incedendum eſſet. Quapropter Vigilius probe conſcius periclitari vel Ephefinum, vel Chalcedonenſe Concilium, cunctatione utendum eſſe cenſuit, & pro temporum ratione conſilium eſſe ſumendum. Eo vel maxime quod Roma evocatus Vigilius a Juſtiniano, urgentiſſime excitatus fuerit ab Epifcopis pluribus occidentalibus, & rogatus, ne in hac re quicquam novitatis admitteret. Sed dum iter ageret, monitus fuit de peracta damnatione trium capitulorum, cujus ſubſcriptionem ab Epifcopis ad-

den-

dendam præstolabatur Theodorus Cæsareæ Capadocum Episcopus Acephalorum Coriphæus: Statimque arrepto calamo scripsit Vigilius ad Mennam Constantinopolitanum Præfulem, illam reprobando, & ut rescinderetur, etiam apud Imperatorem agendo. Deinde ut me expediam, permitta hujus causæ discussione in Conventu 70. Episcoporum, ibique datis suffragiis de edenda damnatione, ipse Vigilius dedit ad Mennam *Judicatum* trium Capitulorum damnationis. Non potuit tamen flecti, ut eidem insistere, quin totus incumberet, ad trahendos tum Principem, tum Episcopos, ut coacta Synodo ex oriente, & occidente, eidem remitteretur controversia finienda.

Synodus coacta fuit Constantinopoli 150. Episcoporum ex oriente; paucissimi vero ex occidente adfuere, apud quos Vigilius male audiebat ob *judicatum* damnationis. Synodus damnavit Capirula, sed Vigilius renuit damnationem confirmare, ne hoc actu Episcopos occidentis in schisma pelleret. Idcirco lato Constituto mediam amplexus est viam. Theodori Hæreses damnavit suppresso illius nomine, juxta exemplum Concilii Ephesini. De Theodorito dixit, jam in Synodo Chalcedonenſi satis actum fuisse, super scriptis adversus Cyrillum; fuisseque Patres illos contentos, ad Theodoriti exprobrationem, cum cogere, ut anathema di-

diceret Nestorio, ideoque ab ulteriori condemnatione fore supersedendum. De Ibæ epistola, utpote jam perfecta in eadem Synodo Chalcedonensi, & absque discussione dimissa, nihil esse retractandum. Hac œconomia usus est Vigilus, ne in totum indulgens Orientalibus Episcopis, Occidentales offenderet, & auctoritas Conciliorum elevaretur: vel in totum occidentalibus tribuens denegata condemnatione, orientales ad Schisma commoveret. Adeo dura erat, & tristis illorum temporum conditio, ut vix prudentiæ superesset consilium. Tandem Vigilus, ut pacem daret tumultuanti discordiæ, flexus est ad confirmandam condemnationem trium Capitulorum, una cum auctoribus, in præfata Synodo statutam, quæ proinde nomine Quintæ Synodi habita est in Ecclesia.

Quod nostra interest, discere ex facti serie debemus, nunquam Vigilium laudasse hæresim, aut hæreticos homines, neque unquam alterutrum absolvisse; sed tantum judicium distulisse quo ad tempus, quod prudentissime inopportunist cognoscebat, ob acre, & callidum partium studium. Igitur super re fidei nequit coargui de inconstantia Vigilus. Renuebat quidem Vigilus ad expressam damnationem Auctorum descendere, sed non ut illos a culpa eximeret, sed ut morem gereret Conciliis Ephe-

sino, & Chalcedonenſi, quæ a ſententia contra perſonas perſpecte abſtinuerunt. Quamobrem ſi hæc opportuna tempori diſpenſatio exemit laudata Concilia a quolibet probro, non eſt cur verti debeat crimi-
ni Vigilio.

Si quis autem percunſtabitur, ubi conſtet Vigiliū in re fidei non fuiſſe in-
ſtantiem, ſibiſque repugnantem, ſi ipſe in
Epiſtola ad Eutychium Conſtantinopolita-
num data, ingenuè fatetur, ſe retractare
ea omnia, quæ ad deſenſionem trium ca-
pitulorum facta ſunt, quia conſperta, ir-
requieto ſtudio, ſanctorum Patrum doctri-
na, plene edoctus tandem fuerit, cuncta
erroribus ſcatere? Reſpondeo, id conſtare
ex ipſo Vigilio, qui narrationem inchoans
de geſtis præſentis controverſiæ, ait: (1)
*In una, eademque quatuor Synodorum fide
ſincere perſiſtentes, cavillationibus, verſu-
tiis, & dolo malo ab iis dividere conatus
fuerit, ita ut noſmetipſi, qui ejuſdem cum
illis eramus, & ſumus de fide ſententiæ, in-
ſuper habita dilectione fraternâ in diſcor-
diam abierimus.* II. Conſtat ex S. Grego-
rio, qui ad Epiſcopos Iſtriæ ſcribens ait:
(2) *de quibuſdam ſolummodo perſonis fuiſſe
ventilatum, in illa quæſtione Trium Capi-*

tu.

(1) Ep. ad Eutychium.

(2) l. 2. ep. 10. ad Greg. Savinum, & l. 3. ep.
57. ad Conſtantium Mediol.

tulorum. III. Constat ex epistola Pelagii I. ad Childebertum Regem Francorum scribentis; *extra fidem* de tribus Capitulis disceptatum esse in Oriente. Et constat ex epistola Pelagii II. ad Episcopos Istriae, in qua lato calamo vindicat Vigilium, aperteque dicit Pelagius *nihil aliud quam de personis* controversiam inroduisse. IV. Constat, quia super damnatione personarum jam vita functarum, plurimum studium mentes Synodi occupavit; nempe an retractanda foret causa de illis Episcopis, de quibus Concilia Ephesinum, & Chalcedonense recte locuta fuere. Deinde an illi Episcopi jam defuncti in Communione pacis potuissent anathemati subijci. His sublati difficultatibus, inclaruit Vigilio, quid & quomodo definire opus erat, scilicet, & cohaerenter ad praecedentem condemnationem, & ad execrationem Auctorum, juxta juris regulas. Haec est illa veritas, quae latebat Vigilium, & ante perfectam assentionem videbatur specie tenuis defensionis trium Capitulorum favere. Quamobrem asserebantur dico Vigilium nihil in negotio Trium Capitulorum retractasse, aut immutasse ad fidem attinens, sed tantum circa ea, quae ad disciplinam spectant, cujusmodi sunt damnationes Auctorum libelli haereticis obstiti.

Itaque compertum remanet, Factum Vigilii non officere infallibilitati Pontificiae,
quia

quia quæcumque inconstantia illius fuerit, œconomia, & dispensatio necessaria fuit, citra fidei dispendium, & opportuna improbo tempore, super iis, quæ variabilem postulant disciplinam, quemadmodum actum est in ipso Universali Concilio Chalcedonenſi, cui nemo exprobrat fallibilitatis labem. Ad horum lucem amplioſiorem juvabit legere verba Pelagii II. dicentis: (1) *debet ergo perpendere veſtra dilectio, quia prædeceſſorum noſtrorum conſenſus in hac cauſa tanto poſt inanis non fuit, quanto prius duris contradiccionum laboribus inſudavit.*

§. XV.

Honorius I. a nota hæreſeos abſtergitur.

Monothelitarum hæreſis incendium, quod ſeptimo Eccleſiæ ſæculo in Oriente eruperat, ex cineribus a tempore Heraclii Imperatoris incenſis, adhuc adverſarios concitat, ut Honorium I. eodem igne obvolvant, & proinde hæreticum Monothelitam, hæreſisque doctorem combuſtioni addicant. At enim arguunt, Honorium reſcriptis ſuis ad Sergium Conſtantinopolitanum Antifſitem datis docuiſſe vo-

(1) Epift. 3. ad Heliam Aquileenſ. & Epifc. Iſtriaz c. 8.

ces geminæ voluntatis, & operationis esse *novas, Patribus ignotas, recenter inductas*, adeoque omnino supprimendas, ne scandalum fidelibus præpostere injiciant. Addidisse etiam, inclamant, *ineptum, otiosum, & grammaticale* esse inquirere, an post unionem in Christo duarum naturarum, duræ manserint voluntates, & operationes; eoque, qui de una vel gemina voluntate in Christo investigare aggrediuntur, merito appellari *vanos, naturarum ponderatores, otiosos negotiatores*; postremo jussisse, ut de una vel gemina voluntate, & operatione Christi altum haberetur silentium. Ex quo ad complementum infandi facinoris factum est, ut ipse Honorius injuste succenseret Sophronio Sanctissimo Præfui Hierosolymitano, quia impense adversus Sergium Monothelitarum Principem scriberet, obortamque hæresim pro virili percuteret. Quibus omnibus recte perpensis in sexta Synodo, a Patribus illis conclamatum est Honorio anathema, una cum Sergio, Pyrrho, cæterisque Monothelitis. Quis igitur hæresis notam inficiando ab Honorio docente ex Cathedra depellere audebit?

Angusta, & incisa argumentatio est, sed parum urgens consideranti, responsalem Honorii ad Sergium privati hominis fuisse epistolam, non Pontificis ex Cathedra docentis universam Ecclesiam, cui infallibi-

litas iudicii inest . Privatim consultus a Sergio fuit Honorius ; mendaciis circumventus, quod voces unius vel geminæ voluntatis in Christo scandalo fidelium essent: quod Sophronius distans omnia susdeque commoveret ob ineptam vocum novitatem: quod salva recte fidei duarum naturarum indivise, & impermixte in Christo professione sopiendæ erant undequaque discordiæ, si silentio premerentur inutilia vocabula unius vel geminæ voluntatis, & operationis in Christo, ad quod ipse Imperator dicebatur proclivis, Privato sensu, privato responso se credulum præbuit Honorius, & in errorem lapsus est . Patet ex ipsa Honorii epistola ad Sergium relata in sexta Synodo act. 14. ubi legitur ab Honorio scriptum . *Auferentes ergo (sicut diximus) scandalum novellæ adinventionis, non nos oportet unam vel duas operationes Definientes prædicare .* Quid autem est, ut error privati hominis in Pontificem docentem ex Cathedra universam Ecclesiam sit intorquendus ?

Sufficeret utique hæc responsio ad elevandum argumentationis propositum. Sed quia præstat, iustitia poscente, Honorium ab impacta hæresi vindicare, alius reperenda res est; eo vel maxime, quum vindices Honorii habeamus Joannem IV. in Apologia pro Honorio, ad Constantinum Imp. Filium Heraclii data: S. Maximum Martyrem

rem in Dialogo cum Pyrrho Monothelita, & in epistola ad Marinum; & Anastasium Bibliothecarium in suis ad (1) Joannem Diaconum Collectaneis, præter innumeros alios scriptores, qui de hoc argumento late differuerunt.

Quum Heraclius confecto bello Persico subisteret Hierapoli, quidam Anastasius creditus Patriarcha Jacobitarum, illum convenit gratulationis ergo de parta victoria. Hoc colloquium impulit Imperatorem, ut Anastasium Eutycheti addictum hortaretur ad inhærendum Chalcedonenſi Concilio. Qua arrepta occasione homo vaſerriſſimus interpellavit Heraclium, an una, vel duæ voluntates, & operationes dicendæ eſſent ex Religione in Chriſto? Neſcius, & inopinato percuſſus Imperator remiſit Anaſtaſium, ut Sergium ſuper propoſita quæſtione conſulereſſet, & Cyrum Phaſidis Epiſcopum, a quibus accepto reſponſo pro unica voluntate, extorſerunt ſimul juncti ab Imperatore Ediſtum, Eſtheliſm appellatum, quo Heraclius omnibus præcipiebat, unicam in Chriſto profiteri voluntatem. Tunc Sergius Conſtantinopoli, & Cyrus Alexandria, quo ex mercede iniquitatis translatus fuerat, coactis Conciliis hæreſim Monothelitarum jam præformatam ſtabilem reddiderunt. Perſpecta hac hæretica novitate Hieroſolymi-

G 2 ta-

(1) Apud Anaſt. Bibliot.

tanus Episcopus Sophronius omnibus nervis obstitit, tum lingua, tum calamo, datus etiam literis confutatoriis ad ipsos Sergium, & Cyrum, & hortatoriis ad Honorium Romanum Pontificem, ut tantæ perfidiæ occurreret.

Timuit Sergius, ne præoccupatus Honorius a verbis, & precibus Sophronii, comperta veritate, male partum Dogma destrueret; ideoque fallendi omnigena arte eruditus, mille mendacia construxit, & ob oculos Honorii missa Epistola ex dolis, & fraudibus infarta hæc proposuit. I. scripsit: in unum coaluisse omnes populos per Egyptum, Lybiam, finitimasque provincias dispersos, ad se dedendos sanctionibus Concilii Chalcedonensis, cui adversabantur, hoc intercedente temperamento, ut unicam in Christo profiterentur voluntatem, & operationem. II. Unum tantum reluctantem Sophronium fultum aliquibus probabilibus Patribus, qui semel vel iterum duas dixerunt voluntates, & operationes in Christo. III. quod tandem Sophronius inflexus esset ad tollendas exortas contentiones, discordiasque vergentes ad Schisma, ut rectis sub silentio unius vel duarum voluntatum vocibus, quod tantum spectat ad Dogma Ecclesiasticum, omnes confiterentur, Verbum Dei in carne, & divina natura operari. IV. Scripsit Sergius ex hoc silentii tempe-
ra-

ramento tolli quorundam errantium asser-
tum, ponentium in Christo duas volunta-
tes contrarias, aliam rationis, alteram pu-
gnantis appetitus, quæ a solo peccato ori-
ginali descendit, cujus expers est Christus.
V. Hanc doctrinam excerptam esse ex li-
bro dogmatico a Menna Patriarcha Con-
stantinopolitano ad Vigilium PP. transmis-
so de una operatione, & una voluntate,
cujus exemplar jam propediem ad Impera-
rem erat directurus.

His strophis circumventus Honorius, in-
explorata rei veritate, & partium momen-
tis inauditis, rescripsit (1) ad Sergium. I.
Laudavit dispensationis œconomiam adhi-
bitam de reticendis vocibus unius, vel gemi-
næ voluntatis. II. Animadvertit, harum
vocum prædicationem posse periculum in-
firmis ingerere erroris, perinde ac si admit-
tantur in Christo duæ voluntates sibi ipsis
contrariæ, quod est alienum a recta fide.
III. Circumspicit prolationem Vocum unius
vel geminæ voluntatis posse labefactare u-
num, vel alterum Concilium, nempe vel
Ephesinum, vel Chalcedonense, adeoque
vel Nestorianam hæresim, vel Eutychianam
reintegrare. Siquidem infirmis, aut male-
volis ingeniis occasio injusta esse poterit, ex
voce unius voluntatis, & operationis colli-
gendi, juxta Eutychetem, confusionem, &

G. 3 per-

(1) Ep. relect. in 6. Synod. act. 12.

permixtionem naturæ divinæ, & humanæ in Christo; Perinde ac ex prolatione geminæ voluntatis, & operationis inferendi, juxta Nestorium, duplicitatem suppositi in eodem Christo. IV. scripsit (1) Honorius ad Sergium, Profiteri necesse in Christo duas naturas divinam, & humanam inconfuse, indivise, atque inconvertibiliter, & unamquamque illarum esse propria operantem. V. Mandat, quod ablato scandalo ad inventionis novellæ de Voce unius vel geminæ voluntatis, caveant unam vel duas operationes *definiendo* prædicare.

Hæc est summa epistolarum Honorii ad Sergium, ex quibus discimus, Honorium Catholice locutum esse, & contra Nestorium, & contra Eutychetem; & insuper factum fuisse, in Christo unitas esse naturam divinam, & humanam, & utramque sibi propria operari; non aliter certe quam per propriam uniuscujusque virtutem, & operationem. Negando igitur duplicem voluntatem, solummodo de voluntatibus contrariis licet interpretari, quod sane Catholicum est. Ita interpretatur Joannes PP. IV. dicens. (2) *Secundum hunc igitur modum, jam dictus decessor noster (Honorius) prænominato Sergio Patriarchæ percontanti scripsisse dignoscitur: Quia in Salvatore nostro*
due

(1) Et ep. relect. in 6. Synod. act. 14.

(2) In cit. Apol. pro Honor.

duæ voluntates contrariæ, idest in membris ipsius, penitus non consistunt, quoniam nihil vitii traxit ex prævaricatione primi hominis. Ita S. Maximus Martyr. (1) Cum enim, inquit, scripsisset Sergius, esse qui dicerent in Christo duas contrarias voluntates, rescriptum; Christum non habuisse duas contrarias voluntates, carnis, inquam, & spiritus, sed unam tantum, quæ naturaliter humanitatis ejus nota est. Ita ille ipse, qui fuit a literis ejusdem Honorii, ab ipso Maximo citatus, a quo ratio reddita est, quia in Epistola Honorii Membrorum, & Carnis facta est mentio, quæ divinitati ejus non possunt attribui. Igitur de voluntate humana erat sermo, quum dicta fuit Una tantum in Christo.

Ast huic interpretationi repugnat Sextæ Synodi anathema contra Honorium, una cum Sergio Monothelita emissum. Non inficior; esto eruditi non pauci, inter quos Baronius, suspicentur ex fraude scriptum fuisse nomen Honorii, violata veritate Autographi actorum. Attamen respondeo; Honorium neque fuisse hæresi infectum, neque ut hæreticum fuisse damnatum. Egregie id probat testimonium (2) Leonis II. pro confirmatione ejusdem sextæ Synodi scribentis ad Constantinum Pogonatum Imperatorem,

G 4 ubi

(1) In cit. Dialog.

(2) Sexta Synod. act. 18.

ubi ait. *Anathematizamus... & Honorium qui hanc Apostolicam Ecclesiam, non Apostolicæ traditionis doctrina, lustravit, sed profana prodicione immaculatam fidem maculari permisit.* Quam permissionem, in quo sita fuerit, explicat idem Leo in alia epistola ad Episcopos Hispaniæ, in hæc verba: (1) *Qui vero adversus Apostolicæ doctrinæ puritatem perduelles extiterant, abeuntes quidem æterna condemnatione mulctati sunt, idest, Theodorus... Cyrus... Sergius, Pyrrhus... cum Honorio, qui flammam hæretici dogmatis, non ut decuit Apostolicam auctoritatem, incipientem extinxit, sed negligendo confovit.*

Honorius itaque non ut hæreticus damnatus fuit, sed quia erumpentem hæresim non extinxit, & a Sergio illusum credulas aures præbuit; petita præpostere indulgit; in captionem verborum venit, & per imprudentiam in adversarii casses incidit. Quæ omnia sunt quidem culpæ peccantis sollicitudinis, non autem vulnera Pontificiæ infallibilitatis: Ex quo Agatho PP. vere potuit ad præfatum Imperatorem Constantinum scribere, post Honorii factum, (2) *Apostolicam Ecclesiam a tramite traditionis Apostolicæ nunquam errasse, nec hæreticis novitatibus depravata succubuit, sed ut ab exordio Christianæ fidei percepit ab auctoribus*

(1) Epist. 2.

(2) Extat act. 3. sext. Synod.

*bus suis Apostolorum Christi Principibus, il-
libata sine tenus permanet, secundum ip-
sus domini Salvatoris divinam pollicitatio-
nem.*

§. XVI.

*Errores, quibus notantur Gregorius III. &
Stephanus III. futes deteguntur.*

SANCTUS Bonifacius Germanorum Apo-
stolus in perenne suæ venerationis, obe-
dientiæ, & religionis erga sedem Apo-
stolicam argumentum, literas dedit, missis
delectis Nuntiis ad Gregorium III. quibus
explicata sui Apostolatus agendi ratione,
plura proposuit quæsitæ, ut juxta Romani
Pontificis doctrinam edoctus, tuto pede
Gentes illas ab infidelitate eriperet, & sa-
nis imbueret documentis. Respondet ad sin-
gula Gregorius, & ipsa responsio reteggit,
æque quæsitæ rationem, ac datæ doctrinæ
difficultatem, quæ nares adversariorum adeo
insolenter pupugit. Verba Gregorii III. sunt:
*Nam quod posuisti, quod si mulier infirmita-
te correpta non valuerit debitum viro redde-
re, quid ejus faciat jugalis: bonum esset, si
sic permaneret, ut abstinentiæ vacaret. Sed
quia hoc magnorum est, ille qui se non pote-
rit continere, nubat magis: non tamen sub-
sidii opem subtrahat ab illa, quam infirmitas
præ-*

præpedit, & non detestabilis culpa excludit. Erroneum est, exclamant infallibilitatis hostes, indicere dissolutionem matrimonii ex impotentia superveniente ad matrimonii contractum.

Nonnulli doctores censent Gregorium dispensationem interposuisse, quia agebatur de matrimonio rato, non consummato, cujus vinculum posse a Papa dissolvi, exempla plurima docent. Quoniam nondum in illo perfectus est conjunctionis Christi cum Ecclesia typus, juxta Apostoli doctrinam. Neque incongruum videri debet, si Gregorius hanc dispensationem indulgere sit dignatus ad levamen illius regionis gentis, barbaris institutis enutritæ. Alii interpretantur, locutum esse Gregorium, non quidem de impedimento superveniente ad contractum Matrimonii, sed de cognitione impotentiae jam existentis ante Matrimonium, acquisita ex tentato usu ejusdem. Ex quo enim compertum est, impotentiam perpetuam fore, liberum remanet alteri conjugii ad alias nuptias convolare, ob nullitatem iniri contractus. Monet tamen, ut puellæ subsidium non deneget, quia inter barbaras illas gentes, viduata omni ope, ad Idolatriam, vel gentilitios mores, cum magna pietatis Christianæ jactura, forte revertisset.

Oneratur itidem Gregorius III. quia justific

fit baptizatos a Paganis iterum fore baptizandos, inquiens: (1) *Vel qui a Presbitero Jovi mactante, & immolatitias carnes vesciente baptizati sunt, ut rebaptizentur, precipimus.*

Sed procul est a mente Gregorii III. hujusmodi error. Illud enim erat ad mentem Bonifacii quærere: An baptismus datus a Paganis vel joco, vel ignorata forma, vel non probato, an veram formam protulerint, esset nec ne iterandus. Respondet Gregorius omnino ita incerte baptizatos baptizari oportere. Nondum enim in Ecclesia inductus fuerat mos baptizandi sub conditione. Præterea tunc adhuc sub Judice pendebat, an validum haberetur baptismus collatum a non baptizato; de qua quæstione anceps fuit olim D. Augustinus dicens: (2) *Et hæc quidem alia quæstio est, utrum & ab iis, qui nunquam fuerunt Christiani, possit baptismus dari: nec aliquid temere inde affirmandum est sine auctoritate Concilii, quantum tantæ rei sufficit.* Quapropter mirari non subit, si Gregorius ex privata sententia in dubio veritatis nondum eliquatæ tutiorem partem elegerit, mandans baptizatos a Paganis baptizari, ad securitatem fidelium, quod sapientissimi judicii est.

Ad alterum expedita solutio est, oportere

(1) Epist. 2. ad Bonif.

(2) l. 2. cont. ep. Parimen. c. 13.

re etiam baptizari eos, qui communicant cum lapsis presbyteris, prævia facti pœnitundine, quum nemini petenti denegandus sit ingressus in Ecclesiam per baptismum. Idcirco simul ibidem docet Gregorius: *Eos etiam qui se dubitant esse baptizatos ... ut baptizentur, præcipimus.*

Cæterum omnibus patet prædicta omnia fuisse confirmata a S. Zacharia successore Gregorii III. qui ad eundem Bonifacium scribens, ait: (1) *Illos autem viros, qui ab hæreticis baptizati sunt, & dubietas tenet, quod in nomine Patris, & Filii, & Spiritus Sancti non sint baptizati, inquisita rei veritate, si ab erroneis Sacerdotibus baptizati sunt, hos sine dubio, juxta prædecessoris nostri bo. mem. Gregorii Papæ, & Sacrorum Canonum, traditum tibi mandatum implere non omittes, ne in æternum pereant. Nil validius ad tutamen Gregorii.*

Postremo ad errata Stephani III. devenimus, procul dubio probaturi in nihilum decidere. Stephanum III. nuncupamus cum Anastasio, & Baronio, licet aliis placeat illum numerare hujus nominis secundum, excluso Stephano vere secundo, quia tri-duo tantum supervixit electioni. Hic itaque Stephanus III. dum in Galliis apud Carisiacum convenisset Pippinum Regem, de pluribus interrogatus ad singula respon-dit,

(1) Ep. x. ad Bonif.

dit, inter quæ duo censura inuruntur. Primum est, respondisse inquirenti, quibus in casibus liceat conjuges separare, nedum thoro, sed etiam Vinculo? Respondisse, inquam, duos casus tantum esse posse, nempe vexationis a dæmone, & lepræ morbi, ad solutionem conjugii sufficientes. Verum ut verba responsi præseferunt, non solutionem vinculi, sed separationem thori, importare contendo. Ita enim lego in responsis a Stephano III. datis: (1) *Si quis se conjugio copulaverit, & uni eorum contigerit, ut debitum reddere non possit; non liceat eos separare; nec pro alia infirmitate, excepto si dæmonii infirmitas, aut lepræ macula supervenerit. Caterum si ab his duabus infirmitatibus liberi fuerint invicem conjuncti, unus alteri servitium exhibeat.* Unde non alia quam thori separatio colligi potest; maxime si infirmitas superveniat matrimonio consummato, quod omnimodam solubilitatem excludit. Cur vero Pontifex has tantum infirmitates ad separationem recenseat sufficientes; ex contingentia casus, unde quæsitum ortum fuit, oriri debuit. Quod sane demonstrant verba ad nonum quæsitum, ubi itidem de leprosis agitur.

Idem Pontifex ad undecimum quæsitum respondit circa Presbyterum, qui deficiente aqua, in Vino baptizavit infantem, dicens:

(1) tom. 17. Regiæ. edit. c. 2.

cens: Si in Vino quis, propterea quod aqua non inveniebatur, omnino periclitantem infantem baptizavit, nulla ei adscribitur culpa. Infantes sic permaneant in ipso baptismo. Nam si aqua adfuit præsens, ille Presbyter excommunicetur, & poenitentiae submitatur, quia contra Canonum sententiam agere præsumpsit. Ex ignorantia casus oritur erronea interpretatio. Casus exposcebat, quam censuram meruerit Presbyter, & nihil de infante momenti erat. Igitur dicendum est, casum contigisse, in quo iter agente Presbytero, occurrit infans in extremo periculo constitutus, qui post acceptum baptismum in Vino, alio deportatus est, ignorante Presbytero penitus quis esset, & quonam delatus fuerit. De tali infante dicit Stephanus, permaneant in illo qualicumque baptismo, non quia validus fuerit, sed quia divinæ providentiæ relinquitur vel miraculose illum salvare, ut refertur a Moscho de Judæo in arena baptizato, ob aquæ defectum (si casus revera contigit); (1) vel ad adultam ætatem perducendo puerum, ut per baptismum flaminis agehennæ periculo eripi possit. Cæterum apud plures eruditos creduntur hæc responsa confuta ex arbitrio fuisse, & maxime præsens, quod abest a pluribus editionibus, & in aliis non Stephano, sed Siricio adscribitur, quod

(1) In prat. Spirit.

quod mendacii, & puræ puræ calumniæ signum est. Alii tandem mendosum esse textum sentiunt, & restituendum cum conditionali appositione, idest: *Nulla ei adscribitur culpa, si infans permaneat in illo baptismo*. Quis enim tam hardus est, ut credat, Stephanum ignorasse materiam necessariam ad baptismum, quæ neque fugit Clericos infimi subsellii?

§. XVII.

Eugenius II. & Nicolaus I. ab errore purgantur.

SUB Eugenio II. coacta fuit Romana Synodus, in qua plures sanciti sunt Canones ad disciplinam Ecclesiasticam refarciendam accommodatissimi. Ipse Eugenius præfuit, & sancita decreta edixit, inter quæ sub numero trigesimo sexto legitur: *Nulli licere, excepta causa fornicationis, Uxorem relinquere, & deinde aliam copulare*. Permittit ergo Eugenius Vinculi Conjugalis solutionem, interveniente fornicatione alterius conjugis, adversus sententiam Christi: *Quod Deus conjunxit, homo non separet*. Ita causantur sentisse Eugenium II. adversarii. Illum tamen defendunt quotquot interpretati sunt textum Matthæi 19. ubi Christus docuit: *Quicumque*

que dimiserit Uxorem suam, nisi ob fornicationem, & aliam duxerit, mæchatur. Prohibetur quidem Uxorem dimittere a jugali consortio, nisi ex causa fornicationis, sed non conceditur aliam ducere, vivente Uxore dimissa, ut explicavit Concilium Forojulienſe can. x. juxta ejusdem Christi doctrinam Matthæi 5. expressam: *Omnis qui dimiserit Uxorem suam, excepta causa fornicationis, facit eam mæchari; & qui dimissam duxerit, adulterat.* Ergo ex sententia Christi non dissolvit vinculum, alias dimissa citra adulterii crimen, posset alteri copulari. Cur autem sola causa fornicationis utrobique proferatur, responderet D. Augustinus: (1) *Credo quia illud quod majus est, hoc dominus commemorare voluit. Majus enim adulterium esse, quis negat Uxore non fornicante dimissa, alteram ducere, quam si fornicantem quis dimiserit, & tunc alteram duxerit: non quia, & hoc adulterium non est, sed quia minus est, ubi fornicante dimissa, altera ducitur.*

Augustinus explicando Evangelicum textum, Eugenium ab errore vindicat, & adversarios confundit.

Consultus Nicolaus I. a Bulgaris per plura quæſita, sapientissime ad singula respondit. Inter cætera offendit responſum datum circa baptismum collatum à quodam viro

igno-

(1) l. 1. de adult. conjug. c. 9.

ignoto, de cujus etiam religione omnino obscura erat fama. Offensio autem, quam patiuntur adversarii, est, quia Nicolaus dixit: *Non esse denuo baptizandos, si in nomine Sanctæ Trinitatis, vel etiam in nomine Christi baptizati sunt, ut legimus in actibus Apostolorum. Unum quippe idemque est, ut Sanctus exponit Ambrosius.* (1) Patet autem formam baptismi in nomine Jesu, exclusa explicita trium Divinarum personarum appellatione, alienam esse a forma constituta ipso Christo docente, adeoque errori esse accensendam.

In animum inducere tamen nequeo, sanctissimum æque ac doctissimum Pontificem, in errorem incidisse circa formam baptismi, de qua jam recepta, & pervulgata erat Patrum traditio Sæculo Ecclesiæ Nono apud omnes, non nisi verbis dominicis *In Nomine Patris, & Filii, & Spiritus Sancti* confici Sacramentum baptismi. Observandum igitur est, responsum Nicolai ad duo se referre; nempe ad actus Apostolorum, ubi dicitur *In nomine Jesu Christi* plurimos ab Apostolis baptizatos fuisse, & ad auctoritatem Divi Ambrosii, qui dicit unum, idemque esse benedicere in Christo, ac benedicere in nomine Patris, & Filii, & Spiritus Sancti, quia nomen unum est, potestas una. Singula explicatione di-

H stin.

(1) I. 1. de Spirit. S. c. 3.

stincta collustrantur. Quum in actibus Apostolorum dicuntur aliqui baptizati in nomine Jesu, non proinde est intelligendum, dimissam, vel omissam fuisse invocationem Sanctæ Trinitatis; sed tantum accipiendum est perinde ac si diceretur, benedicente Jesu Christo, vel præhabita invocatione, ut tantum opus ad optatum finem perducatur, baptizati sunt, servata tamen doctrina Christi circa materiam, & formam præscripta Matth. 18. Et sane: (1) *Quomodo*, inquit S. Cyprianus, *quidam dicunt, foris extra Ecclesiam, modo in nomine Jesu Christi ubicunque, & quomodocunque Gentilem baptizatum, remissionem peccatorum consequi posse, cum ipse Christus Gentes baptizare jubeat in plena, & adunata Trinitate?* Consonat Cypriano Augustinus coarguens Maximinum Arianum, ubi ait: (2) *Si autem etiam non nominatis Patre, & Spiritu Sancto, in nomine Christi jussi sunt baptizari* (nempe ab Apostolis) *& tamen intelliguntur non baptizati nisi in nomine Patris, & Filii, & Spiritus Sancti; cur non sic audis de filio Dei: Omnia per ipsum facta sunt, ut & non nominatum intelligas ibi etiam Spiritum Sanctum?* Hinc assequi possumus, Nicolaum tantum voluisse, quod quemadmodum dicitur in nomine Trinitatis tingendos.

(1) Ep. ad Jubajan.

(2) l. 3. cont. Maximin. c. 17.]

dos esse initiandos ad fidem per baptismum, quin abrogetur expressio singularum personarum ejusdem Trinitatis; ita quum dictum sit baptizandos in nomine Christi, ut legitur in actibus Apostolorum, non est ita accipiendum, ut omittenda credatur forma cum expressione distincta Trinitatis. Ad hunc sensum tantummodo compellat divum Ambrosium dicentem: Unum idemque esse in naturæ identitate personam Verbi Incarnati, cum Patre, & Spiritu Sancto. Perspectum erat doctissimo Pontifici, non nisi ex speciali revelatione potuisse Apostolos baptizare prolato pro forma solo nomine Christi (quatenus opinio hæc factio cohæreat) neque exinde hujusmodi exemplum (1) cæteris favere posse.

§. XVIII.

Stephanus VII. & Sergius III. perperam possulantur de corrupta fidei doctrina.

EVIVIS sublato Formoso Romano Pontifice, excepit Ecclesia in vacante Sede Stephanum hujus nominis VII. Hic plura contra electionem Formosi animo volvens, censuit a Catalogo Romanorum Pontificum expungendum illum esse, tanquam hominem ex honoris ambitione, &

H 2 con-

(1) D. Th. 3. p. q. 66. art. 6.

contra fas in Pontificatum intrusum, proindeque omnia ejus acta, ut auctoritate vacua, rescindi debere. Coacta igitur Synodo, ex ejusdem sententia, ultra omnium actorum extinctionem, irritas declaravit omnes ordinationes a Formoso factas, singulosque per illum ordinatos, iterato ordinare præsumplit. De hac violata Sacramentorum regula postulatur Stephanus, tanquam reus.

Ut plene objecto argumento faciam factis, operæ pretium est animadvertere, (ut omnes cuneos adversariorum retundam) prævisse decreto Stephani VII. aliud haud dispar decretum Stephani IV. contra Constantini Antipapæ consecrationem, ejusque ordinationes factas, quas irritas in Synodo coacta edixit, & iterare præcepit. Præcesserat quoque exemplum Hincmari Rheimensis Episcopi, alioquin doctissimi, qui sedente Nicolao I. habita Sueffionensi comprovincialium Episcoporum Synodo, decrevit irritas habendas esse omnes ordinationes ab Ebbone præcessore Hincmari factas, utpote ab Episcopatu deposito, ut legitur act. 5. ejusdem Concilii. Horum exempla sectati sunt Patres Synodi Bituricensis habitæ anno 1031. Joanne XVIII. Pontifice, qui Can. 11. statuerunt irritas fore ordinationes Filiorum Presbyteri, servorum, & collibertorum, qui sese clam obtulissent, non perspecta eorum conditione. Tandem, ut alia
missa

missa faciam, in Concilio Lateranensi Oecumenico sub Callisto II. an. 1123. congregato decretum est, omnes ordinationes, quas fecit Burdinus Antipapa, tanquam irritas esse circumscribendas, maxime a die, quo publico Ecclesiæ judicio proscriptus, & damnatus fuerat.

Hæc omnia satis superque demonstrant, nondum eliquatam fuisse in Ecclesia antea-actis sæculis quæstionem: an iterari potuissent ordinationes contra Canones celebratæ, necne, & pro utraque parte probabilem opinionem viguisse, ac ad praxim ductam fuisse. Ex quo culpandus non videtur, ex hoc capite, Stephanus VII. si absque alterutrius opinionis definitione ex Cathedra, exempla præcedentia sectatus est.

Non me fugit, alios e contra stare Theologos, qui emollire student verbum, quo irritæ declarantur ordinationes, itaut non vacuæ characteris impressione haberi debeant, sed ut illicitæ ad exercitium ordinis suscepti, & vacuæ honore, & gradu illi debito. Quamobrem nullo modo ex integro opus erat iterare ordinationes, sed tantum prævia quadam cæremoniali consecratione, vel potius benedictione, illos ordinatos in locum suum, & honorem recipere. Descripsit hanc cæremoniam Quartum Concilium Tolertanum Can. 28. pro hæreticis, & Schismaticis, qui pœnitentes ad gremium re-

dibant Ecclesiæ. Favet præsentī interpretationi Sigebertus in Chronico ad an. 930. ubi de Theodoro Papa loquens, narrat: *Theodorus Romanæ Ecclesiæ CXV. præsidet. Hic contra Stephanum Papam sentiens, reconciliavit ordinatos a Formoso, quos Stephanus per vim Romæ intus, non foris exordinaverat, nec tamen præsumperat eos iterum consecrare.* (1) Constat quoque ex ep. Urbani II. ad Lucium Præpositum, in qua ait: *Cæterum Schismaticorum, & hæreticorum Sacramenta, quoniam extra Ecclesiam sunt, juxta SS. Patrum traditionem, scilicet Pelagii, Gregorii, Cypriani, Augustini, Hieronymi formam quidem Sacramentorum, non autem virtutis effectum habere profiteamur, nisi cum ipsi vel eorum Sacramentis initiati, per manus impositionem ad Catholicam redeunt unitatem.*

Neque propterea Scriptores causantur Stephanum VII. ut doctrinæ fidei corruptorem per iteratas ordinationes (si fecit) quia non definiendo ex Cathedra, sed nimis indulgendo suo excandescenti animo illas inique abrogatas voluit, extorquendo a congregata Synodo, per omnem conatum, irregulare suffragium; teste Auxilio Formosi defensore, & (2) Luitprando scriptore cœvo.

Ideo

(1) Ep. 17.

(2) L. 1. & ep. ad Leonem Episc. Nolan. de ordin. Formosi l. 1. c. 8.

Ideoque peccatum Stephani nuncupant errorem conversationis, neutiquam prædicationis, utpote ad singularem casum restrictum. *Sed iudicium rerum gestarum erat, non religionis, fideique decretum*, inquit Cano. de loc. Theol. l. 5. c. 5. Utraque solutio integram servat Pontificiam infallibilitatem.

Lugendam cogor prosequi tragœdiam de Formoso Pontifice pertractus ab adversariis, qui Sergium III. in jus vocant, quia Stephani acta contra Formosum, jam rescissa, deleta, & igne combusta a Romano, Theodoro, Joanne IX. Romanis Pontificibus, ausus est reintegrare, iterumque Formosi acta rescindere, ejusque ordinationes irritas promulgare. Re igitur, & opere Sergius in errorem Stephani impegit, & eo graviores, quo a tot Sanctissimis prædecessoribus abunde fuerat edoctus. Sed quid hæc facinora cum infallibilitate iudicii ex Cathedra? Eadem respondeo, quæ de Stephano VII. dicta sunt, & quæ piget repetere.

§. XIX.

Notæ in rescripta nonnullorum Romanorum Pontificum dissulantur.

Satius esset prætermittere, quam operam ludere in objectionibus ab adversariis importune eductis ex Pontificiis rescriptis, quæ variabilem negotiorum molem

respiciunt, omnino alienam ab infallibili judicio ex Cathedra, de quo institutum præsens procedit. Verum quia heterodoxis placeat, etiam in his levissimi momenti Romanos Pontifices traducere, ab impactis criminationibus vindicare non omitam.

Ex rescripto Alexandri III. Salernitano Episcopo, relato cap. (1) *licet præter solitum*, colligunt adversarii, a quibusdam Romanis Pontificibus contra indissolubilitatem Matrimonii judicatum fuisse dicendo, Matrimonium ratum cum una celebratum solvi posse per posterius Matrimonium cum altera initum, & consummatum. Petente igitur Episcopo Salernitano quid juris esset in hoc casu, respondit Alexand. III. digna Pontifice sententia: *Quod si inter virum, & mulierem legitimus consensus interveniat de præsentis, ita quidem quod unus alterum in suum mutuo consensu verbis consuetis expresso, recipiat. . . non licet mulieri alii nubere; & si nusperit, etiam si carnalis copula sit secuta, ab eo separari debet, & ut ad primum redeat, Ecclesiastica distictione compelli. Quamvis aliter a quibusdam prædecessoribus nostris sit aliquando judicatum.* Itaque subinferunt adversarii aliquos Romanos Pontifices, teste Alexandro III. legem divinam de indissolubilitate Matrimonii admissio errore violasse.

Si consulamus juris Canonici peritos, latet

(1) L. 4. decret. tit. 4. de Sponsa duorum cap. 3.

ret omnino, a quo vel quibus latum fuerit
 judicium adversus indissolubilitatem Matrimo-
 nii; & mirum est, nullam hujusmodi
 judicii mentionem extare in aliqua saltem
 pervetusta Canonum collectione. Propte-
 rea conjectare licet, Verba Alexandri ex
 suggestione consulenti Episcopi fuisse adje-
 cta. Proclive enim est, quod Episcopus ex
 falso rumore obreptus scripserit, a quibus-
 dam Romanis Pontificibus rescriptum fuisse
 in favorem posterioris Matrimonii con-
 summati. Quibus suggestionibus rescribens
 Alexander, respondit, sententiam suam om-
 nino prævalere debere, etiam si aliter a præ-
 decessoribus suis judicatum fuerit. Neque te-
 mere id dictum afferro, quia ex Gonzalez
 constat eo tempore abusum invaluisse Mu-
 tinæ, in Anglia, aliisque provinciis dissol-
 vendi Matrimonium ratum per Matrimo-
 nium subsecutum cum copula. Qui ergo fie-
 ri non potuit, ut ad obducendam excusa-
 tionem in peccatis, falsum rumorem spar-
 ferint, in id conspirasse alicujus Romani
 Pontificis sententiam? Addi etiam potest,
 ex ignorantia errorem populi obrepere po-
 tuisse; quia, quum ex cap. *sicut ex literis*
de sponsal. sancitum fuerit fæminas uni de-
 sponsatas, alteri nubere non prohiberi, ad
 Matrimonium ratum inscite hanc legem
 transtulerunt.

Cæterum cavendum esse existimo a cen-
 suris

furis inurendis Pontificiis rescriptis , quia ex singularitate casuum inferri nequit eandem doctrinam ubique valere . Sit exemplum . Alexander III. iuste improbat Matrimonium consummatum , adjecta tamen conditione , si præcesserit cum altera Matrimonium ratum , conceptis verbis explicantibus mutuum consensum , initum . Itaque si alter casus proponatur , non verificata hac conditione , opposita erumpet resolutio . Cætera patebunt per solutionem sequentis argumenti .

In secunda collectione juris Canonici legitur quoddam rescriptum Cælestini III. sub *cap. de convers. infidelium* in hæc verba : *Idem siquidem juris sequenti casu , quem proponere studuisti , esset cum Christiano viro , propter odium uxoris , Christum negante , & sibi copulante paganam , & ex ea filios procreante , Christiana in obprobrium Jesu Christi relicta est ; tamen assensu Archidiaconi sui ad secundas nuptias convolavit , & filios suscepit ex ipso : non enim videtur nobis , quod si prior Maritus redeat ad unitatem Ecclesiasticam , eadem a secundo debeat recedere .*

In consimili casu de viro labente in hæresim , rescripsit Urbanus III. *cap. de illa de divort. Videtur nobis quod si mulier ab eo , ea dumtaxat intentione discessit , ut lapsus in hæresim tædio pariter , & confusione affectus , se ab errore suo converteret , ei cum*

re-

reversus fuerit, reddenda est . . . si vero iudicio Ecclesiæ ab eo sine spe Matrimonii reintegrandi recessit, ad recipiendum illum nullatenus dicimus compellendam. Postmodum Innocentius III. rescribens Episcopo Ferrariensi, ut habetur cap. *Quanto de divort.* utrumque rescriptum, nempe & Cælestini, & Urbani correxit dicens: *Licet quidam prædecessores nostri sensisse aliter videantur.* Ergo, clamitant adversarii, errarunt nominati Pontifices, & se invicem corrigunt.

Singulos textus opus erat exponere, ut se ipsa perspicue flucret solutio. Nonne Cælestinus, & Urbanus suam proferunt opinionem per verba: *Videtur nobis?* Nonne hæc verba sonant privatam proferentis opinionem, quæ cum mutabilitate iudicii compatitur, vel alterius Pontificis reformationem admittit? Itaque nihil contra infallibilitatem Pontificiam huiusmodi rescripta evincunt. Sive erret, sive non erret Pontifex in privatis opinionibus, ad quæstionem nostram non pertinet, qui loquimur de iudicio ex Cathedra, quod certe non proferatur per verba: *Videtur nobis.*

Contra rescripta Alexandri III. iterum Censores adversi reclamant, quia cap. *Cum esses, de Testament.* improbat testamenta, quæ secundum invecstam consuetudinem, sub pœna rescissionis, non fuerint vallata per
sub-

subscriptionem quinque, vel septem testium; *quia*, ait Pontifex, *a divina lege, & Sanctorum Patrum statutis, & a generali Ecclesiae consuetudine id esse noscitur alienum, cum scriptum sit: In ore duorum, vel trium testium stat omne verbum*. Ubinam, ajunt, est violare jus divinum, si adversus insurgentes fraudes majorem numerum testium producere contigerit?

Casus poscebat remedium, quia Veliter-
ni omnia testamenta penitus rescindeban-
tur, nisi quinque vel septem testes adfuis-
sent subscribentes: ex quo pauperes, causæ
piæ, Clerici, in infinitum angebantur.
Statuit proinde Alexander III. duos, vel
tres testes sufficere ad testamenti validita-
tem, producta ratione, non pro causa di-
spositionis, sed veluti pro exemplo, ac si
diceret. Si juxta jus divinum, quod lau-
dant Sancti Patres, & Ecclesia exequitur
firmitate consuetudinis, duo vel tres suffi-
ciunt testes ad probationem verborum, cur
adeo ab his aliena est consuetudo Veliter-
nenlis, ut rescissioni tradantur testamenta
a pluralitate majori testium minime proba-
ta? Ubi, ut apparet, nullus error corrigend-
us occurrit, neque castigandum censeri de-
bet Alexandri III. rescriptum.

§. XX.

Errores adversus Innocentii III. & Bonifacii VIII. constituta intentati rejiciuntur.

AD Innocentium III. perducimur, in omni facultate peritissimum, rerum humanarum, divinarumque cognitione egregie præditum Pontificem. Quapropter quilibet sani consilii majus scelus esse suspicabitur, in ejus scriptis errorem cogitare, quam affingere. Ad tollendam igitur mussitandi occasionem adversus Pontificiam infallibilitatem omnes scrupuli proferantur in medium. Postulabat enixe Innocentium III. Philippus Rex Francorum, ut nullitatem sui matrimonii cum Iseburge Regina pronuntiaret, & libertatem ei permetteret transeundi ad secunda vota cum Maria superinducta muliere. Obtendebat pro causa petitæ dissolutionis, nunquam fuisse inter ipsos consummatum matrimonium, quod tamen constanter negabat Regina, & suo juramento firmabat. Respondit Pontifex: (1) *Non auderemus super hujusmodi casu de nostro sensu pro te aliquid diffinire, propter illam sententiam evangelicam, quam ipse Christus expressit: Quod Deus*

(1) lib. 3. Epist. 106. regest. 15.

Deus conjunxit , homo non separet : Cum absque dubio , nec Sanctorum exempla , nec Patrum decreta , intentioni tuæ in hoc articulo suffragentur . Verum si super hoc absque Generali deliberatione Concilii determinare tentaremus , præter divinam offensam , & mundanam infamiam , quam ex eo possumus incurrere , forsan ordinis , & officii nobis periculum immineret ; cum contra præmissam veritatis sententiam , nostra non possit auctoritas dispensare . De sua igitur Pontificia infallibilitate dubitabat Innocentius .

Prudentissimi æque ac doctissimi Pontificis munus egit Innocentius . Doctrinam inconcussam de indissolubili conjugio dixit . Repulsam prudenti lenivit remedio , obtinendo , & sui muneris , & suæ famæ periculum , & universalis Concilii necessariam convocationem , ut in tanto negotio ingentibus difficultatibus circumsepto maturius postulatio Regis insanis amoribus irretiti judicaretur . Quomodo in hac responsione pereat Pontificia infallibilitas , penitus ignoro . Scite dixit Innocentius non posse contra evangelicam sententiam definire . Cætera ad ornatum responsionis , non ad dubietatem suæ infallibilitatis sunt addita .

Item Innocentii III. exagitur doctrina , quia rescripsisse dicitur ad Monachos Cistercienses : *Confessionem esse prodendam , quia potius est blasphemia , quam confessio ;*
nec

nec debet Confessor tantam blasphemiam, ac insaniam celare, per quam periculum toti Ecclesiæ poterit incumbere. Exquirebant Monachi, an fictus pœnitens accedens ad Confessarium, ut eum in patrocinium criminis deducat, subinde repulsus possit sub specie inviolabilis sigilli deterrere confessarium; ne prodat sacrilegum. In quo casu quis ita desipiet, defendendo, adfuisse confessionem sacramentalem inseparabilem ab inviolabili secreto?

Errasse Bonifacium VIII. ebuccinant adversarii, quum edita Constitutione *Unam Sanctam*, edixerit, omnia Regna mundi subesse in temporalibus Romano Pontifici. Quod adeo erroneum autumant, ut successor Clemens V. iustum duxerit præfatam Constitutionem abrogare, & ut novitatis commentum abjicere.

Objectio hæc undique mendaciis scatet. Constitutio *Unam Sanctam* adhuc perennis viget in sexto decretalium, nullo notata errore, in iis, quæ ad dispositivam pertinent, nullo stigmate inusta. Clemens V. per *extravagantem*, ut habetur in cap. *Meruit*, tit. *de Privilegiis*, duntaxat declaravit, per laudatam Constitutionem Bonifacii VIII. *Unam Sanctam*, nullum præjudicium generari Regi, & regno Gallicano, neque plus subjectos esse Romanæ Ecclesiæ, quam antea existebant, in temporalibus
sci-

scilicet. Cæterum inconcussa, & immobilis stat definitio Bonifacii: *de necessitate salutis est omnes Christi fideles Romano Pontifici subesse*. Intelligenti vim insitam veritati, nempe quod semper fuit (saltem in æternitate) semper est, & semper erit, cujusmodi sunt articuli ad fidem spectantes; nil novum neque corrigendum suggeret declaratio, qua promittitur nihil statui de recenti, quod antiqua non polleret veritate, sive in jure hoc sit, sive in facto, de quo non quærebatur. Omnibus enim patet, quod per definitionem nihil aliud evenit, nisi quod verum prius absconditum, definitione fit manifestum, & obedientia probatum. Sed semper fuit, est, & erit inconcussa, & irrevocabiliter verum.

§. XXI.

Objecta Nicolao III. & Joanni XXII. profligantur.

UT immoderata animorum studia hinc inde pugnantia circa arctissimam paupertatem a S. Francisco ordini suo Minorum demandatam in regula, non obruerent Religionis incrementum, & sanctimoniam, Nicolaus III. edidit Constitutionem incipientem (1) *Exiit qui seminat*,

(1) Rel. tit. de Verb. Signif. in 6.

nat, in qua duo potissime edixit. Primum est: *dicimus*, inquit, *quod abdicatio proprietatis rerum omnium non tam in speciali, quam etiam in communi propter Deum meritoria est, & sancta, quam & Christus viam perfectionis ostendens, verbo docuit, & exemplo firmavit*. Alterum est: Quod reservato Sedi Apostolicæ quocumque dominio, & Juris usu, dixit Nicolaus, *permitti tantum fratribus Minoribus usum facti. Qui, inquam, usus, non juris, sed facti tantummodo nomen habens, quod facti tantum, in utendo præbet utentibus, nihil juris... Ne talium rerum sub incerto videatur esse dominium... in nos, & Romanam Ecclesiam plene, & libere pertinere, hac præsentis constitutione in perpetuum valitura sancimus*. Hæc decrevit Nicolaus III.

Nequitia nonnullorum pessime audita est Nicolai prædicta declaratio, quia pessundato cujuscumque pudoris repagulo usque ad schisma, & hæresim erumpere ausi fuere, prædicando, & proclamando omnimodam paupertatem cum abdicatione totali domini, & usus juris, esse illam paupertatem evangelicam, quam Christus, & Apostoli sectati sunt, adeoque ad jus divinum strictissime pertinere per quemcunque superiorem etiam Romanum Pontificem indispensable. Quibus alias hæreses addere, & evomere non erubuerunt. Ad retundendam

igitur propudiosam hanc pervicaciam, Joannes XXI. vel, ut communiter nuncupatur, XXII. suam decretalem condidit, in qua minime probans posse dari simplicem usum facti absque jure utendi, decernit: (1) *Quod non justus esset actus utendi hujusmodi reputandus, cum ille usus fuerit, cui jus non competeat utendi...* & ideo de Fratrum nostrorum consilio hoc edito in perpetuum valituro sancimus; quod in bonis, quæ in posterum conferrentur, vel offerrentur, vel alias quomodo libet obvenire contingeret fratribus (quæ scilicet usu consumuntur) seu ordini... nullum jus seu dominium aliquod occasione ordinationis prædictæ, seu cujusvis alterius a quocunque Prædecessorum nostrorum super hoc specialiter editæ, Romanæ Ecclesiæ acquiratur, sed quo ad hoc habeantur prorsus ordinationes hujusmodi pro non factis. Restituitque dominium earum rerum fratribus, abdicato penitus illo, quod Nicolaus III. Ecclesiæ Romanæ attribuebat.

Quo vero ad paupertatem Christi, & Apostolorum, per alteram decretalem incipientem *Cum inter nonnullos*, Joannes XXII. in hæc verba sancivit: *Cum inter nonnullos viros scholasticos sæpe contingat in dubium revocare: Utrum pertinaciter affirma-*
re

(1) tit. de Verb. Signif. extra ad Condito-
rem in 6.

re Redemptorem nostrum... ejusque Apostolos in speciali non habuisse aliqua, nec in communi, etiam hæreticum sit censendum, diversa, & adversa etiam sentientibus circa illud: Nos huic concertationi finem imponere cupientes... de Fratrum nostrorum consilio hoc perpetuo declaramus edicto; nempe erroneum esse, & hæreticum, dicere Christum Dominum ejusque Apostolos non habuisse neque in communi, neque in speciali verum dominium super omnibus sibi spectantibus, utpote assertum Sacre Scripturæ contrarium, & doctrinæ Catholicæ inimicum.

Hæc pugnantia inter se decantant adversarii, qui vel Nicolao III. vel Joanni XXII. apertissimam erroris maculam imputant. Longe tamen falluntur. Nicolaus III. dixit; Christum Dominum verbo, & exemplo docuisse abdicationem omnium rerum, cum ait Apostolis: *Nolite possidere aurum, neque argentum, neque pecuniam in zonis vestris, non peram, neque duas tunicas, neque calceamenta, neque virgam.* Matth. x. Exemplo quoque id probavit Christus, de se ipso dicens: *Filius hominis non habet ubi caput suum reclinet.* Matth. 8. Et sequebantur eum mulieres, quæ ministrabant ei de facultatibus suis, ut legitur Lucæ 8. Quibus perpenlis laudat Nicolaus illos, qui abdicato omnium rerum dominio hanc sibi vivendi formam a-

stum etiam cum suis Apostolis loculos habuisse, ut utroque vivendi modo exemplum præberet, ad perfectionis gradum ascendendi. Quia vero novatores impudentissimi usque ad hæresim ausi fuerant Nicolai declarationem pertrahere; Idcirco Joannes, ut tantæ nequitie os obstrueret, definitione firmavit, Christum, & Apostolos habuisse verum dominium, & non tantum merum usum rerum, quibus utebantur, ut blaterabant rebelles. Definitio ergo Joannis nec in apice pugnat cum Nicolai decretali.

Quod spectat ad alteram partem, serio pensanda est Nicolai sententia, qua duo declarat: nempe exactissimam paupertatem esse, si omnimodum dominium foret abdicatum, uno tantum relicto usu facti, non juris; quapropter translato in Ecclesiam Romanam prædicto dominio, sanxit, nil aliud fratribus competere, quam purum facti usum: Quod quidem variabilis disciplinæ regula fuit. Exorta deinde præfata Novatorum exitiali concertatione, Joanni fas fuit, iterum abdicare dominium Ecclesiæ reservatum, illudque fratribus restituere, prout moris est eorum, quæ ad puram disciplinam, non autem ad dogma, vel ad fidem pertinent. Ubi autem Joannes a Nicolao dissidet in allata Moralis, & Juris prudentiæ quæstione; cum separabile sit dominium ab usu in iis, quæ usu consum-

mun-

muntur; neuter Pontifex ex Cathedra locutus est, neque materia est, quæ fidem respiciat. Quid enim prohibet, citra infallibilitatis jacturam, rationem ex propria opinione producere, quæ alteri Pontifici non arrideat? Ecquis est, qui etiam in opinionibus Philosophicis, vel ethices, vel juris prudentiæ, infallibiles velit Romanos Pontifices? Vel quod definitiones ex Cathedra ab his principiis deriventur? Horum bene conscius Joannes XXII. decretalem prædecessoris vocavit. *Ordinationem*, ut ex nomine quisque comprehenderet, sanctionem puræ disciplinæ fuisse, non fidei.

Ad pleniorē hujus argumenti, & consimilium solutionem præstat ex doctissimo Melchiorē Cano monere, nempe I. non omnes decretales vim judicii irrefragabilis obtinere, (1) *quarum nonnullas constat a posterioribus meliore consilio refutatas; quoniam non ex firmo decreto, sed ex Pontificum opinione prodierunt*. Ut contigit etiam in Conciliis generalibus circa ea, quæ disciplinam respiciunt. II. (2) distinguere necesse esse in decretis, id quod est intentio, conclusioque decreti, & id quod promittitur quasi ratio, & causa reddita a Pontifice ejus rei, quam constituit, In illis enim, quæ in Conclusionē statuuntur, si fidei quæ-

I 3 stio

(1) de loc. Theol. l. 5. c. 3.

(2) Cano ib. l. 6. c. 8. ad 4. arg.



itio decernatur, pro constanti tenendum est, Pontificem errare non posse. Verum in ratione, vel causa expendenda, an apta sit, probabilis, vel idonea, non est plurimum immorandum, quia ex privata opinione sæpe proceditur. III. Quandoque contingere inter rationes, & causas produci testimonia ex Sacra Scriptura petita, quæ tamen vim non faciunt ad Conclusionem decreti inferendam; vel quia hujusmodi causæ non sunt necessariae, sed tantum verosimiles, vel quia ex privata interpretatione, aut ex sensu accommodatio, aut argumentatione a simili promuntur. *Extat*, inquit Cano, *Synodus, ubi de perpetua Mariæ virginitate pronuntiatum est, illud quod in ea re suadenda referunt Patres: Portam Ezechielis clausam*. Hujusmodi enim rationes, & causæ afferantur, ut suadeant, non autem, ut cogant. *Nam licet non sint necessariae, non sunt tamen prorsus ineptæ. Quod si etiam Pontifices in hujusmodi ponendis causis, quandoque falluntur, ne calumniandi sunt quidem, tantum abest, ut inde loci hujus auctoritas infirmetur, & infallibilitas judicii ex Cathedra vel leviter concidat.*

Alio erroris convicio prosequuntur adversarii Joannem eundem XXII. contendentes fovisse, & docuisse, animas justorum usque ad diem judicii passuras privationem visionis beatificæ, quod errantis judicii prorsus

fus argumentum est. Sed mendaciter pro-
 fertur historia. A nemine quippe fide digno
 auctore hucusque proditum est, Joannem
 XXII. docuisse, & definivisse ex Cathedra
 præcitatum errorem. Imo pluribus authen-
 ticiis documentis probat (1) Odoricus Ray-
 naldus, in eam quidem opinionem Joan-
 nem propendisse, ut pote nondum finali ju-
 dicio expunctam, sed nunquam ad decreto-
 riam devenisse sententiam. Legenti diplo-
 ma a Benedicto XII. de hac re editum, quod
 incipit (2) *Benedictus Deus*, compertum
 fiet, quantum hallucinati sint nonnulli scri-
 ptores, qui ementitis imbuti rumoribus fal-
 sa pro veris venditare præsumpserunt. Porro
 si opinioni nondum eliquatæ plus faverit
 Joannes, quam par erat: Si proprio nimis
 indulsit sensui, humanitati, non Pontifi-
 carui culpa est adscribenda, uti declarare
 ipse curavit in frequenti Consistorio publico,
 & in mortis articulo, de quibus ipse Bene-
 dictus successor est locupletissimus testis.

Non abs re erit adjicere, Joannem XXII.
 quum debuit, ut Pontificem decebat, lo-
 qui, conceptis verbis professum esse, nunc
 referatam esse Sanctorum communioni bea-
 titudinem in Cælesti patria, ut legere est
 in diplomatibus Canonizationis Sancto-
 rum Thomæ Aquinatis, Ludovici Tholosa-

I 4 ni

(1) ad an. 1333. & 1334.

(2) Tom. . Bull. Rom.

ni Episcopi, & Thomæ Herfordiensis Antistitis, quæ plene comprobant, solutam fuisse ejus mentem ab illa dubietate, quæ solet errantes pertinaciter concutere. De his hæcenus.

§. XXII.

Clementis VI. Urbani V. & Gregorii XI. protestationes minime pugnantes cum Pontificia infallibilitate probantur.

Q Uum jam ad limen mortis accederet Clemens VI. ab ignorantia culpis se expedire cupiens, solenni diplomate revocavit, quidquid errore comite adversus veritatis apicem contigisset se esse proloquutum. Verba sunt: *Si qua dudum in minoribus constituti & postquam ad fastigium Apostolicæ dignitatis divina bonitas dignanter potius, quam digne provexit; nos disputando, legendo, prædicando, aut alias contra Catholicam veritatem, & fidem, vel bonos mores, ex lapsu linguæ præcipitanter forte protulimus, revocamus, & volumus pro revocatis haberi: & ea omnia Sedis Apostolicæ auctoritati submittimus, & supponimus corrigenda.* Tanto, ut ajunt adversarii, ac tam illustri testimonio, subjiciunt aliud haud inferioris momenti ejusdem Pontificis, qui sibi conscius propriæ fallibilitatis in Sancto-
rum

rum Canonizatione , satagebat *Populum inducere ad orandum pro eo , quod Deus non permetteret eum errare in hoc negotio , ut moris erat illius temporis .*

Liceat mihi paululum ab argumento excurrere , ut mentem Clementis VI. circa Pontificiam infallibilitatem certo certius rescire valeamus . Ipse summo propagandæ religionis studio intentus , literas dedit (1) ad Consolatorem Armenorum Catholicum , in quibus , expositis Romanæ Ecclesiæ Canonibus , explicationem Armenorum fidei professionem exigere curavit . Inter illos legere est decimum tertium in hæc verba : *Si credidisti , & adhuc credis solum Romanum Pontificem , dubiis emergentibus circa fidem Catholicam , posse per determinationem authenticam , cui sit inviolabiliter adhærendum , finem imponere : Et esse verum , & Catholicum quidquid ipse auctoritate Clavium sibi traditarum a Christo determinat esse verum , & quod determinat esse falsum , & hæreticum , sit censendum .*

Utrumque testimonium Clementis VI. conferatur ad invicem ; dimissaque animi affectione expendatur : etenim constabit , toto ostio proculdubio aberraturum , qui Pontificem hunc infallibilitatis osorem suspicari audebit . Ecquis ferre potest , audire Clementem , in humilitatis studium of-

fi.

(1) Raynal. ad an. 1346.

ficioſum culpas ignorantiz , vel erroris deſtinentem , ſive legendo , ſive diſputando , ſive prædicando commiſſas , prout hominis infirmitati accidit ; ſtatimque ut Pontificem ex Cathedra docentem fallibilitatis ſuz accuſatorem , ſimul , & reum expoſtulare : Ubi vero ad fidei amuſſim expoſcit infallibilitatis Pontificiz confeſſionem , irridere , & ſubſannare , perinde ſi ſtrophas venditare ſtuderit ? Coarguitur ſi preces fundere curaverit , ne in canonizatione Sanctorum errore aliquo munus ſuum perverteretur , perinde ac timore errandi ſe concuſſum eſſe ſignificaret , quin advertere placeat , plura in facto humanæ reſtificationis occurrere poſſe , quæ prævie ad ſententiam valeant veritatem obruere ? Nonne Sacerdos prævie ad panis , & vini confeſecrationem continuo orat pro mirabili tranſubſtantiatione , licet probe ſciat verbis divinis infallibiliter omnia compleri ? Et culpæ fallibilitatis tribuendum erit , quum Clemens VI. & ordo Romanus ſupplicationes indicunt ad avertendum errandi periculum a tota ſerie Canonizationis Sanctorum ? Primo exclamant adverſarii fundendas eſſe preces , antequam Pontifex ad definitiones fidei deveniat ; poſtremo ſi preces indicuntur ante Sanctorum canonizationem , ad ſignificandam fallibilitatem judicii illas pertrahunt. Quis hæc pugnantia conciliabit ?

Re-

Reponunt alii, professionem fidei inditam Armenis a Clemente VI. explicatione indigere; nempe illud esse Catholicum, & verum censendum, quod summus Pontifex ex Cathedra, hoc est accedente Ecclesiæ consensu, determinat esse verum. Inepta interpretatio, quam ipse textus excludit, ipse Clemens rejicit, & a qua ipsa veritas abhorret! Armenis pro regula Fidei, quam profiterentur, assignat Clemens VI. ore, & corde fas esse credere, verum esse, quod determinat summus Pontifex esse verum, & e contra esse falsum, quod Summus Pontifex determinat esse falsum, & hæreticum. Quis recte concipere poterit, in his verbis includi, *accedente Ecclesiæ consensu*? Nonne futilem regulam fidei tradidisset Pontifex, reticendo conditionem qua fides inconcussa redditur? Legere textum, est futilem glossam abjicere. Porro ipse Clemens, olim Petrus Rogerii, fuerat doctor Theologus Parisiensis. Vel ergo suo tempore prælata Conclusio de infallibilitate Pontificia inter Theologos Parisienses verfabatur, vel non. Si horum erat altum silentium, ipsa novitas exsufflat probabilitatem. Si vigeat disceptatio, Clemens aliter docendo, novitiam opinionem explosit. Tandem ipsa veritas oppositum demonstrat, quia quum Summus Pontifex sit Magister, & doctor universæ ecclesiæ, & ipse docendo
omni-

omnibus loquatur, & Univerſa Eccleſia au-
diat, & diſcat, nihilque illa pronuntiet.
cui unquam fides populorum firmiter inni-
ti debbit? Si dicas; & loquenti, & ſilen-
ti. En Babelis confuſio. En fides in incer-
tum vaga, donec ad Armenorum aures per-
veniat totius occidentis ſilentium, & per
ſilentium tacitus aſſenſus. En fides vana, &
pendula, ac tandem irridenda!

Ad Urbanum V. tranſeamus, qui in
mortis articulo profeſſus eſt: *Se tenere, &
credere firmiter quicquid Sancta Catholi-
ca, & Apoſtolica tenet, & docet, & prædi-
cat Eccleſia: & ſi per prius docendo, legen-
do, prædicando, aut diſputando, vel alias,
aliud quovis modo prædicaverat, vel dixe-
rat, totum id revocavit voluitque haberi
pro non dicto; ſubmittens ſe, & dicta ſua
bujusmodi correptioni, & determinationi di-
ctæ Sanctæ Matris Eccleſiæ, a qua aſſeruit
ſe nunquam deviaſſe ſcienter.* (1) Ita de
Urbano V. refert Scriptor cœvus in ejus
vita.

Fuit Urbanus V. Ordinis Benedictini a-
lumnus, doctrina, ac pietate illuſtris. De-
finitorum ex Cathedra penitere non potuit,
neque de ſua infallibilitate dubius eſſe, quum
nullam conſtitutionem dogmaticam revoca-
verit, vel judicium de fide reformaverit. I-
gitur ex humilitatis ſtudio de dictis, & do-
ctri-

(1) Raynald. ad an. 1370.

Arinis privatim traditis intelligitur locutus, & protestatus. Quid ad nos? Nunquid dicimus Pontifices impeccabiles Verbo, cogitatione, & opere? Se ipsos irridendos præbent, qui hujusmodi argumenta exhibent.

Neque multum discrepat a præactis exemplis, illud Gregorii XI. qui condito Testamento, ita supremam suam voluntatem aperuit: *Item volumus, dicimus, & protestamur ex nostra certa conscientia, quod si in Consistorio, aut in Conciliis, vel sermonibus, vel collationibus publicis, vel privatis, ex lapsu linguæ, aut alias ex aliqua turbatione, vel etiam letitia inordinata, aut præsentia magnatum, ad eorum forsitan complacentiam, seu ex aliquali distemperantia, vel inadvertentia, aut superfluitate, aliqua dixerimus erronea contra Catholicam fidem . . . seu forsitan ad hærendo aliquorum opinionibus contrariis fidei Catholicæ scienter, quod non credimus, vel etiam ignoranter, aut dando favorem aliquibus contra Catholicam Religionem obsequentibus, illa expresse, & specialiter revocamus, detestamur, & habere volumus pro non dicto.*

Fateor hujus vim argumenti probi hominis captum excedere. Argumentum ita ab adversariis construitur. Gregorius Pontifex professus est, se agnoscere errori etiam circa fidem obnoxium, igitur passus est infallibilitatis privilegii se fuisse expertem, nullo acce-

accedente Ecclesiæ consensu . Hoc præmissa : Fingamus , omnes Episcopos , qui in Concilio Tridentino federunt , eandem prorsus protestationem Gregorii , uti non est creditu difficile , in mortis periculo conceptis verbis emisisse . Licebit itaque pariformiter inferre , omnes illos Patres infallibilitate judicii caruisse in ipso Concilio , nisi consensus Ecclesiæ accedat ? Sub simili forma quilibet Sacerdos Sacramento dicat , non posse quidquam patrare miraculi . Licebit igitur Calvino deducere : ergo nequit Sacerdos transubstantiationem efficere ? Viden argumenti fallaciam ? A restricto sensu errandi , ut homo est infirmitate circumdatus , ad ampliorem errandi etiam , ut Pontifex docens ex Cathedra arguitur , qui arguendi modus ab omnibus Philosophis exhibetur .

§. XXIII.

Alii Romani Pontifices a labe fallibilitatis vindicantur .

IN historia rerum Mediolanensium , Bernardinus Corius refert , Bonifacium Nonum summum Pontificem largitum fuisse pro ditione Vicecomitum indulgentiam , qua unusquisque , quibusdam collatis elemolinis in pauperum levamen , absolutus a quocumque peccato existeret ; etiam si nec
con-

confessus, nec contritus ea desleret. Inlipida plane fabella hausta a viro in Theologia hospite! Indulgentiæ non ad culpam, sed ad pœnam tollendam conceduntur. Ignorantiæ adeo crassæ notam tempore Bonifacii IX. Curia Romanæ imputare, intolerabilis stupiditatis est vitium. Procul dubio ex deceptione peccavit Corius; siquidem si qua fuit indulgentia concessa, ad reatum pœnæ elevandum tantum extensa intelligi debuit. Quum autem pœnarum duplex sit genus, nempe aliud erga Ecclesiam pœnas Canonicas inferentem; aliud erga Deum pœnis condignis ulciscentem peccata; potuit Pontifex pœnas illas Canonicas in alia pia opera commutare; quemadmodum ex Jure Canonico discimus, posse Ecclesiasticum Judicem etiam invitos a censuris absolvere.

Eadem audacia aggrediuntur adversarii Sanctum Cælestinum hujus nominis V. quia in concessa indulgentia Ecclesiæ Aquilanæ, ubi primo Pontificia cinctus fuit Thiara, (1) expressit, se a baptismo absolvere a culpa, & a pœna omnes, qui vere pœnitentes, vel contriti oraturi accederent in die decollationis Sancti Joannis ad præfatam Ecclesiam. Neque animadvertunt hujusmodi censores, absolutionem subsequi ad favendum iis, qui vere pœnitentes, vel contriti

(1) Raynald. ad An. 1294.

triti omnem labem culpæ expiaverint . Propterea non nisi reatum pœnæ respicit , qui ut effectus culpæ , quandoque etiam culpa dicitur , quæ culpa non est amplius .

Testem subinde advocant fallibilitatis Pontificiæ Hadrianum hujus nominis VI. qui quum munus doctoris Lovaniensis ageret , scripsit commentaria in libros Sententiarum , & ad Pontificatum evehctus publica luce donavit . In his commentariis ita locutus est : (1) *Ad 2. De facto Gregorii dico : Quod si per Ecclesiam Romanam intelligatur caput ejus , puta Pontifex , certum est , quod possit errare , etiam in iis , quæ tangunt fidem , hæresim per suam determinationem , aut decretalem asserendo .* Hæc Hadrianus Florentii doctor Lovaniensis , nequam Hadrianus VI. Pontifex maximus , etsi in Pontificatu Commentaria edere curaverit . Instauro itaque doctrinam sapientissimi Magistri Cano superius indicatam : (2) *Error itaque , inquit , personalis , privatus est cujusque . Edidit Innocentius IV. in primum librum decretalium Commentaria . Si in his quicquam errati est , hominis nimis est , non Pontificis , quamvis ea commentaria a Pontifice edita sint . At si idem Innocentius in judicio de fidei questione definiret quidpiam , quod revera falsum esset ,*
jam

(1) in 4. Sent. q. de Confirm. 9.

(2) de loc. Theol. l. 6. c. 8.

jam hic error a publico Ecclesiæ censore profisceretur, essetque proinde judicialis. An Hadrianus, an alii Romani Pontifices in suo privato sensu abundare potuerint, non moror. Sed an erraverint definiendo res fidei ex Cathedra, ut quæstio postulat, constanter pernego. Ipse quoque Hadrianus VI. abjecit Pontifex factus illam opinionem, quam mordicus in Schola Lovanien- si docuerat, nempe non potuisse Sanctum Gregorium Magnum dispensare cum simplicibus Sacerdotibus Siculis, ut confirmationis Sacramentum conferrent. Attamen ipse non semel Missionem in partibus infidelium agentibus eandem facultatem concessit. Quamobrem si novis curis priscas lucubrationes ad lydium lapidem revocavisset, antequam eas typis demandasset, certo certius opinionem de fallibilitate Pontificia expunxisset, eliminasset, retractasset. Ut ut est, firmiori nitimur fundamento vindicantes Pontificiam infallibilitatem, quam Hadrianus Florentii, qui Doctoris Lovanien- sis munus exercens, non discussa quæstione, sed de confirmationis ministro agens, nonnulla obiter protulerat. Laudatæ distinctioni judicii privati, & judicii publici obsequantur, necesse est, adhuc ipsi adversarii, qui infallibilitatem in Concilio Generali constantem viriliter propugnant. Com-
pertum quippe habemus Patres inibi con-

sedentes in privatis opinionibus nonnunquam a vero deficere, ut legere est in historia Concilii Tridentini studio Cardinalis Pallavicini concinnata. Et tamen in iudicio publico definitivo ad exactam fidei regulam inconcussam veritatem constabiliverunt. Non pro omni sensu promissus cœlitus est Sancti Spiritus specialis afflatus; sed ad postremam publici iudicii sententiam reservatus est, tam pro Concilio Generali, quam pro Romano Pontifice ex Cathedra loquente, ut non tam Patres, quam Pontifices Maximos intelligamus locutos, tanquam organum ejusdem Dei nos docentis, & instruensis.

§. XXIV.

Alia notæ nequiter offusæ evacuantur.

PAtrocinium quæritant adversarii a dictis vel factis unius vel alterius Pontificis Romani, ut traditionis jacula declinent, quæ jugulum petunt. Patienter ferre fas est, ne videamur difficultates fugere. Paulum IV. accersunt concionantem adversus Pontificiam infallibilitatem. Rogatus Pontifex, ut Matrimonium ratum tantum inter filium Ducis a Memorantio, & Joannam Halluynam Piennæam celebratum dissolveret, audire voluit peritos, & do-

& doctores in divinis, & decretis, quos accitos in hæc verba affatus est. *Ne quæso vos teneant decessorum meorum facta, & exempla, quæ eatenus sequi volo, quatenus scripturæ auctoritas, & Theologorum rationes, vos ad illud agendum inducent...* Non dubito quin ego, & decessores mei errare aliquando potuerimus, non solum in hoc, sed etiam in pluribus aliis rerum generibus, & tamen plane condemnandi non sumus. Nam Deus suam ita regit Ecclesiam, ut illi certum ad tempus abscondat multa, quæ tum inde patefacit.... Quis igitur scit modo, num quæ reliquis circa indissolubile matrimonii vinculum ante fuerunt incognita, per nos Deus apertam in lucem nunc prodi velit? Fides sit penes Castellnavi Maluissæ, qui hæc refert inter sua Commentaria Tom. II.

Proloquium Pauli IV. nullum prorsus suffragium præbet adversariis. De casu particulari agebatur, neutiquam de dogmate ex Cathedra dicendo. Quotidie hæc agitantur in Curia Romana hinc inde, juxta diversarum partium studium nervose scribentium, ubi etiam de potestate Pontificis, pugnantium doctorum placita producuntur. In quæstione pro utraque parte toties ventilata, placuit Sanctæ Sedi tuto posse dispensare, & urgente causa dispensat adhuc. Et hoc est errare? Minime gentium. Secuti sunt sententiam, quam probabilio-

rem, & tutam in praxi censuerunt. In hujusmodi causis, dicit Paulus IV. & ipsum & decessores suos potuisse aliquando errare. Quod ex pluribus inculpate contingere solet. Vel quia factum falso supponitur; vel quia causæ testibus non integris innituntur, & similia. Acciti Consultores, eodem auctore teste, in oppositas abierunt sententias. Successive dispensatum est; ergo rite; ergo recte. Sed quid, amabo, hoc argumentum confert; ad vellicandam Pontificiam infallibilitatem ex Cathedra? Præsens relatio judicia privata tangit, & quidem sæpe sæpius contentiosa. Ut tutius, & probabilius procederet, doctos viros consuluit Pontifex, non autem ut definiret de dogmate. Nos vero quærimus de infallibili judicio ex Cathedra, ut de fide, qua nil certius in Mundo, doceatur Universalis Ecclesia. Plurimum, heu nimis, a sententia nostra discrepant.

Heterodoxi errasse utcumque dicunt Sixtum V. per eam causam, qua inhærens decreto Concilii Tridentini expurgare curaverit a mendis Scripturam Sacram, eamque sic emendatam typis dari jusserit, indicto præcepto sub pœna excommunicationis, ut ab Ecclesia Univerſa pro authentica haberetur. Deinceps subnectunt eam exposuisse sub titulo vulgatæ editionis ab omni mendo puræ, quando a pluribus Catho-

tholicis viris adhuc plurimis scatere mendis demonstratum sit . Propterea factum est , ut Clemens VIII. aliam emendatiorem impressionem excudi mandaverit .

Scite dicta res est . Sed ubi cubet hic error Sixti Pontificis , latet omnino . Ipse præbuit vulgatam editionem Scripturæ Sacræ incorruptam , & immaculatam , in sensu verborum , qui ad fidem , & mores spectat . Præcepit ut ab omnibus pro authentica habeatur ; *ut nemo illam rejicere quovis prætextu audeat , vel præsumat* ; ut loquitur Concilium Tridentinum sess. 4. Declaravit Sixtus V. impressionem prodire, *quam nunc prout optime fieri potuit , emendatam* ; Adeoque cæteris latinis editionibus , vel versionibus anteponendam esse . Neque unquam contendit , a levioribus usque mendis ita purgatam fuisse , ut successor Clemens VIII. non potuerit juxta fas editionem correctiorem adornare . Igitur Sixtus V. in errorem nullatenus impegit . Ægre tulerunt hæretici , fuisse procusam intemeratam , & authenticam Scripturæ Sacræ editionem , iisque ademptam viam saltitandi nunc ad textum Hebraicum , nunc ad textum Græcum , nunc ad alias versiones , ut falsitates suas importune obtegerent . Qua de causa , ut accuratæ vulgatæ editioni callide occurrerent , alias versiones moliti sunt , & omnia susdeque everterunt . Hinc propriam

culpam, suumque errorem in Sixtum V. Pontificem Maximum per summam audaciam detorquere non omittunt.

§. XXV.

*Cum infallibilitate pugnare posse errare
in facto dogmatico.*

Absolutis vindictis Romanorum Pontificum quos exagitare non desinunt adversarii, ut infallibilitatem ab eorum judiciis ex Cathedra editis convellant; ad alias objectiones solvendas necesse est convolare. Neque pigeat plurimum Pontificum meminisse, quos criminari non desinunt, quia unum vel alterum præterire, ipsorum judicio, est cedere pugnae, ex defectu validæ tuitionis, qua ab inuito errore eripi possint.

Objiciunt igitur Papam errare posse, & erravisse in facto dogmatico. Recens Scriptor non detrectat hoc assertum admittere, hac usus distinctione, ut possit quidem errare in facto, neutiquam in jure, eidem connexo. Sed imaginaria prorsus est hæc distinctio, si in re, non autem in logico sensu factum dogmaticum consideremus, ut par est. Hujusmodi factum compellat factum mixtum cum jure, hoc est cum dogmate fidei, adeo inseparabiliter connexum,

ut

ut iudicium tangens factum nullatenus a jure præscindere valeat. In scriptis dogmaticis planum est exemplum, puta in epistola Ibæ ad Marim Persam; In libro Cornelii Jansenii de gratia Salvatoris, & his similibus. De hujusmodi scriptis quæsitum fuit, an hæreses, an sensus obuius, an sensus ab auctore intentus ad hæresim docendam, continerentur. Ubinam excogitare licet, factum hujusmodi esse a dogmate separabile, ut errare quis possit in facto iudicando, quin fallatur, & fallat in jure? Quæstio non erat, an Iba conscripserit Epistolam, an Jansenius librum composuerit, quod facti simplicis est nota. Sed inquirebatur, an error, an hæresis, an sensus improbus, nec ne in illis lateret. Ergo errare in hoc facto, est prorsus errare in dogmate.

Parum immorari placet in allato exemplo disceptationis super Epistola Ibæ ad Marim Persam, & iterum eloqui circa ea, quæ occasione V. Synodi adeo acerbis implicarunt molestiis Vigilium Papam. Historia jam patet ex dictis superioribus. Plura facta dogmatica sese objiciebant menti Vigili. I. Quod Epistola Ibæ fuerit lecta in Concilio Chalcedonensi, & absque censura dimissa, quemadmodum absque examine. II. Quod Episcopi Occidentales, præcipue Africani, & Istriæ minabantur a Commu-

nione Vigilii secedere, si quidquam consentiret in aliquam condemnationem, non intentatam a Concilio Chalcedonensi, rati, non esse opus tanto Concilio vel in apice detrahere; imo totum conatum hæreticorum fuisse, ad condemnationem trium Capitulorum urgere. III. Quod Episcopi Orientales probe conscii; arte hæreticorum fuisse disseminata scripta trium Capitulorum, ut minus cautis propinarent profligatæ hæresis virus, perurgebant Imperatorem, compellebant Vigilium, ut condemnationi subscriberet. Ad has incitas redactus Vigilii, quo se verteret, fluctuabat, instante periculo sive in Scyllam, sive in Charybdim incidendi. Propterea enixe postulabat, ut plenarium cogeretur. (1) Concilium in partibus occidentis, vel saltem Episcoporum occidentalium sollicitarentur in scriptis sententiæ. In hac re Vigilii nec in facto, nec in dogmate erravit. Si erravisset in facto, utique in jure quoque errare debuisset; ex necessaria connexion inter utrumque. Refugiens Vigilii condemnare tria Capitula, non proinde ea probabat; sed ne Schisma in Ecclesia Occidentali conflaretur, provide censebat vestigiis Chalcedonensis Concilii insistere, donec Episcopi Occidentales suam dicerent sententiam.

Distinxerunt equidem Iansenianæ hæresis

(1) Nori. in dissert. Quintæ Synod.

sis fautores, in facto dogmatico, factum a Jure, profitentes obedientiam juri, reverentiam facto. At male parta distinctio suo in ortu confossa est, & Alexandri VII. & Clementis XI. anathematis gladio. Quid est obedire juri, neutiquam facto, nisi utrumque a debito obedientiæ depellere? Jus enim frequenter ex facto oritur, adeo ut uno deficiente, alterum diffuere necesse sit. Quæ ergo ratione ex orco iterum reviviscit ad detrahendum Romano Pontifici, quasi cum privilegio infallibilitatis possit in facto dogmatico errare, errore scilicet facti, non juris? Pugnancia nimium hæc sunt, ut possint quocumque studio copulari. Alias nequidem tota Ecclesia posset certum sensum in Sacra Scriptura deprehendere, si ad sensum loquentis Dei firmiter nequiret attendere, eundemque statuere.

Eusebius Nicomediensis cum Theognio Nicæo ad depellendam, vel potius palliandam hæresim in Ario impio auctore, (1) libellum primo protulit, dicens: non abnuere in condemnationem erroris venire, dummodo exciperetur ipse Arius ab hæreseos nota, cum prope sciret ex scriptis, & sermone ejusdem, prorsus Arii mentem alienam esse ab impacta hæresi. Hæc fuit distinctio juris, & facti, qua abutens Eusebius in defensionem Arianæ hæresis fucum fa-

(1) Inter fragm. Concil. Nicæn. apud Binius.

facere moliebatur, ut inde, salvo auctore, impia quoque doctrina impune grassaretur. Ex quo evincere necesse est, nunquam satis profligatum iri errorem, si in facto dogmatico distinctio juris, & facti admittetur, ut Papa in uno vel altero fallere possit. Eandem fraudem adoptant illi, qui in facto Janseniano contendunt, errare posse Pontificem.

§. XXVI.

Alia excogitata distinctio inter Pontificem, & Sedem Apostolicam dirimitur.

Multifariam loquuntur adversarii, quum de Pontifice, de Cathedra, aut de Sede Apostolica, vel de Ecclesia Romana differunt. Sedem seu Cathedram Petri dividunt a sedente in ea, ut alibi inuimus. Illam immutabilem, & immaculatam esse affirmant, quia dicunt nominare, non quidem Pontificem hic, & nunc sedentem, sed successionem indefectibilem Romanorum Pontificum. Ex quo licet unum, vel alterum contingat errare ob defectum infallibilitatis personalis, impossibile tamen est, quod tota successio deficiat. Ita quippe suaviter a divina providentia est dispositum, Spiritu Sancto afflante, ut si unus errabit, alter ex successoribus emenda-

dabit errorem, & veritatem redintegrabit. Quod manifestum fieri, autumant, quia alias Sede vacante oraculum fidei vivum ab Ecclesia abesse, opus esset affirmare; Ecclesiamque ipsam posse in fide periclitari. Hæc summa opinionis quorundam, qui dimisso pondere traditionis proprio mentis acumini toti se dedunt.

Sedem diximus, sive Cathedram separari a Pontifice Romano, quia hic non illa labili cedit naturæ, & occumbit; sive Sedes intelligatur pro passiva locali residentia, sive pro dignitate, & jurisdictione Papali ad hierarchicum ordinem spectante, illumque inchoante. Si vero pro successione Episcoporum Urbis, ipsa Sedes vel Cathedra habeatur, ut innuit Theologus arguens, admodum difficile est, ne dicam absurdum, persuadere, quod Sedes a Romano Pontifice separari, aut distingui possit, ne cogamur dicere Romanos Pontifices a serie Romanorum Pontificum secerni debere.

Attamen deglutiamus hoc absurdum. Unde traditionis caput auspicabimur, qua successioni Romanorum Pontificum, non autem Petro, & nominatim uni post alterum ex successoribus, collatum non fuerit a Christo infallibilitatis privilegium? Ubi est illa idealis successio indeficientis magisterii, si unus, & alter, & alter a primo usque ad postremum falli, & fallere possunt?

sunt? Quis erit ille constitutus Pastor, Doctor, & Magister Universalis Ecclesiæ, cui cæteros confirmare incumbet, si singuli Pontifices alteri, & alteri succedentes eodem laborant defectu errandi, & alios in errorem trahendi? Ille qui dicitur a Spiritu Sancto delectus, ut prædecessoris errorem corrigat, & emendet, est ne infallibilitatis dono munitus, vel fallibilis, ut cæteri habentur? Si fallibilis est, ubi producitur testis sive ex Scriptura Sacra, sive ex Patrum traditione, qui fidem a nota temeritatis vindicet, ostendendo in serie Romanorum Pontificum adesse Pontificem adhuc fallibilem, sed certissime emendantem, & corrigentem prædecessorum errores? Si vero hic Pontifex selectus in præfata serie, & a Spiritu Sancto afflatus ad corrigenda præcedentium errata, est infallibilis; Ostendatur quoque necesse est, unde hic, vel ille Papa inter plures hoc privilegio sit donatus; quum neque Evangelium, neque Vetus Testamentum, neque Patrum traditio id vel leviter prodatur.

Constat quidem a Christo fuisse Petrum institutum Pastorem omnium, & singulorum, nemine excepto. Constat Pastorale Ministerium in id intendere, ut doceat, & sanctificet. Constat hanc dignitatem, & Ministerium Pastorale a Petro derivari in omnes, & singulos successores, qui Christi

in

in terris locum tenent, & totius corporis visibilis Ecclesię caput visibile sunt, sub Christo, qui est caput, & triumphantis, & militantis Ecclesię; illi visibile, huic invisibile. Constant hæc, & alia plura ex præjactis fundamentis hujus dissertationis, tam divini eloquii, quam haud interruptæ Patrum traditionis, quibus ex acumine ingenii refragari, idem est, ac hariolari, vel ludere.

Moritur Pontifex, ajunt, & suo fato cedit. Labascet ergo fides Ecclesię absque suo infallibili interprete, Doctore, & magistro? Respondeat doctissimus Episcopus Cano, cui submittere fasces, neque indignum, neque indecorum est accipiendum: (1) *Mortuo autem, inquit, Summo Pontifice, una sine dubio Ecclesia manet, & manet in ea spiritus veritatis, sed manca, & diminuta sine Christi Vicario, & Ecclesię uno Pastore relinquitur. Quocirca licet veritas tunc etiam in Ecclesia sit, at si controversiæ fidei, & religionis oriantur, Ecclesię judicia, sine capite in terris, non adeo certa erunt. Expedita responsio.*

§. XXVII.

(1) De loc. Theol. l. 4. c. ult.

S. XXVII.

Aliud argumentum de infallibilitate Ecclesiæ particularis Romanæ præoccupatur.

Alii ut detrahant infallibilitati Romani Pontificis, conspirant potius ut concedant infallibilitatis privilegium Ecclesiæ Romanæ, sub ea notione, qua particularis Ecclesia est. Quo fundamento, quo recte, nullibi legitur. Arguunt itaque Ecclesiam specialem Romanam, ut immaculatam, ut incorruptam a Patribus laudari; Matrem, & matricem cæterarum Ecclesiarum appellari; centrum unitatis, depositum incontaminatæ traditionis dici, & ab omnibus haberi. Ubi majores infallibilitatis notæ unquam reperiri poterunt, quam in Ecclesia Romana? Subinferunt deinde cetera hujusmodi Scriptores, inter se tamen discordes; siquidem alii expedite affirmant, Pontificem Romanum, se solo, esse fallibilem; si vero cum Ecclesia sua Romana de fide definiat, infallibilem evadere: Alii e contra infallibilem Pontificem Romanum dicere non dubitant, sed accedente Ecclesiæ Romanæ consensu: Placetque, toti populo Ecclesiam hanc constituenti, proprio Marte, sufficere Clerum Romanum, & postremo ipsi Clero substituere S. R. E. Cardinales,

les, juxta morem præsentis ætatis. Neque his contenti, ut etiam Doctrinam de infallibili judicio fidei, quo nil sanctius est, ad novitatem ritus deducant, plures innectunt clausulas, nempe quod Papa præmisso consilio, & maturo examine rei definientæ, indictis precibus ad postulandum Spiritus Sancti afflatum, pronuntiet sententiam, servatis formulis Curie Romanæ, quibus impletis accedente consensu Cardinalium repræsentantium Ecclesiam Romanam, infallibile prorsus evadet judicium:

Si vel pueris concessum esset differere super his gerris, putidam opinionem execrarentur. Ecclesia specialis Romana tot encomiis a Sanctis Patribus celebrata sat sibi est, quin fuco ex novitate ingenii novo donetur infallibilitatis privilegio, ab ipsa suo communicando Pastori. Ut alibi jam dictum est, nullum est adinvenire Christi oraculum, quo pascendi, & docendi munus Ecclesie speciali Romanæ demandatum scribatur. Petro dictum est: *Pasce oves meas. Pasce agnos meos*. Petro dictum est: *Confirma fratres tuos*. Petro datæ sunt Claves Regni Cælorum. Idcirco Petro datum est ministerium auctoritatis, & potestatis regendi, docendi, judicandi; & super Ecclesiam hanc Romanam, & super Ecclesiam Universam, ac ubique, ubi sunt agni, ubi sunt oves. In his Christi oraculis ne ver-

verbum quidem legitur, quod vel violenter ad Ecclesiam specialem Romanam trahi possit.

Neque excogitandum est, tunc in Petro Ecclesiam hanc particularem Romanam representatam fuisse; Quia tunc Petrus institutus Summus Pontifex a Christo, neque erat Episcopus Romæ, neque proxime accingendus. Constat etenim Petrum prius sedisse Anthiochiæ, quam Romæ. Porro si Petrus Anthiochiæ usque ad mortem sedisset, procul dubio encomiis, & privilegiis Roma caruisset, & iis Anthiochia etiam nunc potiretur. Quorsum hæc? Nisi ut sole clarius pateat, ex sola sessione Petri Romam translata, & ex privilegiis tantum Petri Ecclesiam Romanam præ cæteris celebriorem a Sanctis Patribus prædicari.

Si hæc ita sunt, Evangelio nos docente, qui fieri potest, ut successor Petri, sedens in Sede Petri, ornatus privilegiis Petri, infallibilitatem iudicii a suis Romanis ovibus mutuetur, & a Romanorum consensu in certitudine fidei dependeat? Unde textus, unde testis, unde traditio? Omnia silent. Probent istiusmodi Scriptores, Ecclesiam Romanam quidquam unquam decrevisse de fide. Probent, referentes causas fidei ad Ecclesiam Romanam, unquam ab illa definitiva reportasse responsa. Probent tandem, ad Ecclesiam particularem Romanam con-

fu-

fugisse aliquem per illud temporis spatium, 70. scilicet annorum, quo Pontifice Romani Avenione federint. Nemo hiscet. Argumento igitur est, a Pontifice responsa, & sententias dari, & ad Pontificem cuncta referri, quin Ecclesia particularis Romana, sive accepta pro toto populo, sive pro Clero, sive latius, ut aliis placet, pro suburbicariis, vel Italis Episcopis sumpta, quidquam ad infallibilitatem constituentem opituletur.

Neque ut consensum conferret, unquam expectavit Pontificia infallibilitas Ecclesiam Romanam. Evidenter id ostendam. Orta hæresi Eutychiana, scripsit S. Leo Epistolam dogmaticam ad S. Flavianum Constantinopolis Episcopum, per quam profligata impia hæresi, præclare, ac nitide contra illam firmata legebatur fides Catholica. Uno verbo: Hæc epistola fuit basis, & inconcussum fundamentum Concilii plenarii Chalcedonensis. Nunc a virilitigatoribus adversariis exposco: Quid, vel quem consensum impendit unquam Ecclesia Romana, quomodolibet accepta, ad infallibilem doctrinam hujus epistolæ? A nemine id proditur. Non potuit esse consultationis foetus, quia S. Leo sapientia præstabat omnibus Romanis, & Italis, plureique Episcopos per suas literas decretales docuit consultus, quin indigeret ab aliis doceri. Neque potuit Eccle-

L

fia

ſia Romana particularis ſuum conſenſum præſtare laudatæ Epistolæ S. Leonis, quia nullibi legitur eam fuiſſe prius Romæ publicatam, quam Conſtantinopoli, & Chalcedone, ubi hæc celeberrima epiſtola recepta fuit, perinde ut oraculum S. Petri per Leonem loquentis. Igitur vel epiſtola dogmatica S. Leonis, utpote deſtituta conſenſu Eccleſiæ Romanæ, erat incertæ fidei, vel non. Si primum, falſi convincuntur ii, qui in oriente, ut fidei caput, illam habuerunt. Si ſecundum, infulſe, & inepte blaterant illi, qui ad infallibilitatis Pontificiæ apicem expoſtulant Eccleſiæ Romanæ particularis conſenſum. Si quis eſt ſtomachus, qui grandia hæc abſurda patiat, deglutiat.

Non ignoro adverſariorum effugium, quo proclamant epiſtolam dogmaticam Sancti Leonis, fuiſſe Chalcedonenſi Synodo oblatam, ut prævio examine probaretur conſona, & cohærens Sanctorum Patrum ſententiis. Verum cavillationem ſapit ſuggeſtio. In ſecunda actione laudatæ Synodi, pars major Epiſcoporum ſe ſubſcripiſſe fareretur Epistolæ Magni Leonis. Alii nonnulli inducias petiere, ut omnis eorum dubietas diſſiparetur. Datæ ſunt induciæ petitiæ, ea juffione, ut convenirent Patriarcham Anatholium, & *qui dubitant, doceantur*. Mox edocti, & ipſi ſubſcripſerunt, conclamando cum cæteris: *sicut Leo, ſic credimus*.

mus. Itaque ad discendum est totum examen impensum super Leonis epistola; ne-
tquam ad judicandum, multo minus ad
constituendam infallibilitatem dogmatis,
quam ab auctore Leone jam acceperat. Sed
de his alibi.

§. XXVIII.

*Idem argumentum quoad aliam partem de
requisito Cardinalium consensu pro-
ducitur, & præfocatur.*

NOvitas opinionis, quæ in limine præ-
focat auctoris intentum, & dictum,
ad cavillandum inducta plane cogno-
scitur. Hujusmodi est illa, de qua in præ-
sentiarum est sermo. Etenim dum agitur de
infallibilitate Romani Pontificis, & pro il-
la se stare pronuntiat, eandem enervat, e-
levat, abolet. Quid est esse infallibilem,
accedente Cardinalium consensu, nisi esse
Romanum Pontificem se ipso fallibilem?
Si ita est, ut lippis etiam patet; quid est
librum, seu dissertationem inscribere: *de
Romano Pontifice in ferendo de fide moribus-
que judicio falli, & fallere nescio*, nisi spe-
cie veri mendacium infuscare, lectoribus fu-
cum facere, discipulos frustrari, & Ponti-
ficis dignitati illudere? Itane agendum est
cum Successore Petri, *cujus Vicarii princi-*

patus sicut eminet , ita metuendus est , & amandus , (1) *ut scite scribebant ad Hilarem PP. Hispanorum Episcopi ? Deus meliora .*

In limine hic modernus Scriptor , inquit : *Num Pontifex sententiam aliquam , in materia fidei , & morum , ex Catbedra , seu ex tribunali , solenni ritu pronuntians , servatisque debitis juris formulis , hoc est fusi primum ad veritatis spiritum advocandum solennibus precibus , præmisso serio rei totius examine , præbabit a consultatione Ecclesiæ suæ Romanæ , intra Urbis ambitum constitutæ , seu ut præsens habet usus , adhibitis ad consultationem EE. Cardinalibus , qui Romanum bodie Clerum constituunt , Utrum , inquam , vel sic possit Pontifex in errorem prolabi , falsumque judicio statuere , definire , atque decernere , dum Ecclesiam universam edita Constitutione docet , instruit , & informat . Deinde præfinit : Romanos Pontifices e Sacro Tribunali solenniter pronuntiantes , hoc est , præbabit a Ecclesiæ intra Urbis ambitum constitutæ consultatione (seu ut præsens habet usus adhibitis ad Consultationem EE. Cardinalibus , qui Romanum bodie Clerum constituunt) in causa fidei judicantes , errare omnino non posse . Mox adjicit . Si de Pontifice , nulla sedis , Ecclesiæque suæ habita consultatione , nullo illius accedente consensu ,*

(1) in Concil. Taraconen.

su, disputarent (*adversarii*); haud ægre concederem, illa duo coherere posse, Pontificem errantem, & Sedem Apostolicam, seu Romanam Ecclesiam, in fide perseverantem. Rursus addit. Porro consultata creditur Apostolica Sedes, consultata Ecclesia Romana, dum Eminentissimi Patres, qui Romanum Clerum hodie constituunt, cæterique Præsules in consilium adbibiti, assensumque dedere solenniter, & ex formula. Cum ii Sedem Apostolicam, Romanamque Ecclesiam representent, sintque ipsamet Ecclesia Romana docens, judicans, & pronuntians. Tandem usque ad nauseam recoquit, & repetit. Pontificem esse infallibilem accedente Ecclesiae suæ (hoc est Cardinalium) assensu. Et quia sæpe repetit de formulis servandis, notanda est explicatio, ubi dicit. Pontifices enim volumus falli nescios, ubi de fide ex Cathedra, ut loquuntur, seu e Sacro Tribunali servatisque Fori Romani formulis sententiam dicunt, pro conditione Pontificis Maximi.

Itaque stomachum movet tanta audacia, quum velit hic Scriptor certas leges Pontifici Romano circumscribere, usque ad debitum servandi formulas Fori Romani. Quod solenniter, & e sacro Tribunali pronuntiet. Quod consulti Cardinales, & Præsules dent solenniter, & ex formula assensum suum, sub interminatione infallibilitatis delendæ, si quidquam infelix Pontifex

prætergrediatur. Quando nihil hæcenus neque Generale Concilium ad hæc monenda cogitaverit. Sed semper liberum fuit Romano Pontifici, sive per decretum, sive per Epistolam, sive per Bullam iudicium finire. Consiliarios advocat Cardinales, tanquam nunc Clero Romano suffectos, deinde sui oblitus, etiam cæteros Præsules compellat. Inscite Clerum Romanum cogitat extinctum, cujus quot annis adhuc eligitur caput illi præsidens, & lata lege Cardinales substituit. Quis unquam hæc feret? Pudet singula prosequi. Potiora expendamus.

Preces ad advocandum Spiritum Sanctum non refugit Pontifex Romanus, qui jugiter pro munere suo, & officio est mediator inter Deum, & populum, ut sibi, & ovibus suis recte prospiciat. Neque huius meminisse oportuit, quasi periculum oblivionis immineret. Sed quoad Consulentes fallitur hic Scriptor. Vidimus a nemine probatum iri, S. Leonem M. Consulentes advocasse, ut de consilio Epistolam dogmaticam ad Flavianum exararet. Proclive est credere Sanctum Gregorium M. cujus sapientiam jam probe novimus, decretales suas edidisse, nullo consulente. Si quis alius Pontifex superioris sapientiæ per sese res dubias evolveret, & serio examine discuteret, qua fronte audebit quispiam de fallibilitate excipere, si ex Cathedra definierit?

Nul-

Nullus ex Romanis Pontificibus, quum oportuit, & quum oportet, aut neglexit, aut negligit peritorum consilium in rebus arduis; Olim ex Clero assumendo Consiliarios, vel cogendo Concilium ex finitimis Italis Episcopis; ac tandem ex Sacro S. R. E. Cardinalium Collegio, quibus apprime communicata est scientia ab alto. Verum non necessario consequitur, ita a moderno legislatore arctari posse Pontificem, ut si aliter, prudentia, & sapientia suadente, disposuerit, statim exciderit infallibilitatis privilegio. Quid quod velit hic scriptor, advocandos esse Cardinales pro consultatione, tanquam Ecclesiam Romanam, loco Cleri, repræsentantes, qui proinde sunt, una cum Pontifice, *ipsa Ecclesia Romana docens, judicans, & pronuntians*? Nonne est re, verboque ludere, quum asseritur, Consulentes, & Judicem una simul sententiam dicere? In quo Foro hæc leguntur, a quo Jure hæc produntur?

Neque hic sistit novitatis furor. Cardinales ad consulendum vocantur. Cum Papa judicium ferunt; deinde accedente eorum assensu judicium inconcusse firmatur. Lepidus ne est hic sermo? Labat sententia Cardinalium, nisi posteriori assensu roborata fuerit; quasi judicando, sine sensu, & ratione pronuntient. Rursus Cardinales dum consulunt sunt fallibiles; quum pro-

nuntiant cum Papa sunt fallibiles; quando vero accedunt assensu suo, infallibilitatem complent, atque perficiunt. Perversissimus ordo! Iterum hic quærimus: in quo textu S. Scripturæ, in qua parte traditionis legere sit, quod Papa sit infallibilis accedente Cardinalium assensu. *Ego dico tibi, quia tu es Petrus, & super hanc petram ædificabo Ecclesiam meam*, inquit Christus Dominus, explicatque diserte S. Leo M. in hæc verba: (1) *Ita Dominus noster Jesus Christus humani generis Salvator instituit, ut veritas, quæ antea Legis, & prophetarum præconio continebatur, per Apostolicam tubam in salutem universitatis exiret: sicut scriptum est: In omnem terram exivit sonus eorum, & in fines orbis terræ verba eorum. Sed hujus muneris sacramentum ita Dominus ad omnium Apostolorum officium pertinere voluit, ut in Beatissimo Petro, Apostolorum omnium summo, principaliter collocaret; ut ab ipso quasi quodam capite dona sua, velut in corpus omne diffunderet, ut exortem se mysterii intelligeret divini, qui ausus fuisset a Petri soliditate recedere. Hunc enim in consortium individue unitatis assumptum, id quod ipse erat, voluit nominari, dicens: Tu es Petrus, & super hanc petram ædificabo Ecclesiam meam, ut æterni templi ædificatio mirabili munere gratiæ Dei*

(1): Ep. 89. ad Ep. Viennen.

Dei in Petri soliditate confisteret & hac Ecclesiam suam firmitate corroboranti; ut illam nec humana temeritas posset appetere, nec portæ contra illum inferi prævalerent. Verum hanc petra istius sacratissimam firmitatem, domino, ut diximus; edificante, constructam, nimis impia vult præsumptione violare, quisquis ejus potestatem tentat infringere, favendo cupiditatibus suis, & id quod accepit a veteribus, non sequendo.

Sed quomodo Ecclesia particularis Romana diceretur vero elogio Mater, & Magistræ cæterarum Ecclesiarum, veritatis, & traditionis fons, & interpretes, si ad infallibilitatem judicii ex Cathedra nihil conferre existimatur? Respondeo: Ecclesiam Romanam omnium honorum titulis insigniri, & gaudere, quia a summo Pontifice intelligitur, in eam derivare dignitatis splendorem; ut alibi luculenter ostendimus. Cur autem sæpe a Patribus, ab ipsismet Pontificibus, & a Generalibus Conciliis, non ipse Pontifex, sed vel sedes, vel Ecclesia Romana compelletur; idcirco est, quia Pontifex vita decedit, Ecclesia vero vel Sedes Romana mortis est experta. Propterea quoties scripta Romam pervenerint referenda Pontifici, jam e vivis sublato, successor per sua rescripta rem pro suo munere absolvit; quin Ecclesia Romana in expediendis quibusque rebus se immisceat. Dicitur etiam Ec-

per Successores suos, reprobata, & convicta, atque expugnata sunt omnium hæreticorum commenta, & fratrum corda in Fide Petri, quæ hætenus nec defecit, nec usque in finem deficiet, sunt confirmata..? Quia sicut cardine totum regitur ostium, ita Petro & successoribus ejus, totius Ecclesiæ disponitur emolumentum. Et sicut cardo immobilis permanens, ducit, & reducit ostium, sic Petrus, & sui Successores liberum de omni Ecclesiâ habent judicium, cum nemo debeat eorum dimovere statum; quia summa sedes a nemine judicatur: Unde Clerici ejus Cardinales dicuntur, cardini utique illi, quo cætera moventur, vicinius adhaerentes. Utique adhaerentes, neutiquam judices, aut infallibilitatem judicii Pontificii per assensum conficientes.

S. XXIX.

Alia absurda deteguntur, & eluduntur.

Absurda horrorem præferentia allaturus, quibus moderni refractarii implcantur, animum despondeo: posse enim singula expendere, difficillimum est, quia & plurima, & ambagibus implexa se offerunt. Ut judicio Pontificio ex Cathedra lato ab Clemente XI. adversus Quesnellii editas propositiones, propudiosas affricarent con-

contumelias , omnem excogitarunt viam , ad elevandam infallibilitatis vim , & decus . Quemadmodum coluber , ut aggredientis robur effugiat , quaquā versum involvitur , donec exasperatus capta fovea evanescat : Audiamus quid eructaverint .

Alii ad Concilium Generale provocaverunt , ut fides debita dogmati pendula hæreret . Alii acceptationem Episcoporum exquirebant , ut assensu suo dogmaticum illud roborarent iudicium . Alii præfata simplici acceptatione minime erant contenti , nisi Episcopi suo se tribunali sistentes , instructa causa , discussa materia in controversiam revocata , iterum ex integro sententiam suam ritu solenni pronuntiarent . Alii flagitant , ut singulorum Episcoporum orbis probaretur assensus . Quantus labor , ut in obsequium fidei flectatur dissidentium animus !

Singula breviter percurramus . Etiam Cōriphæi modernorum hæreticorum perfricta fronte ad Concilium Generale appellarunt , sed coacto Tridentino Concilio , invitati ut accederent , datis verbis futilibus evanuerunt . Morasnectere est , contumaciam suam tueri est , futurum compellare Concilium , quod vel nunquam , vel adeo sero cogendum foret , ut nemo superstes esset iudicio staturus . Sed , quod impudentissimum est nomini catholico ; Nonne superciliosæ
pe-

petulantia est signum, dogmatica definitione terga vertere, & insolenter refragari? Si Pastorem negamus, quem Christus instituit: si doctorem, & Magistrum repellimus, quem Patres nostri intemerata traditione venerati sunt: si judicem supremum controversiarum fidei insolenter despiciamus; quo spiritu Christum legislatorem, & Magistrum dicimus, a quo hic ordo, hæc Ecclesia visibilis constituta auditur, & creditur?

Appellavit a dogmatico decreto Innocentii I. & Zosimi Romanorum Pontificum Eclanensis episcopus Julianus Pelagianorum (1) Primipilus, quum per literas calumniis undique exundantes conquestus est, a simplicibus Episcopis absque synodali conventu dogmata Pelagii damnata fuisse; adeoque postulare est aggressus, ut orientales, & occidentales in unam universalem Synodum convenirent, plene de omnibus, præmissa diligenti discussione, agniture, & sententiam laturi. Juliani technas, calumnias, perfidiam, S. Augustinus detexit, mendacissimumque hominem confutavit, atque confixit. Notanda sunt verba Augustini: Inquit enim: (2) *Aut vero congregatione Synodi opus erat, ut aperta perniciēs damnaretur: quasi nulla hæresis aliquando, nisi Synodi* con-

(1) Spond. ad an. 419. n. 5.

(2) l. 4. ad Bonif. c. ult.

congregatione damnata sit; cum potius rarissimæ inveniantur, propter quas damnandas necessitas talis extiterit... Verum istorum superbia, quæ tantum se extollit adversus Deum... hanc etiam gloriam captare intelligitur, ut propter illos orientis, & occidentis Synodus congregetur. Orbem quippe Catholicum, quoniam domino eis resistente pervertere nequeunt, saltem commovere conantur.

Appellaverunt Donatistæ a judicio Melchiadis, eosque perculit iustissime Imperator Constantinus, teste Optato Milevitano, exclamans: (1) *Orabida furoris audacia! Sicut in causis Gentilium fieri solet, appellationem interposuerunt. Annon maxime inelamarent Augustinus, & Optatus, si a judicio dogmatico nunc appellare audirent; qui adeo exanduerunt pro appellatione Donatistarum, quæ fidem directe non spectabat?*

Sed plus audet insolens pervicacia. Pelagiani atrocissime criminabantur Catholicos, tanquam Manichæorum hæreseos sectatores, ac propagatores. Donatistæ proclamabant suam ecclesiam, ut verum Christi factum; in cæteros vero Catholicos schismatis probrum retorquebant. Quæ omnia signa sunt summæ perfidiæ, quæ malæ causæ pessimum solet advocare a contumeliis patrocini-

(1) l. 1. de Unit. Eccl.

cinium. Hinc erudite, ac luculenter adversus Acacii Constantinopolitani sectatores, aliosque aliud Concilium poscentes, scribebat S. Gelatius: (1) *Nam si limitibus etiam præfixis positarum semel Synodaliū regularum, non cessant elisæ pestes resumptis certaminibus contra fundamentum sese veritatis attollere, & simplicia quæque corda percutere: quid fieret, si subinde fas esset perfidis inire Concilium?*

Iisdem prorsus vestigiis insistant moderni Quæsnellistæ, antiquorum appellantium referentes imaginem. Constitutionem dogmaticam sanctissimi Clementis XI. ex ore Petri loquentis pronuntiatam carpunt, maledictis lacerant, imprecationibus insectantur, execrationibus impetunt, quia Jansenianam hereim jugulat; gratiamque sufficientem, qua redditur homo proxime potens operari bonum, aut a malo declinare, in tuto ponit, ut ex damnatis propositionibus plane fit manifestum. Charitatis jura custodit, quin moralis bonitas ab opere exulare dici debeat, si peccator, sine illa, bene se exerceat. Fidem recte instituit initium justificationis, sed non ut primam gratiam a Deo collatam, quum pluribus aliis supernaturalibus auxiliis dignetur summa Dei misericordia, cor hominis tangere, irrorare, emollire, ac prævenire. Spem tuetur inco-

lu-

(1) Epist. 13. ad Episc. Dardan.

lumem, & si charitate sit destituta, ut peccator illi innixus erigere se possit, & a peccatorum cæno emergere satagat. Disciplinam, quam Quesnellus ad sua deliramenta accommodat, suis præscriptis regulis restituit. Obedientiam redintegrat, quam efrænem adversus Superiorum, & maxime sanctæ Sedis præcepta, & decreta, indisciplinatus Quesnellus designat. Demum, ut verbo cætera complectar, omnia ad fidei, morumque regulam laudatus Clemens Pontifex Maximus sua Constitutione *Unigenitus* edixit, decrevit, & sanxit; adeo ut totus orbis, universa Ecclesia in suæ debitæ obedientiæ argumentum Constitutionem *Unigenitus* plenissime laudaverit, devotissime amplexa sit, studiosissime probaverit, & religiosissime coluerit, Auctoremque suum Clementem XI. ut Pontificem undequaque doctrina, ac fidei propagatione celeberrimum posteritati consecraverit.

Plurimi tamen adhuc sunt, quos tanta integritas urit, tanta veritas excruciat, ut quum debellare non possint, oppugnare non reformident. Hujusmodi virulenti homines, sicut aspides surdæ obturantes aures suas, ne audiant summi Pastoris vocem definientem ex Cathedra, Pontificiæ detrahunt infallibilitati, Constitutiones Apostolicas convitiis verberant, & nefaria disseminant, ac si per Bullam *Unigenitus* pessundata jaceat

Moralis regula regendorum, sanctorumque Patrum traditio, & una cum Verbo divino extorris sit effecta. Hi sunt, qui infallibilitatem iudicii ad placitum nequiter opinantium reducant; nunc consensum requirentes Ecclesiæ; nunc Conciliare poscentes examen; nunc alterum uniuscujusque Episcopi expectantes iudicium; nunc formulas fori præposere exigentes; nunc ritum, nunc solennitatem ex tripode comparantes; Quando Christus paucis edixit: *Pasce oves meas. Confirma fratres tuos.*

Itaque Refractarii soli sibi sapientes, ab omnibus tanquam agrestibus se subducunt, ut ad infallibilitatem Pontificiam velut ad scopum collimando sagittas intorqueant. Hinc varia augent, & amplificunt, mox demunt, & deturbant. Hinc invertunt, & componunt; mox pervertunt, & dissipant, ac si Christus eis indulsisset suum Vicarium in terris formare, & deformare, ut libet. Oh tempora, oh mores, oh quantæ libertatis exitium! Sed (quod caput est sane lugendum) tenent adhuc in complexibus nomen Quesnelli, quem vident iudicio Sedis Apostolicæ merito poenam subisse damnationis. Quis non intelligat simulate dici: Sanctorum Patrum sequimur dogmata, sed non diligimus facta; complectimur veritatem, sed Quesnello impendimus vota? Consimilibus verbis scribebat

(1) Hormisdas Pontifex ad Justinum Imperatorem de Constantinopolitanis, qui favebant Acacio, & stare pro sancta Sede falso profitebantur. Repetam pro coronide verba doctissimi Magistri Cano: (2) *Illud assero, ac fidenter quidem assero, pestem eos ecclesie, ac perniciem asserre, qui aut negant Romanum Pontificem Petro in fidei, doctrineque auctoritate succedere, aut certe astruunt summum ecclesie Pastorem, quicumque tandem ille sit, errare in fidei iudicio posse. Utrumque scilicet hæretici faciunt. Qui vero illis in utroque repugnant, hi in ecclesia Catholici habentur. Quamobrem non quidem intelligo, quonam consilio fideles quidam, hæreticorum, quam Catholicorum opinionibus favere malint. Nam hæretici, video, quid sequuntur; nempe vivendi, docendique licentiam, & in his omnibus impunitatem. Volunt sine capite corpus, ut neque pes, neque mens suum officium faciant. Volunt, sine Pastore uno, oves, ut cum lupi ipsi sint, pastores tamen esse videantur. Volunt sine iudice lites, ut dissidiorum nullus finis sit: atque ita cum amoto arbitro adversus doctos dimicant, victores a turba iudicentur. Turbari enim omnia volunt, quoniam, ut in Hispanorum proverbio est, Turbatum flumen, piscatorum est lucrum.*

M 2 Nos

(1) Epist. 16.

(2) de loci. Theol. l. 6. c. 7.

nuntiant cum Papa sunt fallibiles; quando vero accedunt assensu suo, infallibilitatem complent, atque perficiunt. Perversissimus ordo! Iterum hic quaerimus: in quo textu S. Scripturae, in qua parte traditionis legere sit, quod Papa sit infallibilis accedente Cardinalium assensu. *Ego dico tibi, quia tu es Petrus, & super hanc petram aedificabo Ecclesiam meam*, inquit Christus Dominus, explicatque diserte S. Leo M. in hac verba: (1) *Ita Dominus noster Jesus Christus humani generis Salvator instituit, ut veritas, quae antea Legis, & prophetarum praedicatione continebatur, per Apostolicam tubam in salutem universitatis exiret: sicut scriptum est: In omnem terram exivit sonus eorum, & in fines orbis terrae verba eorum. Sed hujus muneris sacramentum ita Dominus ad omnium Apostolorum officium pertinere voluit, ut in Beatissimo Petro, Apostolorum omnium summo, principaliter collocaret; ut ab ipso quasi quodam capite dona sua, velut in corpus omne diffunderet, ut exortem se mysterii intelligeret divini, qui ausus fuisset a Petri soliditate recedere. Hunc enim in consortium individuae unitatis assumptum, id quod ipse erat, voluit nominari, dicens: Tu es Petrus, & super hanc petram aedificabo Ecclesiam meam; ut aeterni templi aedificatio mirabili munere gratiae Dei*

(1): Ep. 89. ad Ep. Viennen.

Dei in Petri soliditate confisteret; hac Ecclesiam suam firmitate corroboranti, ut illam nec humana temeritas posset appetere, nec portæ contra illam inferi prævalerent. Verum hanc petrae istius sacratissimam firmitatem, domino, ut diximus, edificante, constructam, nimis impia vult presumptione violare, quisquis ejus potestatem tentat infringere, favendo cupiditatibus suis, & id quod accepit a veteribus, non sequendo.

Sed quomodo Ecclesia particularis Romana dicetur vero elogio Mater, & Magistræ cæterarum Ecclesiarum, veritatis, & traditionis fons, & interpretes, si ad infallibilitatem judicii ex Cathedra nihil conferre existimatur? Respondeo: Ecclesiam Romanam omnium honorum titulis insigniri, & gaudere, quia a summo Pontifice intelligitur, in eam derivare dignitatis splendorem; ut alibi luculenter ostendimus. Cur autem sæpe a Patribus, ab ipsismet Pontificibus, & a Generalibus Conciliis, non ipse Pontifex, sed vel sedes, vel Ecclesia Romana compelletur; idcirco est, quia Pontifex vita decedit, Ecclesia vero vel Sedes Romana mortis est experta. Propterea quoties scripta Romam pervenerint referenda Pontifici, jam e vivis sublato, successor per sua rescripta rem pro suo munere absolvit; quin Ecclesia Romana in expediendis quibusque rebus se immisceat. Dicitur etiam

Ec-

Ecclesia Romana custos intemeratae traditionis, quia compertum est, suis consiliis præsto semper fuisse summo Pontifici in rebus dubiis, & arduis, ut testatus est Stanislaus Hosius dicens: (1) *Habet ille Summus Pontifex, sicut Cyprianus loquitur, florentissimum Clerum suum una præsentem, singulari doctrina præstantem: de cujus consilio, si quid gravioribus de rebus, præsertim de fidei causis, decernit, labi, & errare non potest.* Eminent inter omnes, & doctrina, & pietate, prudentia, & experientia, nedum dignitate amplissimi Cardinales, quibus apprimè incumbit studio, & labore vires impendere, & super impendere, ut Pastoralis sollicitudo ecclesiæ capitis in omnes se explicet, & salva recta Religio, fides, & disciplina servetur.

Sed quid hæc ad necessitatem accessuri assensus, ut infallibilitas Pontificia sua gaudet perfectione? Repellunt amplissimi Cardinales munus adeo inauditum; contemnunt hanc nefariam oblationem; dirisque devotent morosos auctores. Petrum venerantur, ut Pastorem Unum Universalis Ecclesiæ; sciuntque Petro, non Joanni, non Andrea, aut aliis commissam fuisse curam pascendi, & docendi cunctas oves, & agnos. Spectat autem ad rectum munus docendi omnes, nemine excepto, ut divina ad-

sten-

(1) in Confess. fid. c. 28.

stante gratia specialiter Pontifex Romanus afflatus veritates doceat, atque definiat; alias minime fuisset satis provisum a Christo suæ Ecclesiæ, quia errante Supremo Pastore, errare quoque ipsam Ecclesiam necesse foret. Norunt amplissimi Cardinales successorem Petri esse Romanum Pontificem, eique successionis Jure deberi omnia privilegia Petri, quæ Pastorale perficiunt officium, cujusmodi est infallibilitas judicii ex Cathedra. Ipsi quoque subesse se agnoscunt, ut oves, ut agni, quibus incumbit regi, doceri, & obedire. Accedunt quidem ad Pontificias definitiones, ut par est, assensu obedientiæ, sed non assensu, qui pondus præbeat infallibilitati, vel quidquam ponderis conferat; Quum se fallibiles agnoscant, atque adeo impares adjiciendi Pontificio judicio indeficientiæ robur. Qui aliter sapit, desipit, & amplissimum Cardinalium Collegium maledictis incessit, & onerat. Finem imponat Leo IX. in hæc verba expendens illud Christi: Rogavi pro te, ut non deficiat fides tua. (1) *Erit ergo, inquit, quisquam tantæ dementiæ qui orationem illius, cujus velle est posse, audeat in aliquo vacuum putare? Nonne a Sede Principis Apostolorum, Romana videlicet Ecclesia, tam per eundem Petrum, quam per*

(1) ad Michael Patriarch. Const. & Leonem
Acridanum epist. 1. c. 1.

per Successores suos, reprobata, & convicta, atque expugnata sunt omnium hæreticorum commenta, & fratrum corda in Fide Petri, quæ hætenus nec defecit, nec usque in finem deficiet, sunt confirmata..? Quia sicut cardine totum regitur ostium, ita Petro & successoribus ejus, totius Ecclesiæ disponitur emolumentum. Et sicut cardo immobilis permanens, ducit, & reducit ostium, sic Petrus, & sui Successores liberum de omni Ecclesiæ habent judicium, cum nemo debeat eorum dimovere statum; quia summa sedes a nemine judicatur: Unde Clerici ejus Cardinales dicuntur, cardini utique illi, quo cætera moventur, vicinius adhaerentes. Utique adhærentes, neutiquam judices, aut infallibilitatem judicii Pontificii per assensum conficientes.

§. XXIX.

Alia absurda deteguntur, & eluduntur.

Absurda horrorem præferentia allaturus, quibus moderni refractarii implicentur, animum despondeo: posse enim singula expendere, difficillimum est, quia & plurima, & ambagibus implexa se offerunt. Ut judicio Pontificio ex Cathedra lato ab Clemente XI. adversus Quesnellii editas propositiones, propudiosas affricarent

con-

contumelias , omnem excogitarunt viam , ad elevandam infallibilitatis vim , & decus . Quemadmodum coluber , ut aggredientis robur effugiat , quaquā versum involvitur , donec exasperatus capta fovea evanescat . Audiamus quid eructaverint .

Alii ad Concilium Generale provocaverunt , ut fides debita dogmati pendula hæreret . Alii acceptionem Episcoporum exquirebant , ut assensu suo dogmaticum illud roborarent iudicium . Alii præfata simplici acceptione minime erant contenti , nisi Episcopi suo se tribunali sistentes , instructa causa , discussa materia in controversiam revocata , iterum ex integro sententiam suam ritu solenni pronuntiarent . Alii flagitant , ut singulorum Episcoporum orbis probaretur assensus . Quantus labor , ut in obsequium fidei flectatur dissidentium animus !

Singula breviter percurramus . Etiam Coriphæi modernorum hæreticorum perfriicta fronte ad Concilium Generale appellarunt , sed coacto Tridentino Concilio , invitati ut accederent , datis verbis futilibus evanuerunt . Morasnectere est , contumaciam suam tueri est , futurum compellare Concilium , quod vel nunquam , vel adeo sero cogendum foret , ut nemo superstes esset iudicio staturus . Sed , quod impudentissimum est nomini catholico ; Nonne superciliosæ
pe-

petulantiae est signum, dogmaticae definitioni terga vertere, & insolenter refragari? Si Pastorem negamus, quem Christus instituit: si doctorem, & Magistrum repellimus, quem Patres nostri intemerata traditione venerati sunt: si iudicem supremum controversiarum fidei insolenter despiciamus; quo spiritu Christum legislatorem, & Magistrum dicimus, a quo hic ordo, hæc Ecclesia visibilis constituta auditur, & creditur?

Appellavit a dogmatico decreto Innocentii I. & Zosimi Romanorum Pontificum Eclanensis episcopus Julianus Pelagianorum (1) Primipilus, quum per literas calumniis undique exundantes conquestus esset, a simplicibus Episcopis absque synodali conventu dogmata Pelagii damnata fuisse; adeoque postulare est agressus, ut orientales, & occidentales in unam universalem Synodum convenirent, plene de omnibus, præmissa diligenti discussione, agnitori, & sententiam laturi. Juliani technas, calumnias, perfidiam, S. Augustinus detexit, mendacissimumque hominem confutavit, atque confixit. Notanda sunt verba Augustini: Inquit enim: (2) *Aut vero congregatione Synodi opus erat, ut aperta perniciēs damnaretur: quasi nulla hæresis aliquando, nisi Synodi con-*

(1) Spond. ad an. 419. n. 5.

(2) l. 4. ad Bonif. c. ult.

congregatione damnata sit; cum potius rarissima inveniantur, propter quas damnandas necessitas talis extiterit... Verum istorum superbia, quæ tantum se extollit adversus Deum... hanc etiam gloriam captare intelligitur, ut propter illos orientis, & occidentis Synodus congregetur. Orbem quippe Catholicum, quoniam domino eis resistente pervertere nequeunt, saltem commovere conantur.

Appellaverunt Donatistæ a judicio Melchiadis, eosque perculit iustissime Imperator Constantinus, teste Optato Milevitano, exclamans: (1) *Orabida furoris audacia! Sicut in causis Gentilium fieri solet, appellationem interposuerunt. Annon maxime inclamarent Augustinus, & Optatus, si a judicio dogmatico nunc appellare audirent; qui adeo exanduerunt pro appellatione Donatistarum, quæ fidem directe non spectabat?*

Sed plus audet insolens pervicacia. Pelagiani atrocissime criminabantur Catholicos, tanquam Manichæorum hærescos sectatores, ac propagatores. Donatistæ proclamabant suam ecclesiam, ut verum Christi factum; in cæteros vero Catholicos schismatis probrum retorquebant. Quæ omnia signa sunt summæ perfidiæ, quæ malæ causæ pessimum solet advocare a contumeliis patrocini.

(1) l. 1. de Unit. Eccl.

cinium. Hinc erudite, ac luculenter adversus Acacii Constantinopolitani sectatores, aliosque aliud Concilium poscentes, scribebat S. Gelatius: (1) *Nam si limitibus etiam præfixis positarum semel Synodaliū regalarum, non cessant elisæ pestes resumptis certaminibus contra fundamentum sese veritatis attollere, & simplicia quæque corda percutere: quid fieret, si subinde fas esset perfidis inire Concilium?*

Iisdem prorsus vestigiis insistant moderni Quæsnellistæ, antiquorum appellantium referentes imaginem. Constitutionem dogmaticam sanctissimi Clementis XI. ex ore Petri loquentis pronuntiatam carpunt, maledictis lacerant, imprecationibus insectantur, execrationibus impetunt, quia Jansenianam hereim jugulat; gratiamque sufficientem, qua redditur homo proxime potens operari bonum, aut a malo declinare, in tuto ponit, ut ex damnatis propositionibus plane fit manifestum. Charitatis jura custodit, quin moralis bonitas ab opere exulare dici debeat, si peccator, sine illa, bene se exerceat. Fidem recte instituit initium justificationis, sed non ut primam gratiam a Deo collatam, quum pluribus aliis supernaturalibus auxiliis dignetur summa Dei misericordia, cor hominis tangere, irrorare, emollire, ac prævenire. Spem tuetur inco-

lu.

(1) Epist. 13. ad Episc. Dardan.

lumem , & si charitate sit destituta , ut peccator illi innixus erigere se possit , & a peccatorum cæno emergere satagat . Disciplinam , quam Quesnellus ad sua deliramenta accommodat , suis præscriptis regulis restituit . Obedientiam redintegrat , quam effrænem adversus Superiorum , & maxime sanctæ Sedis præcepta , & decreta , indisciplinatus Quesnellus designat . Demum , ut verbo cætera complectar , omnia ad fidei , morumque regulam laudatus Clemens Pontifex Maximus sua Constitutione *Unigenitus* edixit , decrevit , & sanxit ; adeo ut totus orbis , universa Ecclesia in suæ debitæ obedientiæ argumentum Constitutionem *Unigenitus* plenissime laudaverit , devotissime amplexa sit , studiosissime probaverit , & religiosissime coluerit , Auctoremque suum Clementem XI. ut Pontificem undequaque doctrina , ac fidei propagatione celeberrimum posteritati consecraverit .

Plurimi tamen adhuc sunt , quos tanta integritas urit , tanta veritas excruciat , ut quum debellare non possint , oppugnare non reformident . Hujusmodi virulenti homines , sicut aspides surdæ obturantes aures suas , ne audiant summi Pastoris vocem definientem ex Cathedra , Pontificiæ detrahunt infallibilitati , Constitutiones Apostolicas convitiis verberant , & nefaria disseminant , ac si per Bullam *Unigenitus* pessundata jaceat

M

Mo-

Moralis regula regendorum, sanctorumque Patrum traditio, & una cum Verbo divino extorris sit effecta. Hi sunt, qui infallibilitatem iudicii ad placitum nequiter opinantium reducant; nunc consensum requirentes Ecclesiæ; nunc Conciliare poscentes examen; nunc alterum uniuscujusque Episcopi expectantes iudicium; nunc formulas fori præposere exigentes; nunc ritum, nunc solennitatem ex tripode comparantes; Quando Christus paucis edixit: *Pasce oves meas. Confirma fratres tuos.*

Itaque Refractarii soli sibi sapientes, ab omnibus tanquam agrestibus se subducunt, ut ad infallibilitatem Pontificiam velut ad scopum collimando sagittas intorqueant. Hinc varia augent, & amplificunt, mox demunt, & deturbant. Hinc invertunt, & componunt; mox pervertunt, & dissipant, ac si Christus eis indulserit suum Vicarium in terris formare, & deformare, ut libet. Oh tempora, oh mores, oh quantæ libertatis exitium! Sed (quod caput est sane lugendum) tenent adhuc in complexibus nomen Quesnelli, quem vident iudicio Sedis Apostolicæ merito poenam subiisse damnationis. Quis non intelligat simulate dici: Sanctorum Patrum sequimur dogmata, sed non diligimus facta; complectimur veritatem, sed Quesnello impendimus vota? Consimilibus verbis scribebat

(1) Hormisdas Pontifex ad Justinum Imperatorem de Constantinopolitanis, qui favebant Acacio, & stare pro sancta Sede falso profitebantur. Repetam pro coronide verba doctissimi Magistri Cano: (2) *Illud assero, ac fidenter quidem assero, pestem eos ecclesiæ, ac perniciem asserre, qui aut negant Romanum Pontificem Petro in fidei, doctrinæque auctoritate succedere, aut certe astruunt summum ecclesiæ Pastorem, quicumque tandem ille sit, errare in fidei iudicio posse. Utrumque scilicet hæretici faciunt. Qui vero illis in utroque repugnant, hi in ecclesia Catholici habentur. Quamobrem non quidem intelligo, quoniam consilio fideles quidam, hæreticorum, quam Catholicorum opinionibus favere malint. Nam hæretici, video, quid sequuntur; nempe vivendi, docendique licentiam, & in his omnibus impunitatem. Volunt sine capite corpus, ut neque pes, neque mens suum officium faciant. Volunt, sine Pastore uno, oves, ut cum lupi ipsi sint, pastores tamen esse videantur. Volunt sine iudice lites, ut dissidiorum nullus finis sit: atque ita cum amoto arbitro adversus doctos dimicant, victores a turba judicentur. Turbari enim omnia volunt, quoniam, ut in Hispanorum proverbio est, Turbatum flumen, piscatorum est lucrum.*

M 2

Nos

(1) Epist. 26.

(2) de loci. Theol. l. 6. c. 7.

Nos autem communem Catholicorum sententiam sequamur. Tuto enim sequimur, quoniam communis Catholicorum est. Præterquam quod ea sentiunt, quæ sacrarum etiam litterarum testimonia confirmant: Pontificum decreta finiunt: Veterum sanctorum chorus concinit: Conciliorum Patres affirmant: Apostolorum traditio probat, perpetuus Ecclesiæ usus observat. Hactenus Cano; & omnino sic res se habet.

§. XXX.

Argumentum de retractabili Judicio Romani Pontificis per Concilium Generale prostermitur.

IRruunt adversarii, quasi ovantes de Victoria patta, quum infallibilitatem Pontificiam in judicium postremum Universalis Concilii resolvere conantur. Sibi confidentissime persuadent plurimas definitiones ex Cathedra Papæ, per Concilia Generalia fuisse prius serio, ac diligenti examine discussas, deinde per Patres unanimi suffragio probatas, & acceptas, firmitatem nactas esse, & infallibilitatis veluti sigillum acceptum a Concilio habuisse. Exempla exhibent in sententia Cælestini I. adversus Nestorium lata, discussa in prima Ephesina Synodo: In epistola dogmatica S. Leonis expe-

expensa in Concilio Chalcedonenſi: In damnatione articulorum Lutheri a Leone X. promulgata, & in Concilio Tridentino iterum examinata, & retractata, & his ſimilia producunt ad probandum, neque a Conciliis Generalibus admitti Pontificis Romani infallibilitatem, ſi ejus judicium poſteriori judicio Conciliorum ſubjici fas ſit, & reformari.

Quum alibi de hoc argumento agendum ſit, nervoſius, quam fuſe, opportuna in præſentiarum congerere placet, quæ ſatis ſint ad conterendum hoſtium conatum, quo infallibilitatem a Romano Pontifice exturbare aggrediuntur. Etenim primo ſtatuerè opus eſt, quotuplex ſit rei alicujus diſcuſſio, vel examen; & qua mente exordiri contingat; & quo fine ſtudium interponi neceſſe ſit. Omnibus patet, a Theologis quæſtiones plurimas excitari de divina exiſtentia, de divinis perſonis, deque Dei attributis, quin ulla ſuſpicio, aut dubium intercedat de veritate revelata eorundem. Ita a ſacris expoſitoribus, imo a Sanctis Patribus Verba, & ſenſus Sacræ Scripturæ expenduntur, & inveſtigantur, quin infallibili veritati ejusdem, quicquam vel minimum detractum velint: Secus alia in controverſiam veniunt, quia de ſui natura dubitationem involvunt, vel patiuntur. Hinc aliter, & aliter ſtudioſus meditari ſolet,

vel ambigendo, vel controversias excitando. Nempe in re certa, ut contingit Theologis, & Sacrorum expolitoribus: ut discant quomodo veritatem tutius assequi possint, & quid dicendum, & docendum sit, melius complectantur. In re autem, quæ liberæ disputationi, atque opinioni est tradita, indulgetur ingenii judicio, ut suo calculo comprobet, & confirmet, rejiciat, & expungat.

Ad rem nostram. Primi generis contendere esse, & fuisse quodlibet examen, aut discussionem a Conciliis factam de Papæ definitivis judiciis ex Cathedra. Id ostendo irrefragabili exemplo. In Concilio Lugdunensi Generali, præsidente Gregorio X. solenniter definitum fuit, Spiritum Sanctum æternaliter a Patre, Filioque procedere, non tanquam ex duobus principiis, sed tanquam ex uno principio; dictumque fuit anathema his omnibus, qui temerario ausu aliter asserere, aut tenere præsumpserint. Quod & ipsi Episcopi Græci, cum Latinis convenientes professi sunt; & una voce cantatum fuit Symbolum cum additione *Filioque*. Prolapsi iterum Græci in pristinum schisma, pristinos quoque instaurarunt errores; donec tenente supremum Clavum Ecclesiæ Eugenio IV. lethargico somno excitati, in Concilio Florentino adunati, præhabitos ejuraverint errores, & schisma, ac unio-

unioni cum Ecclesia Latina sub uno, eodemque capite Romano Pontifice nomen dederint. In hoc Florentino Concilio retractatum plene fuit dogma de processione Spiritus Sancti a Patre, & Filio æternaliter, tanquam ex uno principio. Explorati sunt codices Græcorum Patrum, discussa sunt verba, & sensus; enucleata fuit traditio; totumque impletum est, quod ad luculentum examen desiderari poterat. Cuncta patent in actis laudati Concilii. Dicet ne fortasse quispiam, decretum præcedens de processione Spiritus Sancti a Patre, & Filio, editum a Concilio Generali Lugdunensi, fuisse dubiæ adhuc veritatis? Vel ipsum Concilium Generale habitum fuisse, ut fallibilis iudicii in fidei definitionibus? Nefas est id suspicari.

Quid ergo superest dicendum? Nisi affirmare, omnem peractam discussionem super dogmate processionis Spiritus Sancti, ex indulgentia Eugenii IV. fuisse, non ut in disceptationem inquisitionis veritas vocaretur, sed ut ob oculos errantium Græcorum omnibus instructa argumentis, inconcussa poneretur, ne in posterum, unde aberraverant, insciti redirent. Aliud exemplum præsto est (omissis sexcentis aliis) in dogmate transubstantiationis in Concilio Lateranensi IV. juxta antiquam traditionem indicto; quod iterum in Concilio Tridentino

retractatum est, ut Canones dogmatici de sanctissimo Eucharistiæ Sacramento ederentur contra Lutheranorum, ac Calvinistarum blasphemias; iique manifestissimi revincerentur erroris. Apertissime ac planissime id explicat Magnus Leo ad Marcianum Augustum scribens in hæc verba. (1) *Unde per ipsum Dominum nostrum Jesum Christum, qui Regni vestri est auctor, & rector, obsecror, & obsecro clementiam vestram, ut in præsentī Synodo (Chalcedonenſi) fidem, quam beati Patres nostri ab Apostolis sibi traditam prædicarunt, non patiamini, quasi Dubiam, retractari, & quæ olim majorum sunt auctoritate damnata, rediviui non permittatis conatibus excitari.*

Eadem prorsus œconomia usus est Sanctus Leo M. permittens Concilio Chalcedonenſi, ut suam dogmaticam epistolam ad regulas Sacræ Scripturæ, Patrum, & Conciliorum traditionis excuteret. Seuiſi MAVIS dicam etiam, potuisse, & debuisse Patres Chalcedonenſes expendere epistolam dogmaticam Leoninam, ut intelligerent veritati fundamentum, & pondus, licque muniti, & instructi Nestorianos, & Eutychnos errores funderent, atque delerent; (2) *Ut vere a se prodiſſe ostenderet, quod a prima omnium Sede formatum; totius*

(1) Epist. 43.

(2) Epist. 93. ad Theodorit.

Imo

Christiani orbis iudicium recepisset , ut in hoc quoque capiti membra concordent : inquit S. Leo . Verum factum examen non potuit violare infallibilitatem Pontificiam , quemadmodum diximus de actis Concilii Florentini : Imo plane constat neque in animo fuisse Patribus Chalcedonenſibus eam in dubium vocare ; quia quum fuerunt bene edocti de veritate definitionis Magni Leonis , illico in ejus doctrinam concesserunt acclamantes : Petrus per os Leonis locutus est : Credimus sicut Leo . Et iterum clamaverunt : Qui non consentit epistola Sanctissimi Archiepiscopi Leonis , hæreticus est : Qui non ei subscribit , hæreticus est . Rursus omnium episcoporum vox intonuit : Spiritus Sanctus definitionem dictavit : Qui non subscribit , hæreticus est .

Verba eadem ingeminata legimus in sexta Synodo propter epistolam dogmaticam Sancti Agathonis ; & in prima Ephesina Synodo in Sancti Cælestini I. obsequium . Quo hæc tendant , quilibet a sophismatibus solutus probe percipiet : nempe Patres Chalcedonenses post exactam cognitionem epistolæ Leoninæ , comprehendisse , ibi impressam legi infallibilitatem auctoris , adeoque nihil opus esse , quidquam adjicere , præter fidei professionem , & puram obedientiam intellectus captivati in obsequium , & fidei , & Romani Pontificis definientis

ex Cathedra. Ita conceptis verbis sincere narrat Evagrius, agens de gestis Synodi Chalcedonenſis: (1) *In unum rursus congregati (Episcopi) primum responderunt ad rogatum Principum, de vera, rectaque fide doceri cupientium: deinde dixerunt, non debere quidquam amplius de causa Eutycbis, semel ab Episcopo Romano conclusa, definitaque statui: In quam sententiam omnes quasi pedibus iverunt.* Addere placet responſum Episcoporum Galliarum. Miſit S. Leo suam epistolam dogmaticam, de qua agitur, ad Galliarum Episcopos, qui, Ravennio Arelatenſi Præſide, in Gallia Narbonenſi convenientes, per Synodicam Epistolam reſcripſerunt: (2) *Doctrinæ poſt Deum veſtræ debet quiſquis fidelis, ut conſtanter teneat, quod credebat; debet etiam infidelis, ut a perfidia ſua, agnita veritate, diſcedat; Et Apoſtolice inſtitutionis luce perſuſus, erroris ſui tenebras derelinquat, magisque ſequatur, & credat, quod per os veſtrum Dominus noſter Jeſus Chriſtus de Sacramento Incarnationis ſue docet, quam id teneat; quod Diabolus humane ſalutis, & veritatis inimicus inſillat.* En perenne infallibilitatis Pontificiæ teſtimonium.

Ulterius ab adverſariis ſcire aveo, cur tam æcri conatu exaggerent examen factum a

Con-

(1) l. 2. hiſt. c. 18.

(2) Inter epiſt. S. Leon. poſt 51. cap. 3.

Concilio Chalcedonensi super laudata epistola dogmatica S. Leonis, ut exinde deiciant infallibilitatem Pontificiam, quando si hoc argumentum quidquam evinceret, æque infallibilitatem Concilii Generalis everteret; Quod sane improbant. In ipsos egregiam probationem proferam, quin ab adducto exemplo epistolæ Leoninæ digrediar. Peracta Synodo Chalcedonensi Cereus sive Cyriacus Episcopus Gallus misit Epistolam S. Leonis ad Eusebium Mediolanensem, qui congregata Synodo Italicæ Diocæses dedit Synodicam Epistolam, in qua, post expensam doctrinam ad apices Sacræ Scripturæ, & traditionis, declarant illi Patres, se solenniter illi subscribere. (1) *Domine sancte, & Beatissime Pater, placuit omnibus, quorum subscriptio subter annexa nomina poterit declarare, ut eos, qui impie de Incarnationis Dominicæ Sacramento sentiunt, quamvis intellectus sui pravitate a Catholicæ fidei veritate recedentes, se ipsos dignos abjectione fecerint, suo etiam consensu, auctoritatis vestræ præcedente sententia, damnatione congrua persequendos.*

Series hujus facti vel æque elevat infallibilitatem Papæ, & Concilii Generalis, vel neutri detrahit. Examen, consensus, Synodica subscriptio, Judicium, & hujusmodi posteriora ad judicium latum ex Cathedra, jugu-

(1) Inter epist. S. Leon. post 52. cap. 3.

jugulum petunt infallibilitatis Papalis, ut adversarii plenis buccis exaggerant. Sed hæc omnia impleta etiam fuerunt post latum judicium Concilii Chalcedonenſis, ergo pariformiter evaneſcit infallibilitas Concilii Generalis. Quid ad hæc reſpondere poſſint, non video. Sed veritate enitente dicendum eſt, omnia prædicta infallibilitati neutrius officere, quia ad diſcendum, & obediendum inducta ſunt, neutiquam ad judicandum ex ſuperioritate, ſuper re jam finali-
ter judicata, & definita a Pontifice Maximo, vel a Concilio Generali.

§. XXXI.

Argumentum ex can. Si Papa confringitur.

IN collectione Canonum a Gratiano adornata legitur diſt. 40. Si Papa deprehendatur a fide devius, poterit accuſari, & judicari. In aliis vero culpis nullus mortalium ipſum redarguere præſumat, quia cunctos ipſe judicaturus, a nemine eſt judicandus. Ex quo Canone infallibilitatis Pontificiæ æmuli exclamant. Ecquis in-
violatæ fidei Doctorem, & Magiſtrum conſiteri poterit, quem in fide defectibilem agnoſcere cogimur? Si fides ipſum Roma-
num

num Pontificem indeclinabiliter non dirigit, erit ne credendum, quod alios in fide rectos constabilet? Qui infirmus est, confirmabit ne fratres indeclinabili definitione, & irreformabili sententia? Vanum est igitur Romanum Pontificem affirmare defectibilem in fide, & simul asserere, illum esse infallibilis iudicii, quum ex Cathedra pronuntiat.

Hæc tota vis, & series argumenti, cui præsto est aliud agumentum non inferioris efficaciz ad enervandum impetum illius, & adversum conatum. Nemo est, qui non affirmet, singulos orbis Episcopos falli, & fallere posse, quum tot infausta exempla suppeditet historia, tam Ecclesiastica, quam profana. Idemdem legimus 400. Episcopos Occidentales Arimini fuisse congregatos, ut de diversis formulis statuerent quid dicendum, aut tenendum esset, quo fides Catholica contra Arianam perfidiam incolumis, & pura custodiretur. Fere totus tam spectabilis Episcoporum cætus lapsus est, subscribendo Arianæ Formulæ, quam Valens, & Ursacius Arianorum signiferi impudentissime comparaverant. His præmissis, Respondeant arguti adversarii: Quo genere ratiocinandi utantur, ut defendant infallibilitatem Concilii Generalis, quod ex Episcopis errori in fide obnoxiiis coalescit? Quomodo pro certo accipi poterit iudicium
latum

latum ab iis, qui tot exempla suæ fallibilitatis posteritati præbuerunt?

Respondebunt sane, Episcopos esse quidem errandi defectu, ex culpa humanitatis, implicatos. Verum quum in Spiritu Sancto congregati, in unum conveniunt ad docendam, & dirigendam Christi Ecclesiam, speciali Dei afflatu adeo firmiter permoventur, ut certissimam sententiam in rebus fidei denuntiare non desinant. Aliter se expedire hujusmodi Sophistæ non possunt, nisi cedere argumento turpiter se patiantur. Eadem responsio Pontificiæ infallibilitati omnino quadrat. Potest Papa esse devius a fide, sicut & a recta ratione, utpote & ipse filius Adæ: quemadmodum Petrus potuit ab Ancilla decipi, & Christum negare. Attamen quum Papa suo muneri respondens tenetur ex Cathedra docere fideles, tunc induitur ex alto ipsis privilegiis Petri, quibus institutus est regere, & pascere Christianum Gregem, & fratres in fide valide, & indeclinabiliter confirmare.

Nonne prophetæ, quamvis homines infirmitate circumdati; imo nonne Balaam, Saul, Caiphæs in impietate jacentes, propheticas voces infallibilis veritatis ediderunt? Nonne Apostoli in prædicatione Evangelii expertes fuerunt mendacii, etsi in conversatione reprehensibilis fuerit & ipse Petrus? Omnium causam afferam; scilicet quia spiritus

ritus ubi vult spirat, & quomodo vult lumen menti præfert, ut agat, quin sciamus, unde veniat, aut quo vadat. Agitat Prophetas, ut veritati testimonium ferant, & immunitatem ab errore illis communicat. Agit Apostolos, ut mysteria disseminent, & immunitatem a mendacio eis donat. Imbuit Pontificem Romanum, quem constituit Pastorem, & doctorem omnium Fidelium, ut dirimat quæstiones de fide, controversasque subortas finali judicio ex Cathedra definiat, suæque sententia Fratres confirmet: *Eccur privilegium immunitatis a fallendi defectu, juxta Christi pollicitationem ei denegabimus? Nonne in fide, & doctrina Petri, scribebat Sanctus Thomas Cantuariensis Archipræsul, (1) totius Ecclesiæ structura consurgit, donec occurramus omnes Christo in virum perfectum, in unitatem fidei, & agnitionem filii Dei? ... Quicumque sit qui rigat, aut plantat, Deus nulli dat incrementum, nisi illi, qui plantavit in fide Petri, & doctrinæ ipsius acquiescit. ... Quidquid maximum fuerit, Romano Pontifici reservatur. Ordinem hunc Petrus docuit. Hunc usque modo Catholica servavit Ecclesia, nec unquam autore domino, quidquid moliatur iniquitas, subvertetur.* Prosequamur cætera ad levamentum an-

(1) Epist. 27. ad Episc. Cantix lib. 1. inter op. Christ. Lupi t. 10.

angoris . In regno autem Anglorum (uti-
nam solum esset) quod sine dolore multo ad
mentem reducere , vel sine lacrymis dicere
non valemus , multum præsumitur adversus
Petrum . Sedis Apostolicæ , quantum in per-
versis potestatibus est , attentatur , & peri-
clitatur auctoritas . Concordat ad rem no-
stram Joannes de Sarisberia ad Episcopatum
Carnotensem evectus , Alexandrum III.
compellans : (1) *Jus est , Pater , Jus est ve-
ras expromere voces , præsertim apud eum ,
qui amator , & patronus est veritatis , & cu-
jus ministerio Spiritus Sanctus totius falsita-
tis figmenta condemnat .*

(1) l. 2. cit. tom. ep. 60.

§. XXXII.

*Argumentum ab placitis opinantium Scripto-
rum peti- tum, nuper editum refellitur.*

Post evulgatam Typorum defatigatione
de Privilegiis Romani Pontificis dupli-
cem dissertationem, insurgit Anony-
mus Scriptor, qui Opusculum inscriptum: *In-*
fallibilitatis Pontificiæ justis terminis cir-
cumscriptæ explicatio, atque defensio: Dis-
sertatio apologetica adversus novissimum Pri-
villegiorum Pontificiorum Vindicem, Typis
Bartholomæi Giavarinæ Venetiis publicatum;
ad priorem librum de Pontifice Romano fal-
lere, & falli nescio vindicandum, oratorii
lacertis produxit in lucem. Totus in eo est,
ut Opusculi præfati vires reintegret, & in-
columitati restituat! Sed obtendentis opinio-
nis prostratam causam labor nullus attollit;
Blande tamen audire momenta, & congre-
di paratissimus est mihi animus, quia dun-
taxat instat amor constabiliendæ veritatis.
Utinam talem, & tantum Virum devinci-
re, & devocare a proposito valerem!

Arguit igitur anonymus Scriptor ; Quid me pungis , ait ille , Si illigatam censui Pontificiam infallibilitatem consultationi , & assensui amplissimorum Cardinalium , Peritorumque studio , in definitione Quaestio-

stionum de Fide, & moribus, si mecum in hac opinione pugnarunt, & pugnant eximii, atque celebres primi subsellii Doctores, & Magistri, qui ad unum hanc efferunt conditionem, tanquam medium Divino jure statutum, Divinæque Providentiæ accommodatissimum, nec non humanæ prudentiæ necessarium, ne temeritatis, & oscitantæ periculum subeat Pontificia auctoritas? Tunc Papa ex officio, & ex Cathedra loquitur, quando agit ut Caput, utens scilicet auxilio membrorum. Hæc autem potissime Cardinales exprimunt, qui jure divino assident Romano Pontifici, tanquam Consiliarii nati, & Conjudices Orbis Terrarum, ex quorum consilis, & assensu regit Papa, & gubernat Universam Ecclesiam. Igitur Conclamantibus (1) Illustribus Do-

(1) Cano de loc. Teol. l. 5. c. 5.

Driedo l. 1. de libert. Christian.

Silvester in Sum. V. Concilium, & l. 1. de Jurid. ver. Rom. Eccl. c. 15. & alibi.

Jo: Vigner. Instit. Theol.

Thom. a Ss. Trinit. Contr. 237. Sect. 18.

Bellarmin. de Sum. Pont. l. 4. c. 2.

Albit. de Inconst. c. 3.

Turrecrem. de Pot. Papæ l. 2. c. 112.

Cupers ad dist. 79. de Card. art. 2.

Hofius in Confess. fid. c. 28.

Alphons de Castro l. 1. adv. hæret. c. 8.

Duall. de Pot. Papæ p. n. q. 3.

Dom. Gravin. in Clip. qu. 1., & 2.

Lup. in Dict. Greg. VII. Can. 22.

Cherub. Rom. ad Tit. de Consult. prop. 2. §. 2.

Doctoribus & quidem Pontificiis Privilegiis addictissimis, Romanaque Sedis strenuis Vindicibus, qui conceptis verbis se explicant asserendum est, Papam esse infallibilem accedente Romanæ Ecclesiæ, hoc est Cardinalium consensu; Et quidem indispensabiliter, & necessario simpliciter, ut infallibile haberi debeat, & dici Judicium Papæ.

Hæc summa argumenti, cui nihil aliud roboris inest, quod plene in hac ipsa dissertatione enervatum non fuerit. (1) Ubi Textus, Ubi Testes pluries ingeminavi? Nempe ubi textus Evangelicus, ubi Testis Œcumenici Concilii, vel Romani Pontificis Decretalium, quibus apprimè dirimenda lis est in re dogmatica? Paucis dixit Christus Petro. *Tu, Petre, Pasce oves meas: Tu, Petre, confirma fratres tuos*, ut sæpe innui. Quidquid post mille, & quadringentos annos addunt, demunt Doctores, etsi aliunde celebres, vel exposcunt, ut additamentum necessarium simpliciter ad infallibilitatem Papæ efformandam, prorsus ad deformandam adinversum est, vera salis immiscendo. Idcirco monui, (2) abstinendum esse ab eorum dictis exequiendis, quia in æstu contentionis scribentes post schisma plurimum humani passi sunt, quod perspicue mox ostendam ex eorumdem

N 2 di-

(1) Supra §. 27. & diss. 2. §. 18.

(2) §. XI. Dissert. 2.

discrepantia , de qua partite , definite , atque distincte differendum est .

Auctores citati , omnes ad unum loquuti sunt de prævia consultatione , vel de præambulo assensu in antecessum requisito ad finalem definitionem , quum quæstionem de fide , vel moribus Romanus Pontifex peremptorie exsolvit . De hac præambula Consultatione diserite , ac perspicue fatus sum (1) in hac ipsa dissertatione , illam laudando ; & admittendo , ne inconsiderantiæ unquam argui posset Papæ judicium . Sed an hæc præparata Consiliorum , & assensus digestio necessario simpliciter , ut de Schola loquimur , prævenire debeat Judicium Papæ , ita ut si desit Cardinalium , vel Doctorum in Divinis , & decretis Consilium , & assensus , omnino evanescat infallibilitas a Papæ Judicio , non est una Doctorum prælaudatorum sententia . Alii etenim , & quidem numerosiores , ductore Sapientissimo Magistro Cano , acerrimo defensore Pontificiæ infallibilitatis , ultra necessitatem urgentis congruitatis non efferunt requisitam præmittendam consultationem ; Alii (2) numero pauciores , qui destituti auctoritate evangelica , atque traditione primævæ antiquitatis , in novitate opinionis sibi complacent , usque ad necessitatem simpliciter con-

(1) §§. 6. 7. 8. 9. 27. 28. & 29.

(2) Alphons. de Castro , & Cherubin Rom. ex cit.

consulentium placitum pro iudicii indeficientia fancienda per summam contentionem abripiunt, ita ut aliter definientem Pontificem fallibilem pronuncient. Frustra tamen id conantur, & fortasse præter animum, de quo fusius infra sum dicturus. Ut ut sit, cum Hieronymo scribente ad Damasum (1) clamito : *Si quis Cathedræ Petri jungitur, meus est. Meletius, Vitalis, atque Paulinus tibi hæere se dicunt, possem credere, si hoc unus assereret : Nunc autem duo mentiuntur, aut omnes.*

Patense exemplum dedi in Epistola Dogmatica Magni Leonis, (2) quam esse opus ejusdem Doctrinæ ac Sapientiæ nemo inficiabitur, nisi hospes in Ecclesiastica Historia. Perspectum id habuerunt Episcopi Galli ad eundem Leonem scribentes in hæc verba : *Doctrinæ post Deum vestræ debet quisquis Fidelis, ut constanter teneat, quod credebat, ut jam innui.* (3) Perspectum id habuit Concilium Chalcedonense, quum per Patres conclamatum fuit : *Petrus per os Leonis locutus est.* Si quis dissentiat, sciat Jurisprudentiæ commune proloquium esse, inficiatori incumbere perspicue probare. Tunc sic insurgo. Potuit S. Leo, poterit alter æqualis, vel superioris sapientiæ per sese quæ-

N 3 sto-

(1) Epist. ad Damasum.

(2) §. 30. Hujus dissert.

(3) Supra §. 30.

tionem de fide, & moribus discutere, & explanare, eamque finali iudicio definire. Igitur consultatio prævia, siue Cleri, siue Cardinalium, siue Peritorum non est adeo connexa, siue ut conditio, siue ut medium, cum infallibilitate iudicii, ut si desit, ista evolare statim intelligi debeat.

Obstant, ajunt, ratiunculæ quædam ab humanis petite; nimirum de Jure divino naturali esse, quod caput suis membris utatur ad Corpus regendum, custodiendumque ab adversantibus contrariis. Cur igitur necessario, & semper non debebit Romanus Pontifex in iudicio discretivo rerum fidei adhibere, vel Cleri, vel Cardinalium consultationem, & assensum sub interminatione delendæ infallibilitatis? Si ita est, Respondeo, fortius urgebit ratio in humanis. Scrutemur Scripturas, an divina Historia id nobis persuadeat. Certum est, Regem esse caput Populi ad regimen, defensionemque ejusdem institutum, ut leges ferat, & iudicio subortas controversias finiat, ac peremptorie dirimat. Edoceri cuperem, an Salomon paratissimus, ac promptus ad quæcumque enigmata enodanda, & ad iudicia promenda, probari possit usus semper Synedrio, vel Peritorum Consilio ad discernenda jurgia, vel lites, & ad leges condendas? Fortasse excipi poterit etiam Leo, dictus Sapiens, Græcorum Imperator, & quis alius. Ergo in uno, vel
al-

altero fallit regula, & corrumpit ratio, quod satis est ad expungendam inuestigatam necessitatem simpliciter, nempe quod Peritorum adiutorium, & Consulentiū examen semper, & ubique præmittere necesse sit.

Itaque tot Doctorum illustrium opinio nullius erit ponderis, vel momenti? Ita plane. I. Quia Corda opinio est, auctoritate Evangelij, & traditionis penitus orbata. II. Quia in dissidiis Disputantium præcoci ingenio enixa opinio est. III. Quia communiori calculo, imo & Apostolicæ Sedis interminatione, ut exotica opinio habetur, IV. Quia secum ipsa discors, & inconstans opinio est. Alii quippe consultationem utcumque exposcunt, nihil de Consulentibus distinguentes: (1) Alii Concilia Episcoporum requirunt (2) Alii Peritos advocant, quicumque illi sint: (3) Alii Cardinales, & Episcopos simul, & Viros peritos expetunt: (4) Alii nonnullos Cardinales a Papa seligendos expostulant, absque Personarum acceptione. (5) Alii totum Cardinalium Collegium præscribunt convocandum esse, ut Consilium ferat, & sui consensus suffragium: (6) Alii tandem indicunt præmittendam

N 4 dam

(1) Dom. a SS. Trinit. Driedo, Lupus, Hofius.

(2) Jo: Vigu. var.

(3) Bellarm. Albit. Duall. Silvester.

(4) Gravin. Cherub.

(5) Silvester. Turrecrem.

(6) Alphons. de Castro loc. cit.

dam esse consultationem Romanæ Ecclesiæ, videlicet, Cardinalium, Theologorum, Consultorumque, *uno verbo, majorum natu ejusdem Ecclesiæ, & Urbis*, (1) ut intelligi debeat Romanus Pontifex pronuntiare ex Cathedra. Iaque majores natu consulendi sunt; Sive sint docti, sive indocti; fortasse etiam sive sint Laici, sive Ecclesiastici, etsi myriadem æquent, ad judicandum judicio discretivo de rebus fidei, & adhibendi sunt. Et hæc probat vir doctus, tanquam per ipsum digesta, & propugnata in sua iplissima *de Romano Pontifice falli, & fallere nescio*, dissertatione? Hæc devorat? Hæc propinat vir Sapiens in perniciem Pontificiæ infallibilitatis, ut dissonantia, & discrepantia obtrudantur? Malum! *Nam quum veteri astringitur recens edificium, quasi surgenti reluctans oneri cedit.* (2) Quid? Quod si uniuscujusque opinionis placitum est admittendum, nonne semper (utar verbis Cano) (3) *novum examen, judiciumque recens postulabitur, ut de diligentia adhibita, vel non adhibita censeatur?* Quid absurdius?

§. XXXIII.

(1) Cherubin. Roman. loc. cit.

(2) Colum. l. 1.

(3) l. 5. c. 5. cit.

§. XXXIII.

*Prosequitur præcedentis Objectionis
eversio.*

SI fas esset ex ruderibus antiquitatis, vel librorum quæcumque indiscreta, & incondita effodere, eaque absque debitæ investigationis trutina, & criterio in lucem promere, solo inspectato auctorum nomine, quot inconstantes, incoætæque Sententiæ, imo quot errores, & hæreses non reviviscerent? Nonne Millenariorum Phantasma præclara priorum Christianæ æræ sæculorum ingenia invalit, & insanum esset mox in apertum exponere? Libido scribentium, neglecta inquisitio veritatis, oscitantia in expendenda Traditione, inscitia aliarum artium, a quibus plures conclusiones dependent, & alii similes defectus solent mentes hominum corrumpere, ne veritas suo, quo patet, splendore erumpat, & illucescat. Quo factum est, ut a sæculo decimo quinto dissidia, & schismata enitente adversus Pontificiam auctoritatem, in devias plerique abierint opinationes, dum eam defendere omissa Traditione molirentur. Videntes quippe Romanos Pontifices postremo in arduis uti consilio, & ope amplissimo-

simorum Cardinalium, Peritorumque studio, obliiti sunt priscæ antiquitatis, in qua aliter res se habuerat.

Corruit proinde indiscreta imaginatio. Amplissimi Cardinales non indigent debito nitore, qui Pontificiam infallibilitatem disturbet. Sunt utique Consiliarii Papæ ab instituto dignitatis, infaticabiles Adstantes Apostolicæ Sedi, ut præsto sint, opem, consilium, suffragium, assensumque ferre, quum vocati fuerint, vel quum zelum, & amor sui voti obedientiam offerre impulerit.

Quod si Cardinales Conjudices Orbis nominantur, ideo est, quia a Papa pluribus præficiuntur Tribunalibus judices Causarum ad Romanum Pontificem delatarum; non autem quia simul cum Papa intelligantur controversias definire. Quemadmodum Apostoli Conjudices erunt in extremo Judicio, quia *sedebitis & vos judicantes duodecim Tribus Israel*: dixit eis Christus Matth. 19. quin futuri sint Judices in proprio Judicio ejusdem Christi Domini; nisi per approbationem, quod cæteris Sanctis erit commune, ut probat D. Thom. Comment. in dictum Caput Matthæi. His adde, morem fuisse Romanorum Pontificum appellare cæteros Orbis Episcopos agnomine *Cœpiscopi*, & *Communistri*, quia in partem sollicitudinis sunt vocati, sed numquid hæc Pa-

Papæ dignatio infert, commune esse cum illis Ecclesiæ Romanæ regimen proprium Romani Pontificis? Nemo id dixit.

Sed quorsum hæc, ad coarctandam infallibilitatem Papæ adeo ut funditus everti necesse sit, si eorum desit, vel consultario, vel assensus? Ipsi amplissimi Cardinales diserte in hæc sponponderunt: Nam quum tempore Concilii Romani a Benedicto XIII. coacti, ortum fuerit dubium, an verbum *Consentiens* subscriptionibus addendum, argumentum Osoribus Pontificiæ infallibilitatis suppeditare per nequitiam potuisset, provide cautum fuit, exarata Scheda (1) Supplicis libelli ab amplissimis Cardinalibus, media etiam eorundem subscriptione, qua declaratum fuit, nihil additum, vel detractum iri, in hac subscribendi Formula, Petri, successorumque inconcussis privilegiis, & præcipue infallibilitatis in definiendis quæstionibus de fide, & moribus: Verum instante improbitate temporis probe censere a verbo *Consentiens* abstinere, & verbum tantum *Subscripsi* substernere. Et id supplices a Benedicto Pontifice Maximo obtinuerunt; ut in actis factum est.

Hujus generis monumenta decebat Anonymum Scriptorem ad rem proferre; & si penitus ignorabat, abstinendum quoque erat a recolendo supplici libello alterius generis

(1) Sub die 27. & 29. May 1725.

neris, qui neque per somnium præsentem causam concernit, utpote quid aliud mutabilem disciplinam spectans, in quo quid obreptum, vel subreptum fallere potest Pontificem indulgentem.

Arguet fortasse quispiam: ergo poterit Romanus Pontifex, sui Juris compos, etiam inconsulte, inconsiderate, & ex abrupto ad definiendas res fidei devenire? Imperita consecutio? Nunquam id fuit, nunquam id erit: Qui infallibilitatis Privilegium elargitus est Petro, abunde providit, & providebit. Alibi consimili argumento (1) occurrimus, obijciendo exemplum Concilii Ariminensis, quod pene totum Arianam formulam subscribens probavit. Quid tum, si prævia Consultatio Peritorum erraret? Nonne tunc potius, & verius cogermur dicere, *inconsulto, inconsiderate, & imperite* Romanum Pontificem procedere, si ad subscriptionem v. g. ferme 400. Episcoporum Arimini sedentium accessisset? Nonne ipsi Patres Generalis Concilii sæpe fuerunt disputantes, Consiliarii, & Judices? Acta Concilii Florentini, & plurium antiquiorum palam sunt, quæ id probant. Eccur S. Leo Magnus, Eccur S. Gregorius Magnus, aut si quis alius fuit, aut erit excellenti Sapientia præditus, alligandi sunt præviæ alienæ consultationi sub pœna inter-

(1) infra §. 14. Diss. 2.

tercidendæ infallibilitatis? Per os Petris jubemur audire, & credere; & hoc satis.

Tandem vergit disputatio ad enunciata propositionem: *Papa est infallibilis accedente Cardinalium consensu*: Quilibet sui compos plane intelligere debuit, hic agi de consensu posteriori, neut quam de præcedente Pontificiam definitionem; Quemadmodum omnes ad unum intelligunt, eos locutos, qui ex adverso hanc aliam proferunt: *Papa est infallibilis accedente Ecclesie assensu*. Anonymus Scriptor æquivocationem diluere fatagit, & de assensu consultivo prævio præfatum esse profitetur. Mirandum sane, quod in re dogmatica ludatur verbis, quod perinde est, ac in utramque partem claudicare. Iterum dico (Parcant Erudiri, si semel dicta, & repetita recoquere cogor præter regulas artis, quia furda morositas, vel præterit, vel dissimulat): Iterumque dico, quod præviam consultationem non abhorreo, non rejicio, sed honeste, congrue, concinne censeo præmittendam esse: Dicam etiam necessario, si Papa sibi impar sit ad difficultates enodandas. Cæterum si de necessitate absoluta, & simpliciter sit sermo, allatam propositionem proscribo, damno, & diris deoveo: Neque ipse Anonymus ingenue hanc alteram proferre audebit: *Rex est conditor Legum, accedente Senatus, vel Procerum*
con-

consensu: quia utrobique satis constat, vel imminui, vel omnino deleri auctoritatis Privilegium; Utrumque manifeste, & invictis momentis, exemplisque ex monumentis Ecclesiasticis petitis probatum est. Opinatores ex adverso productos, primum tantum intendere, necesse est, ne ad commenta dilabi videantur. Quod si auctoritati cujuscumque Scriptoris standum est, monitum Sancti Leonis præhabendum omnino arbitror, quum scripsit (1) *Sed in hanc insipientiam cadunt, qui cum ad cognoscendam veritatem aliquo impediuntur obscuro, non ad Propheticas voces, non ad Apostolicas literas, nec ad Evangelicas veritates, sed ad semperitos recurrunt; Et ideo Magistri erroris existunt, quia veritatis Discipuli non fuerunt.*

§. XXXIV.

Auctoritas Melchioris Cano, sensusque omnis excutitur.

Præ cæteris decet Sapientissimum Cano ab impacta culpa vindicare, quasi minoris habens Pontificiam infallibilitatem, aliorum Consultationi tandem eam subjecerit, sive ut medio, sive ut conditioni illigandam. Propterea, ut intentum A-

no-

(1) Epist. 24. ad Harian.

nonymus Scriptor assequeretur, sparsim verba egregii auctoris hinc inde abralit, ut fucum lectoribus obijceret perditæque causæ patrocinium compararet. Irrito tamen conatu. Vindex est Cano acerrimus Pontificiæ infallibilis auctoritatis, neque citra injuriam ejus doctrinæ fas est hujusmodi maculam injicere.

Inquirens Magister probatissimus Cano (1) an definitiones Papæ, vel Concilii, de fide, vel moribus prolatae, habendæ sint in numero Sacrorum, & Canonicorum librorum, ut alicui Theologo sui temporis placuit, negativam complexus sententiam statuit inter utrosque latissimum discrimen; quia Auctores Sacri, uti Apostoli, Prophetæ, & Evangelistæ ex proxima Dei, vel revelatione, vel inspiratione scribunt catholica Dogmata... At Concilium, & Pontifex humana via incedunt, rationemque sequuntur, atque argumentando, verum a falso discernunt: Non enim existimandus est Summus Pontifex eam habere facultatem quæ in Apostolis, Prophetis, & Evangelistis inerat, ut proposita una qualibet de fide questione, protinus dignoscere possit, utra questionis pars vera, falsave sit: Sed adhibere potius consilium necessæ est, & expendere utriusque Partis argumenta: tum deinde sequetur auxilium Dei, quod videlicet opus est,

ut

(1) l. 5. c. 5. de loc. Theol. § at hæc

ut Summus Pontifex in recta fide contineatur. In Concilio itidem non habent Patres mox quasi ex auctoritate sententiam, absque alia discussione, dicere: Sed collationibus, & disputationibus re ante tractata, precibusque primum ad Deum fuis, tum vero quæstio a Concilio sine errore finietur, Dei videlicet, auxilio, atque favore, hominumque diligentis, & studio confluentibus.

Nihil erat prætermittendum, aut dissimulandum, ne malæ fidei argueremur. Sed notanda sequentia, quæ statim profequitur Cano: *Nam & Apostolis & Præbyteris in Synodo Hierosolomytana congregatis non statim revelatum est, quid esset in Fidei causa decernendum, sed facta est prius, ut Lucas ait, magna conquisitio. Et in Nicæna Synodo, us Ruffinus tradit, per singulos dies agitabatur Conventus; nec facile, aut temere de re tanta statuere audebant Patres... ex quo perspicuum est, non dormientibus, & oscitantibus Spiritum Sanctum assistere, sed diligenter, & humana via querentibus rei, de qua disseritur, veritatem.*

Ex relatis verbis plene exulat necessitas simpliciter talis alienæ consultationis Peritorum in Divinis, & Decretis, ut infallibilitas Dogmatis consurgat. Quemadmodum enim in Conciliis, Hierosolomytano, & Vicæno tota disquisitio rei definiendæ penes ipsos Patres, & Judices agitata fuit, quia
sibi

sibi pares fuere ad necessariam inquisitionem veritatis: Eccur Magnus Leo, & alter similis Pontifex par sibi ad discernendum verum a falso, non poterit simul esse inquirens, & Judex in fidei momento? Pariformiter locutus est Cano de Concilio, ac de summo Pontifice.

Testem advoco ipsum Magnum Leonem, qui in hæc verba se explicat, auctorem Epistolæ Dogmaticæ ad Flavianum (1) *Quoniam Catholica Fides, quam instruente nos spiritu Dei per Sanctos Patres a Beatis Apostolis didicimus, & docemus, neutrum sube-pere permittet errorem* similia scripserat ad Anatolium (2) expressius ad Monacos Palestinos (3) & ad Julianum Coensem Episcopum scripsit (4) *In causa itaque Fidei quidquid pro nostro Officio agipotuit, & potest, juvante Domino, & solícite, & libenter exequimur. Propter quod, sicut omnibus notum est, non destiti laborare, ut manifestate, atque defensa Incarnationis Dominicæ veritate, omnis fraternitas, quid ubique tenendum, & docendum agnosceret.* En studium, & consultatis Patrum, En disquisitio scripturarum, & labor. En disquisitio veritatis, quam feliciter potuit ipse Leo

O præ

(1) Epist. 69. ad Marcian.

(2) Epist. 67.

(3) Ep. 97.

(4) Ep. 91.

præstare , quam si cujuscumque Doctoris poposcisset auxilium . En consilium a Cano petitum , ne credeatur dormientibus , & oscitantibus Spiritum Sanctum assistere . nunquam dixit celeberrimus Cano sedem Apostolicam non tantum Papam signare , sed una simul præsentem Clerum , aut assistentes Cardinales , cæterosque adiutores , & consiliarios , quos vocare fas esset ad consulendum . Nunquam probavit , ut pote assumptum Pontificiæ infallibilitatis eversum . *Nam si omnes Episcopi sunt Judices & idem est de Consiliariis , summus nimirum Pontifex tenebitur in ferenda sententia majorem partem Judicum sequi , eorumque doctrinam approbare Nego enim , cum de fide agitur , sequi plurimorum Judicium oportere Quo circa summus Pontifex majoris partis sententiam non tenetur amplecti ; Imo si pauci , si plures ad errorem deflexerint , munus est Apostolici Antistitis ad veram eos fidem revocare : juxta illud , quod Petro dixit Christus . Ego rogavi pro te , ne deficiat fides tua , & tu , non unum , & item alterum , si paucos , si multos confirma fratres tuos .* Inquit Cano (1)

Ex quibus invictum educitur argumentum ; Duæ Claves commissæ sunt Petro , non cæteris Adiutoribus sed successoribus Petri in Romana sede , una scilicet potestatis , alte-

ra

(1) loc. cit. §. Verum .

ra discretionis. Si hæc supra quoscumque Judices, Episcopos, se exerit, ut coerceat, corrigat, discernat, & confirmet, ad veram fidem eos revocando; Ecquis supra Consiliarios quoscumque exerendam esse dubitabit, ut eos, veritate per sese comperita, ut Magno Leoni contigit, abijciat, vel ad consulendum non advocet? *Quam ob rem*, subdit Cano (1) *qui sive Pontificum, sive Conciliorum diligentiam fidei causa finienda in dubium vocant, eos necesse est omnia Pontificum Judicia, ac Conciliorum infirmare. . . . Nam Deus suaviter disponit omnia, simulque prospicit, & finem, & media ad finem necessaria . . . sic omnino cum Ecclesiæ Fidei firmitatem fuerit pollicitus, deesse non potest, quominus tribuat Ecclesiæ preces, ceteraque præsidia, quibus hæc firmitas conservatur . . . Itaque præstat semper Pontifex, quod in se est, præstatque Concilium, cum de fide pronuntiant; caditque causa, si quis & nostris aliter existimat . . . Item cum (Christus) dixit: Ego rogavi pro te, ne deficiat fides tua, procul dubio intelligimus id a Patre suo consecutum, ut quæ ad rectum de fidei questione judicium oporterent, ea adessent Petro omnia, sive a Deo, sive ab Homine expectarentur . . . Quibus ex rebus facile comprehenditur, cum Spiritum veritatis Christus Apostolis, eorumque successoribus in fidei negotio*

O 2 pro-

(1) loc. cit. §. Alter.

promiserit , nihil omnino illis defuturum , quod Fidei Controversis finiendis fuerit necessarium . At si semel Hæreticis banc licentiam permittimus , ut in quæstionem vocent , num Ecclesiæ Judices eam diligentiam , & curam exhibuerint , quæ opus erat , ut quæstio via , & ratione finiretur : Ecquis adeo cæcus est , qui non videat omnia mox Pontificum , Conciliorumque Judicia labefactari ?

Igitur de mente Melchioris Cano firmissime tenendum est , promissionem Christi de fine , & mediis ad dirimendas Controversias Fidei , Petro datam , eo collimare , ut certissime largiturus sit Deus omnia ea , quæ ad discretorium Judicium possunt congruere ; scilicet , vel sapientiam summo Pontifici , vel Patribus in Concilio adunatis , ut per se ipsum , vel per se ipsos valeant quæstionem agitare , veramque sententiam a falsa per diligentem inquisitionem Sacræ Scripturæ , & Patrum doctrinæ discernere ; vel ab Homine , per studium , & consilium veritatem indagare . Primum implevit Leo Magnus , ut in confesso est & plura Concilia identidem expleverunt . Alterum frequentius occurrit . Quod satis est ad evertendam necessitatem alienæ Consultationis simpliciter . *Ita nunquam ego admittam , aut Pontificem , aut Concilium diligentiam aliquam necessariam quæstionibus fidei decern-*

nendis omiffisse; figillat Cano (1) hoc est, five proprio, five aliorum studio, & diligentia id evenerit.

§. XXXV.

Quibusdam monitis ad Anonymum Scriptorem propofita difputatio abfolvitur.

Præmonueram in Præfatione Opusculi *de Privilegiis Romani Pontificis*; quod *fi quidquam asperum calamo excidere contingeret, parcerent Eruditi*; Non enim ad contumeliam dictum velint, sed ad vim argumenti revocandum esse probabunt: Hoc satis esse poterat, ut quisquis intelligeret, nihil detractum iri Auctoribus, sed opinationi jam dudum, & iterum censuris debitis, & proscriptione multatæ. Neque fas erat (Proborum sapientum advoco iudicium) Censores, & proscriptiones latas jocosè traducere, quia neque Filii, neque Discipuli erga Matrem, & Magistram Apostolicam sedem sapit indolem.

Opus in Præfatione notatum sub nomine Benigni Bossuet Episcopi Meldensis alteri adjudicavi, quia plures Apologiæ in Galliis editæ satis me docuere. Hæc latent Anonymum. Inscientiæ venians. Cæterum quum deformis opinio culpa non caret, & au-

O 3 cto-

(1) loc. cit.

cloritatem promptissime detestor, etsi infu-
latam.

Quid autem docendum, & tenendum sit in judicio infallibili de facto dogmatico, de quo agit Anonymus §. 9. pag. 54. opere præteritum iterum est, post superius dicta sermonem instituere de sensu doctrinæ & de sensu Auctoris, seu ab Auctore intento, diverse ille contendit disquirendum esse in facto Dogmatico; quia inquit, primus a Sacra scriptura, vel Patrum traditione, Decretisque Ecclesiæ emergere debet; Secundus vero per Leges Grammaticæ, vel Critices artem statuendus est. Sed distinctio futilis erit, si animadvertatur utrumque sensum doctrinam concernere, & ab eodem doctrinæ fonte effluere, necesse sit. Hic non est Sermo de una, vel altera propositione, quam præcipiti calamo excidere contingeret; sed de libro, in quo fusa, & continuo prava, vel sancta doctrina continetur, momentis suis asserta, & stabilita; puta, in pravis, liber Institutionum Calvinii, & hujusmodi. Perinde est in Sanctis confutatio Pelagianis objecta a Divo Augustino pluribus in libris. Etenim quemadmodum dicimus locutum Deum in Sacris paginis, ita loquentes Sanctos Patres in libris suis audit Ecclesia ad traditionem firmandam: Ne cogamur evertere traditionem Ecclesiasticam, quæ est unum

ex

ex præcipuis fundamentis Doctrinæ Catholicæ. Quidni igitur videt, & audit Ecclesia blasphemum Calvinum in suis Institutionibus, adeo ut nequeat Ecclesia definire, & sensum libri, & sensum Calvini, ut hæreticum, & impium infallibili Judicio? Nonne pariformiter Calvinum loquentem intelligimus in libro Institutionum, quas sacrilege scripsit?

Uterque itaque sensus, & libri, & Auctoris ab eodem corrupto fonte dimanat, & eandem pravitatem doctrinæ loquitur; estque unus, & idem sensus cum sacris Paginis, cum traditione, & dogmate conferendus, ut cum istis pugnare percipiatur. Leges Grammaticæ, vel Criticæ artes potius interserviunt ad Criterium libri, quam ad Criterium Auctoris; unde comperto sensu libri per artem, qua verba scripta pravam doctrinam aperire dignoscuntur, & hanc cum Catholico Dogmate pugnantem intelligimus, statim unico contextu reum Auctorem cognoscimus, dignumque ejusdem cum libro sensus censura juxta Maximi Aquilejensis Episcopi sententiam in Synodo Lateranensi sub Martino I. latam ad versus Monothelitas secret. 1. *Ita namque Dominus ait, ex ore tuo judicabo te, & ex verbis tuis justificaberis, & ex verbis tuis condemnaberis. Contra Theodorum & Origenem in Santa V. Synodo accusator quidem*

nullus, sed tantummodo eorum conscripta ad accusationem ipsorum, & reprehensionem suffecisse noscuntur.

Hæc porro inferunt infallibile prorsus evadere judicium, siue Romani Pontificis, siue Concilii Generalis super facto Dogmatico, vel sensum libri, vel sensum Auctoris, aut ab Auctore intentum, vel utrumque sensum comprehendente; ne asseramus aliam esse doctrinam in libro deprensam, & aliam esse doctrinam Auctoris in eodem libro loquentis: ex quo necessario prodiret, tum laudem, tum probrum, vel tantum percutere folium inane, quod vento rapitur, vel Scripturas, traditionemque sine Auctore spatari in Ecclesia, vel Populorum frustrari fidem, quum Ecclesia eos docet execrationem, & detestationem Arij, Nestorii, Calvinii, Lutheri, aliorumque ejusdem furfuris Hæresiarcharum, quod est nimis absurdum.

Præterea admissa distinctiuncula, quod in facto dogmatico jus, nempe doctrina, subijci possit infallibilitati Judicii, ne utique factum, nempe sensus Auctoris, aut sensus ab Auctore intentus, liberum hæreticis fieret a lato judicio resilire, & apolo-
gias impune pro Hæresiarchis contexere in Fidelium perniciem: Quemadmodum post Concilium Nicænum conati sunt pro impiissimo Ario, Eusebius, & Theognius,

ut

ut alibi adnotavi (1) . Ita plane censui , quum nonnullæ propositiones auditæ sunt , vel rejici , vel probari a Romanis Pontificibus , quia callida Proponentium ars , vel sincera aliorum expositio alterutram exigebat sententiam , ut supra innui . (2) Et ubi de judicio aliquorum Auctorum aliquam difficultatem excitari contingat , cautum quoque est apud Controversiarum agitantes , contendere quoque , nondum finali judicio damnatum , proscriptumque fuisse Auctoris nomen : Neque proinde dicendum est , aut errasse , aut errare potuisse Romanos Pontifices , vel Generalia Concilia .

Vigilium PP. hæsisse in facto dogmatico trium Capitulorum , quum judicium discretorium ageret , late in superioribus (3) disferuimus ; sed aliquando errorem admisisse in Judicio decretorio , aut admittere potuisse , nemo dixerit Catholicus ; quidquid haud digesta quæstione nonnulli male distinguentes inter factum simplex , & factum mixtum cum Jure , protulerint : Etenim semel dato , quod Ecclesia possit errare in facto dogmatico , non est cur negetur etiam potuisse errare in facto Janseniano : *de quo prodigio falsitatis , quis non videat ,*
que

(1) Sup. §. 25.

(2) §. 14.

(3) Sup. §. 14.

quæ opinionum monstra nascantur? Cum Magno Leone (1) ingeminabo. Quod si nonnunquam consuevit Ecclesia proscribere libros, parcendo Auctorum nomini, ut contigit Theodorito Cyrensi, Iba Edeffeno, Jansenio Iprensi, & aliis quampluribus, hoc ideo est, quia compertum fuit, primos dixisse Anathema Nestorio in Concilio Chalcedonensi, quem prius defenderant; postremum subjecisse Judicio Sanctæ Matris Ecclesiæ omnia per ipsum scripta. Qui usus parcendi Auctorum nomini adhuc viget, maxime quum de eorum pertinacia nullum scatet argumentum. Videantur dicta differt. 2. Sequent §. V. & de his satis.

Cætera prætermitto. Exempla quippe Sacramentorum, quæ interpretationem Theologorum admittunt, circa intentionem aliasque circumstantias in eorum valido usu, quas necessarias simpliciter exigunt, non docent, ad circumscribendam limitibus Dignitatem, Auctoritatemque Romani Pontificis. Iis prævit traditio Patrum, & Ecclesiæ: Huic adversus traditionem, & Ecclesiam morosa dumtaxat conjectatio incumbit: Meminerit tandem censurarum spicula infra sub oculos collecta (2), quæ jecit, & jacit ferme tota Ecclesia; & interim cum Magno Leone (3) conclama-

(1) Epist. 25. ad Jul. Coonf.

(2) In append. c. 8. & 17. (3) Epit. cit. ad Jul.

mabo *Præstabit*, ut credimus, misericordia Dei, ut absque cujusque Animæ detrimento, possint adversum Diaboli dolos, & sana defendi, & vulnerata curari.

§. XXXVI.

Postremum monitum Anonymo Scriptori pro veritate subijcitur.

Veritas, quæ suo nitet splendore, non indiget Scriptorum opinantium conjecturis, quando per sese nitide fluit ex Evangelico Textu, Patrumque perenni traditione, præterquam quidquid innovatur, perinde est umbris, & nebulis suffundi potius, quam splendidus corruscare. Ita plane contingit, quum Papæ infallibilitatem pugnantibus opinionum placitis quis contendit statuere; deinde cogitur illam, vel penitus evertere, vel immoderate ad incitas reducere, positis terminis, quibus circumscribi in animo est.

Auctor Opusculi, cujus in Epigraphe legitur: *De Romano Pontifice fallere, & falli nescio, constituit pag. 31. infallibilitatem in fide datam esse Petro, & Ecclesiæ simul.* Mox fatetur pag. 9. haud ægre concedere posse esse Pontificem errantem, quin Apostolica sedes, seu Ecclesia Romana in errore necessario consocietur. Ubi pri-

primo nervose evicit errorem dicentis Papæ in universam Ecclesiam perniciem diffusurum, pag. 6. Postea ex lapsu Papæ non infici Ecclesiam Romanam, aut sedem Apostolicam statuit. Deinde cap. 4. pag. 18. vult Petrum datum esse a Christo, ut Caput, Pastorem, & Doctorem Universæ Ecclesiæ: & mox excipit Ecclesiam Romanam intra ambitum Urbis conclusam, de qua prædicat pag. 9. quod *ipsamet sit Romana Ecclesia docens, judicans, & pronuncians*. Ergo Ecclesia hæc præ universali Ecclesia privilegio infallibilitatis, & Universalis Doctoris gaudet, incapax errore Papæ infici, quod universali Ecclesiæ minime conceditur, & si simul cum Petro infallibilitate donata asseratur. Hic recolenda sunt, quæ diximus in superioribus Paragraphis 6. 7. 8. 9. 27. & 28. ubi diffuse explicatum est, quomodo a Patribus, Romanisque Pontificibus acclamatum est Ecclesiæ Romanæ ut ab errore immuni.

Ad hæc: si Ecclesia hæc Romana simul cum Papa est ipsa docens, atque definiens, coarctat procul dubio Pontificiam infallibilitatem, illique eam asserit, vel mutuam cum Papa eam constituit, ac complet per modum unius principii in genere causæ efficientis, ut per se patet. Quomodo id negat Anonymus pag. 47. conceptis verbis, dicens: *Quamquam Ecclesiæ Romanæ assensum necessa-*

cessarium dixerim . . . assensum tamen illum , non originem , non causam effectricem infallibilitatis Pontificiæ dixi ? Eccur intentio in Ministro non est dicenda effectrix causa Sacramenti , si ipsa est veluti forma , unde constituitur Minister in actu causa Sacramenti ? Etenim licet per characterem institutus sit potens ad Sacramenta conficienda , ut tamen ea actu conficiat , per intentionem formatur , ne mimo ludenti videatur similis.

Iisdem vestigiis insistens Anonymus §. 3. pag. 15. & §. 5. pag. 37. nimia solitudine urget, Cardinales , Consiliarios Pontificis dici , & Coniudices Orbis , ex quorum assensu universam regit Papa Ecclesiam , ac si a Christo infallibilitatis dono fuerint insigniti , ut in ipsis , & per ipsos sit Ecclesia Romana docens , definiens , ac pronuntians. Verum ubi sunt periti illi , ac sapientes , five mitrati , five non , qui pag. 18. ad consultationem vocandi sunt , ut consilio iudicium ferre debeant , ipsamque Ecclesiam Romanam pronuntiantem instituere ? Cur & ipsi Coniudices orbis , & Papæ Consiliarii pag. 15. non vocantur ? Nonne & ipsi consilium , assensumque dare ex formula adstringuntur ?

Judex quilibet se dicit pro Tribunali sedentem , quum sententiam profert . Tribunal habet notarium , & fisci Advocatum in
Cri-

Criminalibus saltem, & in civilibus disputationibus habet clientes, consulentes, & hujusmodi. De Peritorum consilio Judex pronunciat sententiam subscribens: *Ego pronuntiavi*. Dicat nunc Anonymus, si sessio pro Tribunali, si Tribunal, si Notarius apprimere in causa finienda necessarius, si consulentes, qui ut plurimum in libris loquuntur, ac Judicem ducent, etsi vita functi, si Clientes, si Assidentes studio, habiti sunt unquam, & habeantur, ut conjudices in causa? Nemo erit Hominum, qui Modestinum, Labeonem, Ulpianum, aliosque legum conditores nec non codices consulentium, & repetentium cogat ad constituendum judicem docentem, & una simul pronuntiantem.

Quid tum, si ad circumscribendam Pontificiam infallibilitatem etiam Paradoxa fingere placeret? Sed quomodo præter omnes regulas statuendum est, per paucos Theologos, per paucos Cardinales conflari Ecclesiam Romanam una cum Papa pronuntiantem de fide; & eam infallibilitatem Petro donatam a Christo prorsus deleri, nisi cum Theologo, nisi cum Cardinali, nisi cum Consulente, aut Mitrato, aut non Mitrato Papa sit docens, & de fide pronuncians? Superi adestote!

§. XXXVII.

Auctoritates per Anonymum allatae penitus ponderantur.

Persensit periculum hærendi in aqua Anonymus destitutus præsidio opinantium Scriptorum, circa iudicium Romanæ Ecclesiæ una cum Papa, idcirco in aliam viam dilabitur, (1) in qua nonnullos faventes sibi conciliare conatur, quum dicunt, consultationem esse medium, vel conditionem, sine qua adpromissa gratia infallibilitatis in definitione de fide non aderit. Clavus Clavum detrudit: It recens opinatio præcedentem de conjudicio Romanæ Ecclesiæ expellit. De hac iterum ultra prædicta in mox præcedentibus Paragraphis 32. & 33. nonnulla contexere placet.

Primo inter citatos (2) ab Anonymo Doctores, expungendus est a Catalogo Melchior Cano, quem in superiori §. 34. perspicue vindicavi ab impactu novellæ opinionis præsidio. Item expungendus est Jo. Viguerius, qui, ut dicitur pag. 11. infallibilem censet Pontificem, quando observat ritum in Conciliis Apostolorum, videlicet, quum vocat Concilia Episcoporum. Aliter, vel

co-

(1) Cap. 4. pag. 17. & 42.

(2) pag. 42. n. 4.

cogetur Anonymus omnia Decreta, & Bullas Dogmaticas extra Concilia latas circumferre, atque delere: Vel cenforem habebit Augustinum Pelagianos fugillantem: (1) *Quasi nulla hæresis aliquando nisi synodi congregatione damnata sit, cum potius rarissimæ inveniantur, propter quas damnandas necessitas talis extiterit*: Mirandum sane est, quod hujusmodi præsidia congerantur, quæ destruunt Auctoris intentum.

Expungendus quoque est Silvester Prieras, qui, ut dicitur pag. 22. liberum relinquit Pontificis arbitrio adhibere, vel Galeatos, vel Mitratos assidentes, adeoque non cohæret Auctori, neque Anonymo, qui omnino Eminentissimos Cardinales assumendos esse arbitrantur; ut in locis superius citatis diserte constat. Imo expungendus est & ipse Anonymus, qui pag. 26 ex Silvestro errantem Anastasium secundum traducit, ut pote inconsultus communicasset Acacio; quia hanc ut puram putam fabellam rejiciunt, Baronius, Natalis, Pagius, alique eruditi, sicut & quod divino nutu percussus obierit.

Expungatur Cardinalis Albitius, qui loco citato Anonymum pag. 13. diserte n. 24. cum Melchiorre Cano pronunciat: *Neque oportet esse sollicitum, an summus Pontifex debitam diligentiam adhibuerit, & consulue-*
rit

(1) l. 4. ad Bonif. c. 12.

rit rem cum Peritis ... maxime enim spectat ad Divinam Providentiam ut non permittat omitti examina, & diligentias debitas. Quasi ipse Pontifex per se se præstare valuerit, nil ultra petit de necessitate Albitius. Expungatur Cardinalis Bellarminus citatus pag. 12. quia referens aliorum opinionem dicit, illos censere Pontificem debere facere, quod in se est, consulendo viros doctos, & peritos: verum statim subdit, procul dubio non posse Pontificem temere definire, quia qui promisit finem, tenetur, & media promittere, ergo consentit iudicium finiri, siue per consultationem, siue propria ipsius Pontificis diligentia, juxta doctrinam Magistri Cano jam superius discussam. Expungatur Cardinalis a Turrecremata cit. pag. 19. qui præcise loquitur, prout ordinarii moris est, ut explicant illa verba: *Et maturitate Consilii, quod in bujusmodi arduis materiis, quæ fidem tangunt cum Cardinalibus, & aliis doctis Patribus Romanus Pontifex semper habet;* Itaque de præsentī. An autem S. Leo, vel quis similis in posterum possit proprio studio res fidei discutere, ac definire, neque inquit, neque disputat a Turrecremata; certissime non discessurus a doctrina Magistri Cano.

Expungatur Jo: Driedo citatus pag. 27. qui nihil Anonymo favet, quia de alieno consilio nihil petit, sed tantum urget maturitatem, moderationem, & gravitatem

P con-

consilii, sapientiæ & deliberationis in fidei negotio, ut rectum iudicium proferatur. Totum impletum fuit a S. Leone, ut probatum est. Ergo Peritorum alienum consilium non est simpliciter necessarium pro indeficientia Romani Pontificis. Ubi autem Driedo subdit, posse Papam, *ut homo est*, prædictum modum deliberationis omittere, absque dubio de Pontifice Leone Magno, vel de Gregorio Magno non est locutus, & ideo addi, *plerumque liceret literas Mandatorum Papæ definientis examinare*, si plerumque, nempe, quando Papa, ut homo privatus deliberat; ergo non semper hæc suspicio futura creditur.

Expugnatur Cuperlius citatus ab Anonymo pag. 28. qui docet duas claves datas esse Petro a Christo Domino: una potestatis, alia discretionis. Optime. Mox infert Papam oportere Consilia Cardinalium exquirere. Tum sic insurgo. Si Clavis discretionis est propria Petri, quo jure ex necessitate consulendi sunt sub pœna infallibilitatis delendæ? Probet Anonymus clavem discretionis collatam esse a Christo Cardinalibus, ut possint dici Consilarii necessarii Papæ, alias cum Cuperlio nihil proficit.

Expungatur Stanislaus Hosius citatus pag. 29. qui tantum loquitur de Julio, & Pio, non de Magno Leone, aut de Magno Gregorio. Ubi Papa par sibi non est ad enodandas

das

das difficultates, vel traditionem excutientiam, utique habet florentissimum Clerum, ad dirimendas quæstiones idoneum, ut sæpius dixi. Sed quorsum hæc ad inducendam necessitatem absolutam consilii; quando de sapientiori Pontifice loquendum est, qui scientia totum Clerum excedere potest? legatur Epistola Dogmatica Agathonis Papæ ad Constantinum Pogonatium relecta in VI. Synodo actione IV., & quisquis percipiet, an possibilis sit Casus, in quo Pontificem Clero suo præcellere Sapientia contingat.

Expungi etiam debet ab opinione Anonymi Alphonsus a Castro citatus pag. 31. ubi integrum Collegium Cardinalium ad consultationem præviam assumendum requirit. Absurdam sententiam & ipse Anonymus rejicit, licet eam ad suum propositum pertrahere sit conatus. Alphonsum a Castro exprobrat Bellarminus loco citato, tamquam insensum Pontificiæ indeficientiæ, ut pote docentem, Pontificem ut Pontificem posse errare, & errasse definiendo absque Concilio Generali.

Expungi debet Andreas Duvallius cir. pag. 32. qui eodem loco ab Anonymo citato destruit istius intentum dicens, posse esse Pontificem ita doctum, ut se ipso *tamquam ex Cathedra possit definire*. Quid hoc juvat Anonymo contendenti, ut necessariam sim-

pliciter Peritorum Consultationem! Hanc tamen exquirat in materia excedente caput Pontificis, cui non refragor; sed juxta laudatum Cano.

Dominicum Gravinam cit. pag. 35. omnino expungere oportet ab inveſta opinione. Nunquam ipſe dixit, Peritorum conſultationem neceſſariam eſſe ſimpliciter ad infallibile Judicium Papæ præformandum. Quod adeo verum eſt, ut art. x. in fine dixerit: *Secunda vero ſententia veritatem continet, ſi ſermo ſit de ſufficienti notitia, quam prærequiri non eſt dubium, ſive propria, ſive aliena informatione miniſtrata, ut oſtendimus, & hoc ſtatim eſt, ut non inanime definiens Pontifex aſſeratur inſtrumentum; & ſic omnia conſonant.*

Expungatur Dominicus a Sanctiſſima Trinitate cit. pag. 11. qui immediate ad verba ab Anonymo allata, ſtatim ſubdit: non teneri tamen Papam Cardinales conſulere *ex rigore, & neceſſitate*. Deinde ſect. 4. cap. 16. §. 5. ubi ex profeſſo agit hanc quæſtionem, aut Concl. 8. *ſi Pontifex ita doctus ſit, ut ſe ipſo adæquat eiſus definitioni diligentias præſtare poſſit, tunc nemine in conſilium vocato, niſi forſan ad melius eſſe, infallibiliter eum poſſe definire crederem: ut quid hæc diſſimulantur?*

Ad Chriſtianum Lupum cit pag. 39. nunc inſectit ſermo. Hic Auctor loco citato nihil

hil aliud quærit, nisi quid intellexerit Gregorius VII. in dictatu suo loquens de Ecclesia Romana, & Apostolica Sede. Ibi ostendit, qua majori, vel minori amplitudine accipi possit Ecclesia, vel sedes Romana nempe, vel pro Universali, aut Patriarchali, aut Metropolitana, aut Episcopali jurisdictione; & ideo ait ibi, intelligi locutum Gregorium pro sede habente suam synodum, quarum ipse est Præses, os, & lingua, dum ex assidentium judicio, ac suffragio aliqua profertur decisio. Quo dicendi modo etiam ex Cathedra loquitur Papa. Quid ad rem, de qua agitur, conferat Lupi sermo, nullus percipio. Nunquam dixit Lupus, Cathedram Petri semper involvere Synodum, ita ut sine Synodo, aut sine Consistorio Cardinalium nequeat de fide decernere. Igitur & hic Auctor expungatur a Catalogo recitato pag. 42. quia verius percipitur, seriem Doctorum inductam evertere opinionem ab Anonymo susceptam, quam defendere.

Cherubinus Romanus tandem producit pag. 40. Hic advocat ad consulendum indefinite, *maiores natu Ecclesiæ Romanæ, & Urbis*. Itaque totum Patriarchicum, Metropolitanum, & Episcopalem Cœrum Pontificis Romani ad constituendam infallibilitatem ejus judicii, compellit; & quum deicere Pontificiam infallibilitatem nequeat, saltem orbem commovere intentat.

Estne ferendum, quod ab Auctore Catholico adeo confidenter deleantur tot Decreta, & Dogmaticæ constitutiones hucusque emanatæ, & impofterum emanandæ abque tam folemni confultentium coadunatione, & inquisitione? Igitur & ifte expungendus eft.

Sed quid luculentius dici poteft ad everfionem affumptæ opinionis, quam ipfius Anonymi recessus a priori fuo fenfu? Videns enim, ac probe fciens productos Doctores minime probare neceffitatem fimpliciter alienæ confultationis ad infallibilitatem Iudicii Pontificii, & pugnare ex adverfo Epiftolæ Magni Leonis exemplum toties fuperius laudatum, aliam, nempe, tertiam viam init, per quam fapientiffime amplectitur fententiam Magiftri Cano, dicens pag. 44. *In eadem cum Melchiore Cano Sententia fui femper l. 5. de locis Theologicis infcripta. Præftat femper Romanus Pontifex, quod in fe eft, dum de fide pronunciat . . . five a Deo, five ab homine expectetur.*

Quid auctem docuerit in hac re doctiffimus Cano, jam fupra late expofui. Et fanè nil aliud pro veritate infallibilitatis Pontificiæ, citra cavillandi periculum, dici poteft, quam in fententia Cano perfiftere, cui omnes cordati Auctores cohærent; nifi velimus Ecclefiâ hanc Romanam ad Aftrocratiam, imo Democratiam impellere, ubi-

subituri deinceps execrationem millies laudati Episcopi Meldensis, (1) adversus Basileenses latam, simulque cum istis *ad banc vesaniam* devenire, & pulcherrimam Ecclesiæ Monarchiam, politiamque nobilissimam abolere contendamus, quod absit.

Hucusque dicta ad plenioræ interjectæ quæstionis solutionem tantum accipi velim: (2) *ut dum ea, quæ Catholica fides respicit, improbatis, intelligamus vos veris amicitiores esse, quam falsi; & id merito refutare, quod ex antiquæ institutione doctrinæ etiam ipse detestor.*

(1) Raynald. ad an. 1441.

(2) Leo. M. Epist. 97. ad Monach. Peleg.



232
DISSERTATIO
SECUNDA
DE
ROMANI PONTIFICIS
AUCTORITATE
SUPRA CONCILIUM.

§. I.

*Quæ , & qualis sit quæstio de auctoritate
Romani Pontificis supra Concilium
etiam Generale .*

Nonnulli ex Theologis dissident ,
num quæstio de auctoritate Roma-
ni Pontificis supra Concilium dis-
jungi possit ab altera de ejusdem
infallibilitate , quum ex Cathedra , super
controversiis ad fidem , vel mores spectan-
tibus , supremum profert judicium . Alii
enim unam ab altera separare non dubi-
tant , & alterutram vel rejicere , vel defen-
dere aggrediuntur , quin alteram probare ,
vel improbare , ut sibi blandiuntur , cogan-
tur . Verum , ut opinor , hoc jus permit-
tendi ,

tendi, quod malit opinio in his quæstionibus, abhorret a vero. Longe enim distat ab iis principiis, & Theorematis, quibus utraque quæstio necessario constabilienda est; utpote utrique communibus, ac per viis. Qui igitur infallibilitatem Romani Pontificis in docendo ex Cathedra tuetur, ejusdem etiam superiorem auctoritatem ad Concilium prædicare debet.

Quæstionis præsentis caput in eo potissimum constitutum est: an summus Pontifex ex Privilegio jure successionis a Petro derivato, & ipsi Petro a Christo donato, nedum sit Pastor universalis Ecclesiæ, quoad omnes agnos, nempe Fideles in illa comprehensos; & quoad omnes oves scilicet Pastores, ad regendos particulares greges institutos, divisim numeratos; sed etiam ita sit Universalis, quoad omnes Fideles, & omnium Ecclesiarum Pastores collective acceptos, ut etiam si omnes coadunati sint in Concilio Generali, sub Spiritus Sancti invocatione, universam Ecclesiam per Orbem dispersam repræsentantes, attamen ipse Romanus Pontifex supremus sit supra totum Concilium, tum auctoritate primatus Apostolicæ Sedi debiti, tum potestate jurisdictionis in totum illud spectabile corpus exercendæ. Quod idem est, ac dicere: esse superiorem Concilio etiam Generali, tam dignitate auctoritatis, quam potestate jurisdictionis.

tionis: eamque Pontifices Romanos nedum posse exercere, sed adhuc perpetuo exercuisse, ut est, & juris sui erat.

Ut in præcedenti dissertatione tetigimus, mos erat tantum hæreticorum arrogantiae, & petulantis æstus provocare a sententia Romani Pontificis ad Generale Concilium, quemadmodum a Pelagianis, & Donatistis factitatum prodit Ecclesiastica historia. Per hujusmodi appellationes certo certius superiorem Judicem gestiunt esse Concilium, cum nemini jura permittant, vel ad inferiorem, vel ad æqualem Judicem, seu Tribunal expostulare. Sed primi, qui ausi sunt in Romani Pontificis supremam auctoritatem, jurisdictionemque sævire, fuerunt Ariani Eusebiani, qui se subducentes e Concilio Sardicensi, Philippopolim convenerunt, ibique anno 347. (1) conventu habito, quem Sardicensem Synodum non erubuerunt nominare, Julium Papam anathemate percellere ausi sunt. Hac insolenti agendi ratione Pontificem Romanum subesse Concilio indigitarunt.

Quo fato hæc appellandi prurigo ad Catholicos tandem devenerit, non est hujus loci differendi tempus. Extra dubium tamen est, nonnisi ex inobedientia, contumacisque animi effervescencia filiorum erga Patrem, subditorumque erga supremum Pa-

(1) Sozomen. l. 3. c. 10.

Pastorem, contigisse dissidia, unde appellandi conatus suborti leguntur. Qui hanc noxam studuerunt detergere, duplicem modum appellandi adinvenerunt. Unum per provocationem ad Concilium excluso Papa; alterum per expostulationem ad Concilium, ipso Papa præsidente, & capite. Primum appellandi modum, ut schismaticum agnoscunt, & reprobant: Alterum, ut juri consonum admittunt. Futilis plane distinctio. Schisma est provocare ad Concilium sejunctum a Papa, nec vidente, nec præsidente; ecurr flagitiosius crimen non erit, subjicere Papam præsentem, vel præsidentem Concilio, auctoritate sua adunato? Est ne prætereundum illud Innocentii I. ad Victricium Rothomagensem: *sine præjudicio tamen Romanæ Ecclesiæ, cujus in omnibus debet reverentia custodiri?* Est ne silendum illud Ivonis Carnotensis Episcopi in hæc verba scribentis? (1) *Judicia Romanæ Ecclesiæ a nemine foris retractari posse, eadem Romana Ecclesia docente didicimus. Si qui aliquando se prægravatos ex ipsius Ecclesiæ auctoritate conqueruntur, hoc eis consilium damus, ut non descendant in Ægyptum propter auxilium, sed ab ipsa ad ipsam confugiant, & inde expetant levamen, unde se conqueruntur accepisse gravamen. Quoniam quæ aliquando corripit paterna severitate, eadem* fre-

(1) Ep. 159. ad Paschalem 11.

frequenter colligit materna pietate.

Idem Sanctissimus Antistes, Pontificem Romanum alloquens ait: (1) *Non est meum adversus vos intrare in judicium. Malo enim Episcopatu renuntiare, quam iram vestram juste, vel injuste sustinere.*

Quæ omnia sigillat S. Thomas Cantuariensis, ad Gilbertum Londoniensem Episcopum scribens: (2) *Non est sub Sole qui de manu Summi Pontificis possit eruere. Solus infidelis, aut qui eum superat, hæreticus, aut schismaticus Apostolicis obtrectat obedire mandatis. Adeo præclara testimonia, esto alibi recensita, nunquam piget repetere.*

Prosequamur cætera quæstionem respuccientia. Luctuosum schisma sub initium sæculi decimiquinti, ob trium Pontificum, de Papatu contententium æmulationem acerrimam, impulit plerosque doctos viros, ad excogitandam viam, qua validius expedire possent Ecclesiam ab illa teterrima Fidelium scissura. Præivit Academia Parisiensis, cui etiam Bononiensis se adjunxit, docendo, teneri contententes Pontifices, qui tunc temporis, nimirum anno 1409. erant tantum duo, Gregorius scilicet XII. & Benedictus XIII. ut nominabantur, renuntiare Papatu; & quatenus recusarent, subji-

(1) Epist. 67. ad Urbanum 11.

(2) l. 1. Ep. 122.

ci Concilio, tanquam schimatis auctores, hæresisque suspectos; adeoque, ut de his criminibus manifestos Reos, ab Ecclesia judicari, & destitui posse. Coacto deinde Pisis Concilio dictum fuit in illos depositio- nis, seu dejectionis judicium. Res minime voto cessit; etenim dejecti Pontifices in sua, ut tunc dicebatur, obedientia perstiterunt: & quum electus fuisset in Pontificem Petrus de Candia, Alexander V. nuncupatus, flagitiosum schisma vires ampliores recollegit, in Geryonis monstrum translatum. Tandem in Concilio Constantiensi reddita est pax Ecclesiæ, perstante tamen opinio- neutrique Concilio, ut aliquibus videtur, innixa de auctoritate Concilii supra aucto- ritatem Papæ; de quibus fusius alibi agen- dum est.

Quid Lutherus molitus sit, ut dignita- tem, auctoritatemque Romani Pontificis de- jiceret, & quaquaversum profcinderet, satis ostendunt illius blasphemiarum, quibus scatent Centones omnes ab eo compositi. Primo gestiit Papam subicere Concilio, quod appellavit; mox quum vidit coactum Tridenti Concilium, illud quoque execra- tus est; reliquens posteris argumentum, ho- mines intemperantis, & indisciplinati in- genii, Judices quidem quærere, ut tempo- ri suam causam commendent, neutiquam ut inveniant ad judicandum paratos.

His

His prælibatis moneo : Nostram constantem sententiam esse, Romanum Pontificem superiorem esse Concilio, potestate, auctoritate, & jurisdictione. Hoc in præsentem, quam adornamus, dissertatione demonstrabimus, & ab objectis vindicabimus.

§. II.

Ex Evangelico Textu Pasce oves meas probatur, Pontificem Romanum superiorem esse Concilio Generali.

NE verbis ludamus; Concilium Generale appellamus, quod legitima auctoritate coactum est, & cui interesse possunt omnes Orbis Episcopi de jure, esto non omnes convocentur, quum sit ferme impossibile. Pro nunc satis est has conditiones proferre ad præsens intentum.

Christus Dominus plura Petro adimpletur promiserat, sed tandem, ut habetur Jo: ult. Pontificium ei tradens, dixit : *Pasce agnos meos : Pasce oves meas*. Ergo omnes, quia omnes Christi sunt. Hæ omnes universitatem, & unitatem constituunt, docente divo Bernardo: (1) *Tu es, cui oves creditæ sunt. Tibi universi (greges) crediti: Uni Unus. Sed & Pastorem. Tu unus*

(1) loc. cit. de Confid.

unus omnium Pastorum . Cum committens uni , unitatem omnibus commendaret in uno grege , & uno Pastore denique Jacobus , qui videbatur columna Ecclesiæ , una contentus est Hierosolyma , Petro universitatem cedens . Sanctus Bernardus doctrinam hanc mutuatus est a priscis Patribus : Nimirum a Sancto Cypriano , qui de Unitate Ecclesiæ scripsit adversus schisma Novatianum , per divisionem Cathedræ Petri , idest Pontificiæ dignitatis , unitatem quoque scindi Ecclesiæ . Mutuatus itidem est a Sanctis Optato Milevitano , & Augustino , qui nerveose contra Donatistarum schisma scribentes , egregie unitatem Ecclesiæ extulerunt , celebrarunt , & tutati sunt , ut incolume unum ovile Christi , juxta fidei regulam , profiteremur .

Hæc igitur est illa universitas , quæ unum ovile constituit sub uno visibili Pastore , cui dictum est : *Pasce agnos meos : Pasce oves meas .* Uni unum , ut docet Bernardus . Quid autem complectitur hoc unum ovile ? Non aliud certe , quam universam Ecclesiam Fidelium , de qua , inquit Bernardus , dictum est : *Una est Columba mea , Formosa mea , perfecta mea : ubi unitas , ibi perfectio .* Universitas itaque Ecclesiæ , unitatem dicens , & explicans , sub uno Pastore degit , ut profiteri necesse est , qui constitutus fuit primo a Christo Domino , nempe .

pe Petrus, & in ejus dignitatis, auctoritatisque plenitudinis privilegium Romani Pontifices succedunt.

Ad nostra redeamus. Si Romanus Pontifex ex divina institutione, ut Pastor eminet unitati, & universitati Ecclesiæ, & ut Pastor, superior necessario est cuncto ovili, tum potestate, tum auctoritate, & jurisdictione; Cur quoque non erit necessario supra Concilium? Concilium quacunque universalitate gaudeat, nunquam omnes Episcopos Orbis comprehendit; nunquam omnes fideles, uno verbo: Nunquam est ipsa Ecclesia Catholica. Propterea ipsum Concilium se dixit, repræsentare totam Ecclesiam. Tunc sic insurgo: Romanus Pontifex, imo ipse Petrus in suo successore adhuc vivens, dignitate, auctoritate, & jurisdictione, ut Pastor a Christo institutus, supereminet, & est supra ipsam Ecclesiam, quæ est suum ovile. Cur igitur dicere quis poterit, non esse supra illud, quod repræsentat Ecclesiam, cujusmodi est Concilium? Qui est supra Prototypum, non erit supra imaginem? Episcopus, qui est supra suum gregem, non erit supra Synodum suæ Diocesis? Rex supremus, qui est supra suum Regnum, non erit supra suum Magistratum? Si hæc non admittantur, actum est de quacunque superioritate, quæ sub Cælo est; omnia fusdeque misceri liberum erit, quod omni.

omnino ratio abhorret, & pertinacissimos quoslibet coerces.

Audio adversarios reponere; Papam esse quidem Pastorem Ecclesiæ, sed insuper esse membrum Ecclesiæ, principale quidem, utpote caput, ideoque non posse esse supra Ecclesiam, quum nullum membrum sit supra corpus. Horrendum dictu! Divus Augustinus contra (1) Donatistas probat, Christum esse Caput Ecclesiæ, istamque esse corpus ejus. Itaque si Christus, ut caput, suam Ecclesiam in corpus suum erigit, Christus ipse non erit supra Ecclesiam. Quis hanc feret consecutionem? Imo dicendum est: Quia Christus est Caput, est supra Ecclesiam: & quia Papa est caput, supra totam Ecclesiam esse debet superior; est enim caput, quia Pastor, quemadmodum Christus est caput, quia est Salvator Corporis, inquit Augustinus. Si igitur, ut Salvator est supra Ecclesiam, etiam, ut caput, eadem superioritate quadebit. Ita quoque de Papa erit dicendum. Si Papa est caput, quia Pastor est Ecclesiæ, eodem jure, quo, ut Pastor, agnoscendus est supra Ecclesiam, affirmandum valide est, supra Ecclesiam esse etiam, ut caput est ejusdem.

Hinc jure a Patribus definitam potestatem Petri legimus, ut totam collectivè Ecclesiam sibi subjectam respiceret. Divus

Q. Joan.

(1) l. de Unit. Eccl. c. 2.

Joannes Chrysostomus de Petro ait: (1) *Ecclesie futurae Pastorem (Christus) constituit: Hunc (scilicet Petrum) universo terrarum Orbi Christus praeponit, cujus causam praeferens, ait: ut futura Ecclesia tot, tantisque fluctibus impetu irruumpentibus immobilis maneat, cujus pastor, & caput piscator Homo, atque ignobilis, terrarum Orbe reluctante, adamantinam naturam firmitate superet. Haec quippe omnia, quae solius Dei sunt, se pollicetur datum.*

(2) S. Maximus Taurinensis: *Quanti igitur, inquit, meriti apud Deum suum Petrus erat, ut ei totius Ecclesiae gubernacula traderentur.*

S. Gelasius PP. scribit: *Pro Sedis Apostolicae moderatione, totius ovilis dominici curam sine cessatione tractantes, quae (3) Beato Petro Salvatoris ipsius nostri voce delegata est, & tu conversus confirma Fratres tuos: Et item: Petre amas me? Pasce oves meas.*

S. Gregorius M. inquit: (4) *Canctis Evangelium scientibus liquet, quod voce Domini ca Sancto, & omnium Apostolorum Petro Principi Apostolo totius Ecclesiae cura commissa est. Ipsi quippe dicitur: Petre amas me? Pasce oves meas.*

Theo-

(1) Hom. inc. 16. Matth.

(2) Hom. 3. in Natal. SS. Petri, & Pauli

(3) Epist. 9. ad Honor. Episc. Dalmat.

(4) l. 4. Epist. 32. ad Mauritium August.

Theophylatus ait (1) *Quum prandii finem ipse (Christus) fecisset , totius Orbis ovium Præfecturam Petro committit ; non autem alii , sed huic tradidit . Unde alibi Petrum Mundi Præsidentem compellat .*

Coronidem addat (2) Innocentius III. ad Græcos Prælatos scribens: *Ad conservandum autem in ea (Ecclesia) mysterium unitatis , unum eidem , Beatum Petrum videlicet , Dominus caput instituit , & Magistrum , cui oves Christi , dicente Domino , Pasce oves meas , sunt sine distinctione commissæ ; alienis ab ovili dominico reputatis , qui Petrum in suis successoribus non agnoscunt Pastorem .*

Frustra in re adeo manifesta ulteriora quærimus testimonia .

§. III.

Ex quo Romanus Pontifex est Vicarius Jesu Christi , supra Concilium est .

Pius IV. Pontifex Maximus, juxta mentem Concilii Tridentini formulam edidit Professionis Fidei ab omnibus Episcopis , & Synodis , aliisque , in Fidei suæ testimonium , recitandam . De Romano

Q 2 Pon-

(1) in c. 21. Jo:

(2) l. 4. Regest. 16. ep. 105. ad univers. Episc. Græci Imper.

Pontifice ibi legitur : *Romanoque Pontifici , Beati Petri Apostolorum Principis successori , ac Jesu Christi Vicario veram obedientiam spondeo , ac juro .* Ad caput igitur Religionis Catholicæ pertinet , profiteri Romanum Pontificem esse Jesu Christi Vicarium . De Concilio nemo unquam id dixit ; (1) Imo cum ipsum Concilium solide statuerit , se repræsentare universam Ecclesiam , proprie vicem Ecclesiæ referre , de Concilio affirmabimus . Quo posito , ulteriora ita persequor : Pontifex Romanus est Vicarius Jesu Christi : Concilium generale est veluti Vicarius ecclesiæ (si fas est dicere ad explanationem argumenti :) Si Concilium est supra Papam , necessario Ecclesia est supra Christum . Ubi enim vicarium Ecclesiæ præferri oporteat Vicario Christi , Christum subijcere Ecclesiæ cogimur , ne deterioris admittatur conditionis principale , quam accessorium , Ecclesia scilicet ipsa , quam Concilium , contra omnia Jura . Quis hæc figmenta vorabit ?

Explicat Sanctus Leo M. (2) quam emnens fuerit illa potestas vicaria , qua a Christo Domino donatus fuerat Petrus , quem in hæc verba nomine ejusdem Christi alloquitur : *sicut Pater meus tibi manifestavit divini-*

(1) In act. Conc. Constantien. Pisan. & Basileen .

(2) Serm. 3. de anniv. assumpt.

divinitatem meam, ita & ego tibi notam facio excellentiam tuam. Quia tu es Petrus; idest quum ego sim inviolabilis Petra, ego lapis angularis, qui facio utraque unum, ego fundamentum, præter quod nemo potest aliud ponere, tamen tu quoque Petra es; quia mea virtute solidaris, ut, quæ mihi potestate sunt propria, sint tibi mecum participatione communia. Perspicue extrema hæc verba comprobant, collatam Petro esse plenitudinem potestatis, qua majorem in terris non est adinvenire; est enim potestas Christi eminens auctoritate, fortis jurisdictione, nullis restricta limitibus, propria Unigeniti Filii Dei carne circumdati, participatione cum Petro communis. Ecce quam late patet Petri potestas, atque privilegium! Hanc fuisse Concilio expresse traditam Evangelium nullibi prodit. Adcirco præstare Petrum Concilio, uti Christi Vicarium, ex Evangelio, & ex fidei professione totius Ecclesiæ discimus; neutiquam Concilium Petro supereminere colligimus.

Reponet quispiam, in edita Pii IV. fidei professione legi adhuc: *Sanctam Catholicam, & Apostolicam Ecclesiam Romanam omnium Ecclesiarum Matrem, ac magistram agnosco.* Quibus verbis satis intelligitur, a quo doctrinam, & magisterium expectare fideles teneantur, & in quem suæ fidei firmitatem referre debeant acceptam, superio-

remque Papæ agnoscere . Fallitur tamen quisquis hæc exadverso opinatur . Non infior, fidelium officium esse, agnoscere Ecclesiam Catholicam, nempe universalem, ut certissimam Matrem, in ejus gremio vivimus, & ut infallibilem magistrā, cujus doctrina imbuimur . Cardo tamen difficultatis est, quodnam sit discrimen inter magisterium Ecclesiæ Catholicæ, & Magisterium Romani Pontificis, ac inter utriusque infallibilitatem . Ecclesia Catholica sub Papa ut capite edocta a Christo, ejusque Apostolis de fidei mysteriis, ea tradit filiis suis, & sine invidia communicat, ut omnes idipsum sapiant, & in unitate fidei adulescant . Huic magisterio debetur infallibilitas, quam Scholæ phrasi vocamus passivam, prout unusquisque profitetur, amplecti, & credere, quidquid credit, tenet, & prædicat Sancta Catholica, hoc est universalis; Apostolica, hoc est ab Apostolis fundata; Romana, hoc est a Romano Pontifice, clavum tenente, administrata Ecclesia . De Romano Pontifice, ut Pastore, & Rectore Ecclesiæ, ejusque Magisterio aliter loquamur oportet . Etenim si emergat aliquod dubium in re vel fidem, vel mores spectante, regulam loquentem, & Judicem infallibilem, infallibilitate activa, hoc est docentis, & finaliter dirimentis, necesse est consulere, qui judicet Judicii veritatem, ut
jussit

jussit Dominus Deuter. c. 17. Hic est Romanus Pontifex, cui in altera parte professionis fidei obedientiam spondemus, atque juramento obstringimur. Huic ineluctabilis veritatis principio, alterum subijciam: Nimirum ipsam Catholicam Ecclesiam, ut universitatem fidelium importat, Romano Pontifici subesse debere, ut Judicium præstoletur, si difficile, & ambiguum quid esse perspexerit, illudque statim ac pronuntiatum sit, amplecti, & sequi. *Neque declinabis ad dextram, neque ad sinistram; qui autem superbiarit, nolens obedire Sacerdotis imperio, qui eo tempore ministrat Deo; & decreto Judicis, morietur homo ille: ut legitur cit. cap. Deuter.*

Porro si ipsa tota Ecclesia obedire tenetur, & profitetur Vicario Jesu Christi in terris, quis audebit Concilium supra Papam statuere, quando Papa supra Ecclesiam judicium exercet, cogitque ad obsequendum? Penitus insideat hoc in animo; nempe quod si universa Ecclesia posset in unum cogi, tota una voce emitteret professionem a Pio IV. editam; Tota sponderet, ac juraret obedientiam Vicario Jesu Christi. Proinde vanum est deicere superioritatem Papæ, quam tota Ecclesia agnoscit, & infra Concilium, quod est quid minus numero tota Ecclesia, illam collocare.

§. IV.

*Ex auctoritate a Romano Pontifice exercita
supra Concilium Generale illius su-
perioritas enuntiatur.*

AD Romanum Pontificem spectare convocationem Oecumenici Concilii, ex jure supremi capitis Ecclesiæ, nemo negabit, nisi hæretica petulantia corruptus, vel omnino Ecclesiasticæ historiæ ignarus. Constat enim, nullum Generale Concilium, sive in Oriente, sive in Occidente coactum fuisse, nisi jubente, aut saltem volente, vel annuente Romano Pontifice; adeo ut de Antiocheno Concilio post primum Nicænum coram Constantino celebrato, sedente Julio I. PP. exceptum fuerit: *Quod Julius Romanus Episcopus ne utiquam aderat, neque quemquam, qui ejus locum suppleret, eo misit; idque cum Canon Ecclesiasticus jubeat, non oportere absque sententia Romani Episcopi decreta Ecclesiis sancire: (1)* Ut refert Socrates. Hinc pluribus eruditis visus est, dictus Canon nonnisi a Patribus Nicænis edi potuisse, quum pauci intercesserint anni inter utrumque Concilium. (2) Nicænorum actorum veritas etiam

(1) l. 4. hist. c. 9.

(2) l. 6. c. 27.

etiam in Capitularibus Gallicanis passim elucet . Aliud tamen testimonium certissimum placet producere ex Concilio Chalcedonensi act. 1. ubi adversus impium Dioscorum pronuntiatur : *Judicii sui necesse est, eam reddere rationem, quia dum personam judicandi non haberet, præsumpsit, & Synodum ausus est facere sine auctoritate Sedis Apostolicæ, quod nunquam licuit, nunquam factum est.* Prætendebat enim Dioscurus Oecumenicam Synodum tenere, quæ omnes in suam sententiam cogeret .

Præcedenti privilegio aliud connectitur, nempe Romano Pontifici, & ipso absente, ejus legatis jus præsidendi Concilio, primumque, & principale edendi suffragium . Ita constat ex act. 3. Concilii ejusdem Chalcedonensis, in quo post relata Dioscori horrenda crimina ad Apostolicos legatos, Julianus Hypæporum Episcopus, ita est interlocutus : *Nunc vestra Sanctitas primatum tenet Sanctissimi Leonis . Omne Sanctum Concilium, & semel, & secundo, & tertio vocavit Dioscorum, & nullatenus voluit obedire . Petimus igitur vestram sanctitatem, qui habetis locum Santissimi Papæ Leonis, promulgare in eum, & regulis insitam contra eum proferre sententiam . Totæ enim universalis Synodus concors efficitur vestræ Sanctitatis sententiæ . Et bis rogante Legato Apostolico Paschasino : Quid de Dioscero placeat*

cet Beatitudini vestræ ? Post plenam Synodum respondit Maximus Anthiochiæ Episcopus : *Quod videtur sanctitati vestræ , & nos concordēs efficimur .* Hinc his auditis tres Legati Apostolici sententiam in Dioscorum , hæreticum , & flagitiosum dixerunt , concludentes : *Unde Sanctissimus , ac Beatissimus Archiepiscopus magnæ Romæ Leo per nos , & per præsentem sanctam Synodum , una cum ter Beatissimo , & omni laude digno , Beato Petro Apostolo , qui est Petra , & crepido Catholicæ Ecclesiæ , & rectæ fidei fundamentum , nudavit Dioscorum , tam Episcopali dignitate , quam etiam ab omni Sacerdotali alienavit ministerio : Similia legere est in Ephesino Concilio , quum Sanctus Cyrillus , tanquam Vicarius , & Præses vice S. Cælestini PP. sententiam contra Nestorium pronuntiavit .*

Tertium privilegium auctoritatis Pontificiæ supra Concilium est , posse indicta Concilia solvere , transferre , vel continuare , prout sibi in Domino expedire videbitur , & tandem acta pleno jure confirmare , vel rescindere . Id liquet ex diplomate edito a Leone X. in Concilio Generali Lateranensi sess. 11. occasione abrogandi Gallicanam Pragmaticam Sanctionem . Incipit Leonis Constitutio per verba : *Pastor æternus ;* Et quia objici poterat , pragmaticam sanctionem approbatam fuisse per Concilium Ba-
si-

sileense, prævenit Leo in hæc verba: *Nec illud nos movere debet, quod sanctio ipsa.. in Basileensi Concilio edita, & ipso Concilio instante, recepta sit.. Cum ea omnia post translationem ejusdem Basileensis Concilii per fel. mem. Eugenium PP. IV. a Basileensi Conciliabulo facta extiterint, ac propterea nullum robur habere potuerint: cum etiam solum Romanum Pontificem pro tempore existentem, tanquam auctoritatem super omnia Concilia habentem, tam Conciliorum indicendorum, transferendorum, ac dissolvendorum plenum jus, & potestatem habere, nedum ex Sacra Scripturae testimonio, dictis Sanctorum Patrum, ac aliorum Romanorum Pontificum, etiam Prædecessorum nostrorum, sacrorumque Canonum decretis; sed propria etiam eorundem Conciliorum confessione manifeste constat: Quorum aliqua referre placuit; reliqua vero, utpote notiora, silentio præterire. In Alexandrina enim Synodo, Athanasio ibidem existente, Felici Romano Pontifici ab eadem Synodo scriptum fuisse legimus: Nicænam Synodum statuisse, non debere, absque Romani Pontificis auctoritate, concilia celebrari. Neque nos latet, etiam eundem Leonem Pontificem Ephesinam secundam Synodum ad Chalcedonensem transfuisse. Martinum Papam Quintum præsentibus suis legatis in Concilio Senensi, potestatem transferendi Concilium, nulla con-*

sensus ipsius Concilii mentione habita, dedisse: Epbesinam quoque primam Synodum Cælestino, & Cbalcedonensem eidem Leoni, sextam Agathon, septimam Hadriano, octavam etiam Constantinopolitanam Synodum Hadriano Romano Pontifici, prædecessoribus nostris, maximam reverentiam exhibuisse; eorundemque Pontificum institutionibus, & mandatis, in sacris Conciliis per eos editis, & factis, reverenter, & humiliter obtemperasse. Unde Damasus Papa, & cæteri Episcopi Romæ congregati, scribes de Concilio Ariminensi Episcopis in Illyrico constitutis, præjudicium aliquod per numerum Episcoporum Arimini congregatorum fieri non potuisse testantur. Quandoquidem constat, Romanum Pontificem, cujus ante omnia debebat spectari decretum, talibus non præbuisse consensum. Eundemque Leonem Pontificem universis Siciliæ Episcopis scribentem idem voluisse apparet. Consueveruntque antiquorum Conciliorum Patres, pro eorum, quæ in sacris Conciliis gesta fuerunt, corroboratione, a Romano Pontifice subscriptionem, approbationemque humiliter petere, & obtinere, prout ex Nicæna, & Epbesina, ac Cbalcedonensi bujushodi, & sexta Constantinopolitana, & septima eadem Nicæna, & Romana sub Symmacho, Synodis habitis, earumque gestis, nec non in Aimari libro de Synodis manifeste colligitur: Quod etiam

etiam novissime Constantienses Patres fecisse constat. Hæc Leo X. quibus addi potest, nuperum Concilium Tridentinum eadem in usu posuisse, summam erga sanctam Sedem explicando demissionem, ac venerationem.

Torquet Adversarios hic modus loquendi Pontificis Maximi in plenario Concilio, omnibus ibi sedentibus, & audientibus, nemine reclamante, aut mussitante; unde argui posset, doctrinam absconam obduci, vel novitatem olentem. Tota Constitutio approbante Concilio edita fuit, quapropter nullus cordatæ mentis inficiabitur, maximum momentum afferre sententiæ, quam persequimur. Reponunt, declarationem Leonis X. non fuisse definitionem dogmatis, cui refragari nefas sit; sed incidentem sermonem ad narrationem tantum spectantem, quia Constitutio unice prospiciebat Pragmaticæ Sanctionis abrogationi, & concordatorum statutis invehendis. Convenio utique; sed ad tam claram sanctæ Sedis, doctrinæ suæ, sententiæque expositionem, nonne quæcunque opinio adversa concidit, & viribus elanguet? Nonne male cautæ mentis est contraire? Nonne causam adeo præjudicatam, audentis ingenii est, velle usque ad contentionem sectari?

Et sane si unum, vel alterum ex allatis privilegiis Romano Pontifici propriis, discutere

tere contingeret, permittere adversariis non dubitarem, potius trahi posse ad Primatus Pontificii eminentiam, quam ad auctoritatem supra Concilium. Sed attenta tot rerum concretionem, & multiplicitatem agendi ratione Papæ supra Concilia, ut superius explicatum est, opinio contraria ejusmodi est, ut fide careat; quod maxime sequenti §. satis perspicuum fiet.

§. V.

Idem præcedens argumentum instauratur.

SUMMI Pontifices, quibus inhæret auctoritas regiminis, & potestatis Ecclesiasticæ plenitudo, Concilia Oecumenica indixerunt, vel per encyclicam epistolam, ad omnes Orbis Episcopos directam, vel per assensum convocationi adhærendo. Porro omnes Episcopi, quotquot sunt in Orbe terrarum, jus habent interveniendi, ad differentiam aliorum inferiorum Conciliorum, in quibus federe nequeunt, nisi illi, qui specialiter subduntur gaudentibus jure aut metropolitico, aut Primatis. Neccessaria semper habita sunt in Ecclesia Conciliorum Generalium convocatio tum ad dogmata constabilienda, tum ad hæreses exterminandas, tum ad disciplinam refarciendam. Petrus, & Apostoli Ecclesiæ exemplum dedere, cum
Hic.

Hierosolymis convenientes coegerunt Concilium super mota quæstione de cæremoniis legalibus observandis, vel abrogandis, ut habetur act. 15. Dixit Petrus, pro primatus sui dignitate, & Pontificia auctoritate, nullatenus esse Christianos subjiciendos oneri Mosaicæ legis: *In cujus sententiam Jacobus Apostolus, & omnes simul Presbyteri transferunt*; Inquit (1) Sanctus Hieronymus: & statim decretum est: *Visum est Spiritui Sancto, & nobis, nihil ultra imponere vobis oneris, quam hæc necessaria, ut abstinere vos ab immolatis Simulacrorum, & sanguine, & suffocato, & fornicatione, a quibus custodientes vos, bene agatis..* En forma Conciliorum, & exemplum.

Hinc alia sunt Concilia, quibus Papa præest, alia, in quibus per suos Vicarios suam supplet absentiam; ex cujus discrimine variæ decretorum formulæ fuerunt in usu: vel pronuntiante ipso Papa sententiam, Concilio consentiente, aut approbante, vel ipsis legatis pronuntiantibus, consentiente Concilio; vel absolute ipso toto Concilio definiente, quæ sancire, aut condemnare opus erat. Non diffiteor, Episcopos ibi assidentes munus Judicis definientis obire, ut docet Melchior Cano, (2) ne cogamur suffragia Episcoporum in commune cum Theolo-

(1) Ep. 89. ad Augustin.

(2) l. 5. de loc. Theol. c. 5. Conc. 2.

ologis, aliisque Doctoribus consulentibus conferre. Verum quomodonam inconcussa hæc decreta in Ecclesia habita fuere? Nisi quia vel Romanus Pontifex edixit, vel quia sua auctoritate, aut assensu decreta roborata existunt? Quum Petrus dixit in Concilio Hierosolymitano, vere *Spiritus Sancto, & nobis visum est*, pronuntiavit Concilium. At enim si Concilium Ariminense, si Balileense Schismaticum pronuntiassent per eadem verba: *Visum est Spiritui Sancto, & nobis*; nunquid doctori veritatis mendacii culpa adscribetur?

Profecto extra dubii aleam est, Concilia, præsentem, & decernentem Papam, nunquam errasse; errasse vero etiam adstantibus, & præsidentibus Papæ legatis, quia infallibilitas Papæ non est legatis communicabilis. Ex Consilio Chalcedonensi id demonstro. Producta fuit act. 9. & 10. Epistola Ibæ Episcopi Edeffeni ad Marim Persam inscripta, & vocati, fuerunt admissi accusatores, qui acerrime Ibam ipsum de pluribus criminabantur; dictumque fuit, eum esse Nestoriana hæresi infectum, atque in judicio Synodi Beritenfis, una cum Scriptis jamdudum damnatum fuisse, nervose proclamabant. Imo lecta eadem Epistola coram Patribus, & neglecto, post accusationem, examine, legati Apostolici generose intercesserunt: *Relecta enim ejus (Ibæ) Epistola agnovimus,*

*mus, cum esse orthodoxum, & hinc decernimus, & honorem Episcopatus, & Ecclesiam, aqua injuste, & absens expulsus est, ei restituendam: Uti factum est. Perlatis Chalcedonenſibus actis ad S. Leonein, cum enixa supplicatione, ut ea plene pro ſuo munere, & auctoritate confirmaret, ipſe, afflatus procul dubio ſpeciali, quo pollebat, infallibilitatis ſpiritu, approbationem, & confirmationem unice præſtitit in ſola fidei cauſa, quæ Neſtorii, Dioſcori, & Eutychetis hæreſes reſpiciebat, & quæ ad conſtabiliendum Catholicum dogma, juxta ſuam epiſtolam latam conferebat. Ita conceptis verbis ſcripſit (1) S. Leo ad Episcopos, qui Concilio adfuerant. Per approbationem, inquit, geſtorum Synodalium propriam vo-
biſcum iniſſe ſententiam, in ſola videlicet fidei cauſa, quod ſæpe dicendum eſt, propter quam Generale Concilium placuit congregari. Clarius ad rem noſtram ſe explicat (2) S. Leo in Epiſtola data ad Maximum Antiochenum, dicens: Si quid ſane ab his fratribus, quos ad Sanctam Synodum vice mea miſi, præter id, quod ad cauſam fidei pertinebat, geſtum eſſe perbibetur, nullius erit penitus firmitatis, quia ad hoc tantum ab Apoſtolica Sede ſunt directi, ut, excuſſis hæreſibus, ca-*

R tho-

(1) Ep. 61. ad Juvenal. cæterosque Epif.

(2) Epiſt. 62.

ibolicæ essent fidei defensores. Eadem ita confirmat Facundus Hermianensis. (1) *Beatissimus Leo scribens, non sententiam super Ibæ epistolam prolatam, neque Episcopatum dicto Ibæ redditum, & cætera, quæ in Synodo Chalcedonensi de quibusdam personis decreta sunt...* attendit, cum diceret, *S. Synodum ad extirpandam solam hæresim, & ad confirmationem fidei Catholicæ congregatam fuisse*. Ex quo factum est, ut de Epistola Ibæ retractaretur in quinta Synodo, ubi inter tria capitula, tanquam impia, & Nestoriana, damnata, & anathemate confixa fuit. Si ad hæc intendissent Episcopi Aquilejenses, & Istrijenses, neque probris onerassent Vigilium PP. neque adversus Romanam Ecclesiam adeo infandum, ac diuturnum schisma conflavissent. Si ad hæc mentem appulissent Galliarum, & Tusciæ Episcopi, Pelagium I. non ausi fuissent in suspicionem vocare, perinde ac errantem quintam Synodum probasset, utpote cum Concilio Chalcedonensi pugnantem. Tandem si ad hæc defixissent animum nonnulli viri illorum temporum, & eruditione, & sanctitate conspicui, neutiquam lapsi adeo fuissent, ut Patres quintæ Synodi, ut Vigilium PP. aliosque successores Romanos Pontifices Synodum quintam, ut Oecumenicam amplectentes, tanquam temeratores Con-

(1) l. 5. c. 4.

Concilii Chalcedonenſis, & violatæ fidei re-
os traduxiſſent .

En quam maximi momenti eſt , evehere
Pontificiam auctoritatem ſupra Concilium ;
en quantum intereſt Eccleſiæ ad unum Pa-
ſtorem , & caput infallibilitatem Judicis de
fide & moribus revocare , qui docendo ,
& dicta a Conciliis auctoritate ſuperiori
confirmando ſarram rectam fidem cuſto-
diat , & cuncto gregi illibatam propinet ?
ergo confirmatio Conciliorum facta a Ro-
mano Pontifice eſt ſummi ponderis ; eſt
ſummæ auctoritatis , & ſupremæ poteſtatis ,
quæ robur confert , ſi adſit , robur adimit ,
ſi abeſt ; ita poſcente Eccleſiæ regimine , &
fidei unitatis cauſa .

Nunc præcludere fas eſt quandam objecti-
unculam afferentem in medium Concilium
Conſtantiopolitanum , ſedente Damaso
PP. celebratum . De hoc conſtat , neque
convocatione , quum privata auctoritate co-
actum fuerit ex orientalibus Episcopis cen-
tum , & quinquaginta ; Neque præſidentia
Romani Pontificis , per ſuos ſcilicet legatos ,
quia Damasus prorsus convocationem igno-
raverat : Neque tandem confirmatione A-
poſtolicæ Sedis , Oecumenicum evaſiſſe ; ſed
tantum per acquiſitum conſenſum univer-
ſalis Eccleſiæ inter Generalia Concilia ad-
ſcriptum haberi ; ex quo inutilem conten-
dunt adverſarii reddere Pontificiam aucto-

ritatem Conciliis superiorem Sed falsum objectioni incubat, & ad probandum ea, quæ dicunt adversi bellatores, ea, quæ minime extiterunt, exaggerant. S. Gregorius M. de hoc Concilio differens, ait: (1) & *Canones quidem Constantinopolitani Concilii Eudoxianos damnant, sed quis fuerit eorum auctor Eudoxius, minime dicunt. Romana Ecclesia eosdem Canones, vel gesta Synodi illius hætenus non habet, nec accipit. In hoc autem eandem Synodum accepit, quod est per eam contra Macedonium definitum. Quomodo accepit? en testimonium Photii, qui enumeratis Episcopis in ea Synodo confedentibus, ait: (2) Quibus non multo post tempore, & Damasus Romæ eandem confirmans, atque consentiens accessit. Quam ob rem in sexta Synodo act. 18. adclamatum est: Macedonius Spiritus negabat deitatem, cumque conservum prædicabat, sed Maximus Theodosius Imperator, & Damasus adamas fidei obstiterunt, quorum solidam mentem aggressiones, atque conflictus nullatenus sauciarunt. Ecquis suspicabitur orientales illos Patres minime agnovisse in Damaso PP. jus innatum firmandi Concilia, quando ipsi de hac Synodo Constantinopolitana eundem Damasum certiore reddere satagerunt? Id constat ex Synodica episto-*

(1) l. 6 Ep. 31. ad Eulog. ex Anastas. Epist.

(2) l. 7. de Synod.

pistola ad eundem Damasum missa, in qua Patres exposcunt: *Quam rebus tanquam legitime a nobis constitutis, obsecramus vestram reverentiam, ut congratuletur, spirituali charitate nos mutuo devinciente: en sequentia; Quod si doctrina fidei ad hunc modum communi consensu stabilita sit... corpus Ecclesie integrum conservabimus.* Itaque Patres illi postulabant consensum Damasi, qui ostenderet charitatis unitatem; sed prout decebat Romanum Pontificem, cui sese subiciebant, gesta Synodica referentes.

Contendunt adversarii, non constare de hujusmodi consensu Damasi, quia nullum est reperire monumentum ad Episcopos directum, quo de his actis approbatis fierent certiores, quo pacto tantum illa Synodus potuit Oecumenica dici. Sed inanis evasio: Sive enim lato decreto, sive consensu suo, Papa confirmet acta alicujus Synodi, semper constans est, nunquam Concilium sortiri posse auctoritatem Concilii Oecumenici, absque Papæ accessione, quæ auctoritatem conferat, & potestatem. Et quidem principaliter, atque inseparabiliter; alias hujus Synodi auctoritas semper jacuisset infirma. Propterea S. Hieronimus scribebat: (1) *Quod Evangelium Marci Petrus probavit, & Ecclesie legendum sua auctoritate edidit.*

R 3

§. VI.

(1) In Catalogo Script. Eccles.

§. VI.

Ex Appellationibus a Concilio Generali ad Papam, comprobatur Papa superior Conciliis.

Hincmarus Remensis Archiepiscopus olim in hæc verba scripserat: (1) *Quibus omnibus demonstratur, quia Synodus Comprovincialium, Episcoporum judicia; Generalis autem Synodus Comprovincialium dijudicationes, sive dissensiones, vel proter, vel corrigit. Apostolica vero Sedes, & Comprovincialium, & Generalium retractet, reficit, vel confirmet judicia: sicut epistole Leonis, atque Gelasii, cæterorumque Romanorum Pontificum, & Sardicensis Synodus evidenter ostendunt, & Episcoporum recte judicantium confirmatur, & secus judicantium corrigitur: & interim funditus non perit auctoritas.*

Agnovit Hincmarus sæculo Nono, in quo vixit, supremam Romani Pontificis auctoritatem, ac potestatis jurisdictionem, supra omnia Concilia, a quibus nunquam vitium fuit appellare ad Papam. Probrosus autem perinde, ac flagitiosus semper habitus fuit, a Papa ad Concilium appellationem interponere. Ille est ordo divina con-

(1) l. de divort. Loth. & Theob.

constitutus providentia, ut ab inferiori ad superiorem, ut par est, fiat delatio; aliter se gerere est præpostera agendi ratio pugnans cum divina institutione, decernente, omnium supremam sedem esse debere omnium judiciorum originem, & matricem, quemadmodum & unitatis est fons illimis. (1) Hinc Stephanus Tornacensis Episcopus scripsit, in hoc communi appellationis refugio ad S. Sedem *consistere dignitatem Ecclesiæ Romanæ*: & S. Bernardus, de hoc privilegio Innocentio II. gratulatur, scribens: (2) *Et quidem ex privilegio sedis Apostolicæ constat, summam rerum ad vestram potissimum respicere summam auctoritatem, & plenariam potestatem; Verum hoc inter cætera vestri singularis primatus insignia, specialius, nobiliusque nobilitat vestrum, & inclytum reddit Apostolatam, si eripitis pauperem de manu fortiorum ejus: Nulla, meo judicio, in corona vestra pretiosior gemma zelo illo vestro, quo æmulari consuevistis oppressos, nec relinquitis virgam peccatorum super sortem justorum,*

Plena sunt antiquitatis monumenta his interpositis appellationibus ad S. Sedem, Unum proferam exemplum præ cæteris meo judicio validius. Synodus Oecumenica Chalcedonensis statuit Canone n. 8. Præfulem

R 4 . . . No-

(1) Ep. 162.

(2) Ep. 198.

Novæ Romæ in posterum locum sibi vendicaturum post Romanum Pontificem, ex quo Alexandrinæ Ecclesiæ suum Jus, ac privilegium detrahebatur. Rogatus S. Leo M. ut probaret, instantiam repulit, & Canonem circumscripsit; Unde S. Gelasius ait: (1) *Quæ per incompetentem præsumptionem illic prolata sunt, vel potius ventitata, quæ Apostolica Sedes gerenda nullatenus delegavit, mox a Vicariis Sedis Apostolicæ contradiçta, manifestum est, quæ Sedes Apostolica, etiam petente Marciano Principe, nullatenus approbavit...* nulla ratione sustinet: Remque totam esse Pontificiæ auctoritatis idem Gelasius in hæc verba docet: (2) *Ipsi sunt Canones, qui appellationes totius Ecclesiæ ad Apostolicæ Sedis examen voluere deferri; b ipsa vero nusquam prorsus appellare debere sanxerunt; ac per hoc illam de tota Ecclesia judicare, ipsam ad nullius commeare iudicium, nec de ejus unquam præceperunt iudicio judicari, sententiamque illius constituerunt, non oportere dissolvi, cuius potius decreta sequenda mandarunt.* Eadem repetit Gelasius ad Dardaniæ Episcopos scribens: (3) *Non reticemus autem, quod cuncta per mundum novit Ecclesia, quoniam quorumlibet sententiis ligata Pontificum*

(1) l. de Anth.

(2) Ep. 4. ad Faustum

(3) ep. 13.

ficum Sedes Beati Petri Apostoli jus habeat resolvendi, utpote quod de omni Ecclesia fas habeat judicandi, neque cuiquam de ejus liceat judicare judicio, siquidem ad illam de qua libet mundi parte Canones appellari voluerint, ab illa autem nemo sit appellare permissus.

Constat ulterius, Flavianum Episcopum Constantinopolitanum, Theodoretum Cyri Episcopum, & Eusebium Dorilæi Antistitem ab Ephesina Synodo in latrocinium postea versa, appellasse ad S. Leonem M. ob depositionis judicium in ea latum; illosque per Leonem sedibus; & loco restitutos, a Synodo Chalcedonenſi glorioſe fuiſſe receptos, excepto Flaviano, qui e vivis exceſſerat. Quinimo adnotare dignum eſt, quod licet nonnulli adverſus Theodoretum acriter pugnarent, nihilominus glorioſiſſimi Judices exclamarunt: (1) *Ingradiatur & Reverendiſſimus Episcopus Theodoretus, ut ſic ſit particeps Synodi, quia & reſtituit ei Episcopatum Sanctiſſimus Archiepiſcopus Leo, & Sacraſſimus Imperator ſanxit, eum adeſſe Sanctæ Synodo: Utique quia a Leone Sedi redditus fuit, Reſervata videlicet poſt hæc omni accuſatione, & nobis, & illi & quæ invicem exercere volueritis.* Præſtat ipſum Theodoretum appellantem de Apoſtolica Sede egregie loquentem audire: (2) *De-*
pre-

(1) Ex act. 1. Synod. Chalced.

(2) Ep. ad Renatum.

precor te, ut Sanctissimo Archiepiscopo (Leoni PP.) sudeas, ut Apostolica auctoritate utatur, jubeatque ad vestrum Concilium addire. Habet enim Santissima illa Sedes Ecclesiarum, quæ in toto sunt orbe, Principatum multis nominibus, atque hoc ante omnia, quod ab hæretica labe immunis mansit, nec ullus contraria sentiens in illa sedit, sed Apostolicam gratiam integram conservavit.

Reliquum esset agere de interjectis appellationibus a Papa ad Concilium, earumque improbitatem detegere, sed melius alibi discutiendas dimitto; & pro nunc satis sit concludere, omnium Ecclesiarum appellationes Romanum Pontificem spectare, ob suam dignitatem, & supremam potestatem Conciliis etiam omnibus superiorem, quia, ut scripsit S. Nicolaus I. (1) *Ipse est enim Primas, qui & Primus habetur, & summus,*

§. VII.

*Objecta diluuntur, & primo de Canone :
Si Papa.*

Rursus adversarii refricant pervulgatum Canonem, *Si Papa*, ubi aperte legitur; (1) *Quia cunctos ipse judicaturus,*

(1) Ep. 3. ad Michaellem Imper.

(2) Distinct. 40. 6.

turus, a nemine est judicandus, nisi forte deprehendatur a fide devius. Tunc enim Concilium Generale Judicis auctoritatem induens, superiorem potestatem exercet, quod sane satis est, ut Papa inferior Concilio dici, & esse debeat. Idem sibi persuadent, si contingeret, Papam schisma conflare, vel fovere pertinaciter, aut si universæ Ecclesiæ scandalum injiceret, perinde ac si universalem ordinem Ecclesiæ incorrigibiliter perturbaret. Tandem hoc eis propositum est, etiam per quælibet abrupta subjicere Papam Concilio.

Aberrant tamen toto ostio. De Papa devio a Fide loquitur Canonica sanctio, cujus auctor incertus est, etsi inscribatur Bonifacius Martyr. Sed quinam ille fuerit, penitus latet. Patet autem ex Ecclesiasticis tabulis nunquam insurrexisse Ecclesiam adversus Romanum Pontificem, ob aliquod flagitium, sed tantum comperto crimine deviationis a fide, & infordecentis schismatis, ut ex Conciliis Pisano, & Constantensi, infra excutiendis, liquet. Neque arbitrio hominum permittere decet, ampliare leges Ecclesiasticas ad id, quod non exprimunt, contra Juris maxime regulam prohibentem odiosa ad non expressa deducere. Canon itaque aperte loquitur de Papa a fide devio, neque ulterius prospicit. Expedita responsio esset, casum minime futurum

turum haberi. Etenim quemadmodum a mille, & septingentis annis, nunquam vidit Orbis Pontificem Romanum annos Pontificii Petri excessisse, etsi plurimi in florida juventute, vel ætate ad summum illum apicem evecti fuerint, ut serio advertit Petrus Damiani; (1) & per tot temporis intervalla nullus a fide devius compertus sit, ut abunde ex dictis constat: Ita validum argumentum urget, conjiciendi, neque unum, neque alterum, ita disponente Domino, impotterum eventurum fore. Ne tamen Prophetam potius agere, quam Theologum videamur, etiam de casu nunquam futuro, aut tantum metaphysice possibili eloqui non pigebit, certa tamen ab incertis fegregando, & singula explicando.

Pro explorato, extra omnem dubitationis aleam, habendum est, Pontificem Romanum ex Cathedra loquentem non posse a fide deviare in sententia, quam profert. Multis id ostendimus, quum de ejus infallibilitate in superioribus actum est; alias cogeremur, errorem organi in specialem promissionem Christi, & Spiritus Sancti assistentem afflatum transfundere, quod summæ blasphemiæ est: Quemadmodum in Prophetis, & Apostolis dicere adstringimur: De aliis igitur casibus quæstio procedit.

Primus casus sit de Papa urgentissime de fide

(1) Opusc. 23. ad Alex. 11. tom. 3.

fide suspecto; quemadmodum ab Occidentibus Episcopis habitus fuit Vigilus, & ab Episcopis Gallis Pelagius II. & a S. Columbano, aliisque sui temporis Bonifacius IV. ob damnata tria Capitula, & ob receptam quintam Synodum. Quid factum est opus? Respondeo, nemini in hoc casu subijci posse Papam, sed divino relinquendum esse iudicio. Non est casus in Canone exceptus, ubi de devio a fide, non de suspecto fermo est. Exempla superius allata plane ostendunt, lapsos quidem fuisse suspiciosos illos, qui laudatos Pontifices criminabantur, neutiquam istos. Hinc S. Ivo Carnotensis simul cum Episcopis Senonensis Provinciæ, rescribens Joanni Lugdunensi Primate, Paschalem II. degradare conanti, dixit: (1) *Non videtur nobis utile consilium ad illa Concilia convenire, in quibus non possumus eas personas, contra quas agitur, condemnare, vel judicare, quia nec nostro, nec ullius hominum probantur subjacere iudicio.* Et post plura concludit: *quia principales Ecclesiæ claves nolumus potestate sua privare, quæcunque persona Petri vices habeat, nisi manifeste ab Evangelica veritate decedat.* Exposcitur proinde manifesta deviatio a fide.

Alter sit casus, in quo manifesta notorietate constet, Papam esse devium a fide, neque

(1) Ep. 236.

neque spem esse, ut correctionem admittat. Ita quoque si pertinax schisma conflaret, & absque animo resipiscendi, aperte peccaret in dogma fidei docentis: Unam esse Sanctam Ecclesiam. De hoc casu præcise textus loquitur. Sed quid hæc objectio evincit? Nunquid valet ad dejiciendum Pontificem Romanum ab eminentia supra Concilium? Si ita est; quilibet Monarcha erit inferior suis subditis, quia in casu amentitiæ, vel perniciosæ stoliditatis possunt illum a Throno remove. Propterea agebat Orator Meldensis Gallus ad Eugenium IV. referente Raynaldo ad annum 1441. n. 10. *Nec est simile de principibus Sæculi, quorum Principatus dependebat a consensu Populi, licet dato consensu, ut ait Chrysostomus, nunquam ipse Populus superioritatem habet potestatem in suum Principem.* Discant illi, qui soli Deo reges reservant subditos, deinde ejiciunt Chilpericum, & Pipinum substituant. Discant, inquam, quomodo hæc pugnantia componant, & dum nostram sententiam dente, & calamo erodere non desinunt. Filius, clamante ipsa natura, est Patre inferior. Verum si Pater abrupto patris potestatis aggere, ad incitاس filium infontem deducit, ut vel occidi, vel occidere sit huic opus; nunquid salvo moderamine inculpatæ tutelæ, non ei licebit, ipsa natura distante, Patrem aggredi? Nonne Pa-

ter

ter in patriam rebellis, cogitur pati filium, ut hostem; etsi lege naturæ Pater sit colendus a filio? Obedire Reipublicæ, subditorum est debitum jure naturæ inditum, sed Reipublicæ iniqua jubenti, & superiori cogimur jure reniti. Quamobrem tot Martyres colimus mandata Principum despicientes.

Quemadmodum igitur ex allatis exemplis non licet extundere, aut Monarcham subesse Populo, aut Patrem filio, aut Reipublicam subdito; ecur solus Papa, censendus erit absolute Concilio inferior, quia, in casu deviationis a fide, poterit ejus subijci judicio? Proh Deum immortalem! Quid est hoc? Omnia jura, quæ aliis favent, exitialia esse debent Pontificio culmini?

Ratione rem conficere placet. Sicut in naturalibus una lex alteri prævalet; ut datis exemplis probatum est, quin rectus ordo naturæ depereat, ob rerum humanarum vicissitudinem; ita in Divinis, quum eidem variationi prospiciunt, una lex, alteri superior esse potest; quin divinæ frangantur dispositiones: Justus Deus plurimos æternis suppliciis improbos damnat, quin deficiat amor, quo vult omnes salvos fieri, & utrobique voluntas beneplaciti impletur, quia sic Deus ordinem suorum decretorum statuit, ut nemo statuta divinæ Omnipotentia

tiæ subterfugiat. Voluit itaque Deus constituere Petrum universalem Pastorem Ecclesiæ, & illi ut capiti eam subicere, sive dispersa sit in membris, sive in Concilio congregata, Verum si Papa ab Ecclesia discedat, si in fide sit devius, voluit Deus altiori decreto, ut privilegio honoris, dignitatis, & superioris præminentiae exuatur, & cadat, subdaturque, causa culpæ, inferiorum iudicio. Ratio id suadens in promptu est; Quia fidei conservatio, quæ est fundamentum, & forma Ecclesiæ, ab altiori providentia pendet, cuius nutu putridum etiam caput fas est abjicere, si cogat necessitas, ne totum corpus putrescat, & pereat. (1) *Et qui censoriam super alios concutit virgam, supra se vigoris Ecclesiastici sentiat disciplinam*, inquit Petrus Damiani. Dicant adversarii, iterum dicam, ab hac formula arguendi nos penitus abhorrere; nempe: Magistratus est supra Monarcham in infaniam prolapsus, ergo est supra Monarcham. Ita & ipsi, ne desipiant, execrentur & istam: Concilium est supra Papam devium a fide, ergo est supra Papam. Utrobique enim argumentum laborat fallacia sensus restricti ad non restrictum, quam ipsi dialecticæ Tyrones pene investes risu excipiunt.

§. VIII.

(1) l. 1. ep. 12. ad Alex. 11.

§. VIII.

Occurritur objectioni ex decretis Sess. IV. & V. Concilii Constantien.

TEterrimum Pelagus petimus, quum infandi Schismatis sæculi decimiquinti historiam recolimus, quia undique Syrtes, cautes, æstuantia maria, quæ extremum Ecclesiæ navi comminabantur periculum, nisi certa spe constaret, nunquam prævalituras adversus eam inferi portas. Pugnant primo duo inter se contendentes Pontifices de legitima electione a singulis prætensa, nempe Gregorius dictus a suis XII. & Benedictus ab altera parte XIII. nuncupatus. Coacto Pisis Concilio, ut probatissimum tanto morbo remedium afferretur, malum gravius evasit, quia (aucto per aliam electionem tertio Pontifice, sub nomine Alexandri V.) Schisma in monstrum Geryonis traduxit. Defuncto Alexandro, suffectus fuit alter, Joannes XXIII. vocatus, dissidio indefinenter permanente. Qui latiore narrationem avent, historicos Ecclesiasticos consulant.

Antequam ad ulteriora procedamus, tantisper immorari placet super Pisano Concilio, quod Generale se nuncupavit, & ab hostibus, cum quibus agimus, junctis ulnis

S habe-

habetur . Patres illi causam contendentium Pontificum instruxerunt, vocatis, & citatis Gregorio, & Benedicto, ut per voluntariam cessionem, pacem Ecclesiæ donarent. Sed quoniam Concilio morem gerere detrectabant, contumacia probata, sententiam in eos degradationis dixerunt, tanquam indurati Schismatis, & a fide deviationis reos; ac proinde, ut dejectos a Deo, declarare Patres non dubitarunt. Post hæc, Alexander V. apparuit. At quid ex tot studiis, operosaque cura emerfit? Schisma auctum invaluit, & Ecclesia in partes discissa, non probavit Concilium, non consensit electioni, nec pacem complectebatur. Ad alterum celebrandum Constantiæ Concilium ventum est, ubi posthabito Concilio Pisano, neglecta electione Alexandri, & deinde Joannis, omnes tres contendentes Pontifices, æque ut dubii Pontifices, communi consensu excipiuntur: a singulis indici idem Concilium, & acta probari permittitur, cæteraque agi, perinde ac si Pisanum Concilium in irritum missum fuerit.

Hic discere ab Adversariis cupide exopto. Ecce Concilium Constantiense adeo aperte Pisanum evertit; ut neque latam sententiam in dissidentes Pontifices admiserit; neque electionem certi Pontificis, ejusque successoris approbare voluerit; Sed veluti ex
inte-

integro conatum est, rebus Ecclesiæ ad in-
 extricabiles difficultates deductis prospicere?
 Nemo sanæ mentis quicquam aliud respon-
 debit, nisi dicendo, quod in illa malorum
 colluvie sic poscebat necessaria agendi ra-
 tio. Itaque, si improbitati temporis fuerat
 opus parcere, usque ad Conciliorum Gene-
 ralium collisionem sane præposteram; Ec-
 cur eidem temporis perturbationi non erit
 ignoscendum, si Patres Constantienses, ul-
 tra fas, verbis amplioribus expresserint au-
 ctoritatem Concilii supra Papam?

In sessione IV. & V. Concilii Constantiensis pronuntiaturum est, per modum declarationis, in hæc verba: (1) *Et primo declarat, quod ipsa Synodus in Spiritu Sancto legitime congregata.. potestatem a Christo immediate habet, cui quilibet cujuscunque status, vel dignitatis, etiamsi Papalis existat, obedire tenetur in his, quæ pertinent ad fidem, & extirpationem dicti schismatis, & reformationem generalem Ecclesiæ in capite, & in membris. Eadem repetuntur sess. V. sequentibus verbis: Item declarat, quod quicumque cujuscunque status, dignitatis, etiamsi Papalis existat, qui mandatis, statutis, seu ordinationibus, aut præceptis hujus Sacræ Synodi, & cujuscunque alterius Concilii Generalis legitime congregati, super præmissis, seu ad ea pertinentibus, factis,*

S 2 *vel*

(1) Sffce. i v.

vel faciendis, obedire contumaciter contempserit.. debite puniatur.

Scitu dignum arbitror, Joannem XXIII. primis præfedis sessionibus, & data facultate Patribus agendi in extirpationem Schismatis, solemniter vovit, & juravit, sese obstringere Deo, Ecclesiæ, & ipsi Concilio statim cessurum Papatui, *juxta deliberationem præsentis Concilii*, si & quando Petrus de Luna Benedictus XIII. & Angelus de Corario, Gregorius XII. in suis obedientiis nuncupati, Papatui, quem prætendunt, legitime cesserint. Deinde ipse Joannes adjecit: *Et etiam in quocumque casu cessionis, vel decessus, aut alio, in quo per meam cessionem poterit dari unio Ecclesiæ Dei ad extirpationem præsentis Schismatis.*

Plura subijciam notanda. I. Quod Concilium coactum fuit auctoritate Papæ, & ipso Papa præsidente inchoatum, ob tria capita; nempe causâ extirpationis hæresum, & præsentis schismatis, & reformationis morum, disciplinæque Ecclesiasticæ. II. Quod ipse Pontifex Joannes voti, & juramenti religione se submisit sponte eidem Concilio, circa præfata tria capita. (1) Idque adeo verum est, ut quum Patres censuerunt cogendum esse Joannem ut rediret Constantiam; in expedita citationis formula

(1) Sess. VII.

la, expreſſerint, ipſum ab initio ſe ſubje-
 ciffe ſponte Concilio. III. Quod Joannes
 Papa poſt ſecundam ſeſſionem clam ſe ſub-
 duxit ab Urbe Conſtantia, & a Conci-
 lio, Schaffuſam petens. IV. Quod ſtatim,
 poſt Papæ diſceſſum, ipſum Concilium in
 tertia ſeſſ. ſe declarat. Acephalum, dicen-
 do, ſe habere poteſtatem immediate a Chri-
 ſto, adeoque eſſe ſine capite viſibili. V.
 Quod ipſum Concilium ſemper, & con-
 ſtanter egit, ſtatuit, ac pronuntiavit con-
 tra Joannem Papam, alioſque contendentes;
 eo fine extirpandi nequiſſimum ſchiſ-
 ma, & in hunc finem ipſe Joannes ſe ei
 ſponte ſubjecit. VI. Quod verba ſeſſ. V.
 quibus etiam Papæ indicitur, teneri obedi-
 re eidem, & cuilibet alteri Concilio Gene-
 rali legitime congregato; jungenda ſunt
 cum aliis verbis exprimentibus materiam o-
 bedientiæ, nempe *ſuper præmiſſis, ſeu ad
 ea pertinentibus*; puta circa extirpationem
 hæreſis, & ſchiſmatis, & morum corrupte-
 læ ex fatali ſchiſmate derivatæ,

Ex quibus omnibus nihil prorſus evinco,
 quod faveat ſuperioritati Concilii adverſus
 Romanum Pontificem. De dubio Pontifi-
 ce agebatur in Synodo Conſtantienſi: de
 Pontifice ſovente pertinaciter ſchiſma diriſ-
 ſimum erat inquiſitio: de Pontifice, qui
 ſponte eidem Synodo ſe ſubmiſerat, erat
 quæſtio: de Pontifice devio a Religione vo-

ti, & juramenti, ut diuturnum faceret schisma in Ecclesia; & de Pontifice tandem erat agendum, qui se subduxit a præfenti Concilio, & in gravem suspensionem venerat, quod hæc moliretur, ut, dissoluta Synodo, aliam sibi soli faventem vocaret, & in eo quem fuerat adeptus, Papatu, perfundato Ecclesiæ bono, persisteret. Necessitas igitur unionis, contumacia contradicentium, fuga Pontificis, disparitas consiliorum, & consulentium, quid suadere poterant? Nisi ea, quæ, impellente necessitate, evenire solent in arena, nempe extremis malis extrema remedia, & retro inaudita consilia,

Verba itaque sess. IV. & V. aliaque, si quæ sunt in actis Concilii Constantiensis conferta, non aliam superioritatem gestiunt supra Papam, nisi cum devius est a fide, vel schisma, facit in Ecclesia. Miror tamen quod cordati viri ab hujusmodi exemplis, potius infandæ, quam recolendæ memoriæ, argumentum desumant, ad dejiciendam Pontificiam dignitatem, ac potestatem! Suffundi debuisset quilibet pudore, quia, non nisi ex rationum inopia, produciuntur monumenta admiranda, sed minime imitanda.

§. IX.

Nonnullæ obiectiunculae ex Concilio Constantiensi deductæ acceæ deteguntur.

NE obiectum Concilium Constantiense, cui hostes nostri unice fidunt, refugere videar, iterum pugnae me sisto, paratus omnes imperus pari contentione retorquere. Sess. VIII. inquit, damnata fuit propositio Jo: Witlephi, descripta sub numero 41. videlicet: *Non est de necessitate salutis credere, Romanam Ecclesiam esse supremam inter alias Ecclesias.* Huic propositioni statim ibi subnectitur sequens postilla, sive Commentarium: *error est, si per Romanam Ecclesiam intelligat universalem Ecclesiam, aut Concilium Generale, aut pro quanto negaret primatum Summi Pontificis super alias Ecclesias particulares.* Hæc leguntur in actis recensitis sess. octavæ, & integre leguntur in Constitutione edita a Martino V. post Concilium, in qua iterato mucrone confodiuntur errores & hæreses Jo: Witlephi, Jo: Hus, & Hieronymi de Praga. Fassus igitur est ipse Papa Martinus V. una cum Concilio, neque Ecclesiam Romanam particularem, neque ipsum Romanum Pontificem esse superiorem Ecclesiæ universali, aut Concilio Generali.

Respondeo. Errores illos proscriptos æque odisse Romanam particularem Ecclesiam, ac Ecclesiam Catholicam, quatenus a Romana originem deducit, & nominis auctoritatem; adeoque per unum latus, utramque aggrediebantur perdere. Incassum tamen. Censura tantum præstat, quantum satis erat ad ostendendum errorem. Quæ vero amplioris privilegii sunt, & in Romano Pontifice, & in Ecclesia speciali Romana, præterit silentio, at non excludit. Vel forsan inclusit, quia dixit, Primatum Summi Pontificis esse super alias Ecclesias particulares, & quum infinitæ non sint, valet etiam consequens prælationis, & eminentiæ supra omnes Ecclesias collective, de quo iterum alibi.

Afferunt Adversarii aliam objectionem ex cap. *Frequens* depromptam; nempe quod fuit constitutum sess. 39. a præfato Constantiensi Concilio, ut duo declararentur a futuro Pontifice observanda. I. Patres illi pronuntiant, debere Papam, ex iussione Concilii, aliud Concilium cogere in sequens quinquennium, deinde in septennium, postremo de decennio in decennium in perpetuum. Si vero Papa neglexerit, hanc exequi intimationem, id incumbere sequenti Synodo, Patres sanxerunt. II. Patres decreverunt, quod ad effugiendum periculum novi schismatis, in casu electionis Papæ vel vi, vel metu

tu occurrentis, statim suspensa remaneat in quolibet electo administratio, donec, per Concilium a Cardinalibus convocandum, causa contententium dirempta fuerit. Quæ omnia palam instrepunt superioritatem Concilii in Papam.

Falluntur tamen quam maxime hujusmodi arguentes. Caput *Frequens*, directive præordinat, quidquid provide excogitatum fuit, ad evertendum periculum novi schismatis, non autem imperative super Papam. Quot Canones, & decreta leguntur in Conciliis Generalibus, & nuper in Concilio Tridentino ad auctoritatem Papæ spectantia, quæ tamen nonnisi ad dirigendum, & consulendum descripta, & sancita intelliguntur? Idcirco pluries Patres Tridentinos interlocutos legimus: *salva auctoritate summi Pontificis*. Urgentius quidem actum est in Concilio Constantiensi, quia deteriora præcavere opus fuit, juxta illud adagium: *Qui prunis uritur, etiam cineres excutit*.

Tandem ad confirmationem actorum Constantiensium factam a Martino Papa V. nos provocant infesti argumentatores. Et sane mirari subit! Flocci pendunt, quum a nobis audiunt confirmata a Romanis Pontificibus acta Conciliorum Generalium, & vix ad quisquilias Theologorum hujus confirmationis argumentationem amandant. Ast quum in medium proferunt confirma-

tio-

tionem actorum Constantiensium a Martino V. factam; statim in immensum Colossum evadit, & longe lateque decantant: en confirmatio Martini V. Res ita se habuit. Instabant Poloniæ legati, ut proscriberetur libellus quidam Joan. a Flanchenberch. Defatigati Patres poscebant discendi licentiam. Ecclesia diu vexata schismate pacem jugiter expectabat. Quamobrem respondit Pontifex: *Quod omnia, & singula determinata, conclusa, & decreta in materiis fidei per præsens Sacrum Generale Concilium Constantiense conciliariter teneri, & inviolabiliter observari volebat, & nunquam contravenire quoquo modo; ipsaque sic conciliariter facta approbat, & ratificat, & non aliter, nec alio modo.* His verbis expedire se voluit Martinus V. ab importuna Polonorum petitione, eis significans, non fuisse decretam conciliariter proscriptionem præfati libelli Jo: a Flachenberch, & ideo nolle de illo sententiam dicere, vel jactatam proscriptionem confirmare; quum satis superque fuerit, in illis rerum angustiis rata habere, & probare, quæ circa fidem decreta fuerant; nempe contra Jo: Wicleph, Jo: Hus, & Hieronymum de Praga. Quid aliud confirmaverit Martinus V. nullus conjicio. Quod in aperto est, mox subjiciam, nempe Martinum V. voluisse, edita constitutione, iterum hæreses, & errores denun-

tia-

riatos in Concilio damnare, quia lata confirmatio insufficiens censebatur: tum quia responsio alio spectabat: tum quia recitative, & non definitive erat prolata: tum quia nulla subscriptione, neque Patrum, neque ipsius Pontificis inveniuntur acta signata. Quo plus fodiunt Adversarii, nequicquam laborant.

Cæterum si, sepositis partium studiis, res pacato animo excutienda est: ab Gallis præcipue improbata fuisse gesta Concilii Constantiensis in confesso est. (1) Ludovicum Maimburgum appello, (2) & Petrum de Marca Archiepiscopum Parisiensem, & si minime erga Romanum Pontificem benevolos, qui aperte contendunt, a nemine fore Papam judicandum, nisi a fide devius deprehensus fuerit. Quamobrem Maimburgus narrat, Gallos pro veritate sapientes, nunquam factum Concilii Constantiensis adversus Joannem XXIII. æquo animo tulisse, sed acturum reprobasse. Erat enim Theologis, aliisque Doctoribus alte infixum, non alia esse via incedendum, quam per voluntariam Pontificum contendentium cessionem, ut res ad finem perduceretur. Hinc male ab aula Regia excepti fuerunt Ebroicensis, & Carcassonenſis Episcopi, qui primo

(1) Maimb. hist. Schisma occid. f. c. l. 5.

(2) Petrus de Marca de Concord. Sacerd. & imp. l. 1. c. 11.

mo ad Regem detulere depositionem Joannis. Graviorem pertulit jacturam Joannes a Castillione redux Constantia Parisios, qui coram Principe Ludovico Delphino ausus factum Concilii defendere, carceri mancipatus, pœnam luit. Ab hujusmodi factis abhorrendum esse aiebat sapiens Princeps, quia si semel admittuntur facinora adeo enormis exempli in Ecclesia, adversus supremum Pontificem, non longe aberit, quin etiam in Patrem Regem, eadem violentia ab insana factione tentetur. Ex his discant adversarii, quam ficulneum argumentum comparent ex Concilio Constantensi.

§. X.

Ex Concilio Basileensi objectio ducta retunditur.

DE dissidio in dissidium, de pugna in pugnam, de schismate in schisma adversariorum objectiones procedunt. Si hujusmodi exempla quidquam obtinerent, profecto actum esset de quolibet jure Monarchico, & cujuslibet inferioris ordinis Principatu. Nonne coacti Principes a per-duelli subditorum pervicacia, plurima indulgere tempori, & necessitati compulsi sunt, quæ fas, & æquum apertissime prohibebant?

Hi.

Historia Concilii Basileensis profertur, in quo iterum decreta Constantiensia sess. iv. & v. repetita leguntur. Narratur, Eugenium PP. IV. tunc sedentem, qua precibus, qua minis, coactum fuisse, indictam dissolutionem Concilii revocare, & facti pœnitentem acta rescissa convalidasse, auctoritatemque Patribus prorogasse, donec arrogantia illius cætus ruentis in apertum schisma, pertæsus Eugenius irretractabilem dissolutionem Concilii indixit, & Ferrariam transtulit. Quid inde secutum sit, produnt histori scriptores, nempe Concilium Canonicè inchoatum, tumultuarie protractum obducta per fas, & nefas superioritate in Papam, tandem in apertam perduellionem adversus Eugenium, & dirum schisma luctuose devenisse.

Exemplo adeo horrendæ memoriæ totis viribus sese committunt adversarii, quos egregie, una cum suis Basileensibus perstrinxit olim Episcopus Meldensis ad Eugenium ablegatus, nomine Caroli VII. Christianissimi Regis. Condoluit disertissimus Orator Pontifici, simulque flagitium Basileensium execratus, in hæc verba erupit: (1) *Nimio fervore resistendi ad hanc vesaniam (Basileenses) devenerunt, quod supremam potestatem in uno supposito consistere denegant, sed eam in multitudine, quæ ei-*

10

(1) Raynald. ad an. 1441. n. 10.

to in diversa scinditur, collocant; & sic pulcherrimam Monarchiam Ecclesiæ, quæ Christianos hucusque tenuit in veritate fidei, in una professione Religionis Christianæ, in uno ritu Sacramentorum, in una observantia mandatorum, nunc abolere, & suppressere contendunt, nobilissimam politiam, quæ beatitudinem Cælestem habet pro fine, ad Democratiam, vel Aristocratiam redigentes; & ulterius in malis procedendo, unum sibi in caput assumpserunt, qui non eis præfertur, & sic schisma factum est, nedum in obedientia capitis, sed & in doctrina Evangelii, quod omnibus Christianis abominandum est.

· Perspicua hæc sunt, & abunde objectionem allatam infringunt. Urgentiora tamen supersunt. Translato Concilio Ferrariam, Basileensis Conventus Præsules pertinaci studio sessiones prosequi non destitere, & quaquaversum Summum Pontificem Eugenium IV. appetere non formidarunt. Ut intentum suum perficerent, per summam temeritatem constituerunt, esse veritatem fidei declaratam per Constantiense, & Basileense Concilia Generalia, quod potestas Concilii Generalis repræsentantis universalem Ecclesiam, sit supra Papam, cui veritati quilibet pertinaciter repugnans, censendus sit hæreticus. Effrenatę cupiditatıs estu abreptos Basileenses extra Officii limites furore abstraxit. Actutum sacrilegas veritates pro-

scri-

scripsit (1) Eugenius in Concilio Florentino, inquiens: (2) *In hoc perniciosissimi* (Basilenses) *dum suam malignitatem sub veritatibus fidei fucocolorant, Constantiense Concilium in malum, ac reprobum sensum, & a sana doctrina penitus alienum pertrahunt; ceterorum haereticorum, & schismaticorum falsam doctrinam sequentes, qui confictos errores, & impia dogmata ex divinis scripturis, & Sanctis Patribus perversè intellectis, semper sibi adstruere moliuntur.*

Quid intellexerit Eugenius, quid praeferant ejus verba, ex terminis sit palam. Nimirum acta Constantiensia induxisse superioritatem in Papam dubium, in Papam devium a fide, & in casu schismatis obdurati, unitatem Ecclesiae scindentis. Basilenses vero novum schisma meditantes, mendacia pro veritatibus fidei confingere praesumpserunt, accersendo perversè Concilii Constantiensis decretum, ut etiam adversus certum, & indubitatum Pontificem praevaleret. Frustra ille cætus operam impendit, sibi que peperit maledictum usque ad seram posteritatem execrandum.

Instant Adversarii: Eugenium IV. non semel probasse acta Basileensia. Fateor, id egisse Eugenium, ut qua Pater, qua Pastor, gregem aberrantem, & recalcitrantem colli-

(1) Constit. incipien. *Moses vir Dei.*

(2) Raynald. ad an. 1439. an. 29.

colligeret, nunquam tamen ex animo quidquam vel minimum vulnus Pontificio culmini inferendi. Quod adeo exploratum est, ut cum (1) Eugenius IV. scripsisset ad Episcopos Leodiensem; & Bononiensem, aliosque per Germaniam constitutos Apostolicæ Sedis legatos, illis permittens confirmare, si opus erat, Concilia Constantiense, & Basileense, ad devinciendam sibi illius nationis obedientiam, præcepit tamen, & declaravit: *Sic Concilia Generalia Constantiense, & Basileense ab ejus initio, usque ad translationem per nos factam absque tamen præjudicio juris, dignitatis, & præeminentiæ Sanctæ Sedis Apostolicæ, ac potestatis sibi, & in eadem sedenti, in persona B. Petri a Christo concessæ, cum omni reverentia, & devotione suscipimus, amplectimur, & veneramur.* Quodnam autem veller Eugenius illæsum, & intactum ex privilegiis Petri, & Sedis Apostolicæ, jam perspicue explicaverat, & declaraverat in proscriptione Pseudoveritatum, per suam Constitutionem *Moyse* editam approbante Sacro Concilio Florentino; ubi propositiones Basileenses sub ementito nomine veritatis, tanquam impiæ, schismaticæ, & hæreticæ damnatæ fuerunt.

Præstat tandem in Adversarios retorquere verba Ladislai Regis Hungariæ, quum pro-

(1) Raynald. ad an. 1446. n. 3.

provolutus ad pedes Nicolai V. (1) in hæc verba præfatus est: *Cum animadverto, Beatissime maxime Pontifex, me apud inclitos pedes Sanctitatis tuæ constitutum, quæ inter mortales Dei omnipotentis vicem gerit... quibus verbis te unicum Christianorum Principem, & Regum Regem, atque in terris Deum adorem, non facile constituere possum. Tu, inquam, dignissime militantis Ecclesiæ es caput, quæ non sine ratione ad triumphantis exemplar dicitur ordinata: nam ut in illa Unus Deus, Creator omnium sceptrum tenet, ita in hac tibi uni tantum Dei Vicario totius Orbis imperium delegatum esse constat.*

§. XI.

Academiæ faventes superioritati Concilii expenduntur.

B Afileensibus decretis de superioritate Concilii in Papam adhæserē celebres universitates tunc temporis in eadem Sententia constantes; nempe Parisiensis, Viennensis, Colonienſis, & Cracoviensis. Igitur (urgent Adversarii) superioritas Concilii suo constat pondere, & auctoritate. De vi hujus argumenti nunc agimus, quam elumbe sit probaturi.

T

Pius.

(1) Raynald. ad an. 1452. n. 5.

Pius II. olim Æneas Silvius Piccolomineus nuncupatus, politioribus literis ornatus Basileæ subsistens, Concilio ibi inchoato, usque ad conflatum schisma, acerrime inhæsit; adeo ut tam epistolis, quam composito per modum dialogi libello, Rectorem, & universitatem Coloniensem impulerit, ut pro Concilio adversus Eugenium IV. quod opus esset, impenderent. Ad Pontificatus apicem evectus, facti pœnitens, & excussis prioris propugnatae opinionis nebulis, dato diplomate ad eundem Rectorem, & Universitatem Coloniensem, publice damnavit temere pronuntiata dicens: *Seducti peccavimus, ut Paulus, & ignoranter persecuti fuimus Ecclesiam Dei, & Romanam, primamque Sedem. Pudet erroris, pœnitet male fecisse. Dilectiones vestras hortamur, ne prioribus illis scriptis inhæreatis, aut fidem ullam præstetis, quæ supremam Apostolicæ Sedis auctoritatem, quovis pacto elidant, aut aliquid adstruant, quod Sacrosancta Romana Ecclesia non amplectitur. Nec putetis divinam providentiam inordinatam reliquisse militantem Ecclesiam. Requirit autem ordo, ut inferiora a superioribus gubernentur, & ad unum tandem perveniat Principem, & moderatorem cunctorum. Sicut Grues unam sequuntur, & in apibus unus Rex, ita & in Ecclesia militante, quæ instar triumphantis habet, unus est omnium*

moderator & arbiter Jesu Christi Vicarius .
 An adhuc per hæc verba subsistant decreta
 Basileensia in pravam sensum traducta, ut
 contendit modernus Scriptor, Lector sit
 Judex .

Omnes recensitæ universitates, præter
 unam Parisiensem, perperam a se dicta in
 æstu pugnacissimæ contentionis, ejurarunt,
 & sententiam Romanæ Sedis de Pontificia
 superioritate in Concilium tota cordis pro-
 fessione amplexæ sunt, & pro aris, ac fo-
 cis adhuc defendunt. In eandem rem mo-
 numentum aliud afferam. In quæstione in-
 ter Victorem I. & Episcopos Asiæ, circa
 tempus celebrationis Paschæ; quanto tem-
 pore disceptatio, & pertinacia inobedien-
 tiæ exaruit? Attamen narrat Nicephorus :
 (1) *Quod vero sermo non persuasit, id dies
 postea perfecit. Nam hac in re Asia vix tan-
 dem cessit, & ubique terrarum in Orbe de-
 cretum est, ut non cum Judæis, sed ipso do-
 minico die Mysterium Paschæ peragatur.*
 Veritas tandem illuxit, & in dies perdu-
 xit Asiaticos ad obsequendum Apostolicæ
 Sedi. Nunc quoque in dies illucescit supre-
 ma Papæ auctoritas, paucis invisa, sed cæ-
 teris plenissime explorata.

Si celebres Scriptores, si integerrimos
 Doctores, si illustres tam Sanctitate, quam
 eruditione viros nobis objiciant Adversarii;

T 2 ad-

(1) L. 4. Hist. c. 39.

adversus superioritatem Papæ in Concilium olim sentientes , nihil officiunt veritati . Quot opiniones audivit antiquitas a celeberrimis viris propugnatas , quas posteritas , & præcipue Romana Sedes damnavit ? Hinc Vincentius Lirinensis exclamat : (1) *O rerum mira conversio ! Auctores ejusdem opinionis Catholici , consecratores vero hæretici judicantur : absolvuntur magistri , condemnantur discipuli .* In spem tamen maximam erigimur , ut quemadmodum tot Academiæ insignes priorem antiquavere opinionem , & undique doctrina præcellentes in hanc nostram conspirarunt sententiam : Ita fiet , ut omnium sit unum labium , & mentis studium : eventu comprobatur (2) Venerabilis Bedæ effatum de suis Anglis in Asiatica celebratione Paschæ perseverantibus : *Qui gratia charitatis fervere non omiserunt , hujus quoque rei ad perfectum percipere meruerunt , juxta promissum Apostoli dicentis : etsi quid aliter sapitis , & hoc quoque vobis Deus revelabit .*

§. XII.

(1) Common. de rebapt. c. 2.

(2) Beda hist. Angl. l. 3. c. 4.

§. XII.

*Antiquitas opinionis de superioritate Concilii
apud Universitatem Parisiensem circum-
spicitur.*

C Oonstat inter omnes eruditos, Sancti Irenæi, Sæculo II. Episcopi Lugdunensis sententiam fuisse, in Ecclesia Romana semper illibatam permanisse Apostolicam traditionem: Quæ verba argumento sunt, potiori jure cedendum esse Theorematis, quæ apud Romanam Sedem propugnantur, quam iis quæ alibi circumferuntur. In causa Symmachi Papæ, qui æmulorum improbitate postulabatur ad Judicium Synodi, scripsit S. Avitus Sæculo VI. Viennensis Episcopus: (1) *Non facile datur intelligi, quæ vel ratione, vel lege ab inferioribus eminentior judicetur, quod Synodus ipsa venerabilis laudabili constitutione prospiciens, causam, quam (quod salva reverentia sit dictum) pene temere susceperat inquirendam, divino potius reservavit judicio. In Sacerdotibus cæteris potest, si quis nutaverit; reformari: at si Papa Urbis vocatur in dubium, Episcopatus jam videbitur, non Episcopus vacillare.* Eadem scripsit Ennodius Ticinensis Diaconus, causam ejus-

T 3 dem

(1) Ep. 2. ad Senatores Fest. & Symm.

dem Symmachi in Synodo Palmari defendens; inquit enim: (1) *Aliorum forte bonum causas Deus voluit per homines terminare, Sedis istius Præsulem suo sine questione reservavit arbitrio. Voluit Beati Petri successorem Cælo tantum debere innocentiam*. Plurimi fecit hunc librum quarta, & quinta Synodus sub Symmacho coacta, adeo ut inter acta inferi præceperit: *Quia Synodali auctoritate conscriptus est, & roboratus*.

Haud ablimili voce conclamarunt octavo Sæculo Episcopi Galli in Concilio Romano coram Carolo Magno convocati, quum de criminatione objecta Leoni III. ageretur: Verba sunt: (2) *Nos sedem Apostolicam, quæ est caput omnium Ecclesiarum, judicare non audemus. Nam ipsa nos omnes, ipsa nemine judicatur, quemadmodum antiquitus mos fuit*.

Sæculo IX. Hincmarus Remensis Episcopus, in priori libello oblato Synodo Sueflionensi III. (3) laudat Gelasii I. verba, quibus evidentissime constat ejus menti alte infixæ fuisse duo illa privilegia Romanæ Sedis, nempe & infallibilitatis, & exceptionis a superiori judicio. Præstat verba referre. (4) *Patres nostri, Catholici videlicet,*
do-

(1) In libel. pro Symmach. PP.

(2) Anastas. in Leone III.

(3) Sirmond. t. 3. Concil. Gall.

(4) Ex Gelas. epist. 11. ad Episc. Dardan.

doctique Pontifices (Romani) quicquid pro fide, pro veritate, pro communione catholica, atque Apostolica, secundum scripturarum tramitem, traditionemque majorum, facta semel congregatione sanxerunt, inviolatum voluerunt: deinceps, firmumque constare, nec in eadem causa denuo, quæ præfixa fuerunt, retractari qualibet recentis præsumptione permiserunt. Sapientissime pervidentes, quoniam si decreta salubriter cuilibet liceret iterare, nullum contra singulos quosque prorsus errores stabile persisteret Ecclesiæ constitutum, ac semper iisdem furoribus redivivis integra definitio turbaretur.

Gregorius IV. quum in Gallias venisset, insidiantes Gallos Antistites, & depositionem ei comminantes, compescuit, munitus quibusdam regulis a Paschasio paratis, quibus valide eos fudit. Ipse Paschasius rem prodit, dicens: (1) Unde, & ei dedimus nonnulla SS. PP. auctoritate firmata, prædecessorumque suorum conscripta, quibus nullus contradicere possit, quod ejus sit potestas, imo Dei, & B. Petri Apostoli, ire, mittere ad omnes gentes pro fide Christi, & pace Ecclesiarum, pro prædicatione Evangelii, & assertionem veritatis, & in eo esset omnis auctoritas Beati Petri excellens, & potestas viva, a quo oporteret omnem judicari; ita ut ipse a nemine judicandus esset. Duodecimo Sæculo

T 4

insu-

(1) l. 1. in vita Walæ Abb.

signe est testimonium S. Ivonis Carnotensis, qui pluribus suam explicavit sententiam de suprema auctoritate Papæ. Scripsit enim: (1) *Non est nostrum judicare de Summo Pontifice. Habemus enim Evangelicam sententiam, quæ securos nos facit.* (2) Et alibi dixit: *quoniam judicia Ecclesiæ Romanæ a nemine foris tractari posse, eadem Ecclesia Romana docente didicimus.*

Plura congerere piget. Meminerim tantum adesse nostra ætate scriptorem, nempe Petrum de Marca, qui aperte enuntiat: (1) *Persona Pontificis a nemine judicatur, ex Synodo Romana sub Symmacho, & ex Ennodio. Eandem Ecclesiæ Gallicanæ sententiam, Romanum Pontificem a nemine judicandum, professus est Carolus Magnus, & cæteri Galli in Synodo Romana .. Sane in causa hæreseos publice professæ, & schismatis, quin de Romano Pontifice fieri possit iudicium, nullus unquam scriptor dubitavit. Quamvis sententiam malint declaratoriam dici, quam condemnatoriam .. Et quamvis idem Archiepiscopus asserat: Solet a plerisque pragmaticis hoc fere præcipuum constitui libertatis Gallicanæ Theorema, Concilium Oecumenicum superius esse summo Pontifice.* Attamen adnotat Stephanus Balutius: *Con-*
fu-

(1) Ep. 233. ad Henric. Abb.

(2) Ep. 159. ad Paschal. II.

(3) De Concord. Sacerd. & Imper. l. 1. c. 11.

futatur communis opinio, quæ docet præcipuam libertatem regulam hanc esse, ut Concilium Oecumenicum superius Rom. Pontifice dicatur. Quamvis hæc sit scholæ Gallicanæ sententia, non est una ex libertatibus Gallicanis.

Haftenus dicta plane ostendunt, admodum sero fuisse, & esse invecram scholæ Parisiensis opinionem, ac nonnisi pessundata majorum sententia, traditioneque mentes Gallorum occupasse. Quamobrem communior sensus est, superioritatem Concilii in Papam a tempore schismatis trium contentendentium Pontificum accersiri debere; ac deinceps in Concilia Pisanum, Constantiense, & Basileense illatam; adeo infauste adolevisse, ut extincto uno schismate, aliud deterrimum fuerit enixa. Recolendum tamen velim, decreta Constantiensia non aliam sententiam tradidisse, nisi Concilium esse Papa superius in casu schismatis, de quo tunc agebatur, ut alibi ostendimus. Plures tamen Doctores ejudem Parisiensis scholæ præfatam opinionem rejiciunt, & ipse Petrus de Marca pugnantem esse cum tota antiquitate fatetur, & probat. Quare, si veritati locus relinquitur, dicendum sentio; opinionem ex contentione ortam, in contentione enutritam, & in contentionem pragmaticorum prolapsam, tandem, luce pacis effulgente, in antiquam sententiam revocandam fore.

§. XIII.

Obiectio de prætenso jure appellandi a Romano Pontifice ad Concilium Generale obteritur.

PLura de hoc abusu in superioribus egimus, ostendendo, irreplisse in Ecclesiam ex hæreticorum, & schismaticorum effræni petulantia, ut Pelagianorum, & Donatistarum exempla abunde demonstrant. Hinc Sanctus Nicolaus I. secutus constituta præcedentium Pontificum, & Synodorum, scripsit: (a) *Nec de ejus sanctæ Sedis judicio Canones unquam præceperunt judicare, sententiamque constituerunt, non oportere dissolvi: cujus potius sequenda decreta mandarunt.* Ubi autem ex dispensatione retractari delegerit, de sententia ejusdem Apostolicæ Sedis tantum indulgentia hujusmodi habebit effectum. *Quoniam*, inquit idem Nicolaus, *cum secundum Canones, ubi est major auctoritas, judicium inferiorum sit deferendum, ad dissolvendum scilicet, vel ad roborandum: patet profecto Sedis Apostolicæ, cujus auctoritate major non est, judicium a nemine fore retractandum, neque cuiquam de ejus liceat judicare judicio.* De sententia retractanda utique intelligendus

ve-

(1) Ep. 3, ad Michael. Imp.

venit S. Nicolaus, citra fidei, & morum dogma, de quibus nefas est mutare iudicium semel emissum. Verum de huiusmodi appellationibus, quæ intercedunt, annuente Sede Apostolica, hic non est sermo; sed de illis appellationibus, quas nonnulli interponere prætexunt, nempe ab ipsa Sede Apostolica, etiam invita, ad Concilium Generale, tanquam Iudicem legitimum, ac competentem supra Papæ iudicium. Has detestatus est Gelasius PP. adversus Acacianos objicientes ex Canone eas esse permissas, scribens: (1) *Opponunt nobis Canones, dum nesciunt, quid loquuntur. Canones appellationes totius Ecclesiæ ad Apostolicæ Sedis examen voluere deferri; ab ipsa vero nusquam prorsus appellari debere sanxerunt.* Deinde huiusmodi malignos zelatores perstringens ait: *Sed religiosi viri, atque perfecti, secundum Canones concessam Sedi Apostolicæ potestatem, nimirum conantur eripere, & sibi met eam contra Canones usurpare contendunt. O Canonum magistros, atque Custodes!*

Adversus huiusmodi rebellem audaciam Prius II. in Synodo Mantuana pronuntiavit Anathema, & ut perfidiam hæreticam confodit. Idem dato diplomate edixit Julius II. & successores Pontifices quotannis in Cœna Domini eodem fulmine huius generis.

(1) Ep. 4. ad Faust.

neris delinquentes feriunt. Viderint deinde illi, qui negant has constitutiones se recepisse, an per hanc excusationis larvam censuras latas ab habente in universos, & ubique auctoritatem declinare valeant. Viderintque insimul, an Christianis coactis ex vi catholicæ professionis obedire Summo Pontifici, liberum sit acceptare pro libito obedientiæ leges, & pœnas, discantque Principes, & subditi, quam lata porta his doctrinis pandatur laxitati rebellionis adversus Rempublicam, & desciscendi ab imperio.

His jactis, ab objectis me expediam; opponunt enim adversarii, antiquam esse libertatem appellandi a judicio Romani Pontificis ad Concilium Generale. Non infior. Tum boni, tum mali ab initio exempla prodierunt. Sed auctores una quoque producere oportet, & causas percensere, ut sua cuique vel laus, vel execratio respondeat. Vidimus jam superius, vel hæreticos, vel schismaticos hujusmodi appellationum Proto-Magistros fuisse. Legere etiam est hoc deliramentum sæculo potissime decimo tertio invaluisse, & deinceps repetitum ab historicis referri. Sed quorsum ista? Sedes Apostolica statim male partas appellationes condemnavit, auctoresque censurarum stigmatibus inussit; ut videre est apud Paulum Langium in Chronico, & in supple-

plemento Abbatis Uspergensis . Perstrepit adhuc rumor interjectæ appellationis torius Gallici Regni una cum Rege Philippo Pulchro adversus Bonifacium octavum , nec non alia fœda exempla deinceps referuntur . Verum non defuit antidotum , quo sanior pars ab infectione redempta fuit ; & malum intentatum elisum , & extinctum est . Pius II. in Mantuana Synodo has appellationes , tanquam hæreticas proscripsit , & Julius II. eodem modo damnavit . Quod si nondum huic morbo est finis ; cum doctissimo Melchiore Cano subjiciam : (1) *Sed provocaverunt* , inquit , *Doctores Parisienses a Concilio Lateranensi , & appellatio nomine Academiæ circumfertur . Quorum illa fuerit , hic non disputo . Illud adstruo , non sine Ecclesiæ scandalo , atque perniciæ circumferri . Extat anathema Pii II. in eos , qui ad futurum Concilium appellaverint , & sine Pii causis , quas multas suis literis reddidit , manifestum est , rem banc & hæreticorum omnium summum patrociniū esse , & fenestram vel maximam aperire , ad obedientiæ Ecclesiasticæ jacturam , ac perniciem veræ pietatis .*

Iterum Adversarii reclamant dicentes , Papam esse membrum Ecclesiæ Universæ , principale quidem , quia caput est ; Concilium vero Generale , utpote universam Eccle-

(1) De loc. Theol. 3. c. ult. ad 9.

clesiam repræsentans, & vicem tenens, esse ipsum corpus Ecclesiæ. Quid autem absurditatis culpanda venit appellatio a parte ad totum, a minori ad majus? Hoc scitissime probavit Divus Augustinus, qui de primis Donatistis adversus Melchiadis judicium expostulantibus, scripsit: (1) *Eccce putamus illos Episcopos, qui Romæ judicant, non bonos judices fuisse, restabat adhuc plenarium universæ Ecclesiæ Concilium, ubi etiam cum ipsis Judicibus causa posset agitari, ut si male judicasse convicti essent, eorum sententiæ solverentur.* Et alibi idem Sanctus Doctor Pelagianis exprobrat pertinacis erroris petulantiam, adhuc (2) *post factum illis competens, sufficiensque judicium*, nempe per Romani Pontificis Innocentii I. sententiam. Quod enim competens, & sufficiens dicitur, utique justum judicium est, sed nondum finale, & ultimum declaratur, quia restat ulterius plenarium judicium Concilii Generalis.

Plurimum magnificant Adversarii relatum argumentum, perinde ac si esset Sampson insuperabilis roboris. Sed recis paucis crinibus vires deficient. Non repugno, corpus Ecclesiæ constare ex capite, & membris, quæ procul dubio unita in corpore, sunt solo capite quid majus. Sed de hac

am-

(1) Ep. 162.

(2) l. 3. contr. Jul. c. 1.

amplitudine non est sermo . Quoniam quæstio præsens est de auctoritate , & potestate , quam Christus in Romano Pontifice , ut capite posuit , neutiquam in reliquo corpore , nisi per originem a capite , ut pluries ex ipsis Christi verbis , & ex perpetua traditione Patrum ostendimus . Insuper perspicuum est , corpus ipsum Ecclesiæ , præciso capite neque definire quicquam irrefragabiliter posse , neque referre , neque ventilare . Quapropter plura vidimus in Conciliis Generalibus acta , & constituta , quæ vel deleta , vel rejecta a Romano Pontifice , prorsus vacua robore , & irrita , ac infecta in Ecclesia remanserunt . Ecquis censerebit in hoc rerum statu , integrum esse appellare a Papa ad Concilium ? Nonne etiam totum Regnum est quid majus solo Rege ? Quia tamen tota auctoritas politica , & potestas in Rege residet ; *stultum est illud admonere , a Principe appellari fas non esse , cum ipse sit , cui provocatur* ; inquit Ulpianus Juris Consultus .

Ad auctoritatem Divi Augustini facilis occurrit responsio . Agebatur cum Donatistis de causa ad disciplinam spectante , ut in comperto est . Iridem agebatur cum hominibus stolidè pertinacibus , quos flectere adeo arduum erat . Quamobrem Sanctus Doctor indignatus , veluti ob supercilium Donatistarum , inquit ; Restabat Concilium Ge-

Generale cogere, ut, annuente Romano Episcopo, iterum eorum causa retractaretur, & omnium votis, eorum pervicacia retunderetur. Idcirco dedit illis Constantinus Imperator, annuente Melchiadis successore, Arelatense judicium, cupiens tantam impudentiam cohibere. Exemplum aliud dari potest. Post damnatas Lutheri hæreses coactum fuit Concilium Tridentinum; cum ad alliciendos hæreticos, ut edoceri paterentur; tum ut tot gliscentibus erroribus per doctrinam fidei opportune obviaretur; tum ut ipsi Episcopi plene edocti de virulenta hæresum labe, reduces in provinciam aptiores fierent ad continendos in fide populos; tum ob alios plurimos fines, qui contingunt, necessitatem inducentes Concilia cogendi. Quæ omnia probant, non quidem hujusmodi Concilia esse Papa superiora, sed tantum iterari judicia ad utilitatem fidei, & Ecclesiæ. Adeo ut si nunc spes affulgeret flectendi hereticos, procul dubio benigna, & pia mater Ecclesia in aliud Concilium festive coiret, ad docendum, non ad revocandum in dubium res definitas, ut alibi plenius a nobis est dictum super unione Græcorum cum Latinis feliciter, & utinam finaliter in Concilio Florentino inita.

Hinc dici posset competens, & sufficiens judicium prioris Concilii, quin posterius

rius Concilium sibi superioritatem arrogare posset in præcedens. Perinde laudatum Concilium Florentinum nullam auctoritatem acquisivit supra Lugdunense, esto definitio profectionis Spiritus Sancti iterum admissa fuisset in disputationibus. Itaque dixit Divus Augustinus, fuisse datum Pelagianis sufficiens judicium ab Innocentio I. quia causa plene finita fuit, neque ob eam necesse erat aliud judicium expectare. Si vero Pelagiani paratos sese ostendissent errorem dediscere, & fidem amplecti, etiam plenarium Concilium fuisset illis concessum, quin Romano Pontifici fuisset derogatum. Igitur si hac de causa nihil detractum priori Concilio, a posteriori Concilio omnes communi calco censent; cur detractum volunt adversarii superioritati Romani Pontificis, si contigerit post ejus competens, & sufficiens judicium, ipso annuente, indigente, & regente Concilium, iterum causam retractari? Idem Augustinus loquens de Concilio Arelatensi concessio Donatistis post sententiam Melchiadis, annuente S. Silvestro, ait: *destit illi Arelatense judicium, aliorum scilicet Episcoporum, non quia jam necesse erat, sed eorum perversitatibus cedens*. Quare non erat necesse? Nisi quia primum judicium erat absolutum, & finale, quod ex gratia, & benignitate tantum retractari poterat, neutiquam ex iustitia.

Hæc est mansuetudo Ecclesiæ Romanæ, quæ licet primatum habeat, attamen humiliat se ipsam; ut egregie adnotavit (1) Hugo Etherianus Scriptor duodecimi sæculi.

Et quia nuperrimus Scriptor plenis tibiis buccinat, Augustinum vocare competens, & sufficiens iudicium Papæ, quia adhuc restat plenarium Concilii iudicium, cogimur eundem Augustinum consulere, qui contra Pelagianos perinde insurgit. (2) *Vestra vero apud competens iudicium communium Episcoporum modo causa finita est. Nec amplius vobiscum agendum est, quantum ad ius examinis pertinet, nisi ut prolatam de hac re sententiam cum pace sequamini.* En Episcopale Africæ iudicium ab Augustino vocatum competens! Ubi vero de sententia Romani Pontificis differit, compellat illam iudicium competens, atque sufficiens, ut causa finita sit, & finita dici debeat. Propterea ad Sanctum Bonifacium idem Sanctus Doctor scripsit: (3) *Hæc execrabilia dogmata, (nempe Pelagiana) tenentes, & seminantes, adhuc insuper flagitant audientiam, cum damnati debeant agere pœnitentiam. Quare? Quia causa plene, atque plenarie finita est. Aliter sapere, est verbis ludere.*

Fi-

(1) l. 3. de hæres. quas Græci in Latin. devolvunt. c. 16.

(2) l. 3. contr. Jul. c. 1.

(3) l. 1. c. 24.

Finem & nos huic capiti imponamus auctoritate Pii II. Pontificis Maximi (1) ad Norimbergenses in hæc verba scribentis de appellationum, & appellantium audacia: esse hæresim, *quæ a parvo tempore citrasensum visa suboriri, pullulavit, quæ sub ovium vestibus lupos rapaces intrinsecus celans, sub appellationis specie, Ecclesiæ satagit unitatem convellere. Nam si qua Christi unicus Vicarius Canonibus sacris etiam, & iuriscritto inbærnedo, decrevit, statuitque, & servari, ut dignum est, præcepit, calumniatores malevoli, & perversi subterfugere justitiam præsumentes, per ludibria frivolorum appellationum ad futurum Concilium, seu ad id, quod nusquam est, ac supra Christi Vicarium esse, aut reperiri nequit, obedientiam, quæ est de necessitate Ecclesiæ, & salutis universorum, improbe declinant, ac temere. Hanc igitur diabolico spiritu, & instinctu novitatem exortam considerantes, in totius Ecclesiæ Catholicæ non tantum cernationem, sed eversionem, in Mantuano Conventu sæpe, & multum discussam damnavimus.*

§. XIV.

Nonnulla dubia ab Adversariis objecta expediuntur.

Clamitant adversarii. Si dissidium in Judicio errumperet Patres inter, & Romanum Pontificem Concilio præsidentem, cui standum esset? Nonne potius pluribus in unam coeuntibus sententiam, quam uni sibi soli fidenti? Respondeo. Patres Ariminensis Concilii numero præpolentes adversus perpaucos Episcopos in veritate fidei, & justitiæ constantes turpiter erraverunt, ut est notorium. Peto: cui parti inhærere debuisset Liberius PP? Eadem perinde inquiri possunt super latrocinialis Ephesini Concilii dissidio; an multitudini debuisset adhærere Magnus Leo? Ecce itaque quomodo inter se colliduntur exempla: (1) *Quasi refutari nequeat, quod illicite voluerit multitudo.*

Quod verum sentio, proferam: Duplex judicium in Conciliis occurrit. Aliud discretivum, quod ad conquisitionem rei definiendæ pertinet. Aliud finale, quod rem fidei declarat, & definit. Si dissidium in primo judicio emergat, supersedendum omnino est, donec dissidentes cohæreant. Si con-

(1) Leo M. ep. 41. ad Anatol.

contingat in finali, omnino standum est Papæ definitioni. Quia, ut hucusque probatum est, Papæ commissum est a Christo Domino, ut fratres indeclinabili iudicio confirmet in fide. Neque Concilio, præfente Papa, datum est, ut quidquam definiat, nisi ex sententia Papæ: Aut si quid, indulgente Papa, definiat, nullum robur habeat, nisi auctoritate Papæ roboretur. Hinc Basileense Concilium, ab Eugenio dissidens, enormiter erravit, & in schisma corruit. Quod argumento est, cuncta bene cedere, siue Concilio, siue Ecclesiis, si Petro, ejusque successoribus consociantur, & incumbant; in deterius vero prolabi, si ab illo sejungantur, vel cum illo contendant.

Repetunt Adversarii; Doctores insignis nominis, & auctoritatis, etiam apud Pontificios, aliter admodum sentire. Sed quid mea refert? Omnes veneror, plures legi, sed malo nitidam veritatem amplecti. Si antiqui sunt: Flagrante dissidio, vel tempore schismatis, vel proxime post illud scripserunt, adeoque plura falsis hinc inde misceverunt. Si vero moderni Scriptores proferantur; probo, si Cathedræ Petri omnino adhærescant; si minus, abjicio. Divus Hieronymus Damasum, ut Magistrum compellans, ab errandi periculo prorsus deflexit; S. Cyprianus vero, a Stephano dissentiens, in errorem dilapsus est.

Si ita est ; (importuni postulatōres redeunt) Eccur in Concilio Tridentino adeo magnifice de Romano Pontifice sentiente , definitum non fuit , superiorem eum esse Concilio ? Ab his molestiis facili negotio me expedio , retorquendum in hujusmodi petitores pudorem illum , quem nobis offundere conantur . Ex historia Concilii Tridentini ab Amplissimo Cardinali Pallavicino adornata , discimus , Oratores Ducum Saxonix , & Witembergæ , Lutheri , ejusque hæresis Fautores , & sectatores , postulasse , inter alia Catholicæ Religioni perniciofa , ut instauratis decretis sess. IV. & V. Concilii Constantiensis , Patres illi suam supra Papam firmarent auctoritatem ; ad sensum nempe impie obtortum Basileensis conventus . Hic sisto . Agnoscunt ne adversarii , cujus generis sint hujusmodi advocati , eorum causæ patroni , & sententiæ fautores ? Agnoscunt , quo animo Pontificiæ auctoritati pestem machinarentur ? Magnum hæreticorum mysterium ! Noverant sibi melius consulere non potuisse , nisi excisa supremi capitis , in Ecclesia visibili , excellentia , aliam Ecclesiam conderent , eamque plena potestate cerebrosis legibus munirent . Ab his insidiis se avertere cupientes sapientissimi Patres , petitores depulerunt , & rati , non indigere Pontificiam superiorem auctoritatem ulteriori additamento , ut splendi-

didiori exciperetur veneratione, nihil de ea dixerunt, (1) ut idem Cardinalis Pallavicinus innuit. Attamen illam continuo cultu profecturi sunt Patres Tridentini, sæpe repetendo in decretis: *Salva auctoritate Sedis Apostolicæ*. Cæterum (ut dicam quod res est) omnes Episcopi, præter paucos Gallicanos, qui nec decimam partem Concilii implebant, ut monet laudatus Cardinalis, (2) summo flagitabant ardore, ut omnia, & singula privilegia Romani Pontificis in meridie ponerentur, & obloquentium ora obstruerentur. (3) Verum Charitas Pii IV. Patres impulit ad ulteriora procedere in his, quæ ad profligandas exortas hæreses conducirerent, dimissa discussione de Pontificia auctoritate opportuniori, & latiori tempori. Pœnituit deinde Gallicanos Episcopos: Quum anno 1682. declarationes in Comitibus Cleri ediderunt; quia Innocentio XII. postea tunc regnanti humiliter scripserunt; *dolere se ex corde, ac ultra quam dici potest, quod in Comitibus suis anni 1682. nonnulla statuta fecissent, quæ sanctitati suæ displicuerant*. Jam notum est, præfatas declarationes tum infallibilitatem, tum superiorem Papæ auctoritatem Concilio, inficiari.

V 4

§. XV.

(1) In Introduc. c. x.

(2) In Introduc. c. 10. n. 3.

(3) Pallav. l. 19. c. 15.

§. XV.

Testimonia, seu dicta Romanorum Pontificum, quibus se teneri asserunt observare Canones, explicantur.

NIl antiquius fuit Romanis Pontificibus, quam palam rescribere, se custodes esse Canonum, & munus suum esse costueri, reddere a violatione immunes, eorumque observantiam pro sua auctoritate, & suprema potestate, promoveri, ac imperare. Frequentissime hæc, & similes testificationes leguntur in eorundem epistolis, adeo ut in re obvia supervacaneum ducam, dicta, vel loca proferre, aut indicare. Quamobrem adversarii in his congerendis extra rem studiosi, plurimam ingerunt suspensionem, se hæc non nisi ad seducendum obtrudere. Quo autem sensu perinde sint locuti, & perpetuo loquantur, res est præsentis instituti scrutari.

Adversarii inique interpretantur hujusmodi testimonia, canendo, planas confessiones esse Romanorum Pontificum, quibus, se subdi Canonibus Generalium Conciliorum, profitentur, perinde ac ipsis Conciliis. Aberrant tamen toto ostio a veritate. Quandoquidem leges universalis Ecclesiæ tanta maturitate constitutæ, pro disciplina, & pa-

& pace Ecclesiarum indictæ, communi obedientia, & usu consecratæ, ipsorumque Romanorum Pontificum auctoritate sancitæ, confirmatæ, & denunciatæ, quem magis onerant, ut eas factas rectas conservet, quam ipsum Principem Supremum Romanum Pontificem? Undenam fortius, & opportunius patrocinium, & robur nancisci possent, validiusque præsidium accersere, quam ab illo, qui supremum clavum Ecclesiæ tenet, qui plenitudine potestatis gaudet, & ex Religione omnium obedientiam exigit?

Non est adinvenire Monarchiam quantalibet potestate absolutam, quæ leges suas primordiales, & veluti municipalia statuta non habeat, a quibus piaculum sit abscedere. Cui proinde magis incumbit, in violata ea servare, quam illi, qui Monarchicum regit imperium? Porro feretne veritas, aut amplissimus Monarcha Sæcularis, ut Papa legibus Ecclesiasticis, vel Conciliis institutoribus subditus asseratur, ac perinde Monarcha Rex subiectus suis legibus, & Regno eas ab initio decernenti, pronuncietur? Norunt Advocati Parisienses; Novit ipse supremus Senatus, quæ debuit discurrere, & dedocere, quum sub Francisco I. (1) in causa Concordatorum, & sub Ludovico

(1) Histoire du Concord. Pithov. Histoire du Calvinism. Hist. Battaglin. ad an. 1668. n. 25.

vico XIV. in casu Minoritatis, libros decretorum igni tradendos coacti sunt producere, & tandem postremo, (utinam ad finem) sub Ludovico XV. (1) quum Regiam auctoritatem pessundare, edito libello, per summam injuriam sunt moliti.

Est ne hæc illa fides, si superis placet, qua Regem a subjectione Romani Pontificis excipere plenis tibiis conantur, ut sibi demum utrosque illudendos subjiciant? Palam extollunt Constantiensia, & Basileensia decreta, quum ad prosternendam Pontificiam auctoritatem, quaquaversum trahi possunt: ubi vero eadem Concilia Regibus, Principibus imperant, & comminantur, nihili habentur, & ut errantia traducuntur, ut sibi ipsis tantum sit liberum, utramque auctoritatem proterere. S. Gregorium VII. doctrina celebrem, sanctitate insignem, robore invictum, in extirpandis morum corruptelis strenuum, in vindicandis jurebus, & privilegiis suæ dignitatis, & sedis, adamantini animi virum, qua audacia, qua temeritate insectantur, ac discerpunt? Vel quia edixit in Concilio Romano sententiam Papæ a nemine retractari posse, nisi a solo Papa: Vel quia sancivit a Papa nefas esse provocare; e contra a quolibet Tribunali ad Papam licitum, & liberum esse appellare: Vel quia pronuncia-

vit,

(1) Consultation des Avocats: 1727,

vit, Papam a nemine judicari posse, neque habere superiorem in terris: Vel quia dixit, suæ auctoritati licere, contumaces Principes quacunque suprema dignitate fulgentes degradare; adeo ut neque nunc regnantem in Cælis audire permittant, vel communi precationum methodo in terris coli. (1) *Sed manet Petri privilegium, ubicunque ex ipsius æquitate fertur judicium*, cum S. Leone ingeminabo: quia portæ inferi, etsi totus perstrepat orcus, non prævalebunt.

Ab incidenti digressionem, proposita ab initio difficultas me nunc revocat. Petebat ista, an potissima cura Romanorum Pontificum, constanque studium custodiendi sanctos Canones inferat eos subjici, & Canonibus, & Conciliis, a quibus decreti sunt. Compendio objecta retulimus; & cuncta diluit D. Thomas sapientissime docens, tunc Principem (2) supra legem censi, quando auctoritatem suam supra illam exere valet, vel mutando, vel mutilando, vel derogando, vel dispensando, prout sibi in Domino pro loco, & tempore, vel personis, expedire videtur. Norunt omnes, quæ sint, & quales formulæ Cancellariæ Apostolicæ, in Pontificiis Diplommatibus insertæ, ubi etiam de medio tolluntur Concilia Genera-

lia.

(1) Serm. 2. in Annivers. suæ Assumpt.

(2) 1. 2. qu. 96. art. ad 3.

lia, quatenus indultis obstant, vel obstare creduntur. Teneri tamen legi Principem, docet Angelicus Doctor, non quantum ad vim coactivam, sed quantum ad vim directivam. Verba recitare præstat. Princeps dicitur solutus a lege, quia nullus in ipsum potest iudicium condemnationis ferre, si agat contra legem. Sed quantum ad vim directivam legis, Princeps subditur legi propria voluntate, secundum quod dicitur Extr. de Constit. Cap. Cum omnes; ex Innoc. III. Quod quisque Juris in alterum statuit, ipse eodem Jure uti debet; & sapientis dicit auctoritas, (Catonis scilicet) Patere legem, quam tu ipse tuleris. Improperatur etiam bis a Domino: Qui dicunt, & non faciunt; & qui aliis onera gravia imponunt, & ipsi non digito volunt movere. Unde quantum ad Dei iudicium, Princeps non est solutus a lege, quantum ad vim directivam ejus, sed debet voluntarius, non coactus legem implere.

Hac regula communiti Romani Pontifices, quantum studium impendant, ut Sacri Canones immoti, & inviolati permanent, nemo nescit. Plene edocti sunt de sententia illa Magni Leonis scribentis: (1) Tanto divinitus privilegio Nicæna Synodus est consecrata, ut sive per pauciores, sive per plures Ecclesiastica judicia celebrentur, omni penitus auctoritate sit vacuum, quid

(1) Ep. 53. ad Anatol. Constantinopol.

quid ab illorum fuerit constitutione diversum. Et tamen, teste divo Augustino, (1) Posteriora Concilia addunt, minuunt, derogant prioribus, & mutant, quia, experientia præsertim duce, discimus, variare disciplinam, non tantum expedire, sed necessarium fore. Hac potitur potestate Romanus Pontifex, & plane cæcutit in meridie, qui eam inficiatur.

Novi, obtrectatores Romanæ Sedis vulgo pronunciare; Papam non posse agere adversus Canones Spiritu Dei constitutos, & totius mundi reverentia consecratos. Propterea bene spondent Apostolicæ Sedis decretis obedientiam, si a præfatis Canonibus nullatenus discordent. (2) Locutum perinde fuisse, ajunt, Gerbertum Remensem Episcopum, postea Silvestrum II. P. M. Novi, has formulas iterasse (3) S. Ivonem Carnotensem, & passim ab aliis ingeminari. Sed quo diverso proposito, & sensu, nemo ignorat. Illi contendunt, ut Canones omnimode Pontificiam excedant potestatem; Isti vero satis habent, ut nonnisi ex necessitate vel ob publicam causam, aut ob majus bonum Ecclesiæ hujusmodi Canones mutantur, vel dispensatione vulnerentur.

Ita

(1) August. l. 2. contr. Donatist. de bapt. c. 9. & alibi.

(2) Ep. ad Seguin. Episc. Senon.

(3) Ep. 60. ad Hug. Lugdun.

Ita in Gallicis concordatis compertum est contigisse, perperam tota pene Gallia reclamante, & renitente.

Et ne quis importune objiciat S. Ivo-
nem ex Zozimo PP. scribentem: (1) *Non dico, quod contra novos excessus non liceat nova promulgare mandata; sed hoc dico, quod dicit Papa Zozimus Narbonensibus; Contra statuta Patrum concedere aliquid, vel immutare, nec hujus quidem sedis potest auctoritas. Apud nos enim inconvulsis radicibus vivit antiquitas, cui Patrum decreta sanxere reverentiam.* Statim ad hanc objectionem: Respondeo petens, ut hic ratiocinator proferat, de quibus Canonibus locutus sit Zozimus, & de quibus fatus sit Ivo Carnotensis? Ille enim de Canonibus differit, qui nullam necessitatem pati possunt, ut destruantur, adeoque juste impediunt potestatem Pontificiam in ædificationem datam, ne illos immutet, vel evertat. Hic est sensus Zozimi PP. Alter vero, nempe Ivo Carnotensis, si modo inter vivos ageret, o quot Canones a suo tempore diversos, vel immutatos in sua Regione conspiceret! Obtrectatores itaque Pontificiæ potestatis compello, ut tandem enumerent, & retegant illos Canones sibi Papæ auctoritatem subjicientes; Quia facileprehendent, non ad subjectionem referri,
sci-

(1) Ep. cit.

scilicet quod nequeat Papa Canones convellere, sed ad justitiam, cæterasque virtutes, quæ impediunt, a sancitis discedere.

Egregie dicta confirmat Gratianus occurrens objectioni sibi propositæ : (1) *Sacro-sancta*, inquit, *Romana Ecclesia jus, & auctoritatem Canonibus impertitur, sed non eis alligatur. Habet enim jus condendi Canones, utpote, quæ caput est, & cardo omnium Ecclesiarum, a cujus regula nemini dissentire licet. Ita ergo Canonibus auctoritatem præstat, ut se ipsam non subjiciat eis. Sed sicut Christus, qui legem dedit, ipsam legem carnaliter implevit, octava die circumcisisus... postea vero, ut se Dominum legis ostenderet, contra legis literam, leprosum tangendo mundavit... Sic & summæ sedis Pontifices Canonibus, sive a se, sive ab aliis sua auctoritate conditis reverentiam exhibent, & eis se humiliando ipsos custodiunt, ut aliis observandos exhibeant. Nonnunquam vero, seu jubendo, seu definiendo, seu aliter agendo, se decretorum Dominos, & conditores ostendunt... Quamquam si decretorum intentionem diligenter advertamus, nequaquam contra Sanctorum Canonum auctoritatem aliquid concedere invenietur... Sacri siquidem Canones ita aliquid constituent, ut interpretationis auctoritatem Sanctæ Romanæ Ecclesiæ reservent. Ipsi namque*

(1) ad c. Ideo 25. q. 1.

que soli Canones valent interpretari, qui jus condendi eos habent. Unde in nonnullis Capitulis Conciliorum, cum aliquod observandum decernitur, statim subinfertur: Nisi auctoritas Romanæ Ecclesiæ aliter imperaverit; vel salvo tamen in omnibus jure Sanctæ Romanæ Ecclesiæ.

§. XVI.

Ad nonnulla exempla Responsio.

ET si futilia, & millies elisa exempla ab hostibus Pontificiæ auctoritatis efferantur, attamen præterire ea piget. Recolunt Honorium I. in sexta Synodo damnatum, & diris devotum. Recensent Joannem XII. a Synodo Romana plurimis criminibus convictum a sede dejectum. Memorant Gregorium VI. pari eventu Pontificatu exutum. Quæ omnia, superiora esse Concilia Pontificia potestate, ut ipsi ajunt, ostendunt.

Quod spectat ad sententiam sextæ Synodi in Honorium latam, præstat audire Hadrianum II. in Synodo Romana, in causa Photii ita præloquentem: *Romanum Pontificem de omnium Ecclesiarum Præsulibus judicasse, legimus, de eo vero quenquam judicasse non legimus. Licet enim Honorio ab Orientalibus post mortem anathema sit dictum*

Etum, sciendum tamen est, quia fuerat super hæresi accusatus, propter quam solum licitum est minoribus majorum suorum motibus resistere, vel pravos suos sensus libere respicere: Quamvis & ibi nec Patriarcharum, nec cæterorum Antistitum cuiquam de eo quamlibet sat fuerit proferre sententiam, nisi ejusdem primæ Sedis Pontificis consensus præcessisset. Quod quidem & ipsa Concilia, Pisanum, Constantiense, & Basileen- se prorsus callere, visa sunt, quum de depositione Gregorii, Benedicti, Joannis, & Eugenii agere aggressa, cumulare non desierunt adversus illos, reatum hæresis, & pertinaciæ in schismate, ne irritus, & inanis ex defectu jurisdictionis caderet per sese sententiæ vigor.

Ad judicium latum adversus Joannem XII. nunc vergit responsio. Othone Imperatore agente, nec non ob Romanorum postulationem, congregata est Romæ Synodus ex nonnullis Italis Episcopis, quibus pauci Episcopi Germani se adjunxerunt. His prædedit ipse Otho Imperator, dictaque sententia est in Joannem exauctorationis, & depositionis: Qua per Othonem rogata, protinus alius in Pontificem electus fuit; Leo XIII. dictus. Post duos menses pulsus est Roma Leo; coacta est alia Synodus ab Joanne, in qua intrusus Leo damnatus fuit, una cum Concilio, quod ei

favit, ut culmen Apostolicum invaderet. Quidquid deinde præpostere processit; nempe quod, defuncto Joanne, electus fuerit in Pontificem Benedictus V. & eodem Othone hostiliter agente, in exilium pulsus fuerit, & Leo restitutus, iniquitati temporum, armorumque furori, neutiquam justitiæ meritotribuendum venit. Sed quid hæc sapiant ad intentum, ignoro; nisi velint Adversarii Pontificem Maximum subicere adhuc Concilio cuilibet, etsi nullatenus Oecumenico, quod de quolibet Episcopo forte non sunt dicturi. *Nam cum celebri præcepto Apostolus clamet accusationem vel in Presbyterum recipi non debere, quid in Principatum generalis Ecclesiæ criminationibus licere, censendum est?* (1) Scripsit Avitus Viennensis Episcopus nomine Gallicanorum Episcoporum ad Senatores Urbis Romæ. Idem urgetur magis ex Can. 21. Synod. VIII. Oecumenicæ in hæc verba definientis. *Siquis aliqua sæculi potestate fruens, vel potens, pellere tentaverit præfatum Apostolicæ Cathedræ Papam, aut aliorum Patriarcharum quemquam, anathema sit. Porro si Synodus universalis fuerit congregata, & facta fuerit etiam de Sancta Romanorum Ecclesia quævis ambiguitas, & controversia; oportet venerabiliter, & cum convenienti reverentia, de proposita questione sciscitari,*

&

(1) Epist. cit. super.

& solutionem accipere , aut proficere : non tamen audacter sententiam dicere contra summos senioris Romæ Pontifices . Proficere quidem monendo , corrigendo citra iudicium , citra sententiam ; ut infra §. 19. Postremum exemplum , perinde ac priora , inepte procedit . Gregorius VI. sedit una cum Benedicto IX. & Silvestro III. & ut videtur Baronio , Leonem Ostiensem secuto , etiam cum quodam Joanne quadriforme monstrum complente . An rite , recteque fuerit electus Pontifex Gregorius , vivente adhuc Benedicto pro legitimo Pontifice accepto , digladiantur inter se eruditi æque ac historici . Quamobrem in Synodo Sutrina prope Romanam coacta , erroneorum Pontificum causa ventilata fuit , consiliumque ipse Gregorius accepit Papatui cedendi , ut scriptum reliquit (1) Victor III. narrans : Benedictum Pontificatum Gregorio reliquisse , ipsumque Gregorium , audita Sutrinensi discussione , agnovisse , *se non posse iuste honorem tanti Sacerdotii administrare , ac proinde semetipsum Pontificalibus indumentis exuisse .* Implexa historia est . Ut ut sit , Provisum fuit scandalo , & schismati , non minus ac in Concilio Constantien. Si Gregorius VI. Pseudo-Pontifex fuit , iuste a Synodo pulsus exitit . Si legitime Thiarâ potitus erat , iustissime eam sponte deposuit in illa Synodo , cui per sese præside-

bat. Igitur nihil ad rem valet exemplum. Quæstio namque præsens est de Synodo sibi subjiciente legitimum Pontificem, neutiquam de Pontifice se sponte Synodo subdente, & se Pontificatu abdicante.

§. XVIII.

*Potissimum fundamentum Adversariorum
sententiæ convellitur.*

Constitutam a Christo Domino Ecclesiam suam nobiscum Adversarii profitentur, nobisque consentiunt Petro datam fuisse plenitudinem potestatis, jurisdictionisque supra totam, qua late patet ejusdem conditoris Christi Ecclesiam, in qua & oves, & agni, & pastores, & greges comprehensi intelliguntur. Verum cardo difficultatis est, an Petro immediate, ac in propria persona onus regiminis, ac honor potestatis delegatus fuerit; vel tantum Petro, personam Ecclesiæ repræsentanti, commissio facta intelligatur, itaut vel ipse Petrus vices Ecclesiæ gerens, curam collatam administraverit, tanquam caput ministeriale Ecclesiæ; vel eam in Christum largitorem duntaxat referat acceptam, tanquam caput supremum, independentem in sui exordio constitutum, & tanquam Pastor universalis omnium Christi ovium.

Afferunt proinde Adversarii, Petrum quidem

dem institutum fuisse caput, & Pastorem Ecclesiæ: sed quia personam Ecclesiæ agebat, tota potestatis plenitudo ab Ecclesia in successores Petri derivat, tanquam ministros Ecclesiæ in exercitio auctoritatis, & jurisdictionis, quin prærogativam capitis, & Pastoris deperdant: quod perinde est, ac dici caput ministeriale Ecclesiæ, & membrum principale totius mystici corporis. Porro quum tota Ecclesia sit major qualibet parte; quumque totum, a quo omnis fluit potestas, sit excellentius, superiusque parte qualibet ministeriali, absque dubio colligi debet, Papam esse Ecclesia inferiorem. Cur ergo id denegabitur Concilio Oecumenico? Nonne Concilium est ipsa Ecclesia congregata, cui semper adest, & Spiritus Sancti afflatus, & ipsius Christi præsentia, juxta firmissimam pollicitationem: *Ubi erunt duo, vel tres congregati in nomine meo, ibi sum?*

Traditio his dictis favet, quum pleraque Sanctorum testimonia præsto sint, quibus traditas claves Ecclesiæ immediate affirmant. Divinæ providentiæ convenientior modus instituendi Ecclesiam acceptus tribuitur, quum multitudini potius, quam uni judicium de summa rerum, cujusmodi est fides, & indefectibile Regimen, committitur. Perniciosa quæque diligentius, certiusque per sapientum consilia, vel decreta, aut præoccupantur, aut avertuntur, quam per unius

arbitrium infinitis infirmitatibus continuo laceffitum. Quid? Quod hæc dicere necesse sit, quum defluente vita hominis Pontificis, in Ecclesia adhuc claves potestatis manere sciteamur; in sinu nempe illius matris, a qua profluunt, & ad quam redeunt iterum proditurae. Hucusque Adversarii.

Removeamus ambigua, & argumentum ex se corruet. Admittere non dubito, Petrum duplicem personam gessisse, quum Claves potestatis, & jurisdictionis sibi collatas a Christo acceperit. Unam, qua electus fuit in Pontificem, designatusque legitur Pastor omnium ovium, & agnorum; eaque designatione constituta fuit Ecclesia visibilis, unum ovile sub uno Pastore, unusque Pastor visibilis superior toto ovili, quemadmodum ipse visibilis Pastor, sub immortali, atque invisibili Pastore, ac Domino Christo institutus, vicesque ejusdem gerere intelligitur. Alteram personam representavit Petrus, quum Ecclesiae figuram præferens, accepit jus, potestatem, æque ac jurisdictionem transferendi in successores eligendos, in beneficium totius Ecclesiae. Permittere quoque non detrecto, vicissim Petri Successores ab Ecclesia designatos, nedum ab alto suscipere auctoritatem super totam Ecclesiam, sed etiam per ipsam Ecclesiam jurisdictionem, ut eidem in spiritualibus provideat. Admitto pariter claves po-

potestatis, & jurisdictionis manere in Ecclesia, vacante Sede, sopitas tamen, & vacuas exercitio, quoad plenitudinem propriam universalis regiminis super totam Ecclesiam; reversuras tamen in Papam, statim ac rite, & Canonice electus fuerit.

His admittis, nequaquam impugnari potest, Petrum in propria persona, ejusque successores accepisse, & accipere a Christo onus, & honorem dignitatis, & potestatis supra totam Ecclesiam. Absque dubio namque esse debet, Pastorem supremum Vicarium ipsius Auctoris Jesu Christi, toto ovili superiorem esse debere; nisi quis velit hierarchicum ordinem invertere, atque pervertere.

Porro quemadmodum ut Pastor toto ovili superior necessario colendus est, ita etiam, ut caput Morale totius corporis Ecclesiæ, eadem gaudere debet præcellentia, & superioritate. Etenim etsi Ecclesia percipiat transfundere in electum Pontificem depositas sibi claves a Christo in persona Petri, nullatenus tamen eas administrat, ut caput ministeriale Ecclesiæ, membrumque hujus corporis, sed ut Pastor institutus in Petro a Christo, & ut Vicarius Jesu Christi; ne cogamur Papam compellere verius Vicarium Ecclesiæ, quam Christi, quod nullus somniavit Catholicus.

Discursus nitide fluit. Super te Petram

ædificabo Ecclesiam meam, inquit Christus. Igitur super te in propria persona: Alias si lusorius fuisset sermo, si Petrus personam Ecclesiæ utique gessisset, & sensus fieret: Super te Ecclesia ædificaturus sum Ecclesiam. Itidem Christum dicere: *Pasce oves meas*, idem fuisset ac dicere: oves pascite vos: Quum mandavit: *& tu conversus confirma fratres tuos*; idem hoc esset ac pronuntiare: Et tu Ecclesia confirma te ipsam. Si igitur in his, & similibus Christi locutionibus primo intelligi, necesse est, designari Petrum in propria persona, cur quum traditas claves Petro legimus, personam Ecclesiæ primo fingere, erit opus?

Ex his cohærent omnia: & Patrum in utroque dicto traditio perpetua: & optimus providentiæ scopus, ut Hierarchia Ecclesiastica ad unitatem sit relata in terris, quemadmodum in cœli miro ordine ab uno effluit: & dissidiorum occasionis sit exclusio, quæ in multitudine hominum persæpe æstuat: Ipse tandem unus Pastor, ac summus Pontifex Christi indefectibili pollicitatione fretus, falli, & fallere nescius, ex Cathedra docens perpetuo, & fidei, & Ecclesiæ securus adest. Quod si adverso Numine contingeret, fieri Papam a fide devium, vel schismatis pertinacissimum fomittem, jam divina opitulante providentia prospectum est, ut Ecclesiæ iudicio subji-
tur,

tur, in cæteris ineffabili æterni Judicis decreto reservatus. En in tuto sunt omnia.

Audiant hostes nostri, & iterum audiant egregium oratorem Gallum compendio rei, & rationis, prædicta quælibet confirman-tem; nempe Episcopum Meldensem in publico Consistorio, sedente adhuc Concilio Florentino post sess. 29. nomine Christianissimi Caroli VII. ingenue perorantem, atque contra nefarios conatus Conventus Basileensis diserte dicentem: (1) *Nimio fervore resistendi ad hanc vesaniam Basileenses devenerunt, quod supremam potestatem in uno supposito consistere negant, sed eam in multitudine, quæ cito in diversa scinditur, collocant; & sic pulcherrimam Ecclesiæ Monarchiam, quæ Christianos huc usque tenuit in unitate fidei, in uno ritu Sacramentorum, in una observantia mandatorum, in iisdem caeremoniis divini cultus, atque pacem, & tranquillitatem asseruit, nunc abolere contendunt, nobilissimam politiam ad democrati-
am, vel Aristocratiam redigere molientes.*

Hæc fuit Basileensium vesania, subdicere Papam Concilio despotice, sive fidei, aut schismatis reus deprehendatur, sive insons extiterit: Illumque decretis ligare, ne potestatem suam exerat, subiturum tamen periculum incidendi in correctionem Concilii.

(1) Raynald. ad an. 1441.

lii. Eandem ideam proferunt, qui decreta Constantiensia extollunt, quique etiam extracatum violatæ fidei, & inducti schismatis, vel producti, ea interpretantur. Hoc prorsus est momentum controversiæ motæ ab illis quibus cum pugnamus. Implicat igitur, consistere decreta Constantiensia sess. 14. & 5. in sensu Basileensium, & non incidere in Vefaniam, quam Gallicanus Orator publice execratus est.

Ad objecta, quibus immoderata ingenia Pontificiam superiorem Concilio auctoritatem carpunt; esse scilicet Papam Ministrum Ecclesiæ, membrum, & partem Ecclesiæ, in Ecclesia, & ab Ecclesia vel electum, vel probatum, sumentem ab Ecclesia depositam plenitudinem potestatis: & his similia. Respondeo; si quid hæc valerent, æque probarent, Monarchicum, & independens dici non posse V. G. Gallicum Regnum, quia dejecto Chilperico, & erecto in Thronum Pipino, omnia prædicta impleta sunt, quæ per adversarios subjiciunt potestatem subditis. Quæ si negabunt, ut proclive est credere, perperam urgebunt contra Papam; eo fortius, quia hic est immediatus Christi Vicarius, cui tradidit Jesus Christus ex deposito (ut ita dicam) Ecclesiæ, plenitudinem potestatis, quam quum exercent in beneficium Ecclesiæ, nihil repugnat adhuc, Ministrum Ecclesiæ Papam dicere. Sed quorsum

sum hæc ad subijciendum Papam Ecclesiæ, vel Concilio?

Discutere non abs re est, allatas arguendi formulas. Deducunt enim, vel ad ludicra, vel ad hæreticalia figmenta. Quoniam si Papam, ut partem Ecclesiæ, subdi necesse foret Ecclesiæ; Cur quoque, & ipsum Concilium non subdetur Ecclesiæ, quum & ipsum sit pars Ecclesiæ? Nonne in Ecclesia sit? Nonne ab Ecclesia auctoritatem accipit? Nonne Ecclesia numerosius, & plenarius Concilium quolibet priori celebrato hucusque cogere potest? Ergo si quid valet inepta argutatio, evincet, quodlibet Concilium, quantumlibet generale, vel alteri posteriori, & pleniori Concilio subesse, vel ipsi Ecclesiæ, cujus pars, & membrum existit. Rursus, si potestas data est Ecclesiæ, ut Papæ communicaretur cum subjectione ad Concilium, cur per se ipsam illam eandem non valebit exercere, & supra Papam, & supra Concilium? Quumque Ecclesia conflata sit ex hominibus utriusque sexus, tum ex Ecclesiasticis, & laicis, ex ovibus, & Pastoribus, quis iuste omnibus denegabit jus hanc potestatem exerendi? His arguendi formulis ludunt, & fallunt hæretici; iisdemque Novatores utuntur ad fingendam Ecclesiam, & Hierarchiam, ab illis, quæ modo sunt auctore Christo, diversas.

§. XVIII.

*Consecratoria compendiarie deducta ex dictis
in utraque dissertatione promuntur
in medium -*

PETrum institutum fuisse a Christo fundamentum Ecclesiæ, nemo inficias ibit, quum id Evangelica veritas lucidissime omnes doceat. Deinde quum omnium cura eidem Petro commissa fuerit, unum designatum est ovile, nimirum universa Ecclesia, cui unus supremus Pastor congrue debebatur. Quia vero unitas Pastoris magis intime ad unitatem capitis comparatur, quum (1) ex Apostolo Ecclesia Corpus nuncupetur, proinde eodem Jure a Patribus, & Conciliis non tantum Pastor, sed etiam caput visibile Ecclesiæ, sub capite invisibili Christo, publice conclamatur. Porro Pastori accedet totum ovile regendi ministerium, quod idem est, ac dici, & esse universalis Ecclesiæ Rectorem, quemadmodum conceptis verbis professi sunt Patres Constantienses sess. 40. & alibi. Hæc regiminis ratio tota petenda venit a Pontificio Petro tradito illis verbis: *Quæcunque solveris in terris, erunt soluta & in Cælis, & quæcunque in terris ligaveris, erunt ligata, &*
in

(1) Ad Coloss. 1.

in Cælis. Clavium nomine potestas omnis comprehenditur; non erga unum Cælum tantum, sed ad omnes Cælos, ultra terram extensa, ut indicium sit, omnia impedimenta tollere posse, quominus aperiantur, vel actutum claudantur. Duplex namque ob stare potest impedimentum. Unum ex parte intellectus, quod est ignorantia; Alterum ex parte affectus, quod est peccatum. Illud tollit Petrus Magisterio, & doctrina: Istud evacuat absolute, & remissionis dispensatione. Quibus bene circumspectis, liceat mihi de Vicario Christi, salva debita proportione, verba Apostoli retexere: (1) *Ut sit in omnibus ipse Primatum tenens, quia in ipso complacuit, omnem plenitudinem inhabitare, & per eum reconciliare omnia in ipsum*. Utique plenitudinem dicimus potestatis, & jurisdictionis, quæ major in terris sit, vi cujus reconciliantur omnes in Christum harum clavium datorem.

Itaque si Petrus, ejusque successores Romani Pontifices, eodem jure, quo est Pastor, & Rector Universalis Ecclesiæ, est quoque supremus Doctor, & Magister ejusdem: (2) *An volumus (cum Cano per cunctabor) ut bis diebus non sit Judex in Israel, sed unusquisque, quod sibi videtur bonum, id & faciat, & sentiat? Volumus,*
in-

(1) Ad Colof. 1.

(2) De loc. Theol. l. 6. c. 3.

inquiunt Evangelii libertatem. Anne est libertas Civitati, nullum habere, a quo regatur? est libertas Navi, sine gubernatore undis, ventoque permitti? Libertas ergo erit, ut quidam ait, nullum esse in schola præceptorem, nullum in humano corpore caput, nullam mentem in homine, sed solis cupiditatibus turbari, ac misceri omnia pro libidine? Id vere ne pecudes quidem cuperent, quarum interest Pastores habere, a quibus deducantur in pascua, atque in eis defendantur ab injuria ferarum. Non itaque, ut ad propositum revertamur, domus una sine Patrefamilias, una Civitas sine Rectore, ovile unum sine Pastore, uno mortuo Petro relictum est, sed est aliquis, qui illi in regendi, ac pascendi oves auctoritate succedat.

Hæc porro præclara dignitas, atque suprema prærogativa auctoritatis plane exigit, ut omnes sibi subjiciat, omnibus emineat, & præsit, neminique sublit. (1) Quinimo qui a Romana quidem sede defecerunt, bi schismatici semper in Ecclesia sunt habiti, qui vero hujus sedis de fide judicia detractaverunt, hæretici. Quæ profecto omnia satis ostendunt, non humano, sed divino decreto Ecclesiam Romanam, & cæteris esse præpositam, & Petri privilegia jure sibi suo vendicasse... Adde quod Apostolicarum tradi-

(1) Idem Cano loc. cit. c. 7.

ditionum sinceritas non posset ad nos usque servari, alias Ecclesias, hæreticis Episcopis toties occupantibus, nisi una sedes Apostolica, inter tot orbis tumultus, fixa, intermerataque consisteret. Ad hæc, cum Concilia, & Provincialia, & Generalia, sine Romani Pontificis auctoritate nonnunquam erraverint, nunquam autem, si Romani Pontificis auctoritate firmata sunt, satis persuasum esse debet, Conciliorum, atque adeo totius Ecclesiæ firmitatem a Romano Pontifice derivari. Præterea si inter Patres Concilii est controversia, vel de intellectu sacramentorum literarum, vel de uno quolibet libro, an Canonicus sit, nec ne, vel de alia bujus generis questione, ad hanc litem componendam, Judicem ponere necesse est; cujus tamen, si errare possit, incertum judicium erit. Judex autem inter Patres Concilii dissidentes nullus in Ecclesia, nisi Romanus Episcopus est agnitus.

Ex his productis principiis tum ex Evangelicis dictis, tum ex Romanorum Pontificum, Conciliorum, Patrumque Ecclesiæ sententiis, facile est deducere, in errorem labi oppositam de fallibilitate Pontificis Romani opinionem. *Quod si in hoc erro (Cani utar verbis) (1) quod Romanæ Sedis privilegia a Christo illi concessa, & tucor, & contradicentes hæreseos nomine condemn-*

(1) loc. cit.

nandos esse credo, non solum tuto, sed libenter erro: Nec mihi errorem utilem, quo etiam delector, sine rationis præsertim vi extorqueri volo. Nam me non solum ratio, ac disputatio impulit, ut ita crederem, sed nobilitas etiam summorum Theologorum, & auctoritas. Hieronymus profanum esse, & perjurum dicit, qui Catbedræ Petri, & Romanæ Sedis fidem non fuerit secutus. Cyprianus alienum, ait, esse, prophanum esse, hostem esse, qui universalis Ecclesiæ non tenet unitatem, hoc est, lumen unum, unde multi radii: radicem unam, unde multi rami: fontem unum, unde multi rivi; petram unam, supra quam Ecclesiæ edificata est: Unum Pontificem, qui cæteros omnes sua vi, & auctoritate contineat: A quo si radium tollas, extinguatur; si frangas ramum, intereat; si præscindas rivum, are scat. sic enim ille declarat. At qui in fidei controversia Apostolicæ Sedis fidem, iudiciumque detrectat, is nec unitatem tenere potest, nec lumen, nec radicem, nec fontem. Atque Cyprianus idem: Qui Catbedram, inquit, Petri, supra quam fundata est Ecclesiæ, deserit, in Ecclesiæ se esse non confidat. Ambrosius pro eodem penitus habet, catholicum esse, & cum Romana Ecclesiæ convenire. Gregorius sic Sedis Romanæ auctoritatem in Religionis, fideique causa existimat esse amplectendam, ut qui noluerint,

ab

ab ejus petræ, supra quam Christus universalem fundavit Ecclesiam, soliditate, convellantur. Leo exortem divini mysterii eum esse affirmat, qui ausus fuerit a Petri soliditate recedere, & impiam præsumptionem, quæ petræ istius firmitatem, Deo ædificante constructam, nititur violare. Nicolaus finit, quod qui Romanæ Ecclesiæ privilegium ab ipso summo omnium Ecclesiarum capite Christo traditum auferre conatur, hic procul dubio in hæresim labitur. Nam fidem, inquit, violat, qui adversus illam agit, quæ est mater fidei; Hanc vero Nicolai sententiam noli, quæso, lector contemnere; quæ scilicet actione 1. & 7. Synodi octavæ confirmata est.. At enim doctrina sana oves pascere, fratres in fide confirmare, universas gentes per os illius audire verbum Evangelii, & credere, supra illum ædificare Ecclesiam, ut portæ inferi non prævalerent adversus eam, non Petro, ut privato homini, sed ut Reipublicæ Christianæ præfecto congruebant. Quocirca ambigi inter catholicos nec debet, nec vero potest, quin Romanæ Sedis de fide, & Religione judicia certa sint.

Nunquam pigebit, verba summi Theologi Cano pro epilogo prioris Confectarii adhibuisse, quia neque strictius, neque nervosius ad rem dici potest: Neque quoque verius. Etenim, historia duce, comprobamus, dixisse Victorem 1. non esse Judæo-
Y rum

rum tempore celebrandum Pascha; certumque judicium fuit, & refragantes errantibus sunt adnumerati. Dixit Stephanus I. non esse iterandum baptismatis iis, qui ab hæreticis baptizati fuere, ejusque sententia, ut fidei regula habita est; reluctantes in hæresim prolapsi sunt. Damnavit Clemens XI. Quæsnelliana dictæria, & impugnantes cum Novatoribus adscripti recensentur, Constitutione *Unigenitus*, ut regula fidei agnita.

Bene sit, ajunt Adversarii, sed accedente Ecclesiæ consensu, quo Pontificia judicia in dogma fidei transeunt. Sed, prohi Deus immortalis! Quis ex Evangelio, ex Conciliis, aut Patribus hanc unquam valuit conditionem educere? Ipsa partium dissensio satis ostendit, quo fragili, ac caduco hæc opinio innixa sit fundamento. Alii universalis Ecclesiæ consensum exposcunt, constituendo infallibilitatem dogmatis adeo pendulam, ut ad Calendas Græcas vix suam fortiatur fidem apud fidelium mentes. Alii Provincialium, vel Nationalium Episcoporum assensum postulant, ut sibi unice adscribant indefectibilis fidei meritum, & donum. An autem Episcopi alicujus Provinciæ, vel Nationis possint dare infallibilitatem, quam non habent, extranea omnino apud illos quæstio est, nec digna inquisitione. Alii recentissime effutiant, necessarium esse ad infallibilitatem dogmatis
af

assenſum illius Eccleſiæ, ubi exorta eſt hæreſis, perinde ac ſi ex merito parti hæreſeos monſtri, privilegio donata ſit, fidem ſtatuendi in terris. Quod ſi hæc particularis Eccleſia ſilebit, actum eſt de definitione, & dogmate. Prætereo alios ad hanc veſaniam perductos, ut neque conſenſu utcumque, ſint contenti, ſed prorſus exigant a quolibet orbis Epifcopo judicialem ſententiam, poſt exactam maturam diſcuſſionem Apoſtolici decreti, ad comprobandum poſt Papam, Epifcopum judicaſſe. Itaque & Epifcopus Smyrnæ, & Epifcopus Pechini apud Sinas, plurimique alii per infidelium partes diſperſi, hanc provinciam aſſumere coguntur, ne dogma fidei pendulum hæreat in corde fidelium: Vel tot Epifcopi per orbem diſperſi hoc infortunium pati cogentur, non habendi partem in Eccleſia per ſuum conſenſum. Alii tandem nuperrime excogitarunt dogmatis infallibilitatem in Apoſtolico iudicio potere ab conſenſus acceſſu ampliffimi Collegii Cardinalium Romæ ſedentium, loco Cleri Romani, ac ſi, ut lepide quis opinari poſſit, quod ampliffimi Cardinales ſibi in electione Papæ reſervent infallibilitatis privilegium, collaturi deinceps ſuo loco, & tempore, accedendo Pontificiæ definitioni.

Itaque quot capita, tot ſententiæ; & quo magis excurrit opinandi libido, eo lon-

gius a veritate abscedit. Agitur de dogmate fidei, vel ut quisque in fide integre quiescat, vel ut ab errore concepto discedat, vel ut hæresim ingruentem caveat, atque perinde exhorrescat; & interim Næniæ finguntur, inanibus verbis fideles decipiuntur, Fidei, ac Ecclesiæ illuditor, & duntaxat errori, atque hæresi laxantur habenæ: Ubi e contra semel prolata Romani Pontificis ex Cathedra sententia, instructi fideles, debere per os Petri audire verbum fidei, & credere, actutum intellectum captivantes in obsequium fidei in una fide conveniunt, & in eadem permanent regula. Quæ si, sepositis partium studiis, ac dimissa effræni libertate opinandi, sancte, & recte librentur, ad meliora deducuntur Populorum consilia. Et hæc satis de primo consecratario.

§. XIX.

Alterum Consecratarium offertur,

Eodem prorsus jure, quo stat sententia de infallibilitate Romani Pontificis, statuta quoque manet altera de ejusdem superlativa auctoritate supra Concilium. Siquidem, quemadmodum est unum ovile, & unus Pastor, perinde est una Ecclesia, & unum caput visibile, sub invisibili capite Christo. Sicut igitur salva unitate

te ovilis, nunquam sive agnos, sive oves colligere est in aliqua caula, quæ minime subsint eidem Pastori, ne multiplicetur aut ovile, aut Pastor: ita salva unitate Ecclesiæ, non consistet Ecclesia visibilis, nisi sub uno capite visibili, scilicet Papa, maneat. Itaque, sive ovile sit dispersum per pascua, sive congregatum in caula, si unitatem servat, ab uno, necesse est, pendere illud Pastore. Ipsaque Ecclesia pariformiter, sive sit dispersa per orbem, sive adunata in Concilio, pro sua indivisa unitate cogitur ab eodem capite regi, quod dominetur. Conati sunt hæretici hanc unitatem ovilis, & corporis mystici dissolvere; propterea ab initio, impellente diffidiorum auctore, rebellarunt, ut vidimus, a Pontifice Romano hæretici Ariani, & Pelagiani, vel dicendo sententiam adversus Papam, vel ab ejus judicio appellando ad Concilium plenum. Verum sunt ne facta impiorum hominum tradenda in exemplum? Licet ne Catholicis sapere alienis ab Ecclesia experimentis?

Palam est, Romanum Episcopum alieno non subjici judicio, nisi sit a fide devius, vel schismatis obduratus auctor, ex cognitione, quam inter se hæc scelera ineunt. Aliud, & aliud decretum providentiæ divinæ utrumque præordinavit. Extra hos casus judicio duntaxat divino est rationem redditurus. Hinc Patres, hinc Con-

lia, hinc proceres poterunt quidem, salva debita reverentia corripere, atque objurgare Pontificem, si scandalo sit Ecclesiæ, sed nunquam in illum judicium ferre, & ne quidem attentare. Profitentur undique Catholici omnimodam obedientiam debere Romano Pontifici, ut Christi in terris Vicario, quo major non est assignandus. Profitentur Patres, Profitentur omnes Theologi de necessitate salutis esse, subijci summo Pontifici, uti professa quoque est tota antiquitas. Qui excipit Concilia, vel illa ab Ecclesia separat, vel illa a catholico dogmate excludit. Proloquium namque hæreticorum est, immediate tantum sub Christo capite invisibili degere fideles ut corpus visibile Ecclesiæ accephalum constituendo effrænes admittant.

(1) *Præterea* (utar verbis Magistri Cano, quia urgentiora non suppetunt) *Præterea Ecclesiæ consuetudo hoc manifeste declarat. Nunquam enim admissa est appellatio in causis fidei a sede Romana, sed hæreticos ab ea judicatos, Ecclesia semper hæreticos etiam judicavit; & certe si Romanæ Sedis judicium fallax esset, Concilii vero esset verax, & certum, naturæ, rationi, veræque Theologiæ is adversaretur, qui appellationem a Pontifice ad concilium denegaret. Quo uno argumento, ostendit Gelasius, Sedem Apostolicam de tota Ecclesia judica-*

re,

(1) l. 6. de loc. Theol. c. 7.

re, ipsam vero ad nullius pertinere iudicium. Jam illiusmodi appellationes, in fidei præsertim dogmate, Ecclesia nescit; nam in hæretici solum utuntur.

Quid si admitterentur huiusmodi appellationes a Romana definitione ad futurum Concilium? Nonne suspensiva admissio licitam faceret hæresi licentiam impune grassandi per populos, & hæreticis ipsis permissum redderet impune interim vivendi ad longissimum tempus; cum satis apud omnes compertum sit, quantum difficile sit congregare Concilium Generale, & sæpe etiam impossibile ex frequenti temporum perturbatione? Quamobrem eritne credibile, quod Ecclesia hac infelici conditione, adeo aliena a Christi providentia, fuerit constituta, ut ab improbis fidei hostibus quati possit, defendi a probis non possit, labefactari cogatur, propulsare injurias expedite prohibeatur, donec Concilium convocet? Repugnat ratio, obstitit sensus, exhorrescit imaginatio, experientia interpositæ in hoc sæculo appellationis a Constitutione *Unigenitus* nos plene, ac luctuose docuit, & adhuc docet; imo feram posteritatem docebit, quam flagitiosum sit, in re tam gravi, contra Canones, & adversus veritatem provocare. Quod si vidisset nuperimus scriptor, hoc remedium exitiale, neutiquam remedium necessarium dixisset.

Heu tamen ! Incaſſum hæc ob oculos ob-
 jiciuntur : obfirmatus animus non ſeclititur.
 Agitur de Fide : ad ſuperioritatem Concilii
 diverſitur . Propulſantur hæretici : opinio
 de auctoritate Papæ pugnam præoccupat .
 Inſtruuntur ſubditi Paſtorali doctrina : ob-
 truditur diſceptratio adverſus Pontificiam au-
 thoritatem . Diſputatur in Scholis , propu-
 gnantur theſes ; In primis agitur de labefa-
 ctandis Sedis Romanæ privilegiis . Ex Ca-
 thedra inſtituuntur diſcipuli ; Sed inter pri-
 ma rudimenta apprime imbuuntur , ut ipſi
 nec fallere , neque falli poſſint ; Romanus
 vero Pontifex utrumque patiat , etſi ex
 Cathedra definiat . Iraque ſi eduntur a Ro-
 mana Sede Conſtitutiones dogmaticæ , ad
 Concilium provocatur , & de poteſtate tran-
 ſigere eſt totus conatus . Obedientia Papæ
 debita prædicatur , & pugna pluſquam Va-
 tiniana committitur . Deus meliora !

Ferrandus Carthagenſis Diaconus , ſæ-
 culo ſexto ad Severum Scholaſticum ſcri-
 bens , in hæc verba faſus eſt : *Interroga ,*
vir prudentiſſime , ſi quid veritatis cupis au-
dire , principaliter Apoſtolice Sedis Antiſti-
tem , cujus ſana doctrina conſtat judicio ve-
ritatis , & fulcitur munimine auctoritatis .

Sanctus Gregorius M. (1) ad Episcopos
 Galliarum ſcribens , commonuit , quid fa-
 cto opus erat in emergentibus diſceptrationi-
 bus ,

(1) L. 4. Epist. 52.

bus , quæ graviore indigerent examine . Si-
quam vero contentionem , inquit , *quam lon-*
ge faciat divina potentia , *de fidei causa eve-*
nire contigerit , aut *negotium emerferit* , *cu-*
jus vehemens sit fortasse dubietas , & *pro sui*
magnitudine judicio Sedis Apostolicæ indi-
geat : *examinata diligentius veritate* , *rela-*
tione sua ad nostram studeat perducere no-
tionem , *quatenus a nobis valeat congrua si-*
ne dubio sententia terminari . Ecquid magis
 rationi , imo juri universali nedum confo-
 num , sed etiam debitum censi potest ,
 quam integrum relinquere Sanctæ Sedi de
 potestate sua examen , & judicium ? Aude-
 bit ne quisquam , citra injuriam sui Principis
 de ejus auctoritate quid imminutum ,
 quid indecorum proferre ? Et audebunt sub-
 diti Ecclesiastici , procures Hierarchici , Uni-
 versitates beneficiis Pontificiis institutæ , &
 privilegiis amplificatæ , Filii prædilecti , in-
 vito Romano Pontifice , & contradicente ,
 peremptorie dicere de ejus potestate ; nunc
 auctoritatem decurtando , nunc jurisdictio-
 nem intercidendo , nunc errorem imponen-
 do , susdeque Pontificium circumsecando ,
 quin doloris sensu affectus injustitiam repul-
 set , arrogantiam retundat , & sua vindicet
 jura ?

Exarsit Bonifatius VIII. fulmina intorsit
 Alexander VII. Pluribus indignationibus
 conquestus est Innocentius XI. contra editas
 Cle-

Cleri declarationes. Irritas, cassas, & inanes declaravit fore, & esse Alexander VIII. Purgationis speciem exegit Innocentius XII. Neque ipse Rex Christianissimus Ludovicus XIV. detrectavit in Religionis suæ specimen, literas ad eundem Pontificem dare, quibus testatam voluit erga Apostolicam Sedem sui animi venerationem, & erga illius supremam auctoritatem, intimam sui cordis demissionem: Factoque spondit se laturum protinus remedium, ut decreta infecta jacerent, liberumque omnibus foret dicere, oppositas declarationi theses docere possent, atque defendere, nec non Pontificium, qua late patet, tueri, vindicare, & prædicare. Quo fato hæc spes evanuerit, & pejora prioribus sint subsecuta, videant mente, & consilio præditi, atque dijudicent an recte cohæreant. Nobis interim alte insitum sit illud Nicolai I. ad Carolum Calvum scribentis: (1) *Privilegia Romanæ Ecclesiæ, totius sunt Christi, ut ita dicamus, remedia Ecclesiæ Catholicæ.*

Ad rem appellationis, unde divertimus, revertamur. Etiam de rebus ad disciplinam spectantibus provocare a Romano Episcopo ad Concilium, fuit opus Donatistarum, malæ sobolis fructus. Antiqui Galliarum Episcopi hanc audaciam improbarunt, imo Ivo Carnotensis eam execrari non omisit, consu-

(1) Ep. 30.

fulens veram procedendi rationem , nempe ad eundem Pontificem confugere , ut iterum causa repetitis curis exagitetur . Verum furdis canitur . Ad futurum Concilium appellandum est , queruli hostes vociferant . Sit incertus hic Judex futurus , sit nunquam fururus , sit neque possibilis , nihil interest , inquit , est appellandum . Jaceat deinde appellatio , tantum abest , ut convocatio Concilii urgeatur , quin potius parati sunt omnia confectari impedimenta , ne cogatur . Ubi nam hæc jura leguntur ad illudendum , & colludendum selecta ? Nonne admissis his tergiversationibus , adhuc suo pondere , atque auctoritate dejiciuntur Conciliorum Generalium sententiæ , & decreta ? Ita plane . Eutyches in Concilio Constantinopolitano damnatus , aliud Concilium petiit convocari ; Interim in perniciem Ecclesiæ , curabat , ut pendula remaneret Concilii sententia . Taddæus Friderici II. Imperatoris orator damnatus a Concilio Lugdunensi I. ad aliud plenius Concilium ausus est provocare . (1) Refert Cardinalis Pallavicinus , ipsos Gallos , qui enixe postularunt cogi Concilium Tridentinum , ut & fidei , & disciplinæ Canones sancirentur , acceptis dogmatibus , cætera rejecisse . Quæ omnia argumento sunt , provocari ad con-

tu-

(1) Hist. Concil. l. 3. c. 5. & 7. & l. 24. c. 10. & 11.

tumaciam eludendam; postulari alium Judicem, ad declinandum judicium latum, & ad irridendas omnes leges flagitari Concilium. Si hac providentia excogitari possit bene instituta Ecclesia, & si hac methodo regi possit in ea, qua pollet sanctitate, videant aulici, per quos hujusmodi deliramenta a regimine politico exulant. Videant Episcopi, qui ea ipsa in sua diœcesi horrent. Videant omnes Fideles, qui a suo supremo Pastore expetunt, tuto dirigi ad Cœlum.

Provide tanto malo occurrerunt Summi Pontifices, Joannes XXII. & Callistus III. & Xistus IV. & Pius II. & Martinus V. & Julius II. datis diplomatibus, quibus hujusmodi appellantes diris devovent, & hæreticis accensent. Idem idem postremo successores quotannis in Cœna Domini repetitis spiculis hoc ipsum confodiunt. Ludovicus XI. Christianissimus Galliarum Rex, audita Xisti IV. Constitutione, qua appellationes ad futurum Concilium execrabatur, & appellantes, ut hæreticos percellebat, voluit, jussitque Pontificium diploma solenniter denunciari, ut refert Odoricus Raynaldus. (1) Appellavit ad futurum Concilium Dietherus Archiepiscopus Moguntinus, cumque pudore suffudit Rodolphus Pontificius Nuntius, in hæc verba alloquens.

(1)

(1) Ad an. 1483. n. 12.

(1) Oro, a quo *Judice* provocasti? Ab eo certe, qui non habet in *Terra* superiorem; Nam quis major *Papa* in terris? Quæ celsior auctoritas? Quæ sublimior dignitas? Quæ potestas altior, quam *Jesu Christi Vicariatus*? Ab eo appellasti, *Dietbere*, qui tamen ægre ferres, si quis *Provincialium tuorum* a te ipso appellasset. Sed quem appellasti *Judicem*? Quem provocasti tuæ causæ cognitorem? *Futurum Concilium*, dicis, appellavi. Et ubi est *futurum Concilium*? Ubi sedet? Ubi *Tribunal* ejus requirimus? *Pulchra inventio*, ut impunita sint scelera; ut liceat sine metu *judicii aliena* invadere. Is *Judex* appellatur, qui nunquam reperitur. In conventu *Mantuan*o adversus hanc nequitiam lex edita est, quæ appellanti ad *futurum Concilium* eam irrogat pœnam, qua rei *Majestatis*, & fautores *hæreticorum* plectuntur. Addidit *Xistus IV.* (2) *hujusmodi transgressores* aliud caput in *Ecclesia Dei*, ac *imaginarium majus*, & *sublimius tribunal* confingentes contra *Apostolum* dicentem; *Fundamentum aliud nemo potest ponere*, præter id, quod *Christus instituit*; *hujus S. Sedis primatum negare*, *Ecclesiæ unitatem dividere*, non unum solum *privilegium Ecclesiæ* adimere, sed præcipuam, & *principalem dictæ Sedis auctoritatem*, quam & *vox Christi*, & *Majorum*

tra-

(1) Raynald. ad an. 1461. n. 18. (1)

(2) Raynald. ad an. 1483. n. 20. (2)

traditio, & Canonum fulcit auctoritas, penitus subvertere non verentur, præ cæteris detestabiliore esse, & eorum appellationes, quacunque occasione interponerentur, non solum irritas, & inanēs, sed fraudulentos, & sacrilegas, & hæreticas esse.

Audiamus iterum sapientissimum Magistrum Canum differentem in hæc verba :
 (1) *Sed provocaverunt Doctores Parisienses a Concilio Lateranensi (addam, & postremo a Constitutione Unigenitus, ut non miremur, si minime parcant Pontificiæ auctoritati, qui neque Concilio obtemperare gestiunt, & quemadmodum Papam subditum volunt esse Concilio, perinde & unum Concilium alteri subesse faciunt, ut judicia, quæ displicent, prope in infinitum pendula protraherentur. Est ne sic agere opus Dei, Ecclesiæque negotium?) Ad nostra redeamus : Provocaverunt Doctores Parisienses, inquit Cano, a Concilio Lateranensi, & appellatio nomine Academiæ circumfertur. Quorum illa fuerit, ego hic non disputo. Illud astruo, non sine Ecclesiæ scandalo, atque perniciæ circumferri ; & alibi propius pericula, & foveas ostendit, dicens:*
 (2) *Qui vero contempserunt, inaniaque, & levia, ac pro nibilo existimarunt, omnes ad unum periclitati sunt ; ii, qui manifeste*
 ab

(1) De loc. Theol. l. 5. c. post. ad 9.

(2) L. 12. c. 10.

*ab Ecclesia discessere, & ii, qui Ecclesiæ fuere suspecti, postremo ii, qui in occulto ad-
buc latent, sed suo se tempore, ut cæteri,
prodent. Hactenus Cano.*

§. XX.

Tertium Consecrarium accedit.

Sessionis IV. & V. Concilii Constantien-
sis decreta, quibus contenditur sub-
actum Papam Concilio tunc coacto, &
cuilibet alteri futuro, futile argumentum
hostibus præbent, cui ut Achilli unice ad-
hærescere, & incumbere se jactitant. Di-
lucide res explicabitur. Dònce præsentia
Joannis XXIII. cujus auctoritate coactum
fuerat Constantiæ Concilium, perstitit ho-
nestatum, nemo molitus est quidquam ad-
versus Pontificiam dignitatem. Ast ubi au-
dierunt Patres clam se subripuisse Const-
antia Joannem, timore, & ira perciti, ne
Joannes declinare ad schisma æternum pro-
latandum, meditaretur, actutum sub capi-
te Christo immediate se esse professi sunt,
decreveruntque, Papam subesse Concilio,
tam præsentì, quam cuilibet alteri. Hæc
constant ex ipsa facti specie ab historia, &
actis descripta, ex quibus plura discimus:
I. Patres in suspensionem venisse, ne Jo-
annes dissolveret Concilium; idcirco conatum
præ-

præoccupare studuerunt, invocato in caput Christo, deleto capite visibili Joanne. II. Concilium statim in decreta sess. iv. & v. descendisse, ut perterrefactum Joannem coheret stare promissis, studio delendi dirum schisma, unde & precibus, & minis enixe curavit, ut Constantiam Joannes rediret. III. Concilium, ne sua spe frustraretur, omnem lapidem impulit, ut Joannes se subiceret Concilio, in his signanter, quæ ad schismatis extinctionem conducere poterant. IV. Concilium animadvertens, & ferro, & igne in illo extremo discrimine utendum esse, per comminatam depositionem, dignitati cedere Joannem coegit, qui proinde acceptando depositionis sententiam in eum latam, Concilio se subiecit.

Itaque quemadmodum Joannes sibi constans non fuit, perinde Concilium vacillavit, & plene de adscita auctoritate dubitavit; dubique gravis momenta ipsa ratio suppeditabat. Tum quia ipsum Joannem agnovit, ut caput, in convocatione Concilii. Quomodo igitur intra unius, vel alterius diei spatium mutilum, & acephalum, sine capite visibili poterat Concilium se declarare? Tum quia ipsum Concilium admodum infrequens, utpote unius tantum obedientiæ, jure in ambiguo erat, an ut Ecclesiam universalem repræsentans, agnosceretur, perinde ac expertum fuerat Con-

ci.

cilium Pisanum. Tum quia si Concilium sua auctoritate plenaria constans sibi videbatur; Eccur sollicitare non destitit Joannem, ut sponte se subjiceret Concilio, Ecclesiæque pacem donaret per voluntariam Papatus abdicationem?

Quæ omnia dilucide demonstrant, neque aliud intendisse, neque quidquam aliud voluisse Concilium, quam ex causa schismatis, & ex desiderio illud ab Ecclesia tollendi, sibi Papam subjicere per decreta sess. iv. & v. & quia adhuc in dubio versabatur, an in hoc Constantiensi cœtu, ad optatum finem res perducere potuisset; Idcirco. & cuilibet alteri Concilio de eadem pace donanda tractaturo, voluit Papam dicere subjectum. Papam scilicet dubium: Papam schisma pertinaciter foventem: Papam Ecclesiam scindentem, & ob id a fide devium. Legantur acta depositionis ejusdem Joannis, & palam fiet, ex causa schismatis, & hæresis fuisse Papatu exutum. Perinde accidit in Concilio Pisano, quum lata fuit sententia in Gregorium XII. & Benedictum XIII. esto inutili conatu.

Confirmavit Martinus V. acta Constantiensia, adeoque decreta etiam sess. iv. & v. de subjectione Papæ Concilio, inquit adversarii. Verum ex actis id neutiquam constat. Nullum decretum confirmationis legitur, nulla sententia. Interrogatur Pontifex

ritex ab Oratore Polonorum de alio negotio. (1.) Respondet ille: de hoc negotio nihil actum esse in Concilio conciliariter, ideo non nisi conciliariter acta confirmare velle, & præcise in iis, quæ ad fidem spectant. Rursus idem Martinus constitutionem edidit, in qua damnatas propositiones Witclephi, Hus., & Hieronymi de Praga iterato damnat, & confodit, ne dubia auctoritas Concilii in favorem hæresis, & hereticorum detorta fuisset. Rem sic se habere constat ex actis, & ex facti specie. Quorsum enim hæc repetitio, si acta Concilii abunde prospexissent fidei securitati? At quia plurimæ exceptiones obijci poterant, sapienter cautum est, per Martini V. providentiam. Confirmat id omnino Sapientissimus Cano, inquiens: (2.) *eo tempore statuit (Concilium Constantiense) quo sine capite erat. Contendit autem Cajet. & Turrecrem. Concilium mutilum sine capite in decretis fidei ferendis nullam habere certam auctoritatem; Et quamquam id multis quidem argumentis suadere nituntur: Sed apud me illud est maximum, quod sicut Deus non deficit in necessariis, ita non abundat in superfluis. Cum ergo sola auctoritas deponendi Pontificem hæreticum, & aut eligendi, aut decernendi Catholicum, sit Ecclesie necessaria.*

(1.) Sess. ult.

(2.) L. 5. cap. 5. ad 5. qu. concl. 2.

cessaria in casibus, quibus Ecclesia Concilium sine Capite cogere suo juri potest, nihil cause est, cur ampliore potestatem Concilio imperfecto tribuamus. Reliqua quidem expendiri possunt, vel electo Pontifice Catholico, qui non erat; vel definito certo, cum inter multos quisnam esset verus Pontifex, dubium erat.

His statutis, in fumum abeunt decreta Constantiensia iv. & v. sess. de superioritate Concilii, & de Papæ subjectione, quatenus trahuntur extra casum hæresis, & schismatis criminationis, ut inique Babileenses attentarunt. Quia non erat in potestate Concilii hujusmodi decreta edere, neque in animo Martini fuit ad illa prorsus respicere, nec minus confirmare. Ipsa verba Martini rem probant. Declaravit, modo dicto, duntaxat Martinus V. confirmata velle, quæ & Conciliariter acta fuerant. & in materia fidei. Neque prima, neque secunda conditio comitatur decreta Constantiensia, ad omnem Papam imperite traducta. Non prima, quia repente, ut vidimus, errupere. Non secunda, quum fideles adhuc habeantur, qui illa eadem confutarunt, & damnavere.

Ad exuberantiam hæc dicta sint. Cæterum in sententia persisto, nempe ad casum schismatis prospexisse concilium, & ad casum contendentium Pontificum, ex dubio

sive Juris, sive facti, sive utriusque exorto, ut tunc temporis agebatur; & ob schisma in Ecclesia exstans aliud non erat excogitandum remedium, quam Concilio contententes Pontifices subicere; quod si contingeret ab uno, non posse schisma deleri, ut in Pisano Concilio evenit, opus erat indicare, ut factum est, hujusmodi Pontifices cuilibet alteri Concilio parituros esse. Et sane quantum studium, quanta solertia Concilii fuit, ut & presentes calamitates componeret, & ut futuras præcaveret? (1) Quamobrem in Cap. Frequens, futurum Pontificem, quantum in ipsis Concilii Patribus erat, onerarunt urgentibus decretis, ut quodlibet aliud schisma ab Ecclesia arceret, & ipsa pericula præfocaret.

Hucusque dicta egregie suam firmitatem mutuabuntur a §. seq. ubi de iisdem iteratis decretis agendum est.

§. XXI.

Præcedens Confectarium ampliatur, & roboratur.

AB Eugenio IV. coactum fuit Concilium, quod Basileæ felicibus auspiciis inceptum, progressum corruptit, finem nefario scœdavit schismate, ac tandem

(1) Concil. Constant. sess. 39.

tam malorum, quam errorum execratione notatam reliquit memoriam. Hujus generis fundamentis sese fidunt adversarii. Propterea ait Sapientissimus Cano: (1) *Miror equidem illorum cæcitatem, qui Concilium Basileense tueri volunt, cum manifestum sit, illud, licet a principio Eugenio IV. consentiente fuerit congregatum, postea tamen ab eodem primum Ferrariam, deinde Florentiam translatum esse, ubi Basileenses conatus publica Ecclesiæ auctoritate repressi sunt.*

Quid igitur juvat, accersere patrocinium labanti causæ a Concilio adeo infastæ recordationis, quia decreta Constantiensia iv. & v. sess. reproduxit, restituitque in secunda sess. Basileæ celebrata? Quid juvat? Tunc quippe cæpit Concilium evaporare virus, quod adversus Eugenium evomere moliebatur, & tam progressus, quam exitus rem comprobavit. Vestigiis itaque Constantiensium insistentes decreta cit. sess. iv. & v. instauravit, sed ad eundem sensum verba collimabant, nempe pro casu schismatis, & dubii Pontificiis, quare potius commemoratio præcedentium decretorum, quam nova decreta dici debent. Quod certissimis momentis evincitur. I. Quia in illa secunda sess. paucissimi Episcopi aderant. II. Quia quum adhuc post Concilium Constantiense vigeret inter Doctores maxime in Romana

Z 3

Ec-

(1) De loc. Theol. l. 5. c. post. ad 9.

Ecclesia, cui universa traditio docet, & jubet, esse deferendum, sententia de absoluta independentia Romani Pontificis a Concilio Generali, & de ejus suprema auctoritate supra Concilium; Inconsulto non poterat quicquam in contrarium definire, nisi re plene, ac serio digesta, uti gravitas materiæ postulabat. Ex abrupto enim decretum profiliavit, adeoque merito Legatus acriter fuit ab Eugenio increpatus. III. Quia ipsi Patres quum in apertum schisma prolapsi fuere, rati primo illo Decreto nihil ad rem suam se sanxisse, rem omnem ad trutinam revocarunt, & ut articulum fidei sess. 33. definire audacissime conati sunt, sensum Constantiensium Patrum pro casu schismatis, & dubii Papæ, ad sensum absolutum omnium Pontificum detorquendo. IV. Quia perinde intellexit Eugenius unacum PP. Florentinis dato Diplomate condemnationis adversus (1) Basileenses, quorum conventum Conciliabulum, & Synagogam compellavit, & Episcopus Meldensis Orator Christianissimi Regis, conceptis verbis execrationem ingeminavit, testatus in hanc vesaniam Basileenses ruisse, ut; ad Aristocratiam, & Democratiam Ecclesiam perducerent. (2) *Quare nihil mirum si turpiter, & pueriliter erraverint, eos pro Hæreticis con-*

(1) Decretal. Moyfes.

(2) loc. cit.

condemnando , qui nunc sine controversia fideles habentur , inquit Cano laudatus .

Neque refert , Eugenium statim ab initio dissolviffe Concilium , mox solutionem revocasse , ut ex literis Eugenii sess. xvi. lectis constat . Quia revocatorie literæ nihil aliud gestiebant , quam Concilium legitime ab initio fuisse inchoatum , legitimeque continuatum . An autem bene , vel male , prætermisit Eugenius in posterioribus literis indicare , quod tamen primis reprehenderat , ubi facta , & gesta adversus Pontificiam auctoritatem retractare , & abolere imperabat . Hoc unum adnotandum est , Eugenium perpetuo damnasse Basileenses , quia ad obortum sensum trahebant decreta Constantiensia , illumque satis ample Basileenses explicarunt , cum ausi sint in primis sessionibus ipsum Eugenium abjicere , & perinde ac Ecclesia sine vero Pontifice esset , sub capite Christo congregari , & sedere se jactaverunt . Deinde , quod lepidum est , omnem artem Basileenses impenderunt , ut Eugenius , sive per vim , sive per metum coactus , indictam Concilii dissolutionem deleret . Quod ubi factum est , abjecto Christo , ut immediato capite , sub visibili capite immediato , scilicet Eugenio confedere gestiebant parati . Quis has antilogias ; Quis hanc præposteram agendi rationem intelliget , aut unquam laudabit ? Nihilominus

adversarii festive exultant, & magnifice pronuntiant, Constantiensibus decretis accessisse auctoritatem Concilii Basileensis.

Quidquid deinceps actum est, sive per ipsum Eugenium, sive per Nicolaum V. successorem Eugenii mitius procedendo adversus Basileenses ad avertendum schismatis incendium, vel extinguendum, gestum fuisse constat. Audire iterum præstat Eugenium in Concilio Florentino edita Constitutione, quæ incipit *Moyse*, ita loquentem: *In hoc perniciosissimi (Basileenses) dum suam malignitatem sub veritatis fidei fuco colorant, Constantiense Concilium in malum, ac reprobum sensum, & a sana doctrina penitus alienum, pertrahunt; cæterorum hæreticorum, & schismaticorum falsam doctrinam sequentes, qui confictos errores, & impia dogmata ex divinis Scripturis, & Sanctis P.P. perversè intellectu, semper destruere moluntur.* En quomodo de decretis Constantiensibus per Basileenses evulgatis, ac si veritates fidei forent, loquitur Eugenius. Etenim probe noverat, voluisse illos docere, omnes ad unum Romanos Pontifices, sive certos, & indubitatos, sive ab hæresi, & schismate alienos, inferiores esse Concilio, eique subjectionem, atque obedientiam debere.

Nicolaus V. ob temporis nequitiam, quantum eniti potuit, pacem Ecclesiæ per schis-

schismatis extinctionem conciliare curavit . Id compacto Instrumento perfecit , quo comminationes , (1 .) privationes , tam facti , quam Juris , censuras , criminationes , & pœnas quascumque adversus Concilium Basileense latas , delere , & irritas , perinde ac si nunquam emanassent , declarare dignatus est ; Etiam si cum expressione Ferrariensis , seu Florentini , aut alterius Concilii Generalis fuerint denunciatae . Sed quorsum hæc ad patrocinium dejectæ auctoritatis Pontificiæ infra Concilium ? Quorsum hæc ad accersendum errori præsidium ? Nunquid quod factum est duntaxat ad purgandum personas , ab admissio crimine , juvabit ad laudandum schisma , ad abstergendam iniquitatem , vel ad scelus approbandum ? Veritates a Basileensibus venditas tanquam articulos fidei , adhuc omnis Fidelis execratur . Jactatas a Basileensibus definitiones fidei adhuc Ecclesia rejicit , & abhorret . Superioritatem Concilii supra Papam , extra casum hæresis , & schismatis adhuc potior , & longe major pars Orbis refutat , & averfatur . Adhuc decretalis Moyfes ab Eugenio edita suo consistit vigore , & robore , plenior parte Ecclesiæ conclamante . Et erit animus alicui omnia hæc luce clariora tenebris offundere , & perinde iis adversari , ac si Nicolaus V. personas reintegravit .

(1 .) Epist. ad omnes fidel. 3. apud Labbe tom. 13.

grando, ut pace Ecclesiæ fruereutur, itidem cum errore pacem conciliare præsumpserit? Absit hoc a Nicolai V. sapientia, & innocentia; dicamusque inconcussam persistere Decretalem Moyles, & Basileenses, instando apud Nicolaum, ut a contractis poenis eriperentur, confessos esse, velint, nolint, supremam inesse Papæ potestatem eas infligendi, & ab illis absolvendi etiam ipsos, qui Concilia complent, & jactant, se in Spiritu Sancto congregatos esse; nec non universalem Ecclesiam repræsentare sub immediato capite Christo.

§. XXII.

Quartum Consecrarium educitur.

Romanos Pontifices studiosissimos in Canonum incolumitate, & observantia, tum tuenda, tum promovenda, fuisse, & esse profiteamur: Adeo ut ne quam jacturam subirent, pluries protestati sint, se habere Canonum custodiam, non dominatum; Dispensatores esse, non dissipatores, & usque ad sanguinem pugnatuos, ne violatores dici unquam paterentur. Nemo tamen inficias ibit, in quacumque Republica, sive communitate recte instituta triplicis generis Jura attendi oportere. Aliud divinum, quod supra nos est; aliud naturale,

le, quod est in nobis : aliud humanum, quod infra nos est. In jure divino, & naturali, nonnisi Deus ipse, & Conditor naturæ dominari potest. Reliquum ad jus humanum spectat, & sub aliquo supremo Principe, & interprete necesse est leges constituere, ne unusquisque, occurrente necessitate, sit sibi lex, Judex, Interpretes, & simul legis violator.

Itaque in Christiana Republica nemo supra Canones assignari potest supremus Princeps, præterquam ille, qui Principatum in Ecclesia tenet, cujusmodi est Romanus Pontifex, in quo omnes agnoscunt iniedere plenitudinem potestatis. Non enim Concilium Generale præsto esse potest, vel ad dispensandum, vel ad derogandum, vel ad occurrendum corruptelis per meliores, aut opportuniore leges, quemadmodum summus Pontifex, ad quem proinde ipsa Concilia etiam jubent referre, & ubi necessitas urget, & ubi utilitas publica poscit, remedium exposulare.

Fatemur, adesse Canones bonum universale Ecclesiæ spectantes, omniumque fidelium obedientia consecratos, quos immutare, aut convellere piaculum summum esset. Sed nunquid ad deprimendam auctoritatem Papæ infra Canones hoc juvat? Minime gentium. Identidem talia contingunt in quocunque Monarchico Imperio, quin
Rex

Rex subiectus legibus, aut Regno dicatur. Possunt enim esse leges, plurium aliarum fundamenta, & bases, quibus sublatis, tota rueret Ecclesiastica, vel Civilis politia. Possunt esse leges, quæ vix vel nunquam mutari in melius valeant; & tandem possunt esse leges, quæ si tollerentur, Fidelium tranquillitas, vel disciplina periret. Quare potestas data in ædificationem, nunquam in destructionem intelligi debet collata. Quæcunque sit illa impotentia huiusmodi leges abrogandi, nullatenus indicat subjectionem legibus, quia non est impotentia absoluta, sed conditionata ex suppositione vel materiæ, vel recti regiminis exigentis, huiusmodi leges immobiles, & inconcussaservari.

Rursus non repugno, dari leges, quas ipse supremus Princeps sibi quoque convenire cogitet, sit necesse: Proinde tamen sub legibus esse non est dicendus. Quoniam ipse sponte observare debet, ut vel aliis exemplo præluceat; vel observantiam subditorum suo opere dirigendo, licentiam obloquentium iniqua coerceat. Cæterum si eas violare contingeret, nullius Iudicis iudicium patietur, quia nullum superiorem agnoscit. Quæ in Civili politia communiter Doctores probant, respectu Principis Monarchæ, fortius cogimur de Romano Pontifice asserere, qui nemini, nisi Christo subjacet, a quo

quo immediate Pastor omnium est dictus , totiusque ovilis supremus Hierarcha , a solo divino pendens iudicio , ut ipsa Concilia explicavere .

Præest igitur Canonibus Romanus Pontifex , suamque supremam potestatem exercet , quum dispensat , quum derogat , quum augeat , quum minuit , esto semper licitum non sit abrogare , vel immutare , imo sæpe sæpius , etiam si liceat , non tamen expedit , ut scribebat Apostolus . Eodem jure potitur Papa in Generalibus Conciliis pro sua suprema auctoritate , qua pollet in Ecclesia , sed minime semper expedit exere-
re , ne concertationes ad opinantium discordiam prorumpant . Verum si casus contingeret inter Papam , & Patres disceptationem emergere , tunc pro qualitate materiæ , alterutra pars superabit . Vel enim contra manifestam veritatem altera pars pugnat (quod de Summo Pontifice divinam providentiam nunquam permissuram speramus) vel in re ardua , & utrinque suis fulcita momentis discussio procedit . Si primum dicatur ; tunc certe coercenda erit pars errabunda , quæcunque illa sit , quum accedente pertinacia etiam hæresis notam incurrat . Si vero secundum occurreret , suspendendum iudicium est , donec , docente Spiritu Sancto , veritas elucescat . Quod si Patres Concilii adversus Papæ sensum pronunciarent ,
pro-

procul dubio sententia non haberet certitudinem fidei, donec firmitatem a Pontifice Romano acciperet. Dilucide hæc probantur in Quinta Synodo, cujus decretum damnationis trium Capitulorum pendulum hæsit, usque ad permissam confirmationem Vigiliæ Papæ. Sin autem Papa, dissentiente Concilio, ex Cathedra doceret, sententia ejus pro fide tenenda esset, quia per os Petri jubemur, audire, & credere, ut dicitur in Actibus Apostolorum. Jubemur quoque audire, & credere per os Concilii simul cum Papa docentis, sed nunquam legitur Ecclesiam obstringi audire, & credere per os Concilii dissonantis a capite, cujusmodi est ex divino jure Romanus Pontifex.

§. XXIII.

Quintum Consecrarium offertur.

Supremæ auctoritati Romani Pontificis, ejusque judicio ex Cathedra lato, omnino aberrationis exforti, debetur etiam omnium librorum, & auctorum censura, atque potestas eos probandi, vel condemnandi. Injucondum haud erit hæc ostendere, quum insistent tempora mala. Synodus Ticinensis, præsentis Imperatoris (1)

Caro-

(1) Baron ad an. 876. & in Conc. c. 2.

Carolo Calvo celebrata, frequentia Gallorum Antistitem aucta, honorem summo Pontifici ex debito: professa est: *Et quæ secundum sacrum ministerium cum auctoritate Apostolica decreverit, cum summa veneratione ab omnibus suscipi deberentur*. Id ipsum firmavere Gallicani Præsules in Synodo Trecenti (1) coram Joanne VIII. cui jure jurando inviolabilem obedientiæ significationem sponponderunt, & Sanctam Romanam Ecclesiam professi sunt agnoscere ut *Matrem, atque Magistram*. (2) Nicolaus I. Photii temeritatem compescens, docuit a Sede Apostolica exquirendam esse veritatis doctrinam, in hæc verba: *Quia universitas credentium ab hac Sancta Romana Ecclesia, quæ caput est omnium Ecclesiarum, doctrinam exquirat, integritatem fidei deposcit, criminum solutionem, qui digni sunt, & gratia Dei redempti, exorant; oportet nos, quibus commissæ est, sollicitos esse. Et ideo consequens est, ut quod ab hujus Sanctæ Sedis Rectoribus plena auctoritate sancitur, nullius consuetudinis præpediente occasione, proprias tantum sequendo voluntates, removeatur, sed firmitus, atque inconcusse teneatur*.

In prædictorum efficaciam venit, recte ab eodem Nicolao suæ auctoritati vindicatam esse

(1) ad an 878.

(2) Epist. 6. ad Phot.

esse ex more antiquo omnium librorum, auctorumque promeritam censuram. Scribens nanque ad Gallicanos Episcopos, ita eos alloquitur: (1) *Sic enim ipsorum (Romanorum Pontificum) decreto cæterorum opuscula tractatorum approbantur, vel reprobantur, ita ut quod Sedes Apostolica probat, hodie teneatur acceptum, & quod illa repulit, hætenus inefficax habetur; & quanto potius quæ ipsa pro Catholica Fide profanis dogmatibus repellendis, pro variis, & multifariis Ecclesiæ necessitatibus, & fidelium moribus diverso tempore scripsit, omni debet honore præferri, & ab omnibus prorsus in quibuslibet opportunitatibus discretionem, vel dispensationem magistra reverenter assumi. Quumque innotuisset Nicolao, Joannem Scotum Erigenam in doctrina Operum Divi Dionysii, quæ ex Græco Latine reddidit, deerrasse, compulit sibi librum examinandum ex Galliis transmitti, dicens: (2) *Relatum est Apostolatui nostro, quod opus B. Dionysii Areopagitæ, quod de divinis nominibus, vel cælestibus ordinibus Græco descripsit eloquio, quidam vir Joannes genere Scottus, nuper in Latinum transtulerit; quod juxta morem nobis mitti, & nostro debuit judicio approbari: Præsertim cum idem Joannes, licet multæ scientiæ esse prædicetur, olim**

(1) Ep. 47. tom. 3. Concil. Gall. pag. 259.

(2) Tom. 3. Concil. Gall. pag. 352.

olim non sane sapere in quibusdam frequen-
tiumore diceretur. Itaque quod hætenus
omissum est vestra industria suppleat, & no-
bis præfatum opus sine ulla cunctatione mit-
tat, quatenus dum a nostri Apostolatus ju-
dicio fuerit approbatum, ab omnibus incun-
ctanter nostra auctoritate acceptius habeat-
tur. Quibus instructus Godefridus Viter-
biensis in Epistola nuncupatoria ad Urban-
um III. quam suo Chronico universali præ-
fixit, eandem auctoritatem demissa animi
significatione deprædicat. Præmiserat ean-
dem protestationem, & Divus Augustinus
in Epistola pariter nuncupatoria ad Bonifa-
cium I. quæ extat in opere contra duas e-
pistolas Pelagianorum, & S. Anselmus Can-
tuariensis in simili epistola libri de fide Tri-
nitatis, & Incarnationis Verbi ad Urbanum
II. & Divus Thomas Aquinas in Epistola
Dedicatoria Catenæ Auræ ad Urbanum
IV. ex quibus constat esse Romani Ponti-
ficis curam, modum, & moderamen reti-
nendum in studiis, & Doctrina præscribere.
Idipsum agnovit Duodecimo Sæculo Ste-
phanus Tornacensis Episcopus, enixe ro-
gans Cælestinum III. ut Academias cogeret
ad uniformem docendi rationem, & veri-
tatis sectandæ studium. (1) *Acc omnia Pa-
ter (inquit) correctionis Apostolicæ manum
desiderant, ut uniformitas docendi, discen-*

A a di

(1) Ep. ad Cælest. 3. apud Claud. de Moulin.

di, disputandi auctoritate vestra ad certam redigatur formam, ne sermo divinus attritione vulgari vilescat.

Audiat S. Thomas Cantuariensis Archiepiscopus scientia, & Martyrio illustris, qui peremptorio argumento divagantia quæque ingenia comprimit. (1) *Doct̃or Gentium*, inquit, *qui gloriatur, se non ab homine, neque per hominem Evangelium didicisse, sed instructus a Christo, ascendit Hierosolymam cum Ecclesiarum Principe de fide contulit, ne forte in vacuum curreret, vel cucurrisset .. Siquidem fons Paradisi unus est, sed in plura rescinditur flumina, ut undique irriget terram. Quis Romanam Ecclesiam Caput omnium Ecclesiarum, fontem Catholice Doctrinæ ambigit esse?*

Cohæret S. Thomas Cantuariensis libello Hadriani II. in Synodò Octava act. 1. relecto, & a Patribus cunctis subscripto, ubi egregium erga Romanam Ecclesiam proferebatur encomium: *Quia in Sede Apostolica immaculata est semper Catholica servata religio, & sancta celebrata doctrina.*

Hugo Etherianus celebris scriptor duodecimi Sæculi lib. 3. de hæres. quas Græci in Latinos devolvunt, cum super additione vocis *Filioque* in Symbolo argueret, ait: *Licuit (Romano Pontifici) semperque licebit Fratres confirmare, decreta edere, cedere*

(1) l. 1. Epist. 97. ad Episc. Angliæ.

dere interpretationes, sicubi aliquid obscure scriptum sit, & de voluntate scriptoris argumentari, judicio voluntatis illius relicto facere hoc persuadente. Is enim est, cui oves, & agni commissi sunt, & idcirco non solum scripti recitator esse debet, verum interpret illorum, quæ adscripta non sunt, ut caput ovium Dei, & Pastor.

Pluribus non est opus; neque enim ex novis scriniis, tanquam arcana proferuntur, sed ut antiqua, & obvia documenta exhibentur. Unde mirare subit, adversus antiquitatem aliquos audacter pugnare, quum Pontificiam condemnationem librorum, aut thesium, sive proscriptionem propositio- num vel parvi habere, vel contemnere, vel adhuc subsannare non erubescunt. Non docuit antiquitas alteri eruditioni insistere, sed illi, quam Romana sectatur Ecclesia. *Hac enim confundimus omnes eos, qui quomodo vel per sui placentiam malam, vel vanam gloriam, vel per cæcitatem, & malam sententiam, præterquam oportet, colligunt. Ad hanc enim Ecclesiam, propter potentio- rem principalitatem, necesse est omnem convenire Ecclesiam, hoc est eos, qui sunt undique fideles, in qua semper ab his, qui sunt undique, conservata est ea, quæ est ab Apostolis traditio. Hactenus Hugo Echeria- nus.*

§. XXVI.

Sextum Confectarium editur.

DE Privilegiis a Christo collatis immediate Romano Pontifici, huc usque loquuti sumus, quæ concuti possunt, convelli non possunt, quati possunt, everti non possunt. Idcirco mirandum ne est, si Romanus Pontifex, sua jura sustinendo, a procacibus hostibus, pugnacissime exagitetur? Etenim uniformiter suæ auctoritatis supremam potestatem, tum super universam Ecclesiam, tum super Concilia cujuscumque amplitudinis, & præminentiae sint: quum in causis fidei dirimendis, vel hæresibus, aut aberrantibus, sive hæreticis profligandis, & confodiendis, judicandi finaliter, & peremptorie per irreformabilem sententiam nunquam fallacem, nunquam fallentem, nunquam dubiam, sed firmam, & certissimam undequaque prævalentem, potestatem Romani Pontifices statuerunt, proclamaverunt. Quoties id præstiterint, nullus, nisi falsiloquus ignorat. Nunc indignantes, ut audaces corriperent: Nunc interpretantes, ut male instructi docerentur: Nunc decernentes, ut vacillantes confirmarentur: Nunc proscribentes libros, ac theses, ut deviantes ad sanio-rem flu-

studii rationem se converterent, neque alios fallerent : Nunc censuris protervos configentes, ut eos compescerent : Nunc constitutiones, & decreta edentes, ut ad veritatis tramites devii revocarentur.

Sed adhuc incassum - (Iterum luctuosa deslere oportet) Pertinacia non flectitur . Agitur de fide ; ad superioritatem Concilii quæstio divertitur , propulsantur hæretici , refricatur opinio de auctoritate Papæ , que pugnam præoccupat . Eduntur dogmaticæ Constitutiones , ad Concilium provocatur , & de auctoritate transigere præsumitur . Obedientia prædicatur , & bellum committitur . Instruuntur Populi de rebus, sive ad fidem , sive ad disciplinam spectantibus, & sive opportune , sive importune (parum illorum interest) necessarium ducitur velli-care, carpere, deprimere auctoritatem Pontificiam, & disceptationes de Romano Pontifice obtrudere ; Adversos Doctores despue-re, eisque simul , ac Sedi Apostolice den-tem theoninum infigere .

Attamen obtusis, ac crebro contractis spi-culis huc usque adversus Pontificiam supre-mam auctoritatem, & Romani Pontificis inconvulsa privilegia pugnatum est, & pu-gnatur . Pro muro stant, Pontificii Docto-res, & Patres, & violentas manus retun-dunt cum Apostolo dicentes : (1) *Non enim*

A a 3 pos-

(1) 2. ad Cor. 13. 5.

possumus aliquid adversus veritatem, sed pro veritate. Etenim quum in Comitiiis Cleri Gallicani anno 1682. coactis declarationes emanaverint, auctoritatem, & infallibilitatem Pontificiam comprimentes, Innocentius XI. deinde Alexander VIII. Pontifices Maximi, potestate sibi a Christo data, eas mox reprobarunt, ac deleverunt.

Alexandro VIII. hac strenue navata opera, vita functo, successus fuit in Sede Petri Innocentius XII. qui, ad vindicandam Pontificiam auctoritatem, Prædecessorum vestigiis insistens, voluit enixe, & obtinuit, ut a Rege Christianissimo vacuum effectum declararetur edictum Regium prædictis propositionibus Cleri Gallicani favens, & ut candidati pro adipiscendo Episcopatu, qui dictis comitiis interfuere, male partas declarationes ex animo irritas facerent, & abrogarent. Utrumque impletum est. Extant literæ Ludovici XIV. ob egregium facinus magno nomine digni; & extant literæ Episcopatum candidatorum ad Innocentium XII. datæ, quibus nota, testataque prædicta comprobantur.

Quum hæc ita se habeant, in apertum, lucemque decantata; mirandum sane, quod eadem toties collisa, ac ejurata ab orco revocentur, & usque ad convicium decantentur! Et nondum finis. Sed quoniam post *invidiæ Sylvam* (utar verbis S. Optati

ti Milevitani) (1) *securibus veritatis abscissam*, video adhuc vestras provocaciones *pululare*: Sententiam ejusdem Afri Antistitis, qua adversarios suos compellabat, hic ad verbum usurpare placet. Ajebat enim: (1) *Vos dicitis, licet: Nos dicimus, non licet. Inter licet vestrum, & non licet nostrum, nutant, & remigant animæ Populorum. Nemo vobis credat; nemo nobis; omnes contentiosi homines sumus. Quærendi sunt Judices. Si Christiani, utraque parte dari non possunt, quia studiis veritas impeditur. De foris quærendus est Judex; si Paganus, non potest nosse Christiana secreta; si Judæus, inimicus est Christiani Baptismatis; ergo in terris de hac re nullum poterit reperiri iudicium. De cælo quærendus est Judex. Sed ut quid pulsemus ad cælum, cum habeamus hic in Evangelio testimonium? ... Nunc adestote omnes turbæ, & singuli Christiani populi: Quid liceat, discite. Dum provocat Petrus, Christus docet. Qui dubitat, discat. Christi vox est. Et quidem repetita vox est. (2) Tu es Petrus, & super banc Petram ædificabo Ecclesiam meam.. (3) Et tu aliquando conversus, confirma fratres tuos. (4) Petre, amas me? Pasce oves meas, pasce agnos meos. (5) Fiet Unum ovile, & Unus Pastor, (6) & Portæ Inferi non prævalebunt.*

A a 4

AP.

- (1) 1.6. cont. Parmenian. circa med. (2) Matth. 16. 18. (3) Luc. 22. 23. (4) Jo: 21. 15. 17. (5) Jo: 10. 16. (6) Matth. 16. 18.

APPENDIX.

HALLUCINATIO

D E T E C T A

I N

PLACITO PARISIENSI.

A Blabore conquiescere decreveram, quum ad manus venit quoddam Placitum Parisiensis Parlamenti, datum sub die 23. Februarii 1733. quod vulgo Arrestum vocant, cogens omnes doctores ad intendendas omnes vires, ut libertates Gallicanæ incolumes, atque imminutæ ad extremum usque servantur, ac doceantur, comminata indignatione, si quis aliter dicere, vel sentire ausus fuerit. Inopinatum imperium animum sollicitavit, novis curis incumbere, ut de pervulgatis undique libertatibus istis, quidquam ad rem nostram opportunum referre contingeret: vel saltem fucum, atque hallucinationem quibusdam illatam, si superis placet, abstergere, & detegere conarer. Per capita rem dilucide proferam.

CA.

CAPUT I.

Libertas idem valet, (1) ac immunitas a servitute, subjectione, & dependentia, quæ in idem redire videntur; quapropter, nisi verbis ludere velimus, liberum id erit, quod sibi ius tribuit agendi, vel dicendi, prout libet.

Porro Gallicana libertas, seu Gallicanæ libertates, vel libertates Ecclesiæ Gallicanæ quam immunitatem sibi adscribant, & in quo genere contineantur, aut quo se extendant, diligentius perquirendum est.

Si consulamus Scriptores, implexa res evadit. Sæculo elapso prodierunt in lucem duo volumina sine auctoris nomine, Parisiis impressa anno 1639. quorum unum præferebat pro titulo: *Traité des droits, & liberté del' Eglise Gallicane*: Alterum vero: *Preuves des libertes del' eglise Gallicane*. Attamen male, & auctor tunc ignotus, & opus audierunt in Galliis. Agente quippe Cardinali Roccafocaltio quotquot Parisiis versabantur Episcopi, in unum congregati, dictatum encyclicum decreverunt in hæc verba: (2) *In hac alma Regni Sede, paucis abhinc diebus nullo palam auctore, nulla publica edendi facultate, typis mandata sunt*
duo

(1) Schard. Lexic. Jurid.

(2) In 2. tom. auctorum Cler. Gallic.

duo volumina vulgari idiomate, quorum uni titulus est: *Traité des droits, & liberté de l'église Gallicane* 1639. alteri vero: *Preuves des libertez de l'église Gallicane* 1639. Quæ haud dubio furtivo cursu non ad vestras modo dioceses, sed ad cæteras etiam nationes destinantur grassatura. Non enim hæreseos, & schismatis, ac talium operum promotor, & artifex dæmon, hujusmodi facies accendit, nisi ut spargat. Inter falsas, & hæreticas, quas detestabamur, Ecclesiæ Gallicanæ adscriptas servitutes potius, quam libertates, vera quædam, & gloriosissimi Regis nostri jura, & Gallicanæ Ecclesiæ privilegia exposuit. . Arceantur oves vestræ a pascuis, ubi pullulant aconita tam densa, inter quæ salutaris herba rarissima latitans, vix potest sine præsentissimo periculo seligi. Volumen enim utrumque fere per omnia commenta noxium, hæreticum passim, schismaticum, impium, verbo Dei frequenter contrarium, hierarchiæ ecclesiasticæ, & disciplinæ Sacramentorum, & Sacrorum rituum destructivum, Sanctæ Sedi Apostolicæ, Gloriosissimo Regi nostro, Sacerdotibus Dei, & ecclesiastico ordini, ipsique adeo Ecclesiæ Gallicanæ injuriosum, ac periculosissimo scandalo plenum, a nobis publico consensu judicatum esse, vobis significamus.

Auctor ille, tunc ignotus, se prodidit in secunda adornata impressione sub nomine

Pe-

Petri Pithœi. Hic in primo tomo discerpta in frustra ecclesiastica libertatē, atque jurisdictionē, assumptum conatus est probare per decreta, & placita laicæ potestatis, quibus vere Episcopi probarunt, servitutis jugum ostendi, non libertates vindicari. Favit Episcoporum sententiæ Regium Consilium, eique faverunt scriptores Gallici æqui & justī amatores, inter quos præstat audire Tomasinum (1) adversus hujus generis libertates dicentem. *Procul amandandos esse, qui has Ecclesiæ Gallicanæ servitutes potius quam libertates promiscue, & proterve interpretantur.*

Si fas est per alios scriptores excurrere, primo se offert Jacobus Lefchassierius, (2) qui in opusculo adversus libertatum Gallicanarum indagatores, censet jejunos esse dimittendos hujusmodi petitores. *Idcirco illi, inquit, qui quærent audire singillatim omnes, & singulas libertates Regni, aut Sanctæ decreta hic recepta; vel mores, & consuetudines Regni ejusdem, politiam ecclesiasticam concernentes, sive unde originem, & auctoritatem hæc jura traxerint; nesciunt prorsus suam ignorantiam melius pandere, circa hujusmodi jurium notitiam, de quibus inquirunt, quam tempus terere in hisce inter-*

(1) Differt. 8. in Synod. Roman. n. 103.

(2) In volum. 1. de liberte del' Eglis. Galli. pag. 243. in fin. an. 1731.

terrogationibus. Adhuc si forent mysteria, utique declarare esset opus, ne infandam originem, & jus ipsum eruditi suspicarentur incertum, & injustum.

C A P U T I I.

VEstigia Gallorum scriptorum sectemur, oportet, ut aliquem aditum adinvēnire liceat.

Renatus Choppinus de sacra Politia, (1) parum discedens a damnato commento Petri Pithœi, in hæc verba se explicat: *Cum adversus Canones* (antiquos) *Pontificiis rescriptis nonnulli abuterentur, sensim inferior ætas, Galli Monarchæ, prætoresque Regii, cœperunt eum abusum, Canoniceque doctrinæ neglectum civili imperio vindicare: ne cui in Ecclesiasticam disciplinam Ecclesiæ privato fas esset moliri quidpiam intra Franciæ ditionis pomeria; aut alioquin districte revocaretur mos hierarchiæ vetustioris. Ac illius quidem auctoritatis, libertatisque francicæ vestigia cernimus*. Et ulterius (2) refert tunc ad Senatum Regium ab Ecclesiastico iudice provocari, cum quidquam decretum fuerit adversus Canones venerandæ vetustatis. Qui sint autem hi Canones priscae vetustatis Pontificiis rescriptis infracti, & quo jure

(1) l. 1. tit. 1. n. 13.

(2) l. 2. tit. 4. n. 1.

jure novissime (inferior ætas) prætores laici se interposuerint , sacram potestatem cohibere ; adhuc non audio , nisi id *sensim* actum esse . Verum nonne vetustiores , ac Sacratiores Canones vetant laicis in causis ecclesiasticis se immiscere , & partes Prælatorum invadere ? Attamen Choppino placet Pontificia rescripta criminis fractionis Canonum postulare , laicum vero zelum absolvere . Ad ulteriora pergamus .

Guido Coquille (1) in institutionibus ad Jus Gallorum , statuit libertates Gallicanas poscere , ut Canonibus valde antiquis adhæreatur , & plurimæ Pontificiæ constitutiones a 400. annis datæ non admittantur ; nonnullis tamen adhuc ex illis , receptis .

Christophorus Justellus in epistola ad Jacobum Leschasserium , quæ legitur initio Tomi Canonum universæ ecclesiæ , aliam viam inquit , dicens : *Quamvis in jure communi antiquo positam esse libertatem Ecclesiæ Gallicanæ , ab omni ævo Reges , Episcopi , Regni ordines , tota denique Gallia affirmaverit ; vetus est tamen in senatu Parisiensi sententia a majoribus per manus tradita , & memoriæ omnium , qui prudentia , & usu valent , insculpta ; illam libertatem maxime quatuor primis Conciliis Oecumenicis , & iis , quæ ab illis confirmata sunt , contineri , & quæ contra fiunt , præcipuas appellat*

(1) tit. de Jur. Reg. in tom. cit. pag. 192. n. 4 .

lationibus iis causas præbere, quæ velut ab abusu interponuntur. Hanc suam opinionem propugnatam fuisse, ait Justellus a Cardinali Lotharingio in plenario Tridentino Concilio, adeout insteterit in tabulas referri, ut ad praxim reduceretur reintegranda.

(1) Petrus de Marca Parisiensis Archiepiscopus libertatem Gallicanam vocat usum antiqui juris communis. Eidem cohæret Carolus Feuretus (2) in suo tractatu de abusu.

Joannes Doviatus antecessor Parisiensis inquit: (3) *Apud nos Jus Canonicum speciale triplex distingui potest. Constat enim veteribus Ecclesiæ institutis, quibus majores nostri tenacius, quam vicini populi, adhaeserunt, quæ vulgo immunitates, seu libertates Ecclesiæ Gallicanæ dicuntur.*

Carolus Mauritius Letellierus Remensis Archiepiscopus in protestatione facta anno 1678. adversus ejectionem Episcopatus Cameracensis, Remensis Ecclesiæ suffraganei, ad Archidiocesis dignitatem, declarat, fundamentum Gallicanæ libertatis inconcussum, & unicum esse vetustiora quatuor generalia Concilia.

Tan-

(1) l. 3. de concord. sacer. & imper. c. 1. n. 7.

(2) Cap. 4.

(3) Synopf. histor. Juris Pontif. in fin. ad Sylloge oper. ad jus sacrum.

Tandem, ne diutius immorer; Conven-
tus Gallicanus anni 1682. Parisiis habitus;
initio palam professo est, Fundamentum
Gallicanæ libertatis sacris Canonibus, &
Patrum traditioni inniti. Singula expen-
dere pro veritate necesse est.

C A P U T III.

DImissis aliis Scriptoribus, qui apud
Petrum Pithœum citati leguntur,
(1) neque majorem lucem rei, de
qua agimus, afferunt, nihil ad rem extun-
dimus ex allatis sententiis, nisi quam ma-
ximam in excogitatis opinionibus dissonan-
tiam. Si Petrum Pithœum admittimus, vel
nullum, vel vix contortum aliquem no-
tatum Canonem inspicimus, quapropter
improbam servitutem, neutiquam assertam
libertatem Ecclesiis Gallicanis agnoscimus
collatam, vel restitutam, ut probe sapien-
tes Episcopi Galli in laudato Parisiensi con-
ventu censuerunt. Si Renato Choppino
credimus, modernus admodum usus inva-
luit, rescriptis Pontificiis reniti, perinde
ac violatoribus vetustioris disciplinæ. In
corpore Juris Canonici infinita propemo-
dum rescripta Pontificia leguntur, quin re-
troacta antiquitas ægre tulerit, vel dubitave-
rit Canones vetustiores convelli; & uni Chop-
pino

(1) ad Thom. 1. Pithœi in præfem.

pino visum est, huic malo allatum sensim fuisse remedium. Si sensim, ergo clanculario molimine illegitimæ potestatis.

Si Guidoni Coquille aures præbemus, Jus Gallicum collocare est in refutatione Constitutionum Apostolicarum a 400. annis inchoata. Est ne hoc ferendum in florētissimo Regno, ubi professio fidei a Pio IV. adornata, de præstanda Romano Pontifici debita obedientia, tum ab Episcopis, tum a Prælatiis inferioribus, tum a Doctoribus, cæterisque ecclesiasticis etiam in Synodo adunatis emittitur?

Si Christophoro Justello fides est, in jure communi stat tota Gallica libertas. Ecquis est in orbe, qui jus commune aversetur? Forte aliæ nationes ecclesiasticæ hac libertate non gloriantur, hac libertate vivendi sub suis legibus, a sæculi judiciis segregatis? Ecquis prohibet jure canonico uti, quin ad remedia extranea alienas partes invadentia necesse sit provocare? Ecquis est fractor antiqui juris? Qui dispensat, aut qui ad dispensandum molestissime exagitat? Qui se ad vetustatem accommodat; & qui jura antiqua semper urget in suis judiciis, uti in Curia Romana perpetuo servatur, vel qui hujusmodi judicia audire detractat? Sed pro nunc satis. Ulteriora detegenda nos vocant.

C A P U T I V.

Perique Scriptores Galli dimicant inter se perquirendo fontem, unde hujusmodi libertates dimanaverint. Aliqui, (1) ut placet Justello seniori, & juniori ejus filio, ac Jacobo Leschafferio, nituntur eas revocare ad vetustissimum codicem Ecclesiæ universæ ante collectionem Dionysii Exigui. Sed inutilis conjectatio est, quum Ecclesiæ Romanæ prorsus ignotus fuerit hic codex, nisi velint pro codice universæ Ecclesiæ obtrudere Codicem Canonum Trullanæ Synodi a Græcis venditatum, quem Ecclesia Romana non probavit, imo rejecit, ut testatur Anastasius in vita Sergii PP.

Alii, ut censet Carolus Feuretus, (2) opinantur, antiquitus in Galliis duos Codices Canonum extitisse; nempe Collectionem Dionysii Exigui, & alium innominatum proprium Ecclesiæ Gallicanæ. Sed quid ad libertates Gallicanas potuit unquam conferre Dionysiana Collectio, quam etiam ecclesia Romana suscepit, & laudavit, ut ex Cassiodoro (3) narrat Cardinalis Baronius?

B b

Quid

(1) In epist. ad Leschaffer. Bibl. Jur. Canon. pag. 1. in epist. præfix. consult. de interd. Ven. ib. pag. 10. in præfat. ad Bibl. Jur. Canon. pag. 21. in op. de Jur. Canon. & Eccl. Gall. libert.

(2) l. 1. de abusu c. 4. n. 20.

(3) ad an. 325. n. 123.

Quid unquam contulit alter Codex proprius Canonum Ecclesiæ Gallicanæ penitus antiquitati ignotus, & eruditis nostri ævi minime perspectus, ut ingenue fateatur Sirmondus ? (1) Sed utinam alicui Codici Canonico innixæ essent Gallicanæ libertates, quia nunquam revivisceret damnatus Pithæus.

Alii Scriptores referunt acceptas libertates suas capitularibus Caroli Magni sæculo nono compactis. Hadrianus I. Pontifex Maximus impulit Religiosissimum Principem ad aggrediendum tam arduum opus, eique pro Archetypo transmisit Codicem Canonum, & decretorum a Dionysio Exiguo compilatum. (2) Benedictus Levita posteriorum librorum collector, in præfatione eisdem præfixa testatur, eos expresse probatos fuisse a summis Pontificibus, aut ab eorum Legatis, & confirmatos. Sed nihil pro libertatibus extrunditur. Adhuc nimis sero post Carolina Capitularia excogitatum est hoc nomen, & invecus est usus. Jus utendi Ecclesiasticis regulis pro disciplina vel conservanda, vel refarcienda, episcopali iudicio, aut Patrum traditione sancitis, nemini invidet Romana Ecclesia. Propterea inepte vocaretur libertas, id quod ad jus per-

(1) in præfat. ad Conc. Gall.

(2) Baron. ad an. 819. & 845.

pertinet. Concilium Tridentinum ad hoc Episcopos, & Metropolitans acuit, & urget, ut Synodos frequenter cogerent.

Alil tandem, (1) ut Petrus de Marca Parisiensis Archiepiscopus, scriptor postremus, non dubitant asserere usum juris canonici communiter in ecclesia haberi, jam invaluisse in Galliis postremis sæculis; unde ille ait: *Antiquos Canones, & jus commune intelligebant (Galli,) quod Gratiani decreto, & decretalibus erat comprehensum; idque manifeste probatur, non solum ex eo, quod verus Codex Canonum illis esset inco- gnitus, sed etiam ex Concilio Constantensi.*

C A P U T. V.

Petro de Marca cogimur assentire, quia praxi coheret. Sed undenam ex com- muni jure canonico hausta sit libertas Gallicana, de qua agitur, haud satis per- cipio. Non enim in illo traditur, abjicien- da esse rescripta Apostolica, vel repellendas esse Constitutiones Apostolicas, novissimis editas temporibus; vel confundenda esse ju- dicia ecclesiastica cum sæcularibus, ut ser- vitus Putæana erumpat, loco libertatis ec- clesiasticæ, quemadmodum Cardinalis Ro- casocalitius superius relatus, una cum aliis Episcopis scite animadvertit.

B b 2

Aur

(1) 1 3. concord. c. 6. n. 5.

Audio id zelo sustinendi illibatos veterioris disciplinæ Canones attributum censerī, & esse. Sed an verum sit, exploremus. Illi, qui Canones priorum quatuor Conciliorum Generalium illibatos, & inviolatos pro Gallica libertate volunt, paucos ad novissimam disciplinam spectare coacti sunt assentire. Alii qui Capitularia Carolina pro aris, & focus tuentur, majori ex parte nunc exulare a praxi, & foro, affirmare non dubitant. Alii, qui corpus integrum Juris Canonici universæ Ecclesiæ commune se amplecti fatentur, solent identidem pro libertate eisdem refragari, & alienam incompetentem potestatem sollicitare. Ecquid stabile, & inconcussum in Custodia Canonum erit unquam tenendum? Ecquid vetustati sacrationi conceditur?

Legatur præfatio a Christophoro Justello præfixa Codici Canonum universæ ecclesiæ, ibique discere fas erit, quantum studiosissimi fuerunt Hispani præsertim Patres, ut intacti vetusti Canones fervarentur, & illæsi, adeout in Concilio Toletano II. se subscriberent, adjecta declaratione: *Salva auctoritate priscorum Canonum*. Neque tamen legimus, id arrogatum fuisse pro Hispanica libertate.

Proinde laudatus Petrus de Marca(1) assertam libertatem constituens in usu juris com-

mu-

(1) l. 3. c. 6. n. 5.

munis, unaque cum decretalibus Summorum Pontificum, nihil peculiare profert, quod ab aliis ecclesiis distingui contendat.

C A P U T. VI.

Goffridus Vindocinensis (1) egregie docet: *Quando Ecclesia seculari potestati subjicitur, quæ ante domina erat, ancilla efficitur, & quam Christus Dominus dictavit in Cruce, & quasi propriis manibus de suo sanguine scripsit, chartam libertatis amittit. Hanc enim libertatis chartam vindicavit in Cruce, & suæ sponsæ ecclesiæ per semetipsum dedit; ut homines alios per peccatum factos diaboli servos, ipsa libera liberos, & Dei filios faceret, & suos, qui sibi diligenter servirent, & tanquam bonæ matris devoti Filii humiliter obedirent. Hæc erat libertas ecclesiastica prædicata in Galiliis duodecimo sæculo a Goffrido Abbate Vindocinensi & ipso Gallo. Quamobrem tandem fatetur Petrus de Marca: Certum quidem est, tunc magnopere celebratum fuisse nomen illud libertatis, cum tempore schismatis, Romani Pontifices (inter se contententes) dignitati suæ in partes dissipatæ, præsidii undique conquirendis intenti, ecclesiam novitatibus quamplurimis vexarent. I. taque anno 1438. habito Bituricis conven-*

B b 3 tu;

(1) Opusc. ad Calistum PP. c. 6.

tu ; pluribus Conciliabuli Basileensis in rem suam advocatis decretis , tentatum est auctoritati Pontificiæ terminos ponere , potestatique refragari . Edita enim pragmatica sanctione a Carolo VII. prævaluit laica potestas , relicto libertatis nomine , & fūco ecclesiastico ordini .

Sedata schismatis tempestate execrati sunt Pontifices Romani nefarium schismatis ſœtum , Bituricensem ſcilicet ſanctionem , iisdem agentibus Chriſtianiffimis Regibus Ludovico XI. & deinde Francisco I. qui manum dedit , ut Leo X. ſuprema qua poſtebat auctoritate , Pragmaticum opus abrogaret , ac penitus deleteret , ſubſtitutis concordatorum indultis , quibus undique proſpectum eſt Eccleſiaſticis rebus , ſalva , ut decebat , vera , & perenni libertate Eccleſiæ .

Utinam his terminis contenti fuiſſent ſcriprores Gallici , quia à contentionibus jamdudum ceſſatum fuiſſet . Utinam ſatis fuiſſet Archipræſuli de Marca cuncta referre Leoni X. accepta , quin ea adhuc revocare ſtudiuiſſet ad ſecularem potestatem . Non enim incidiffet in cenſuram olim latam in Pirhœi opus , ut ſuperius adnotavi , nèque a ſyndereti ſua compunctus , coactus fuiſſet errorem ſuum fateri , & emendationem vovere . Hæc conſtant in epiſtola ad Innocentium X. ſcripta an. 1646. ſept. Kal. Oct. relata

lata a Stephano Balutio in Prolegomenis præfixis operi de Concordia Sacerdotii, & imperii, in hæc verba. (1) *Fateor*, inquit *Petrus de Marca, eo in libro Principis partes pro muneri mei ratione fovisse, Præsidentemque potius implevisse, quam episcopum. Enim vero illud asserere fas est, eo in opere me ... regulas quamplurimas, quæ in Galliarum tribunalibus calent, Sedi Apostolicæ contumeliosas, contrariis definitionibus profligasse ... & ne libri publicati invidia desideriiis meis obesset, libello altero Barcinonæ edito, quem huic Chartæ adjunxi, hallucinationes meas deprecatus sum: Opus censure Beatitudinis vestræ submissi, quam pronamente amplexurum voveo, & assertorem, vindicemque libertatis Ecclesiasticæ futurum, quod mecum quatuor Archiepiscopi, & octo Galliarum celebratissimi nominis Episcopi Sanctitati vestræ spondent. Quare suppliciter iterum B. V. exoro, ut ... ad Episcoporum Cathedram a subisellis magistratum devotissimum sui eratorem traducat, qui & in mystica nominum recitatione, tanti beneficii memor, & in tomorum, qui publicandi supersunt, editione non ingratus agat.*

Aliam retractationis schedulam signavit Petrus de Marca, dum Barcinonæ gravissima affligeretur infirmitate, sui publicati primitomi pœnitens. Sed an promissis steterit,

Bb 4

rit,

rit, videant illi, qui cæteras lucubrationes Balutio adscribunt. Hoc unum dixerim, ipsum de Marca agnovisse, ultra limites se protraxisse libertates Gallicanas, & Ecclesiasticæ sua jura ademisse, aliter non declarasset, nil penitus se intendisse Laicæ potestati concedere, præter ea, quæ ex privilegio Sedis Apostolicæ descendunt. (1)

CAPUT VII.

Nunc ad rem nostram. Quo fato infelici ad hæc devenimus, ut nullo obducto privilegio, nullo criminandi causæ pallio, vel eментito, nulla diffidendi data occasione audeat Placitum Præfens pro commentitia libertate insurgere adversus Romanum Pontificem, ejusque auctoritatem proscindere? Nunquid Concilium Constantiense, vel Basileense in prioribus suis sessionibus hanc facultatem indulgit sæculari potestati, ut Pontificiæ auctoritatis discuteret jura, & privilegia, & definiret terminos, ac fines poneret? Nunquid quæ in nocte schismatis, ingruente tempestate, absque sydere certo, acta sunt, facta etiam tranquillitatè in ius sunt deducenda? Væ juribus Regum, & Regnorum, si post sedatum æstum perduellium populorum ad pri-

(1) Balut. in ejus vit. pag. 25. & in schedul. pag. 116.

pristinam auctoritatem sese revocare non possent. Firmam, atque inconcussam regulam ab Hosio Cordubensi tenemus, quum Constantium Imperatorem his affatus est verbis. (1) *Tibi deus imperium commisit, & nobis, quæ sunt Ecclesiæ concredidit. Et quemadmodum, qui tutum imperium malignis oculis carpit, contradicit ordinationi divinæ; ita & tu cave, ne quæ sunt Ecclesiæ, ad te trahens, magno crimini obnoxius fias. Date*, scriptum est, *quæ sunt Caesaris, Cesari, & quæ Dei, Deo*. Hæc est regula vera, quam venerati, & tutati sunt Patres, (2) ut Athanasius, Gregorius Nazianzenus, Isidorus Pelusiota, Synesius, Chrysostomus, alique plures.

Gaudeant supremi Principes sua, qua late patet, dominatione terrena. (3) Non invidet Romanus Pontifex, sed perpetuo supplex divinam largitatem exorat, ut eos incolumes servet, fines eorum imperii in Regna infidelium inferat, atque demum in æternam requiem feliciter perducatur. Sed minime oblivisci debent, singulos, & omnes a Christo designatos fuisse oves sub obedientia Pastoris unius, nempe Petri, nisi aliud ovile, quod neutiquam ovium, &

(1) Apud Athanas. epist. ad solitar.

(2) L. de Syn. or. 17. l. 3. ep. 149. ep. 53. Hom. 15. ad 2. Cor.

(3) Nicolaus I. ad Imp. Michael. Epist. 8.

& agnorum sit, sibi statuere malint. (1) Porro hujus Pastoris auctoritas erga mansuetissimum gregem decreta, quid aliud exigit, ac gettit, nisi humilem obedientiam in iis, quæ Pastorale officium concernunt? Nonne si morbida, quæcumque sit illa ovis, efficiatur, incumbit Pastori, vel illam a cæteris segregare, vel cæteras ab infecta dissociare? Nonne ipsa natura id docet, ipsa Charitas urget, ipsæ scripturæ conclamant?

Palam narrant Scriptores Galli optimatum auctoritate depositum fuisse Chilpericum III. postremum Merovingiorum stirpis Regem, eique substitutum fuisse Pippinum Majorem domus Regiæ; impenseque repugnant, Zachariam Pontificem Maximum quidquam potuisse ad hanc translationem sua auctoritate conferre. Rursus commemorant Ludovico V. luce functo absque liberis, eisdem Regni procures sceptrum hereditario jure Carolo Ludovici patruo debitum, ad Hugonem Capetum a stirpe præcedenti alienum transulisse. Posset etiam referri exauctorationem Ludovici Pii in Conventu Compendiensi edictam, ejusdemque reintegrationem anno sequenti in Conventu apud Theodonis villam, peractam fuisse.

Di.

(1) Maucler Doct. Paris. de Monarch. divin. Eccles. & sæcul. p. 2. l. 3. cap. 15.

Discere hinc cupiunt omnes, an tantum vitilicigatores, & adversarii contentur, Principes excipere a superioritate Papæ, & sibi tantum subdere, ut data iusta, urgentique causa potestatem avitam in eos exerant; vel ut facta etiam eorum improbent, illegitimamque successionem declarent? A secundo cavebunt quam maxime, ne invidere videantur Regnanti Dynasthiæ. Igitur vel ipsi tantum supra Deum possunt, vel decantatam Principum independentiam sub Deo recantare coguntur. Cur Parlamentum zelum non prodidit adversus rebellem Advocatorum Consultationem adeo auctoritatem Regiam deprimentem? Quia sibi favebat. Ecce quo tendunt præpotteri adulationis conatus, ut videntes non videant, & intelligentes non intelligant. (1) *Et nunc Reges intelligite, erudimini, qui iudicatis terram.* Erudimini quidem ex sententia pervertusta Episcoporum Galliarum, & Germaniæ, qui coacti sub Carolo Magno in Concilio Francofordiensi, data epistola synodica ad Episcopos Hispaniæ in hæc verba scripserunt. (2) *De filio hominis interrogat (Christus,) & de filio hominis respondit ei Petrus dicens: Tu es Christus Filius Dei vivi: & pro hac laudabili confessione meruit ab ipso Deo Salvatore nostro audiri: Beatus es Simon*

(1) Psal. 2. 10.

(2) Labbæ Concil. tom. 9.

mon Bariona . . . & pro hac gloriosa confessione, Beatum Petrum Principem Apostolorum Cæli, Terræque remuneravit Potestate, dicens: Tu es Petrus, & super hanc petram ædificabo Ecclesiam meam; & portæ inferi non prævalebunt adversus eam: & tibi dabo claves Regni Cælorum; & quodcumque ligaveris super terram, erit ligatum & in Cælis: & quodcumque solveris super terram, erit solutum & in Cælis.

Cæterum, velint, nolint, in suis tabulis retinent irrefragabile monumentum supremæ auctoritatis Pontificiæ, nempe Constitutionem *Pastor æternus* Leonis X. approbante Concilio Lateranensi editam, una simul cum concordatis, ubi abrogata, atque deleta edicitur schismatica Pragmatica sanctio; Una cum omnibus actis, factis, decretis inde secutis, & quacumque auctoritate secutis. Si hæc alicui non probant superiorem potestatem, profecto oculus illius inhæret calcaneo.

At quia mendacium sese prodit adhuc invitum, dum placitum Parlamenti ad Concilium Constantiense, perinde atque ad Basim, & regulam provocat, videant sess. 14. & 17. qua auctoritate Patres illi jubeant, ac imperent, comminantes pœnam exhortationis in Principes, & Reges, si mandatis Concilii non obtemperent. Quod evidenter ostendit sibi proculdubio adjudicasse in-

inviolabilem potestatem superiorem in illos; Quemadmodum exploratum est, a nemine reclamatum fuisse. Idcirco validum argumentum sumitur, Pontificiam immunitatem a superiori auctoritate, etiam per ipsam Concilii sententiam in rem judicatam concessisse. Eo magis id constat, quia idem Constantiense Concilium in proposita pro futuro Pontifice professione fidei, exhibuit inter alia Lateranense IV. & Lugdunense I. Concilia, ut apertissime tenenda, & recipienda, in quibus plena superiori auctoritate exauctorati Principes decernuntur. Postremo Tridentinum Concilium sui Juris optime conscium sess. 25. c. 19. de duello exterminando agens, privat, & exuit Civitate vel loco dominum illum; qui ibi permittit, duellum agere. Viderint interim illi, qui ad Concilium Constantiense, vel ad Concilium Generale appellandum adeo passim proclamant, an deploratæ causæ sit sufficiens patrocinium.

C A P U T VIII.

AGit hæreticorum causam, qui Pontificiam auctoritatem comprimit, vel ad angustias adigere aggreditur. Potest utraque potestas in pace componi, si alteram altera non lædat, nec alienos fines invadat. Contingit plerumque confinia in-

frin-

fringi, sed facile reparari evenit, ubi termini spiritualis, & temporalis discreta dispositione custodiuntur. Gregorius IV. audita discordia Ludovicum Pium inter, & filios ad extremum afluante, in Gallias concessit, ut dissidentium animos honorarius arbititer componeret. Cumque frustra suam curam impendisset, dolens, ac mœrens in Italiam se reduxit. Quid inde moliri sint invidi homines, norunt eruditi; siquidem in Gregorium crimen constarunt, iniquo in Ludovicum animo alpes transcendisse, ut animum augerét filiis adversus Patrem.

Eodem livore non semel improbi Pontificiæ auctoritati invident; & contabescunt, & si in officiis, & munere spirituali se contineat. Profligantur hæreses, ad Concilium proclamant. Perniciosissima Moralis Theologiæ dogmata censura, & pœnis configuntur, placita Parlamenti objiciuntur. Audacissimi Thesium propugnatores damnatas propositiones exhibent, & latas excommunicationes ob Senatus auctoritatem irrident. Libellos infames, Consultationes impias, Theoremata falsitate plena adversus Ecclesiam, & Ecclesiasticum ordinem in vulgus spargunt, & Ecclesiastica potestas conticescere cogitur.

Gallia, inquit, non agnoscit Tribunal Inquisitionis, ideoque nihil ad nos, ajunt, pertinent mandata Papæ ex consilio

S.

S. Inquisitionis prolata. Clausulam *Motus proprii* Gallia non probat, idcirco decretales Pontificiæ hujusmodi inhibeantur. Quid ergo Summo Pontifici superest, ut error cohibeatur, & pereat, dum neque solum, neque cum consilio eum audire placet? Nunquid silere debet, cui æternum imminet vix, si tacet? Nunquid se dedere tenetur mancipium alienæ excogitatæ libertatis?

C A P U T IX.

IN primo Tomo libertatis Ecclesiasticæ Gallicanæ objicitur visui auctor, qui in hæc verba Gallice disseruit. (1) *Il est bon de conserver un boneste liberte, mais il est dangereux de trop deprimer la dignité du Pape. Car pour couleur de dire, qu'il peut errer, qu'il peut estre depose, & qu'il le Concile est par dessus luy, il ne faut pas metre cette dignité contemptible, subieete aux appellations, come un petit juge dessous l'orme, & d'un establisement si peu assseure, que toutes propositions soient receues contre luy, ne le render contamptable de toutes ses actions, a la volonte de quelques ambitieux, & calumniateurs. Telles entrapises sont fort dangereux. Moy entrant que la superiorité du Pape ne nous soit point a servitude; nous n'avons*

(1) Pag. mihi 155. n. 40. ex Anton. Hotman. in cit. tom.

avons occasion de la calumnie en France.

Si ad hæc verba undique veritatem personantia attendissent ignominiosi placiti auctores, erubuissent forte in auctoritatem Pontificiam insurgere, eique probro se maledicere. Quid enim deterius effutire contingit, quam errorem in Romanum Pontificem devolvere, ejusdemque subjectionem Concilio? Pluribus hoc commentum opugnatum est, neque vacat acta agere. Ne tamen hæc postrema appendix jejuna procedat, nonnulla apponere cæteris non pigebit.

Adnitente Urbano IV. omnis lapis graviter motus fuit pro unione concilianda Ecclesiæ Græcæ cum Latina. Lapis offensio- nis erat auctoritatis Pontificiæ confessio, quum eisdem proposita esset subscribenda in fidei professione. Scripsit itaque Urbanus IV. ad Michaellem Palæologum, tunc Græcorum Imperatorem in hæc verba. (1) *Ut igitur hujusmodi unitatis (Ecclesiæ) gratia firma, & illibata penitus servaretur, unum eidem unitati dominus, videlicet B. Petrum Apostolorum Principem, caput constituit, & magistrum, ut illam quasi Noe arcam, extra quam animantia derelicta in aquas diluvii submerguntur, in ipso Apostolorum Principe, velut in uno cubito consummaret, et*

que

(1) Raynald. Eccl. ad an. 1263. n. 30.

que magisterium Ecclesiæ suæ conferens, & primatum, oves, & agnos suos pascendos, præmissa trina interrogatione commisit... & ne ipsius Principis fides deficeret aliquando, pro ipso efficaciter exoravit: quod cum postmodum aliarum Ecclesiarum nonnullæ fuerint hæreticorum errore fœdatæ, Romana Ecclesia, cujus idem Beatus Petrus magister extitit, immaculata remansit, nullamque prorsus labem contraxit hæreticæ pravitatis.

Plura in idem argumentum confert Urbanus IV. deinde prosequitur. Neque huic institutioni dominicæ Sancti Patres postmodum restiterunt, sed ipsius Principis successorem, tanquam illum, qui Christi vices in terris obtinet, venerantes, & ad ejus judicium in fidei recurrentes dubiis, ejus auctoritate hereses condemnarunt, manentes sicut membra in eorum capite, Apostolico scilicet throno Pontificum Romanorum, a quo querendum est, quid sit tenendum, quidve credendum; cum ejus sit reprehendere, statuere, ordinare, disponere, præcipere, solvere, & loco illius ligare, qui ædificavit illum, & quod nulli alii, sed ipsi soli, quod plenum est, tradidit, & concessit. Huic etiam throno omnes Catholici jure divino caput inclinant, & primates mundi veram consistentes fidem, tanquam ipsi domino Jesu obediunt, & intendunt: ac in illum tanquam in solem

Cc ref-

respiciunt, & ab eo lumen veritatis, & fidei ad salutem recipiunt animarum.

Iisdem vestigiis jugiter insistens Clemens IV. Urbani successor, eodem plane animi, ac doctrinæ fervore prædicta confirmavit, ad laudatum Palæologum scribens. Verba sunt. (1) *Ipsa quoque sacrosancta Romana Ecclesia summum, & plenum principatum, & principatum super universam Catholicam Ecclesiam obtinens; quem se ab ipso domino in B. Petro Apostolorum Principe, seu vertice, cujus Romanus Pontifex est successor, cum potestatis plenitudine recepisse, veraciter, & humiliter recognoscit: sicut præ cæteris tenetur fidei veritatem defendere, sic & si quæ de fide suborta fuerint quæstiones, suo debet iudicio diffinire: Ad quam potest gravatus quilibet in negotiis ad forum Ecclesiasticum pertinentibus appellare. Sed & in omnibus causis ad examen Ecclesiasticum spectantibus ad ipsius potestatem recurri iudicium; & eidem omnes Ecclesiæ sunt subiectæ, ipsarumque prælati, & obedientiam, & reverentiam sibi debent: apud quem sic potestatis plenitudo consistit, quod Ecclesias cæteras ad sollicitudinis partem admittit; quarum multas, & patriarchales præcipue diversis privilegiis eadem Romana Ecclesia honoravit; sua tamen prærogativa, tam in*

ge.

(1) Raynald: ad an. 1267. n. 78.

generalibus Conciliis, quam in quibuscumque aliis semper salva.

His præactis prosequitur Clemens IV. Imperatorem Michaellem instruere, atque docere. Porro, inquit, præscriptam purissimam, certissimam, & solidissimam orthodoxæ fidei veritatem, evangelicæ doctrinæ consonam, a Sanctis Patribus traditam, & Romanorum Pontificum diffinitione firmatam; sicut nec decet, sic ne volumus novæ discussioni, ac diffinitioni subjacere, ipsam quasi per hoc quomodolibet contra fas, & licitum id dubium revocando. Ideoque licet in præfata scriptura de convocatione Concilii ageretur; licet tu per tuas præfatas literas Concilium in terra tua convocari patieris, nos tamen nullo modo proponimus Concilium ad discussionem, seu diffinitionem hujusmodi convocare: non quod cujusquam faciem vereamur, vel eandem Sacrosantam Romanam Ecclesiam Græcorum superari prudentia timeamus; sed quia prorsus indecens foret, imo nec licet, nec expedit in dubium revocari præmissam veræ fidei puritatem, tot sacræ pagine auctoritatibus, tot Sanctorum roboratam sententiis, tot Romanorum Pontificum stabili diffinitione firmatam, pro cujus defensione, si necesse foret, parati essemus subire martirium, & morti etiam exponere corpus nostrum.

Quæ omnia post exactam mysteriorum,

& Sacramentorum fidei explanationem proposita fuere a Clemente IV. Imperatori Græcorum, nedum ad mentis instructionem, sed & pro formula professionis fidei edenda ab ipso, una cum subditis, ad protestationem sinceri recessus a schismate, & ad Ecclesiæ utriusque in fide, & Charitate confæderationem; ut testantur literæ a Cardinalibus, Sede vacante, datis ad Radulphum Episcopum Albanensem, quibus exposcunt in hæc verba: (1) *Volumus siquidem, quod in Concilio de Græcis generaliter congregando, memoratus Imperator, Patriarcha Græcorum, Archiepiscopi, Episcopi, Archimandritæ, Abbates, & alii Ecclesiarum prælati, Clerus, & populus supradicti eandem fidei veritatem, & primatum Ecclesiæ Romanæ, juxta seriem in præmissis literis ejusdem Domini Papæ Clementis expressam, plene, ac seriose lectam, & expositam fideliter, explicitè, ac aperte hoc modo recognoscant, acceptent, & profiteantur, præstito juramento.*

Ne nimius sim, paucis cætera completar. Eadem iteratis verbis scripsit Gregorius X. (2) ad Palæologum, se referens ad exactam professionem fidei propositam ab Urbano, & Clemente prædecessoribus suis quam enixe postulat ante omnia emittendam esse. Michael Imperator expectationi ple-

(1) Raynald. ad an. 1270. n. 4.

(2) Raynald. ad an. 1272. n. 17.

plene respondit, ut patet ex ejusdem literis in (1) Generali Concilio Lugdunensi tunc coacto, & grandi omnium lætitia celebrata est conjunctio utriusque Ecclesiæ, ac schisma sublatum est.

Quid proinde ex hac historia validi argumenti promendum sit, sequentia evincent.

C A P U T X.

NE præterire videar alterum articulum tot invictis momentis jam explosum, liceat mihi tantisper digredi, me revocando ad Concilium Generale Lateranense sub Alexandro III. celebratum, in quo decretum legitur, indictum de electione Summi Pontificis. Ibi explicata electionis methodo, recursus non prohibetur ecclesiis in hæc verba; (1) *Ex hoc tamen nullum Canonis constitutionibus, & aliis ecclesiis, præjudicium generetur, in quibus majoris, & sanioris partis debet sententia prævalere: quia quod in eis dubium venerit, superioris poterit judicio diffiniri. In Romana vero Ecclesia aliquid speciale constituitur, quia non potest recursus ad superiorem haberi.*

Ad propositum nunc redeo. Ecquis sibi constans fingere unquam poterit, tot Ro-

Cc 3 ma-

(1) Idem ad an. 1274. n. 15.

(2) Init. Concil. Lateranens. apud Binium.

manos Pontifices , tot celebrata Concilia Generalia numero Episcoporum adeo frequentia , voluisse urbi , & orbi illudere , prædicando , docendo , & exigendo professionem fidei de suprema auctoritate Romani Pontificis in fidei definitionibus , in independentia a superiore iudicio , cum superiore nesciat ; si huiusmodi privilegia sua non constarent veritate , & firmitate ? Equistam probrose desipiet , ut velit in articulis disceptationi dimissis , parum consulte Ecclesiam latinam intendisse , Græcos in schisma prolapsos confovere , in perniciem infinitam animarum , si profiteri detrectassent unum de auctoritate Papæ omnimoda inconstans dogma ? Nonne in eodem versarentur errore , & culpa æternum dedecus , & pœnam luituri , una cum Sede Romana , ipsi orbis Episcopi , ipsa quoque universalis Ecclesia , quæ vidit , probavit , & nunquam ausa est reclamare , vel dolere ?

Si definitiones fidei a Romano Pontifice latae exigebant ad irreformabilem firmitatem ecclesiæ consensum , cur adeo insignis circumstantia impune omissa apparet in tot epistolis ad Græcos datis , in tot decretis Concilii Generalis , vel in ipsa schedula professionis fidei proposita ab Ecclesia latina , ut necessarium testimonium interioris devoti animi in ejusdem fidei obsequium ? Cur de superiori auctoritate Concilii , ne ullum qui-

quidem verbum factum est, neque per umbram tentatus est animus ad Ecclesiam redeuntium?

Hoc unum dixi, & repetere cogor. Probe sciebat Ecclesia Latina; Probe noverat Ecclesia Græca, hæreticos duntaxat Arianos sibi primo impudentissime arrogasse, in jus vocare Romanum Pontificem, quum discedendo a Concilio Sardicensi, aliud Concilium facere præsumpserunt. Exemplum iniquum imitati sunt Nestoriani, & Euty-chiani duce Dioscoro, & persecutus est Photius. Notissimum Græcis erat, opus tantum fuisse hæreticorum, tam Donatistarum, quam Pelagianorum, a sententia Romani Pontificis provocare ad Concilium, adeoque illi superiorem judicem per summum nefas constituere. Pro comperto utraque Ecclesia habebat dogmaticas Romanorum Pontificum decretales, non nisi ab hæreticis circumscribi, ut mos eorum continuo fert, neque nisi ab Ariana factione adinventum esse consensum Ecclesiæ poscere, & expectare, ut fidei definitiones indeclinabiliter teneantur, quemadmodum in prima dissertatione adnotavi. Igitur æquissime prælibati Summi Pontifices, & postremo Lugdunense Concilium vehementius institerunt, ut ab Imperatore, Ecclesiaque Græca proposita fidei professio emitteretur, & ipsi postulatis annuere non dubitarunt.

Addere placet testimonium totius orientis trans Euphratem usque ad Indos per Simonem SulaKam electum Patriarcham illarum partium ad Julium III. exaratis literis delatum, quod Andreas Mafius latine reddidit in hæc verba: (1) *Patri Patrum, & Pastori Maximo, concinnanti Mitras, ungentique Sacerdotes, & cingenti Zonis, Petro temporis nostri, ac Paulo dierum nostrorum, & cingulo comprehendenti universum cœtum Christianorum, qui es loco Christi Domini nostri. Tu sedes in sede alta, & sublimi Principis Apostolorum tenentis claves Regni Cœlesti & super eum fundavit Ecclesiam suam, adversus quam portæ inferi non valebunt in generatione generationum. Nunc porro tibi eam dedit Christus Deus noster, & Salvator noster, ut sedas super eam. Tu item es fons vivus, cujus aquæ non deficiunt; & quisquis sitiverit, æquum est, ut ex te bibat aquas vitales, ut sedet sitim suam. Tu es lucerna, quæ non extinguitur, sed illustrat omnes creaturas, ut candela, quæ est supra candelabrum, & ut Joannes Baptista, qui posuit dexteram suam super caput Christi Dei nostri: & in te videt lumen universa Respublica Christiana, quæ est proles Ecclesiæ sanctæ Tu es caput omnium Patrum, sicut erat Petrus caput omnium discipulorum, cui .*

(1) in vita Jul. III. Spondan. ad. an. 1553. n. 16.

cui ut est data sedes alta, & sublimis in terra; sic his ultimis temporibus alta, & excelsa est sedes tua, ipsa Roma magna, & celeberrima. Poscebant supplices, ut a Julio III. in Episcopum electum confirmare Simonem dignaretur: Quia Sacerdotium nostrum a priscis temporibus a Roma est, quæ est Sedes Petri.

Quid superest dicendum? Recolamus Christi Domini sententiam: (1) *Viri Nivivite surgent in iudicio cum generatione ista, & condemnabunt eam.*

C A P U T XI.

SUB initium superioris sæculi libellus Edmundi Richerii *de ecclesiastica, & politica potestate*, publici juris factus est, malis artibus confarcinatus, pessimisque doctrinis conspersus, adversus ecclesiasticam potestatem, sed verius utramque, nempe & laicam susdeque confundens; & quamlibet hierarchiam, & Monarchiam ad Democratiam, vel Aristocratiam deducens. (2) Statim synodali iudicio sub eximio Cardinali Peronio Senonensi Archiepiscopo proscriptus fuit, adjecta clausula, salvis tamen juribus tam Regis, quam Ecclesiæ Gallicanæ. Iterato spiculo idem liberius eodem anno confos.

(1) Matth. 12. 41.

(2) Spondan. ad an. 1612. n. 3.

foffus extitit, in Synodo Aquenfi, a qua abſque præfata clauſula, jure damnatus eſt, tanquam continens multas propoſitiones, expoſitiones, & allegationes falſas, erroneas, ſcandalofas, ſchiſmaticas, & ut ſonant, hæreticas. Ad ſe rediit Richerius, (1) quia declarare non omiſit, quaſcumque ſuas propoſitiones Eccleſiæ Romanæ, & S. Sedis Apoſtolicæ judicio ſubjicere, eam Matrem, & Magiſtram omnium eccleſiarum, & infallibilem veritatis judicem agnoſcendo, & eas, quatenus eidem Romanæ Eccleſiæ eſſent contrariæ, improbando, & condemnando. Hanc declarationem conſignavit Cardinali ampliffimo Richelio tunc domus Sorbonæ proviſori, ediditque a ſe ſcriptam fuiſſe coram teſtibus, & obſignatam, ut perenne ſuæ pœnitentiæ teſtimonium. Occaſione hujus libelli a Richerio editi Facultas Pariſienſis (2) conſulto decrevit, ut mos antiquus reintegraretur, jurandi in decreta Summorum Pontificum; juſſitque, ut Baccalaurei in Theologiæ actibus reſpondentes, omnino hanc præceptionem implerent. Utinam nunquam hæc decreta violata fuiſſent, quia neque pœnitudini locus ſuperfuiſſet.

Eadem cura mox, ac Pariſiis viſa ſunt volumi-

(1) Duall. in oper. adv. Richer.

(2) Spondan. ad an. 1629. n. x.

lumina (1) *Jurium, & libertatum Gallicanæ Ecclesiæ*, earumque probationes, quæ servitutem vere inducebant sub specioso titulo libertatis, & classicum schismati canebant, Regium Consistorium, primo vetuit, ne a typographis distrahi vel vendi possent; deinde Episcopi, ut diximus, ea absque mora proscripserunt, atque damnarunt. *Nescit enim* (inquit Spondanus) *Ecclesia Gallicana libertates, quæ malum operentur. nescit jura, quæ illam a Romanæ Matris suæ firmissima connexionē, & filiali obedientia divellant, ac separent. Quæ vero legitima sunt privilegia, & sincerae libertates, tam ipsius Ecclesiæ, quam Regis, & Regni, eas ad sanguinem usque parata est defendere, ac tueri.* Vim suam igitur habeant Concordata, & omnia in pace quiescent.

Eosdem libros adeo infensos Apostolicæ Sedi prohibuit, & confixit Romanus Pontifex per decretum latum sub die 26. Octobris 1640. Prius tamen Romæ Richerii opus, & Commentaria ad synodale responsum Simonis Vigorii proscripta fuere anno scilicet 1613. deinde Apologia ejusdem auctoris sub die 16. Martii 1621. ejusdem furoris, damnata fuit. Item opuscula anonyma de libertate Ecclesiæ Gallicanæ sub die 3. Julii 1623. decretum Romæ editum confixit. Eandem prorsus materiam injuriosam,

&

(1) Spondan. ad an. 1639. n. 1.

& procacem adversus jura ecclesiastica, & Pontificia prohibuit Romana Sedes *intra-
tatu appellationis ab abusu*, sub die 15. Februarii 1625. Librum de cavendo schismate, auctore Rabardeo, pariter Romana Sedes confixit sub die 28. Martii 1643. in-
ussa ei censura, quod contineat multas propositiones respective temerarias, scandalosas, piarum aurium offensivas, seditiosas, impias, potestatis Pontificiæ penitus destructivas, immunitati, & libertati ecclesiasticæ contrarias, novatorum hæresibus proximas, erroneas in fide, & manifeste hæreticas.

His adjungenda venit proscriptio duorum tomorum de libertatibus Ecclesiæ Gallicanæ, quos confutavit ipse Clerus Gallicanus & regio edicto lato sub die 20. Decembris 1658. suppressi declarati fuere. Quos cum Petrus de Marca reintegrare sit conatus in libris de Concordia sacerdotii, & Imperii, itetato stigmate Romæ sub die 11. Junii 1642. & 8. Decembris 1646. confixi sunt. Accedit condemnatio censuræ a facultate Parisiensi factæ contra librum Jacobi Vernantii pro auctoritate Pontificia pugnantis, quam censuram ut præsumptuosam, temerariam, atque scandalosam Alexander VII. delevit annos 1665. Item accedit condemnatio compendii ad dissertationem de causis majoribus ad cap. de causis procusi anno 1679. quod

quod sub die 18. Decembris , edito Motu proprio , interdixit Innocentius XI. adjuncta censura , qualiter contineat doctrinam schismaticam , de hæresi suspectam , & sanctæ sedi injuriosam .

Prætereo sexcentos alios libros , Theses , folia , inter quæ opera Lauonii, Meimburgi, Natalis , & alia severis Sanctæ Sedis decretis , censurisque damnata ; nec non alios plurimos libellos occasione Clementinæ Constitutionis *Unigenitus* procusos, quos improvida , ac importuna scriptorum audacia obtulit , qui ejusdem Clementis XI. sanctione quomodolibet editi , vel edituri proscripti decernuntur ; perinde ac ejusdem malevoli animi erga Romani Pontificis auctoritatem . Collimant enim in eundem scopum deterendi divinam ei inditam a Christo potestatem , vel ut concilio subjiciant , vel ut imminuant Pastoralem eminentiam supra omnes , & singulas oves , vel ut infallibilitatis prærogativam convellant. Perperam tamen concutitur , quum tot fulmina Vaticana fatis sint ad defensionem juris Apostolicæ Sedis , & ad eversionem Babelicæ turris extollentis se , ut portæ inferi prævaleant .

C A P U T XII.

NOnnulla alia dictis contexere non gravabor, ut amplius pateat, quam acerbe, æque ac juste commoti sint Romani Pontifices, quum privilegia suæ Sedis persenserint compuncta, ac læsa. Notissima sunt jurgia improbitate temporum exorta ad labefactandam Sancti Gregorii VII. constantiam; sed pariter notum est qua animi fortitudine steterit, quum in Concilio Romano irruit in hostes opportunis sanctionibus, & plene jura Apostolica vindicavit. Joannes XXII. lata constitutione *Licet juxta*, temeritatem Marfilii Patavini, & Joannis Jamduni coercuit. Martinus V. edita constitutione *Inter cunctas*, in exitu Concilii Constantiensis errores Joannis Wiclephi, & Joannis Hutz adversus Papatum effusos, compescuit. Eugenius IV. per decretalem *Moyse* in Concilio Florentino factam, Basilensium jactatas veritates ad orcum amandavit: Aliisque constitutionibus datis, nempe illa *Cantate Domino* Jacobitas instruxit, & altera *Exultate* Græcos ad ovile reduxit. Sixtus IV. evulgata Constitutione *Licet ea*, errores Petri de Osma profligavit. Alexander VI. per Constitutionem *Inter cætera*, quantum valeat Pontificia aucto-

auctoritas, ostendit, ad Americanas gentes in ditionem Hispanam redigendas.

Neque alia documenta potiora deficiunt. Leo X. per Constitutionem *Pastor æternus*, in Concilio Lateranensi emanatam, abunde eminentiam Romanæ Sedis tuetur, & prodit. Strenue idem Pontifex Maximus in Lutherum insurgens, emissâ Constitutione *Exurge domine*, plurimos protrivit errores, quorum in vigesimo octavo impius ille Sy-cophanta sequentia effutire non erubuit. *Si Papa cum magna parte Ecclesiæ sic, vel sic sentiret, nec etiam erraret, adhuc non est peccatum, aut hæresis, contrarium sentire; præsertim in re non necessaria ad salutem, donec fuerit, per Concilium Universale, alterum reprobatum, alterum approbatum.* Nescio, an alter casus se offerat huic doctrinæ damnatæ similior, quam præsens discrepantia super Pontificia auctoritate, & potestate, quam amplissimam, & nemini subjectam non tantum major, sed maxima pars Ecclesiæ veneratur, & profitetur.

Tandem dimissis cæterorum Pontificum constitutionibus, quibus hujusmodi injuriosæ Sanctæ Sedi assertiones toties illis, & protritæ enunciantur, ad Alexandrum VIII. Pontificem Maximum prope finem elapsi sæculi divenimus. Hic ille est, qui audita quorundam scriptorum in spargendis erroribus audacia, decretum edidit sub die 20.

De-

Decembris 1690. quo 31. propositiones descripsit, inter quas 29. est sequens : *Futillis, & toties convulsa est assertio de Pontificis Romani supra Concilium Occumenicum auctoritate, atque in fidei questionibus discernendis infallibilitate.*

Denique idem Alexander VIII. quum adhuc pendulam vidisset interdictionem ab Innocentio XI. paratam assertarum propositionum, quas Clerus Gallicanus in Comitibus anni 1682. enunciaverat, de auctoritate seu Pontificia, seu Ecclesiastica, male discernens, edita Constitutione sub die 30. Januarii 1691. propediem moriturus denunciavit, & declaravit eas, & quæcumque acta inde secuta, vel forte secutura, esse, & fore irrita, invalida, inania, omni effectu vacua, ac nullius valoris, ac roboris, perinde ac si nunquam emanassent, atque adeo ad maiorem vim eas, & ea cassat; irritat, ac penitus delet. Pontifex virtute præstantissimus, animoque fortis, strenuus vindex Apostolicæ Sedis iurium, palam fecit, quantum Sanctæ Sedi cordique semper fuerit Romanorum Pontificum injurias propulsare, opinionibus exoticis adversari, vim vi repellere, semperque eam auctoritatem, & potestatem superiorem, ac invictam opponere, dum lædi, ac dirui improvide creditur.

CAPUT XIII.

Pœnituit plures in auctoritatem Pontificiam insolenter fuisse invecos, quapropter caocti fuere ad Innocentium XII. datis litteris scribere in hæc verba: *Se de gestis hujusmodi (nempe Comitiorum Cleri an. 1682. Parisiis habitorum) (1) vehementer quidem, & super omne id, quod dici potest, ex corde dolere, ac quæcumque in præfatis Comitiiis, sive circa Ecclesiasticam potestatem, & Pontificiam auctoritatem decreta, sive in præjudicium jurium earamdem Ecclesiarum deliberata, pro non decretis, nec deliberatis habere, & habenda esse; serio insuper spondentes, se ita in posteram gesturos, ut nihil penitus de vera eorum erga Sanctam Sedem obedientia, ac debito pro juribus ipsarum Ecclesiarum defendendis zelo desiderandum supersit.*

Et quum Rex Ludovicus XIV. lato edicto jussisset, assertas Cleri propositiones ab omnibus tradi, & haberi, debere; ipse eundem Innocentium certiore reddidit, *se nuperrime Regium illud edictum, quo in his comitiis Cleri Gallicani edita de potestate Ecclesiastica declaratio firmabatur, ita haberi jussisse, ut neminem ad illius observantiam teneri perspectum sit, ac exploratum.*

Dd

Hau-

(1) Graves. tom. 8. p. 1. fol. 192.

Haufit Christianiffimus Rex a majoribus fuis derivatam erga Romanos Pontifices devotionem, quam perennem testatam habemus in Ecclefiafticis monumentis.

Etenim Carolus Magnus erga Sanctam Sedem religiofiffimus, quum in Romana Synodo una cum Gallis Epifcopis, & Regni fui optimatibus adeffet ad vindicandum Leonem III. ab improbis appetitum calumniis, uno ore conclamatum eft: *Se Apoftolicam Sedem, quæ eft caput omnium Dei Ecclefiarum, judicare non audere; cum ex antiquo more omnes illa judicet, & a nemine judicetur*: (1) Ut testatur Anaftafius.

Ludovicus Pius filius Caroli M. & hæres paternæ pietatis, quantum agnoverit in Romano Pontifice juris, & potestatis, conftat ex literis ad Eugenium II. datis, quas recenset (2) Spondanus. Rurfus conftat ipsum Ludovicum, in repetitis partitionibus fui Regni inter filios fuos ftudiofiffime adfcribi voluiffe caput: *De cura, & defenfione Sanctæ Romanæ Ecclefiæ, cæterarumque Ecclefiarum majorum fuorum exemplo habenda*.

Carolus Calvus etfi fubiratus fcripiffet ad Hadrianum II. (3) fuæ religionis attamen oblitus non eft, fed proteftatus eft non
igno-

(1) in vita Leon. III.

(2) ad an. 825. n. 1. & ad an. 838. n. 1.

(3) Inter op. Hincmar. epift. 42.

ignorare, quidquid a Sede Apostolica decretum esset, sequendum, & tenendum fore.

(1) Sæculo XII. scribebat Villedelmus Episcopus electus Carnotensis ad Alexandrum III. *Inter omnia Regna Mundi non est, ex animi mei sententia, regnum, quod fidem sinceriorem, charitatem ferventiorum, devotionem uberiores Apostolicæ Sedi semper exhibuit, quam Francorum. Non est inter Reges, & Principes, qui benignius exaudiat preces vestras, qui mandatis obediat humiliter, qui Ecclesias, & viros Ecclesiasticos honoret devotius, & studiosius tueatur, Christianissimo Rege nostro.*

Comprobavit Villedelmi encomia Ludovicus XI. quum de abrogata pragmatica sanctione certiores reddidit Pius II. in hæc verba: (2) *omnibus itaque victimis potentiores obedientiam intelligentes, assensus sumus tibi, quæ tuo nomine nobis aperta sunt. Ipsam scilicet pragmaticam sanctionem tibi, tuæque Sedi infensam, utpote, quæ in seditione, & schismatis tempore, atque per seditionem, factionisque a tua sede figuram nata sit; & quæ dum tibi, a qua sacræ leges oriuntur, & manant, quantalibet eripit auctoritatem, omne Jus, & omnem legem dissolvit. Quippe quæ adversus tuam sedem omnium ecclesiarum Matrem, ab inferioribus Præla-*

Dd 2 tis

(1) Baron. ad an. 1168. n. 18.

(2) Raynald. ad an. 1461. n. 118.

tis lata est, tanquam, ut scriptura loquitur: Quomodo si elevetur virga contra levantem se, aut baculus, qui utique lignum est... Te tamen Principem totius Ecclesiae, Antistitem sacrorum, Te dominici gregis Pastorem profitemur, & scimus; Teque jubentem sequimur, Tibi, & Beatissimi Petri Cathedrae consentimus, & jungimur. Itaque sicut mandatis, Pragmaticam ipsam a Regno nostro, nostroque Viennensi Delsinatu, & omni ditione nostra, per praesentes pellimus, dejicimus, stirpitusque abrogamus.

Pari devotionis obsequio testatus est per suos oratores in Concilio Lateranensi Ludovicus XII. Leoni X. Pontifici Maximo, ut exactis ejusdem Concilii colligere est. Sed quorsum hæc fundimus, si modernum Parliamenti placitum omnes laudes evacuat, ipsorumque Christianissimorum Regum egregia facinora disjicit, & absomit?

C A P U T XIV.

QUoniam una vox est plurium, peritioribus exceptis, antiquas, ac pervertustas Conciliorum sanctiones, Romanorumque Pontificum decretales, una cum invectis usibus, & consuetudinibus Regni, libertates Gallicanas componere, præcipue adversus Pontificiam auctoritatem; introspicere oportet, an hæc opinatio veritati

tati cohæreat. Absque dubio est Capitularia Caroli Magni, Ludovicii Pii, & Lotharii inter vetusta monumenta Regni Galliarum recenferi, ibique leges pro ecclesiastica disciplina resarcienda, & perficienda sancitas fuisse, ut pro inviolabili observantia deinceps regulam figerent. Perpetuo in illis referuntur decreta capitula ad Conciliorum Canones, vel ad Pontificum Romanorum statuta conformia, quibus pari mentis, & oris demissione, ac reverentia obedientiam Apostolicæ Sedi conciliant, & urgent.

Placet nonnulla capita percurrere, ne facta a dictis discrepare quispiam suspicetur. In codice Capitularium Gallorum ab Ansegiso Abbate, & Benedicto Levita collectorum, legere est lib. 6. cap. 267. *Ita unanimis divinis, & Apostolicis constitutionibus serviatis, ut in nullo patiamini pia Canonum decreta violari. Ut nulli fas sit, sine status sui periculo, vel divinas constitutiones, vel Apostolicæ Sedis decreta temerare.* Eodem libro cap. 287. sancitum est: *Auctoritas Ecclesiastica, atque Canonica docet non debere absque sententia Romani Pontificis Concilia celebrari.* Item: *Nullus Episcopus, nisi in legitima Synodo, suo tempore Apostolica, atque Canonica vocatione congregata super quibusdam criminibus pulsatus audiatur.*

D d 3 Item

Item ibidem : *Si quæ causæ, vel contentiones inter Clericos, & Laicos tam majoris ordinis, quam etiam inferioris fuerint exortæ, placuit, ut secundum Synodum Nicænam, congregatis omnibus ejusdem provincie Episcopis, jurgium terminetur; nec cui liceat, sine præjudicio tamen Ecclesiæ Romanæ, cui in omnibus causis debetur reverentia custodiri, relictis his Sacerdotibus, qui in eadem provincia Dei ecclesias nutu divino gubernant, ad alias convolare provincias. Si autem majores causæ in medio fuerint devolutæ, ad Sedem Apostolicam, ut Sancta Synodus statuit, & beata consuetudo exigit, post judicium episcopale, referantur.*

Eodem lib. cap. 299. dictum est : *Si quis episcopus depositus agendum sibi negotium in urbe Roma proclamaverit, alter Episcopus in ejus Cathedra post appellationem ejus, qui videtur esse depositus, omnino non ordinetur, nisi causa fuerit judicio Romani Pontificis determinata.*

Lib. 7. c. 90. legitur sancitum ; *Providendum est in omnibus, ne in aliquo Apostolica, vel Canonica decreta violentur.*

Item cap. 91. habetur: *Carolus gratia Dei Rex regni que Francorum rector, & devotus Sanctæ Ecclesiæ defensor, atque adiutor, in omnibus Apostolicæ Sedis hortatu, omniumque fidelium nostrorum, & maxime episcoporum, ac reliquorum Sacerdotum consultu, &c.*

Item

Item cap. 104. Vetat Carolus Sacerdotibus ire ad pugnam: *adjuncto Leonis Papæ, & omnium episcoporum spiritu.*

Item c. 111. *Ut episcopum apud Judices publicos nemo audeat accusare; sed aut apud primates diocesearum, aut apud Sedem Apostolicam.*

Item c. 124. *Placuit, ut quandocumque accusatur episcopus, si comprovinciales, aut vicinos suspectos habuerit, sanctæ, & Universalis Romanæ Ecclesiæ appelles Pontificem, ut ab eo quidquid justum, & Dei placitum fuerit terminetur.*

Item c. 187. de Chorepiscopo Arnone agitur, ubi legitur: *Quod jurgium cum enucleatius discutere voluissimus, placuit nobis ex hoc Apostolicam Sedem consulere, jubente Canonica auctoritate... Quapropter Arnorem Archiepiscopum misimus ad Leonem Apostolicum; ut quidquid definiendum esset, Apostolica auctoritate a nostris Episcopis regulariter sopiretur.*

Item c. 241. Si Clericus vel Episcopus habuerit querelam adversus Metropolitanum, *petat primatem dioceseos & apud ipsum judicetur, aut apud Sanctam Sedem.*
Item cap. 265. *Constitutiones contra Canones, & decreta præsulum Romanorum, seu reliquorum Pontificum, vel bonos mores, nullius sint momenti.*

In addit. iv. c. 12. habetur: *Nullus Episcopus*

piscopus, nisi Canonice vocatus, & in legitima Synodo suo tempore Apostolica auctoritate convocata (cujus jussione domini, & meritis Beati Petri Apostoli singularis congregandorum Conciliorum auctoritas, & sanctorum Canonum, ac venerandorum Patrum decreta multipliciter privata tradita est potestas) super quibuslibet criminibus, pulsatur, idest, judicetur, audiat, vel impetretur... Quoniam eadem Sede, testante veritatis voce, primum primatum obtinuit, nec prima diceretur, si aliam super se haberet; quæ etiam caput est omnium Ecclesiarum, a qua omnes sumpsere originem. Primatum enim non Synodalibus, aut aliquibus commentis meruit institutis, sed domino largiente, qui ait: Tu es Petrus, & super banc petram ædificabo Ecclesiam, & reliqua alia, & his similia. Quibus si aliquis superbo spiritu obviaverit præceptionibus, non exeat impunitus, sed gradus sui periculo subjaceat.

His, & aliis, quæ rescribi possent ex Capitularibus, testimoniis planum fit, quam vetusta sit Gallorum observantia erga Pontificiam auctoritatem, & quam futilis sit novantium inconstantia, qua nunc ad venerandam antiquitatem appellant, & mox ad novissimam ætatem libertates Gallicas revocant; nunc verustos codices laudant, nunc despuunt, prout libet. Sane constat

stat antiquos Principes, nonnisi ex Apostolicæ Sedis auctoritate, Ecclesiasticas res componere sategisse, & Romanorum Pontificum assensu, atque auctoritate capitula, ac decreta roborata fuisse, (1) salva in omnibus ejusdem Sedis superioris auctoritatis plenitudine. Patet qua reverentia, ac animi demissione decreta Pontificia intemerata, & inviolabilia tutari sint, & custodiri voluerint; ut mirari subeat, quantum nunc derogare conentur moderni aulici prisca moribus, quos extollere gestiunt.

Meminerint itaque aulici eorum, quæ scripsit Ivo Carnotensis ad Robertum Comitem Mellentinum, dicens: (2) *Cum enim gratiam inveneris in conspectu Regis Anglorum, testantur multe Ecclesiasticæ personæ, quod plus ei placere studeas, quam Regi Angelorum. Non tamen culpamus ei placere in his, quæ Deo non displicent: Sed si quid molitur Regia potestas adversus Dominum, & Christum ejus, & Ecclesiam ejus; in mente habere debes, quia Christi sanguine redemptus es, quia legibus Christi initiatus per Sacramentum ecclesiæ regeneratus es, & illius es liber, qui pro te se servum fecit, ut libereas tua nihil se debere intelligat alicui, quo divinam offendat Majestatem, & Ecclesiæ minuat libertatem.*

CA.

(1) Baron. ad an. 819. n. 11. & seq.

(2) Epist. 179.

CAPUT XV.

Fert Spondanus, Paulo II. Ecclesiæ Clavum moderante, nonnullos in Æquiculis hæreticos prodiisse, (1) *Opinionistas* dictos, qui perversa opinione circumducti pervicaciter contendebant, nullum Christi Vicarium esse illorum, qui Post Petrum fuere, nisi qui paupertatem Christi imitati essent. Ignominia notati gravissima coacti sunt ab errore male parto discedere. Hæc est hominum ad delinquendum proclivitas, ut ab admissio semel in minimis errore in deteriora labantur, & tandem in hæresim corruant. Plane id probat experientia, nihil facilius filium adversus Patrem, nihil pronius discipulum adversus Magistrum incendere, quam jurgiis, & injuriis primo laceßere, mox vel invitos appetere.

Ad declinandam hanc moxam monebat Nicolaus I. (2) Venilonem Archiepiscopum Senonensem, una cum suffraganeis suis, ut a sententia Apostolicæ Sedis nunquam deflecterent. *Antequam ad consulta vestra mentis oculum inclinemus*, inquit Nicolaus, *parumper in laudibus vestris stylum ope-*

(1) ad an. 1467. n. 12.

(2) Epist. 4. apud Sirmund. tom. 3. Conc. Gall. fol. 187.

*operæ peretium duximus immorandum; Qui quo vobis eundum, quove in rebus dubiis, atque in magnis ecclesiasticis negotiis esset accelerandum, serenitatis visibus prævidistis, humilibusque devotionis vestris passibus curristis. Contra illos nimirum, qui Beatissimi Apostolorum Principis Petri, ejusque successorum luculentissimam doctrinam, sedemque spernentes, quem Dei filius in Sancta Ecclesia sua, tanquam luminare majus in Cælo constituit, veluti quidam scorpiones palantes in meridie, & cum adhuc dies est, occidit eis sol. Revera ii, & per scientiam Dei, more Balaam, apertos habent oculos, cadunt tamen, quia, obcæcati infat, ipsius avaritia, quo gressum tendere possint justitiæ, non aspiciunt, sed per abrupta, & avia incedentes, dum caput sequi refugiunt, in vasta præcipitia demerguntur. Vos autem fratres charissimi, qui sancto utique spiritu revelante, Apostolicæ Sedis auctoritatem sensu capere, & ad splendorem luminis ejus jam incendere laudabiliter inchoastis, cum illa usque in finem sapere, cum illa semper ambulare studete, ab illa deviare nefas judicate, ab ejus discrepare sensu, ne ad modicum quoque momentum consentiatis. Quos illa recipit, & vos recipite quoque, & quos illa respuit, abigere ipsi, sicut ipsa, mementote. Non enim illa respuit, nisi membra, quæ sibi non coherent, nec a se
reci-*

recidit, nisi quos in scandalum a multis positos, comprehendit. Non inquam, recidit, vel eruit a se, nisi membrum, quod sanis membris in offensionem, & perniciem noscitur extitisse.

Quod adeo magni momenti censuit antiquitas, ut in octava (1) Synodo Patres non dubitaverint religione, & subscriptione se devincire formulæ ab Hadriano II. transmissæ, qua pollicebantur habere *sequestratos a Communione Ecclesiæ Catholicæ idest non consentientes Sedi Apostolicæ, eorum nomina inter sacra non esse recitanda mysteria.* (2) Hinc Natalis Alexandri nesciens tam celebri, & manifestæ veritati refragari, fateri coactus est: *Idem esse, sequestratum esse ab Ecclesiæ communionem, & non esse consentientem Sedi Apostolicæ.*

Monitum tam præclarum, æque ac necessarium profequi voluit Hincmarus Remensis Archiepiscopus in hæc verba se explicans: (3) *de omnibus dubiis, vel obscuris, quæ ad rectæ fidei tenorem, vel pietatis dogmata pertinent, Sancta Romana Ecclesia, ut omnium Ecclesiarum Mater, & Magistra, nuerix, ac doctrix est consulenda, & ejus salubria monita sunt tenenda, maxime*

(1) Act. 2.

(2) Hist. Sæc. IX. diff. 4. §. 13.

(3) In præf. opusc. de divort. Lothar. & Tetrberg.

me ab his, qui in illis regionibus habitant, in quibus divina gratia per ejus prædicationem omnes in fide genuit, & Catholico lacte nutrit, quos ad vitam præordinavit æternam. Unde quoniam, sicut Beatus Innocentius ad Decentium Eugubinum scribit Episcopum, Manifestum est in omnem Italiam, Gallias, Hispanias, Africam, atque Siciliam, insulasque interjacentes nullum instituisse Ecclesias, nisi eos, quos Venerabilis Petrus, aut ejus successores constituerint Sacerdotes: oportet ergo eos hoc sequi, quod Ecclesia Romana custodit, a qua eos principium accepisse non dubium est, ne dum peregrinis assertionibus student, caput institutionum videantur ammittere. Sed & quia Beatus Cælestinus ejusdem primæ Sedis Episcopus ad Venerium, & cæteros Gallicanos dicit Episcopos; Quia non est agentium causa solum, quando Universalis Ecclesia quacunque novitate pulsatur, & ad Nestorium Constantinopolitanum scribens decernit: Quod omnes debeant nosse, quod agitur, quoties omnium causa tractatur.

CAPUT XVI.

CLam me non sunt effugia, quibus propellitur causa, quam teneo. Omnia referunt ad primatum, nihil ad infalibilitatis, superiorisque eminentiæ supra Concilia Œcumenica, privilegia potiora spectare pertendunt. Sed unum sine altero deficit. Quæ magnifice proferuntur de auctoritate Pontificia, ejusque summo jure omnes docendi, & super rebus fidei, & morum definiendi, & quæ nullibi de cæteris, neque in Concilio coadunatis leguntur, prorsus gestiunt augustiora in Romano Pontifice profiteri, & inesse. Ut planum fiat, expendamus encomium, quod amplissime exhibet Caroli Magni opusculum ad Hadrianum I. (1) transmissum ex totius Galliarum Regni, & Germaniæ in Episcoporum avita sententia.

Ecclesia Romana, inquit, Sanctæ fidei spiritualibus munita armis, & a fonte, & origine bonitatis salutaribus satiata fluentis, & horrendis, atrocibusque hæresum obsistit monstris, & melliflua prædicationis pocula Catholicis per orbem ministrat Ecclesiis. Nam Beatissimus Hieronymus vir divinis legibus, & multarum linguarum peritia eruditus,

(1) L. 1. cap. 6. ab Eli. Phil. sive I. B. Tilio Ep. Meld. edit.

tus, dum Betblemiticis moraretur in arvis,
 & a Papa Damaso Romæ posito de difficili-
 bus quæstionibus consuleretur, eum pro causis
 fidei vice versa consuluisse dignoscitur; & si-
 ve tacendarum, siue dicendarum hyposta-
 seon, vel quibus in orientalibus partibus com-
 municare debeat, humilibus apicibus, ut api-
 ces accipiat, deprecatur. Mira res, & magnis
 prædicanda præconiis! Interrogat, a quo in-
 terrogatur, consulit, a quo consulitur. Qui
 Magistrum se interpretandis divinis Scriptu-
 ris sentit, in causis fidei venerandi Pontifi-
 cis se discipulum minime erubescit; & cui
 Sacræ legis quæstionum nexus enodat, utrum
 hypostasēs dicere debeat, quibusve in oriente
 communicare, efflagitat. Unde datur intel-
 ligi, sanctos, & eruditos viros per diversas
 mundi partes, scientiæ, & prædicationis lu-
 mine coruscantes, non solum a Sancta Ro-
 mana Ecclesia non recessisse, sed etiam tem-
 pore necessitatis, ob fidei corroborationem ab
 ea adjutorium implorasse. Quod regulariter
 omnes Catholicæ debent observare Ecclesiæ,
 ut ab ea, post Christum, ad muniendam fi-
 dem, adjutorium petant, quæ non habens
 maculam, nec rugam, & portentosa hære-
 sum capita calcas, & fidelium mentes in fi-
 de corroborat. Acujus sancta, & veneran-
 da communione multis recedentibus, nostræ
 tamen partis nunquam recessit Ecclesia, sed
 ea Apostolica traditione instructe, & eo, a
 quo

quo omne Bonum optimum, & omne donum perfectum, tribuente, semper suscepit reverenda Charismata.

Haud difficili, vel ardua indiget sermo interpretatione. Plus explicant sensus Capitularis Carolini, quam concipi possit. Quid est, quod Ecclesia Romana, nempe Pontifex summus, satiata fluentis a fonte lucis, qui Christus est, & doctrina hæresum monstra configit, & prædicatione omnes orbis Ecclesias imbuit? Si hæc doctrina, si hæc prædicatio erroris periculum subit, nonne omnes Ecclesiæ eodem inficerentur errore, vel errandi periculo subjicerentur? Et ubi stabit illud Melodunenſis Conventus, quo aperte omnibus indictum est profiteri, & tenere eam fidem, (1) *Quam sancta Romana Ecclesia, Magistra, columna, & firmamentum veritatis profitetur, & colit?* Cur in prælibato Capitulari adeo egregie celebratur Hieronymi petitio, qua Damasum ad poscendum suæ fidei prælidium adivit, si accepto responso adhuc fluctuare potuisset dubius, & incertus? Nonne in idem rediisset a Patriarcha Antiocheno, vel alterius Ecclesiæ Episcopo efflagitare consilium?

Verum aliter credidit Hieronymus, aliter sane censuit Auctor Carolini Capitularis. Nemini se fidebat Hieronymus in negotio

(1) Comment. Cler. Gallic. tom. 1. in an. 1579.

gotio fidei, ut plenarie conquiesceret. Idcirco ad Petrum, cui pascendi; & confirmandi oves, & fratres a Christo demandatum est munus, confugit, ab oraculo ejusdem expectans sive dicendarum, sive tacendarum hypostaseon absolutum judicium. Noverat hanc regulam fallendi nesciam esse; Noverat se falli minime posse, si Cathedræ Petri inhæreret Damasi Doctrina imbutus. Si hanc apertam declarationem respuimus, nihil probat Capitularis Carolini argumentum; nihil prorsus Hieronymi exemplum ad rem confert, vel præsidium creat.

Rursus Carolinum Capitulare urget ratione, & exemplo, ut Catholicæ Ecclesiæ Romanæ convenient; nimirum tanquam ad munendam fidem conterendos, ad hæreticos, ad corroborandas in fide mentes potentissimum adjutorium. Nunc sic compello. Si judicium Romani Pontificis reformabile est a plenario Concilio, eique cum Judice ipso subjicitur, quænam est hæc insulsa, ac pene vacua corroboratio mentis, & fidei munimen a verbis Capitularis celebratum? Quænam profligatio hæresum, quæ adhuc virus spargunt, neque adhuc postremo confossæ audiuntur a Romano Pontifice? Pugnantia hæc sunt, neque unquam vel arduo labore concilianda.

E c

CA.

CAPUT XVII.

AD libertatem plerique etiam hujusmodi opinionationes importune revocant. Sed quæ ratio ad id dicendum impellat, prorsus latet. Antiquitas tota silet, adeo ut Petrus de Marca ingenue fateatur: (1) *Ecclesiæ Gallicanæ libertatem eo præcipue fundamento niti, ut supremam Apostolicæ Sedis auctoritatem, & profiteatur, & omnibus officiis colat.* (2) Neque Pontificem Romanum subesse Concilio, quo ad personam, ut certum habet, ex ipsa Gallicanæ Ecclesiæ sententia. Porro personam dignitate Pontificia indutam dicere immunem a superiori judicio, ipsam autem dignitatem, vel auctoritatem a Concilio dependentem affirmare, extra casum hæresis, aut schismatis, inconstantia nimium sunt. Persona non nisi per dignitatis auctoritatem supra omnes extollitur, igitur causa per quam extollitur, potiori jure nemini subesse poterit. Itaque penitus alienum est a libertate Gallicana vel contemnere, vel imminuere Pontificiam auctoritatem, multoque minus lædere, vel deprimere.

Alterius libertatis erit forsitan opus, sed nulli fundamento inhærens. Non verustati
vene-

(1) De Concord. Sacerd. & Imp. l. 1. a. 2. n. 1

(2) Ibid. 3.

venerandæ, quia Carolinum Capitulare fortiter, & apertissime inficiatur, & dictum exprobrat. Non posteriori erumpenti Sententiæ, quia plura obſiſtunt. Etenim graviffimi Scriptores ex Univerſitate Pariſienſi ex adverſo pugnaciſſime pro Romani Pontificis indivulſis privilegiis concertant. Alii diſcrepantia interponunt. Alii in una vel altera opinione ex animo diſtant. Quantum ad ipſos Gallos, quia in Comitiiſ trium ordinum ſub Ludovico XIII. Chriſtianiffimo Rege Pariſiis (1) habitis, cum ingeſta fuiſſet propoſitio a delegatis plebei ordinis circa auctoritatem Summi Pontificis in Reges, perorante Cardinali Pérronio, ab Eccleſiaſticis, & nobilibus rejecta, ex ſanctiori Regis conſilio penitus ſopita fuit; gratulante per Apoſtolicas literas Paulo V. Pontifice Maximo. Quod vero ſpectat ad aliarum Nationum concentum, vel conniventiam, a Meridie inclyta, & Catholica Hiſpanorum religio ſatis ſe adverſantem explicuit in cenſura lata per Inquiſitionis Hiſpanæ officium anno 1683. adverſus declarationes Cleri Gallicani in Comitiiſ præcedenti anno habitis, expoſitas. Editio quippe decreto, ſub die 10. Julii 1683. propoſitionem hanc: *Papa in decidendis articulis, quæ pertinent ad fidem, non eſt infallibilis, abſque conſenſu Eccleſiæ*, ſequenti cenſura

E c 2 per-

(1) Spondan. ad an. 1614. n. 11.

perstrinxit: *est erronea, & hæresi proxima.* Aliam propositionem asserentem; *Concilium est supra Papam:* itidem hac censura confodit: *est erronea, & schismatica.* Eandem notam intorsit in propositionem de independentia Regum ab auctoritate Pontificia.

Ab occidente Gallici Regni, Americanæ Ecclesiæ cum Hispanis certissime sentiunt, & unius sunt labii, & professionis. A septentrione Academiæ omnes, una cum Georgio Strigoniensi Archiepiscopo, & Hungarici Regni Primate, qui per literas encyclicas ad universos Christi fideles in Hungariæ Regno existentes, datas sub die 24. Mensis Octobris ejusdem anni 1682. eas quatuor propositiones, ut absurdas, & detestabiles rejecit, proscripsit, & interdixit, pariter confutarunt, & pluribus censuris idem confixerunt.

Tandem ab oriente, nempe ab Apostolico Throno, Alexander VIII. per suam decretalem Constitutionem *Inter multiplices*, latam in extremo laudabili vitæ cursu, easdem declarationes, & propositiones ex supremæ auctoritatis suæ plenitudine abrogavit, penitusque delevit. An alia pars in orbe extet, quæ a prædictis propositionibus non abhorreat, profecto inane est perquirere. Propterea quæ late patet orbis, necesse est affirmare, privilegia Romani Pontificis,

tificis, & si concuti possint; convelli tamen quacumque arte, vel labore non posse, nisi a rediviva *Opinionistarum* putida secta.

C A P U T XVIII.

R Estandem deducta est ad appellationem a Papæ judicio ad Concilium Generale futurum, quod placitum Parlamenti permittere gestit, & liberum pro usu libertatis Gallicanæ vult esse, & conservari. (1) Petrus de Marca ex animo ad gloriam nationis suæ refert, quod Pontifici Romano tanquam capiti Ecclesiæ universalis Galli ut membra inserti sint, Ecclesiamque Romanam debita pietate, ut Matrem prosequantur. Rursus indivulsa communione Apostolicæ Sedi consocientur. Videant illi, an hæc recte concilientur, quum passim in cit. tom. libertatis Gallicanæ, hanc neque ad jus aliquod, neque ad privilegium referunt, sed prorsus ad usum per contentionem inchoatum, & per summam injuriam, atque vim violenter inventum, atque protractum.

Fatur insuper (2) de Marca incognitam

E e 3 tam

(1) De concord. Sacerd. & imper. l. 1. c. 2. n. 2.

(2) L. 4. c. 17. n. 4. & 5.

tam fuisse antiquitati appellationem ad futurum Concilium, adeo ut primus omnium, qui hoc facinus aggressus est, ab historicis prodatur fuisse Taddæus Friderici II. procurator, qui a (1) Concilio Generali Lugdunensi medio sæculo teritiodecimo ad futurum frequentius Concilium provocavit. Deinde fatetur, exemplum in parte secutum fuisse Philippum Pulchrum adversus Bonifacium PP. VIII. donec tandem Romani Pontifices ad vitandas has offensiones elegerint vel in Synodis sua proferre iudicia, vel latis decretis, & constitutionibus appellationum ausus compescere. Plura de his supra diximus.

Iustus Heningus Bochemerus etherodoxus in suis observationibus ad citatum locum, probat, & admittit cum Petro de Marca, (2) olim nunquam auditam fuisse provocationem a Pontifice ad Concilium, quam proinde novitiam quisquis dixerit. Ex præcedentibus liquet communionem cum Sede Apostolica necessario importare, vel idem esse, ac Sedi eidem consentire, His statutis

Pergit urgentissime argumentum. Appellationis usus antiquitatis auctoritate minime probatus, offensio est Romani Pontificis,

(1) An. 1245.

(2) Ad cap. 17. l. 4. obser. 14. ad §. 2.

cis, qui proinde ut adinventum juri repugnans, horruit, & omnibus censurarum jaculis confodit, & execratus est, Quorsum igitur se prodit integra communio aliqujus cum Romano Pontifice, ut capite omnium, si nedum minime cum eodem consentit, sed prorsus per appellationis usum positive dissentit, refragatur, & avertatur?

In remedium extraordinarium, dicitur, adhiberi ad avertendum, vel suspendendum judicii fulmen; esto. Sed contra fas. Sed in offensionem supremi judicis, Patris, & capitis, cui non consentire, est perinde ac dissociari; & consentire est tessera veræ communionis, ut ex Carolino Capitulari didicimus. Iniquum proinde remedium, injustum, & illicitum declarare Summi Pontifices Martinus V. Pius II. & Sixtus IV. & tanquam schismaticum, & hæreticum conatum rejecerunt: & dum ipsi auctores jactitant, nonnisi ad suspendendum judicii Fulmen adinventum fuisse, neutiquam ad prosequendam partis instantiam, jam patet, ad illudendum prorsus judicium, & Judicem, hanc animarum perniciem procusam esse,

Pugnant, audio, ex adverso potentes. Vibrantur hinc inde censuræ, quæ sese illidunt, & hebetantur. Futilis evasio. *Potentes*, inquit sapiens, (1) *decernunt ju-*

E c 4

sti.

(1) Proverb. 8. 16.

titiam. Æqua lance utrumque justitia librat, (1) Qui novit, loquitur, judex justitiæ est. Satis hucusque diximus: (2) quasi liberi, & non quasi velamen habentes malitiæ libertatem, sed sicut Servi Dei.

(1) Prov. 12. 17

(2) Petri 1. 2. 16.

F I N I S.

APPENDIX ALTERA
CONTINENS DOCUMENTA
IN OPERE INDICATA.

CONSTITUTIO ALEXANDRI VIII.

*Configens, ac delens declarationes Cleri
Gallicani editas die XIX. Martii
MDCLXXXII.*

ALEXANDER PAPA VIII.

Ad perpetuam rei memoriam.

INter multiplices Pastoralis officii nostri
curas, quibus jugiter premimur, in
illam peculiari studio incumbimus, ut
Apostolicæ Sedis, ac Universalis Ec-
clesiæ, necnon etiam singularum Ecclesia-
rum, locorumque Piorum, ac Personarum
Ecclesiasticarum Jura ubique facta testata, ac
illibata tueri, & conservare, eaque adver-
sus quæcumque, per quæ illis aliquid detri-
menti inferri posset, tradita nobis divinitus
potestate vindicare satagamus, sicut omni-
bus mature, ac debite pensatis, justitiæ,
ac rationi consentaneum esse in Domino
arbitramur. Cum itaque ex quo primum
humi-

humilitatem nostram inscrutabili Divinae suae Providentiae arcano in summa militantis Ecclesiae specula collocavit Altissimus, praeter ceteris, quae Pontificiae nostrae sollicitudini sese obtrudere, negotiis, illa in primis gravissima, ac nobis, qui charissimum in Christo filium nostrum Ludovicum Francorum Regem Christianissimum, ac florentissimum illius Regnum in visceribus gerimus charitatis, permolesta, & plane acerba acciderint, quae siue adversus dicti Regni Ecclesiarum jura, siue adversus Romani Pontificis, & Ecclesiae Universae auctoritatem, nonnulli Venerabiles Fratres Archiepiscopi, Episcopi, & alii ejusdem Regni Ecclesiastici Viri in Comitiis Cleri Gallicani Parisiis anno 1682. congregati, tum praestito inhiberi per eos extensioni illius juris, quod vocant Regaliae, ad omnes dicti Regni Ecclesias assensu, tum edita subinde de potestate Ecclesiastica quatuor Propositiones continente declaratione, peregerunt, quaeque ipsa Comitibus subsecuta fuerunt mandata, arresta, confirmationes, declarationes, epistolae, edicta, & decreta quaecumque a quibuscumque personis siue ecclesiasticis, siue Laicis quavis auctoritate, & potestate fungentibus edita, seu publicata, necnon quae alias deinceps nonnullis abhinc annis in Regno praefato eidem Sedi Apostolicae, Romanaeque Ecclesiae, seu quibuscumque aliis Ecclesiis,

fiis, Monasteriis, & locis piis, illorumque
 respectu personis, rebus, bonis, & juri-
 bus, seu alias jurisdictioni, vel immunita-
 ti, aut libertati Ecclesiasticæ quomodolibet
 præjudicialia quovis modo peracta, ac gesta
 fuerunt. Hæc nos, qui Jurium Ecclesiasti-
 corum assertores in Terris a Domino con-
 stituti sumus, dies, noctesque in amaritu-
 dine Animæ nostræ cogitantes manus no-
 stras cum lachrymis, & suspiriis levavimus
 ad Dominum, cumque toto cordis affectu
 rogavimus, ut nobis potenti gratiæ suæ au-
 xilio adesset, quo ardua hac in re commis-
 si nobis Apostolici muneris partes salubriter
 exequi valeremus; eaque consideratione ad-
 ducti, ac ne Supremo Judici rationem vil-
 licationis nostræ reddituri negligentia in-
 credita nobis administratione argueremur
 (quantum Divina Bonitas dedit) nihil huc-
 usque prætermisimus, quo præjudicialia
 præfata ab iismet, qui ea peregunt, ex a-
 nimo retractarentur. Verum, quo effica-
 cius, ac uberius Sedis præfata, Ecclesiæ U-
 niversæ, jurisdictionisque, & immunitatis,
 ac libertatis Ecclesiasticæ, Ecclesiarumque,
 Monasteriorum, & locorum Piorum hujus-
 modi, illorumque personarum præfatarum
 indemnitati perpetuis futuris temporibus
 consultum sit, auditis quamplurimum ex Ve-
 nerabilibus Fratribus nostris Sanctæ Roma-
 næ Ecclesiæ Cardinalibus, & nonnullorum
 in

in sacra Theologia Magistrorum, ac etiam in Decretis Doctorum ad examen negotii hujusmodi a nobis specialiter delectorum, qui illud mature discusserunt, remque totam Nobis exposuerunt, sententiis, quantum nobis ex alto conceditur, providere volentes, ac fel. rec. Innocentii Papæ XI. Prædecessoris nostri, qui occasione rescribendi ad literas, quibus Archiepiscopi, Episcopi, & alii Ecclesiastici Viri supradicti de rebus ab ipsis gestis certiores eum reddiderant, per quosdam suas in simili forma Brevis die XI. Aprilis 1682. expeditas literas improbavit, rescidit, & cassavit, quæ in dictis Comitibus acta fuerant in negotio Regaliæ, cum omnibus inde securis, & quæ subinde attentari contigisset, eaque perpetuo irrita, & inania declaravit, vestigiis inhærentes; necnon in dictis Comitibus anni 1682. tam circa extensionem juris Regaliæ, quam circa declarationem de potestate Ecclesiastica hujusmodi actorum, ac etiam omnium, & singulorum mandatorum, Arrestorum, Confirmationum, Declarationum, Epistolarum, Edictorum, Decretorum quavis autoritate sive Ecclesiastica, sive etiam laicali editorum, seu publicarum, necnon aliorum quomodolibet præjudicialium præfatorum in Regno supradicto quodocumque, & a quibusvis, ac ex quacumque causa, & quovis modo factorum

rum, & gestorum, ac inde secutorum quorumcumque, etiam specificam, & individuum mentionem, & expressionem de necessitate requirentium tenores, & datas etiam veriores præsentibus pro plene, & sufficienter expressis, ac de verbo ad verbum insertis, & exactissime specificatis habentes: Motu proprio, ac ex certa scientia, & matura deliberatione nostris, deque Apostolicæ potestatis plenitudine, omnia, & singula, quæ tam quoad extensionem Juris Regaliæ, quam quoad declarationem de potestate Ecclesiastica, ac quatuor in ea contentas propositiones in supradictis Comitibus Cleri Gallicani anno 1682. habitis acta, & gesta fuerunt, cum omnibus, & singulis mandatis, arrestis, confirmationibus, declarationibus, Epistolis, Edictis, & Decretis a quibusvis personis sive Ecclesiasticis, sive Laicis quomodolibet qualificatis quavis auctoritate, & potestate, etiam individuum expressionem requirente, fungentibus, editis, seu publicatis, necnon reliqua omnia quocumque & qualiacumque eidem Sedi Apostolicæ, Romanæque Ecclesiæ, vel jurisdictioni, Immunitati, vel libertati Ecclesiasticæ, seu alias Ecclesiis, Monasteriis, & locis piis præfatis, illorumque respectivé personis, rebus, bonis, privilegiis, prærogativis, & juribus quibuscumque quomodolibet præjudicialia in dicto Regno peracta, & gesta,

cum

cum omnibus, & singulis quandocumque
& quomodocumque inde secutis, & quocumque tempore secuturis ipso Jure nulla, irrita, invalida, inania, viribusque, & effectu penitus, & omnino vacua ab ipso initio fuisse; & esse, ac perpetuo fore, neminemque ad illorum, seu cujuslibet eorum, etiam si juramento vallata sint, observantiam teneri, neque ex illis cuiquam aliquod jus, vel actionem, aut titulum, etiam coloratum, vel possidendi, aut præscribendi causam, etiam si longissimi, & immemorabilis temporis possessio, etiam citra ullam interpellationem, vel interruptionem subsequuta sit, vel subsequatur, acquisitum fuisse, necesse, minusque ullo tempore acquiri, & competere posse, neque illa ullum statum facere, vel fecisse, sed perinde ac si nunquam emanassent, vel facta fuissent, pro non extantibus, & non factis perpetuo haberi debere tenore præsentium declaramus & decernimus. Et nihilominus ad abundantiorē cautelam, & quatenus opus sit, acta, & gesta præfata, aliaque præmissa omnia, motu, scientia, deliberatione, & potestatis plenitudine paribus improbamus, cassamus, irritamus, & annullamus, viribusque, & effectu penitus, & omnino vacuamus, & contra illa, deque eorum nullitate coram Deo protestamur. Decernentes easdem præsentēs literas, & in eis contenta

renta quæcumque, etiam ex eo quod quicumque in præmissis interesse habentes, etiam specifica, & individua mentione dignis illis non consenserint: nec ad ea vocati, citati, & auditi, neque causæ,, propter quas eadem præsentem emanarint, sufficienter adductæ, verificatæ, aut ullo modo justificatæ fuerint, aut ex alia quacumque causa, colore, prætextu, capite, etiam in corpore juris clauso, nullo unquam tempore de subreptionis, vel obreptionis, aut nullitatis, vel invaliditatis vitio, seu intentionis nostræ, aut interesse habentium, vel habere prætendentium consensu, aliove quocumque, etiam quantumlibet magno, ac incogitato, inexcogitabilique defectu, aut ex alio quovis capite a jure, vel facto, aut Statuto, consuetudine, vel privilegio resultante notari, impugnari, invalidari, retractari, in controversiam vocari, seu ad terminos juris reduci ullatenus posse; sed ipsas præsentem literas semper, & perpetuo firmas, validas, & efficaces existere, & fore, suosque plenarios, & integros effectus fortiri, & obtinere, ac ab omnibus, & singulis, ad quos spectat, & pro tempore quandocumque spectabit, inviolabiliter observari. Sicque, & non aliter in præmissis omnibus, & singulis per quoscumque Judices Ordinarios, & Delegatos, etiam causarum Palatii Apostolici Auditores,

res, ac ejusdem Sanctæ Romanæ Ecclesiæ Cardinales, etiam de Latere Legatos, & Sedis Apostolicæ præfatæ Nuncios, aliosve quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & autoritate, judicari, & definiri debere, ac irritum, & inane si secus super his a quoquam quavis autoritate scienter, vel ignoranter contigerit attentari. Non obstantibus præmissis, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, & quatenus opus sit, nostra, & Cancellariæ Apostolicæ Regula de Jure quæsito non tollendo, legibus quoque, etiam Imperialibus, & Municipalibus, nec non quibusvis, etiam Juramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabilibus; privilegiis quoque, indultis, concessionibus, & literis Apostolicis quibuscumque locis, & personis, etiam regali, & alia quavis si-ve Ecclesiastica, si-ve mundana dignitate fulgentibus, & alias quomodolibet qualificatis, ac specialem expressionem requirentibus, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, effica-

efficacissimis, & insolitis clausulis, irritantibusque, & aliis decretis, etiam motu, scientia, & potestatis plenitudine similibus, ac Consistorialiter, & alias quomodolibet in contrarium præmissorum concessis, editis, factis, & pluries iteratis, & quantiscumque vicibus approbatis, confirmatis, & innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum hac vice duntaxat specialiter, & expresse derogamus, ac derogatum esse volumus, cæterisque contrariis quibuscumque. Volumus autem ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum, & gentium in Judicio, & extra illud ha-

beaturs, quæ haberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Anno Nullo Piscatoris die quarta Augusti MDCXC. Pontificatus Nostri Anno Primo.

J. E. CARDINALIS ALBANUS.

IN Nomine Domini Amen. Præsentibus publico Instrumento cunctis ubique pateat evidenter, & sit notum, quod anno a Nativitate Domini Nostri Jesu Christi millesimo sexcentesimo nonagesimo primo, Indictione decima quarta, die vero trigesima Januarii; Pontificatus autem SS. in Christo Patris, & Domini Nostri Alexandri Divina Providentia Papæ Octavi anno secundo. Coram eodem Sanctissimo P. N. præsentibus, beneque audientibus, & intelligentibus Eminentissimis, & Reverendissimis P. P. S. R. E. Cardinalibus Chisio, de Alteriis, Carpineo, Columna, Nerlio, Casanate, Marefcotto, Capisucco, de Lauræa, Panciatico, Astallio, & Albano ad id specialiter jussu Sanctitatis suæ convocatis, & congregatis, in nostrorum infrascriptorum ejusdem sanctitatis suæ, & S. Sedis Apostolicæ Protonotariorum de numero Participantium, Testiumque infrascriptorum præsentia, Eminentissimus, & Reverendissimus P. Cardinalis Albanus brevium

um secretorum sanctitatis suæ Secretarius
alta, & intelligibili voce, per extensum;
ac de verbo ad verbum, prout jacet, legit;
& publicavit mandante eodem SS. P. N.
supradictum breve. Post cujus lectionem i-
dem SS. P. N. dixit, & declaravit, se us-
que, & sub die quarta Augusti proxime
præteriti subsignasse minutam originalem
dicti brevis, ejusque publicationem hodie-
na die ut supra fieri mandavit. Super qui-
bus omnibus, & singulis incontinenti ab
eodem Eminentissimo P. Cardinale Alba-
no nomine Sanctitatis suæ nobis fuit injun-
ctum, ut unum, seu plura publicum, seu
publica conficeremus, atque traderemus In-
strumentum, & Instrumenta, prout opus
fuerit, & requisiti erimus; non solum præ-
misso, sed & omni alio meliori modo. Ac-
tum Romæ in Palatio Apostolico Quiri-
nali in Cubiculo Sanctitatis suæ, præsentibus
ibidem Illustrissimis, & Reverendissimis
PP. Petro Dragho Bartolo Patriarcha Ale-
xandrino Præfecto cubiculi ejusdem San-
ctitatis suæ, & Marcello de Aste utriusque
Signaturæ Referendario, ipsius SS. P. N. Au-
ditore testibus ad præmissa omnia, & singu-
la vocatis, habitis specialiter, atque rogatis.

Ego Camillus Cellesius Protonotarius A-
postolicus de numero participantium de
præmissis rogatus præsens Instrumentum
subscripti, & publicavi. In fidem &c.

Ego Prosper Costagutus Protonotarius Apostolicus de numero Participantium de præmissis rogatus præsens Instrumentum subscripsi, & publicavi. In fidem &c.

Rome, Typis Reverendæ Camere Apostolicæ MDCXCI.

L I T E R Æ L U D O V I C I X I V .

R E G I S G A L L I Æ

Ad Pontificem Innocentium XII. Idiomate
Gallico conscriptæ

T R E S S A I N T P E R E .

J Ay toujours beaucoup esperé de l' elevation de Votre Sainteté au Pontificat , pour l'avantage de l'Eglise & l'avancement de nostre Sainte Religion . I'en reconnois presentement les effets avec beaucoup de joie dans tout ce que V. S. à executé de grand & d'avantageux pour le bien de l'un & de l'autre . Cela redouble mon respect filial pour Votre Sainteté . Et parce que je tach de lui témoigner par les preuves les plus fortes dont je suis capable , que je suis bien aise de faire scavoir a V. S. que j'ai donné les ordres necessaires , afin que les affaires contenuës dans mon edit du 2. de Mars 1682. concernant la declaration faite par le Clergé du Roiaume (a quoi les conjunctures d'alors m'avoient obligé) n'avoient point de suite . Et comme je souhai-

te

te non seulement que V. S. soit informée de mes sentimens, mais aussi que tout le monde scache par un témoignage public la veneration, quæ j'ai pour les grandes & saintes qualitez; je ne doute pas aussi que V. S. n'y reponde par routes sortes de preuves & de temoignages de son affection paternelle envers moi. Cependant je prie Dieu, qu'il conserve V. S. heureusement pendant plusieurs années.

F I N I S.

Errata

Corrige.

- pag. 5. l. 1. cum ~~quod~~ **eum**
6. l. 26. ne deficeret : **ne deficeret**
30. l. 21. P. Bernardus **D. Bernardus**
31. l. 6. præcinde **præcide**
34. l. 29. codibendo **cohibendo**
39. l. 16. persona **persona**
40. l. 27. quia B. Petro **quia a B. Petro**
53. l. 2. tenet **ro**
54. l. 7. Linus, est &c. **Linus &c.**
- l. 23. dimissio **dimissio**
55. l. 25. invitat **invite**
72. l. 3. facta credimus **facta legimus, non, idco**
etiam **quia facta credimus,**
etiam
76. l. 13. ferens **ferens**
80. l. 2. subscribendum **subscribendum**
100. l. 14. Egyptum **Egyptum**
110. l. 27. confuta **confuta**
120. l. 21. nusperit **nusperit**
122. l. 20. obprobrium **opprobrium**
157. l. 4. illi visibile, **illis visibile, hujus invi-**
huic invisibile **sibile**
161. l. 4. a Pontific **a Pontifice**
184. l. 25. veritati **veritate**
188. l. 2. exaggerant **exaggerant**
194. l. 16. consilis **consilis**
200. l. 6. Itaque **Itaque**
202. l. 8. infatigabiles **infatigabiles**
203. l. 6. consultario **consultatio**
- l. 23. censere **censuere**
206. l. 16. recurrunt **recurrunt**
208. l. 9. diligentia **diligentia**
- l. 30. Vicario **Nicæo**
209. l. 22. manifestate **manifestata**
- l. 25. consolatia **consultatio**
210. l. 3. ctedeatur **credatur**
212. l. 2. controversis **controversiis**

213. l. 29. venians	veniam
215. l. 30. santa	sancta
216. l. 3. suffecisse	suffecisse
219. l. 17. splendidus	splendidus
223. l. 16. It	Ita
226. l. 11. addi	addit
228. l. 24. aut	ait
264. l. 18. b ipsa	ab ipsa
271. l. 8. despicientes	despicientes
l. 30. omnipontentia	omnipotentia
282. l. 7. discendi	discedendū
293. l. 8. Constat	Constat
294. l. 18. nemine	a nemine
296. l. 26. Prius	Pius
304. l. 13. rum	tum
305. l. 17. calco	calculo
307. l. 11. inhæredo	inhærendo
308. l. 4. Adversariis	Adversariis
339. l. 22. potere	petere
356. l. 4. exstans	exstans
360. l. 27. schismate	schismate
364. l. 19. Princeps	Princeps
l. 30. fortia	fortius
369. l. 28. Hæc	Hæc
371. l. 12. mirare	mirari
373. l. 10. que	quæ
391. l. 22. subsellis	subsellis
406. l. 28. devincti	devincti
408. l. 14. cælesti	cælestis
409. l. 29. libellus	libellus
412. l. 7. inusta	inusta
417. l. 6. coacti	coacti
424. l. 10. Sede	Sedes
l. 16. meruit	meruit
426. l. 22. noxam	noxam
429. l. 16. ammittere	amittere
433. l. 20. conterendos, ad	ad conterendos









